

大中華山西省地理志

大中華山西省地理志序

民國八年十月。各省教育會。諸君子集於并垣。會議全國學校事。一時通才碩彥接踵而來。福建林君奎騰與焉。君宏覽多聞。有志之士也。平生足跡所經。於其山川形勝。民風物產。詳稽而博考。每至一省。必成一志。游晉未久。又成山西地理志。蓋據晉省通志。府縣志。調查冊。鄉土記。及近日新政諸載籍彙集而成者。既卒業。以其自序與凡例見示。屬爲之序。嘗考周官大宗伯所屬。外史掌四方之志。小史掌邦國之志。形方掌邦國之地域。而正其封疆。山師。川師。各掌山林川澤之名。辨其物與其利害。原師掌四方之地名。辨其邱陵墳衍原隰。惟職掌有專責。斯簡冊特精詳。古聖人體國經野。其詳如此。後世州縣紀載。並無專官典守之義。闕焉不講。卽或百年數十年。一修志乘。而采訪未盡。實體例未盡。當精覈者少。猥濫者多。且非家有其書。人人得以涉獵。鄉曲咕嗶之士。固未嘗肄業及之也。自學堂改制以來。教科有地理專課。莘莘學子。始各從事於鄉土之志。統計之學。君乃躬至各省會。將以次編訂全省地理志。期於一一成書。用宏教授。於是經年跋涉。矻矻孜孜。又得同懷諸弟爲之助。數年以來。先後成京師。京兆。暨江浙。

贛。皖。鄂。閩。諸志。今續纂山西志成。其凡例云。本篇分一百六十章。程度如中學師範教科書。每星期加課一小時。四年可畢。君嘉惠後學之心。如饑渴之於食飲。若有不能自。已者。再越一二年。全國諸行省地志之成。可決也。荀子云。其爲人也多暇日者。其過人。不遠矣。君之鮮暇如是。旣佩其勤。益服其敏。卽於此見志趣之過人。而三晉士林所獲。益於君之沾丐者。不誠大且遠哉。

民國八年十一月五臺閻錫山序

(要 四 德 民)

信

實

進取

愛羣

大中華山西省地理志序

古稱研京十年。鍊都一紀。前人之屬筆。固若是之慎乎。夫三都兩京之作。沈博絕麗。固已極洋洋之大觀。非排比聲韻以出之。即使工妙殊倫。亦不過雕蟲之技而止。然猶如此其慎者。蓋將以述朝廟之創制。臚鄉曲之土風。驗閭閻之蕃庶。侈物產之豐饒。當取材之未備。則惟患其不多。比儲材之既富。又深虞其不確。非獨勤於考求。而亦自精於別擇。方左太冲構思之始。蕩澗之中。日置紙筆。不知其意者。鮮不以爲過勞。然彼固甚愛其徵信之難。而非懼其文之不華妙也。是則所謂十年一紀。他人固以爲賒。而自作者。視之不轉覺其促乎。閔侯林君奎騰。蘊蓄宏深。著述繁博。而近來心方之所萃。尤在於大中華地理志一書。其分纂於他省者。若何精博。吾固不敢知。己卽如吾晉地志。自橐筆而來。泊成書而去。厥事之速。曾不踰月。有前人之精。而歷時則不似前人之久。技至於此。何其神歟。是役也。璣會命本校諸生。畧撫鄉里。舊聞以供甄擇。而竟謬承獎借。謂得力於此。本者實多。璞之不爲。何敢有所補益。第以生長是邦。訪獻徵文。見聞較確。他日尙欲認蹠州。昔問之作。爰爲成帙。進質高賢。恐需以十年一紀之期。猶難訖事。

林君於此。庶有其有以詔我乎。謹於地志發刊之始。略貢獻。倘得更承提示。請即以
此為之券云。

民國八年十一月雁門張璞序於山西第一中學校。

第

一 岩石數十種

礦質數百種

研究鄉土者七百餘人

分纂者地方志者七十二縣

誦習本省地志者四百家

特有窰房鞏固用石不用木

職教員盡心管教

中 學 成 績 展 覽 (品

學生無無益之遊戲

奎 騰 倚 裝 補 白

大中華山西省地理志序

閩侯林先生奎騰。數稔以還。發起編輯大中華地理志。今江浙贛皖楚閩京師京兆等志。既已出版。上月抵晉。又輯山西省將成矣。屬余序之。余因有感。

今春來晉。承乏大學講席。本擬自編省志。稍盡國民之責。因有三難。遂弗果成。一即余著世界近時外交史及歐洲近世文學史。無暇及此。二即作地理志。對於山河物產道路交通古蹟名勝等類。均須調查。不然亦須多讀省郡縣志。余更無暇及此。三山西省志不同他省。兩稔以還。百川督軍勵精圖治。中央稱賞。推爲模範。各省人士。咸欲悉其政治實情。作地志者。必於一切施設。詳細敘述。始不負人望。余不敏。適茲數月。所往還者。不過二三學者。政治人才。概無過從。故對其內容。知之弗詳。即欲敘述。殊難著手。上述三困難。在林先生專作地理而抵晉以來。各界均有往還。當然不成問題。原稿雖未及見。然確信所陳三要。林先生必能作到也。往者林先生京師志成。余既序之。今更叙茲編。自知謏陋。是書價值。絕不以余言爲輕重。用是余於對山西志之觀念。於此以待評鑒。邇後山西政治實況。輸於娘子關。外俾人人咸知。是林先生最大之力。亦余所難。

能之事也。是爲序。

民國八年十一月十五日陽原李泰彙序于國立山西大學

林傳濤曰。中國地學會同人之修大中華地理志。原擬每縣推一人負責。分纂一千八百四十四縣之志。京兆京師各省區蒙藏。各推一人負責。分纂省區各志。全國人士贊成者極多。均列名前三年地學雜誌中。一誤於中華書局招股失信。幾於中輟。再誤於京師各省。有職務者太忙。無職務者又莫能立志。且政局不定。學潮軒起。當此時無肯以暑假光陰。調查鄉土者。伯兄持以毅力。無論身外如何紛擾。而心境泰然。京師京兆志以成。傳濤亦於此時。分纂福建志。校印湖北志。一誠所感。故鄉父老。海內同胞。多助力也。今分纂河南志。因長兄督促。山東直隸兩志。須早日回京。所有山西志發行事。招傳濤承辦。山西各校。一致進行。觀光之餘。無任忻羨。將徧告中原人士。努力自省焉。

勤

慎

有恒

大中華山西省地理志序

至聖二千四百七十年。大成節前四日。吾師閩侯林先生來晉。次洗心社。蒐纂大中華山西省地理志。閱四來復書成。授讀之。命爲序。其中位置沿革山川物產政治學術。載之甚詳。誠今者之寶書。何敢有所復贊。其於歷代賢哲釣遊之地。殘山賸水。尤津津樂道。多載顧氏亭林。及近世地理家所未及。以是知先生之用心遠。而警覺當世者深矣。在昔項羽劉淵李密之徒。草澤掘起。善戰自雄。平生攻取戰勝。傳檄日下。數十城。爲已有。及其衰也。身敗名裂。莽莽神州。轉少容身之地。秦漢而還。統一海內。成帝業。傳子孫。專制往往數百載。有土有人。如此其久。然今覽其故宮陵寢。荒煙野蔓。破瓦頽垣。牧童樵叟。歌吟其上。又孰知其爲何代何帝何王之姓氏。河山大地。終古悠悠。何有于彼。何有于彼哉。夫黃帝堯舜禹湯生長晉地。平陽蒲坂。鳴條安邑。舊址迄今。歷歷猶存。宜矣。孔子至晉臨河而返。史乘昭然。聖蹟當依稀髣髴。無可稱道。然而夫子嶺聖人山。孔子岩孔子洞。孔村孔峪孔家坡。類如此者。幾遍太行龍門。普天之下。一邱一壑。不歸之于至聖。似不足以表其尊親愛慕。蓋好惡是非。無賢不肖。文野直道。依然三代古之君

子隱居求志。含菽溫絮。環堵蕭然。而俯仰晏如。豈真有所矯哉。歐美之於聖彼得堡。華盛頓哥倫布諸城。至其地者。憑弔歎。莫不留不盡。高深。中國之孔林岳邱。以及歷代賢哲故居舊里。西人入其中。亦未嘗不摩挲禮器。下拜荒祠。至誠所格。萬古長春。又以見東海西海。好惡之大同。晚近學者。或有仰止他山。罔知所返。而齊州舊物等間視之。顧赧然不敢尊道。其亦讀此編。應恍然有所遐思乎。抑又有言者。此編大都晉地已往之迹。今是邦執政與民更始。興學術。明政刑。孜孜唯日不足行。以健而貞。以恒。他日地道改觀。數十年數千百年後。遊其間者。見某城某處。曰某先生講學之鄉。某都某邑。曰某先生自省洗心之地。某某邑某山某水某村某廓。皆某代某時某某先生。繼某先生講學自省洗心之間。果是然則中國區區目前之阨。轉瞬皆成往事。春秋大一統。昇平太平之世。與時遞進。物阜民康。品類繁庶。鸞湖鹿洞。龍場勝地。又將普遍海內。其時與志續紀。必大有以補今先生之未逮。實亦先生來遊此邦之微意。而惓惓深望者歟。

受業柯璜謹序

大中華山西省地理志序

往者余讀書江戶。暇時偶至坊肆。見售有吾國之漢口天津湖南四川廣東等志。及蘇浙小觀山東富源蒙古土產東蒙游記新疆探險記等書。購而閱之。則係日人之游探我國者。足跡所至。筆記於冊。積久而成帙也。繼又閱其所纂之支那經濟全書約十餘冊。其於我國之社會風習。經濟狀況。若數家珍。最近則又出其所謂支那分省全誌。每省各成一冊。冊各數百頁。或千餘頁不等。較前所見各單行本。更加詳備。余於是甚驚。日人對於我國搜探之勤。而用意深也。丙辰夏秋之間。余偕一韓人。自馬關渡對馬海峽。縱覽釜山漢城仁川平壤各地。所至之處。無不有日人所著之游記指南地圖寫真。足供游人之參攷。及入國境。所至如安東鳳凰瀋陽山海關天津等處。求參攷之藉於吾國書肆。幾不可得。縱有亦數十年前之古本或舊圖已耳。轉而索之日肆。則皆有其地之地圖游記指南寫真等多種。且月出南滿洲旅行指南一冊。並談及吾關內交通焉。吾於此益驚日人搜探之勤。用意之深。而悲吾國人之不學也。客歲夏。余又自江戶返滬。以湘亂不得歸。避居杭州。讀書孤山寺中。晤閩侯林奎騰先生於西湖圖書館。其

時先生方纂大中華浙江省地理志。談次且自矢宏願。成大中華二十二行省地理志。余甚偉之。今年秋。余以山西友人馬君鶴天之約來太原。於國慶紀念後二日。又晤林先生於山西圖書館。蓋相別僅一年有三月也。而林子於此一年三月之中。足跡遍七八行省。手纂大中華浙江江蘇江西安徽福建湖北師京兆地理志八部。都已出版。可謂神速而勞瘁矣。十一月十一日。林子纂大中華山西省地理志又脫稿。索序於余。余因早歲在東之所見。及滿鮮道中之感觸。數年不快於心者。覩林子之所爲。而神志爲之一壯。蓋吾國近來編纂地理志者。多憑藉譯本。或得自報章。未有能親歷各省。逢人便問。孳孳懇懇如林先牛者。且藉此告吾儕青年曰。毋徒侈談愛國。毋徒空言國恥。爲一國之民。須亟求所以知一國之事。亟求所以知一省一縣之事。是謂之眞愛國。爲一國之民。而不自求知一國之事。不自求知一省一縣之事。而坐聽外人之游探撮影著述。我徒取其陳本而譯之曰。此卽我之所學。是謂之眞國恥。苦林先生者。其眞知愛國。其眞知國恥者哉。是爲序。

大中華民國八年十一月。

石門申文龍。序於太原國民師範學校。

大中華山西省地理志序

曩在日京。見東人之對於吾國分省地誌。以及關於各地之調查記載。不下百十種。其巨者達數百萬言。凡各地之物產。風俗。山川。交通。下至產物之價值。居民生活之狀況。無不瑣錄詳述。求之吾國類此之出版物。則不一觀。在東人固因欲悉吾之肥瘠。乘機以宰割吸吮。故日京有東亞同文會調查編纂部。專以調查吾國各地狀況。編纂之以供其國人研究。起羨豔之慾望。定下手之方法。而負此調查之任者。爲在上海所設東亞同文學院之學生。此等學生。於每歲假期。服吾國服。言吾國言。以深入吾國各地。逢人便問。隨地詳查。於是深山幽谷。窮鄉僻壤之微情瑣故。無不爲其日記冊中搜得之材料。乃吾國人對於關係尤切之本國本省本縣本鄉各地理。反無人肯奔走。調查爲詳確之記錄。以發表者。于以知吾國人務高遠而忽切近之弱點。無處不足表現。所謂博學之士。卽以世界地理。或侃侃而談。若本國本省本縣本鄉之情勢。則無一能知之了了言之鑿鑿者。以視東人爲侵略心所趨之熱心苦行。與西人之以鄉土誌爲兒童初入校之教材者。其相去誠不可以道里計。每慨痛之。去歲在滬上。主撰救國日報。得

識奎騰先生。以編纂各省地理志爲職志。並告余以明歲十月當成山西地理志。余甚偉之。今歲返省。主國民師範學校教務。又遇先生于全國教育會聯合會。知母省之百五縣情勢。果將有一系統的記載誕生也。繼過其居所。則見手不停書。口不停問。匝月而晉誌脫稿。姑無論記載之詳確與否。求如先生之立志必行動勞迅速者。今日吾國中能有幾人。且半歲之中。東奔西馳。成安徽。福建。京師。京兆。湖北。山西地理志。凡六。亦豈尋常人所可及。十一月十一日。臨余校爲諸生講演。並索序於余。因書感想之所及者。並希望吾晉人士。更加以增補修正。且繼成百五縣之縣地理志。則先生之志益不虛矣。

中華民國八年十一月二十日馬鳴鸞

大中華山西省地理志自序

閩侯林傳甲撰

至聖紀元二千四百七十年仲秋上丁後。全國教育會聯合會。各省代表會。於山西爲大中華民國八年國慶之紀念。是日也。傳甲在中國地學會舉行十年紀念。又因同年教育部代理部務傅治薌次長。八年八月八日之約。王大京兆之約。大中華京兆地理志定於十月十日出版。勉力踐言。舍弟傳濤赴武昌校印大中華湖北省地理志。亦同時出版。在京及門五千餘人。彙成京師街巷記二十冊。亦先印成一冊。中國地學會推仲弟傳樹分纂京兆二十縣志。季弟傳臺分纂東三省志。惟五弟傳樞在原籍發行福建志。以研鄉土實用。遂於國慶之次日。取道京漢。十二日至太原。承省教育會議會農會之歡迎。憶上年在上海全國教育會聯合會與各代表宣言。今年必到勉力踐言。但上年大中華地理志始成江浙兩省。今年負軼請正者。又刊有嶺皖閩鄂京師京兆六編。夫有言必踐。昭其信而已。各省地理必躬至各省編纂。昭其實而已。謹遵先妣遺訓。到處是學。逢人可問。進取而已。聯合本縣人志本縣。聯合本省人志本省。則愛羣而已。五臺閻公以民德四要立教。傳甲入境則先自省焉。茲會羣賢畢至。京師陳寶泉京兆

孫壯江蘇沈恩孚浙江經亨頤江西符鼎升皆贊助大中華地理志之良友門人安徽教育廳長董嘉會聞傳甲卒祇謁於旅次執弟子最恭傳甲督責安徽六十縣地理志之分纂亦最嚴黑龍江門人王福維請業則責以自省教以勸導失學人民識字奉大李樹滋雲南丁其彥皆昔日大學高材別十五年而益勵以進德修業自地方自覺始山西本堯舜宅都舊地立教之早道在精一孔門子貢氏之儒術一貫之傳孟子所謂孔子身大成即是國體之共和教育之聯合一也者匹夫之責耳貫也者即所謂集也苟能集則必入必成可共可聯可合門人柯璜教授山西大學管理博物圖書館搜集各縣志徵求鄉土標本繁多調查材料實在三年之前今又下榻於洗心社依文廟而講學焉第一中學張玉初校長督全校七百人述鄉土記一日可敵兩年全晉官師匡助調查此志不過兩月彙成實集數千百人而成也傳甲受山西之教育多矣教育會長馮君司直張君秀升延之賓席不徒山西志藉以成山東老友郭葆珍賈迺寬督傳甲益亟廣泉葉譽邁廣西葉光疊湖南方克剛甘肅王天柱河南何日章熱河宣本榮綏遠榮祥任秉鈞察哈爾吳德鎮亦毅然以調查自任傳甲將繼茲志以進焉

大中華山西省地理志凡例

- 一本編依京師京兆各省地理志通例計分一百六十章。程度如中學師範教科書。每星期加課一小時。四年教授可畢。勻配教材。不繁不簡。與江浙各省畧同。
- 一本編注重民生實業。凡水利蠶桑種樹各大政。以及種棉牧畜各事。皆根據官書實業廳各學校徵集礦質。皆直觀實物。比通志尤詳。足資專門實業學校之研究。
- 一本編政治地理。如禁煙。天足。剪髮。皆實政在民。根據本省單行規程。財政出入之數。則根據省議會議決案。法政員生。亦資參考。軍警關係地理者。必據官書考證。
- 一本編於山西人民須知。村長副須知。自治要項。散見各章。凡小學教員。均宜注意。以膺迪公民常識。小學教員能周知全省。於本縣本城鎮鄉。必能注意。
- 一本編於地方志。根據各府縣志。及學生最近之調查。各縣職教員之修正。物產鄉鎮交通各節。多爲舊志所未備。政教日新。歲有進步。敬俟再版修正。益復精詳。
- 一本編專言地理。應別撰山西鄉賢傳。以課修身。山西文學史。以課國文。山西列女傳。以課女學。山西博物志。以課理科。願山西鴻碩。分纂山西百科全書。

本編既志全省。以課中等學校。百五縣當每縣編成地理志。以課小學。共百有五册。在本縣爲教科。在他縣爲參考。

本編地方志各縣人口。皆依統計載入。與福建志同。面積之數。耕地之數。則各省調查無此詳明。惟各縣地多畸零。且有插花地。疆里確數。須經實測。然後可定。舉廣袤最多之數。乘得方里。恒大於實在方里。是以據各縣志廣袤里數。與面積並列之。以便核計。

附印刷發行簡章

是編繼京兆志出版。亦印刷二千册。在晉發行。附印二百册。爲贈送全國之用。是編准於十一月一日開印。每日定印八章。廿五日裝訂。樣本廿六七八日發行。是編照京師各省定價二元。豫約減半。各團體購百册。照九折。二百册。照八折。是編照蘇贛辦法。不用豫約券。各校學生交款。由本校彙付總數。書成送校分發。豫備超過二千以上。所有再版權利。照江浙皖公之省教育會享有版權。各署各校各縣。豫約款項。請於十一月十五以前。交帽兒巷金聲永館。先取收證。

大中華山西省地理志採用書目

- 山西通志 山西公報 山西省議會議決案 山西民事行政單行規程摘要
山西省各縣渠道表 山西林業逐年進行計畫案 山西棉業逐年進行計畫案
山西全省警察計畫 山西軍政單行法規 山西單行法規摘要 人民須知
山西用民政治述要 蠶業淺說 村^長須知 軍事問答 袁次長講演詞
涉外事項討論會遵議四項問題 山西日報 并州新報 來復報 唐風報
山西地理 山西地理之研究 山西農務公牘 山西學務彙編 晉政輯要
山西志輯要 山西石刻叢書 河東鹽法志 山西地圖 晉陽明備錄
山西第一次實業展覽會報告書 太原電話局號名簿 晉陽報 宗聖彙誌
山西教育 山西模範示教雜誌 山西營業必讀 一統志 中國形勢圖
山西教育公報 山西軍事雜誌 天下郡國利病書 讀史方輿紀要
山西省第一次教育統計圖表 小方壺齋輿地叢鈔 地學雜誌 政府公報
山西商業雜誌 山西農會報 山西區行政雜誌 水道提綱 萬山綱目

陽高縣志 天鎮縣志 山陰縣志 懷仁縣志 昔陽縣志 崞縣續志

五臺縣志 廣寧縣志 大同府志 靈陽縣志 鄉寧縣志 臨汾縣志

汾西縣志 繁峙縣志 浮山縣志 曲沃縣志 翼城縣志 隰縣志 祁縣志

太平縣志 寧武府志 安澤縣志 河津縣志 太原縣志 靈邱縣補志

榆次縣志 汾陽縣志 太谷縣志 孝義縣志 潞城縣志 吉縣志 臨縣志

屯留縣志 襄垣縣志 長治縣志 壺關縣志 武鄉縣志 夏縣志 忻州志

沁水縣志 稷山縣志 澤州府志 洪洞縣志 安邑縣志 運司志 運城志

介休縣志 應州續志 渾源州志 平陽府志 平定州志 霍州志 代州志

蒲州府志 朔州志 清涼山志 馬首農言 赤幟篇

傳甲周游所至。恆審視各省圖書館。西湖文淵。南京龍蟠。南昌百花洲。皆三閱月

編印一省志。編輯至少四十日。今山西文廟圖書館於國慶前一日成立。傳甲於

國慶後二日至此。肄業一月。全編百六十章完卷。時在十一月十一日也。校印甫

三分之一。京函敦促。續假屆滿。督工速印。計日成書。將次及燕齊豫焉。

大中華山西省地理志目錄

閩侯 林傳甲 李雲 初纂

第一篇 總論

第一章 山西之名義

第二篇 位置

第二章 山西之緯度

第三章 山西之經度

第四章 山西之東界

第五章 山西之南界

第六章 山西之西界

第七章 山西之北界

第三篇 地文地理

第八章 山西雷首山脈

第九章

山西王屋山脈

第十章

山西太行山脈

第十一章

山西霍嶽山脈

第十二章

山西梁岐山脈

第十三章

山西五臺山脈

第十四章

山西恒嶽山脈

第十五章

山西之黃河

第十六章

山西之汾水

第十七章

山西之沁水

第十八章

山西入河諸水

第十九章

山西之漳河及衛河

第二十章

山西之滹沱

第二十一章

山西之桑乾河

第二十二章 山西之鹽池

第二十三章 山西之地質

第二十四章 山西之水泉

第二十五章 山西之氣候風向雨雪量

第二十六章 山西之礦物

第二十七章 山西之植物

第二十八章 山西之動物

第四篇 人文地理

第二十九章 山西之種族

第三十章 山西之言語

第三十一章 山西之衣食住

第三十二章 山西之孔教

第三十三章 山西之佛教

第三十四章 山西之回教及雜教

第三十五章 山西之耶教

第三十六章 山西之風俗

第三十七章 山西之省議會

第三十八章 山西省行政

第三十九章 山西道行政

第四十章 山西縣行政

第四十一章 山西城鄉自治行政

第四十二章 山西軍政

第四十三章 山西警察

第四十四章 山西財政之預算

第四十五章 山西稅釐

第四十六章 山西普通教育

第四十七章 山西專門教育

第四十八章 山西農業

第四十九章 山西工業

第五十章 山西商業

第五十一章 山西公司

第五十二章 山西鐵路

第五十三章 山西道路

第五十四章 山西電政

第五十五章 山西郵政

第五篇 地方志

第五十六章 陽曲縣

第五十七章 太原縣

第五十八章 榆次縣

第五十九章 太谷縣

第六十章 祁縣

第六十一章 交城縣

第六十二章 文水縣

第六十三章 嵐縣

第六十四章 興縣

第六十五章 徐溝縣

第六十六章 清源縣

第六十七章 岢嵐縣

第六十八章 汾陽縣

第六十九章 孝義縣

第七十章 平遙縣

第七十一章 介休縣

第七十二章 石樓縣

第七十三章 臨縣

第七十四章 中陽縣 原名寧鄉縣

第七十五章 離石縣 原名永寧州

第七十六章 方山縣 離石析置

第七十七章 長治縣

第七十八章 長子縣

第七十九章 屯留縣

第八十章 襄垣縣

第八十一章 潞城縣

第八十二章 平順縣

第八十三章 壺關縣

第八十四章 黎城縣

第八十五章 晉城縣原名鳳臺縣

第八十六章 高平縣

第八十七章 陽城縣

第八十八章 陵川縣

第八十九章 沁水縣

第九十章 遼縣原名遼州直隸州

第九十一章 和順縣

第九十二章 榆社縣

第九十三章 沁縣原名沁州直隸州

第九十四章 沁源縣

第九十五章 武鄉縣

第九十六章 平定縣原名平定直隸州

第九十七章 昔陽縣原名樂平縣

第九十八章 孟縣

第九十九章 壽陽縣 以上冀寧道

第一百章 大同縣

第一百零一章 代縣

第一百零二章 懷仁縣

第一百零三章 山陰縣

第一百零四章 陽高縣

第一百零五章 天鎮縣

第一百零六章 廣靈縣

第一百零七章 靈邱縣

第一百零八章 渾源縣 原名渾源州

第一百零九章 應縣 原名應州

第一百一十章 右玉縣

第一百一十一章 左雲縣

第一百一十二章 平魯縣

第一百一十三章 朔縣原名朔州

第一百一十四章 寧武縣

第一百一十五章 偏關縣

第一百一十六章 神池縣

第一百一十七章 五寨縣

第一百一十八章 忻縣原名忻州直隸州

第一百一十九章 定襄縣

第一百二十章 靜樂縣

第一百二十一章 五臺縣

第一百二十二章 崞縣

第一百二十三章 繁峙縣

第二百二十四章 保德縣原名保德直隸州

第二百二十五章 河曲縣以上雁門道

第二百二十六章 安邑縣

第二百二十七章 臨汾縣

第二百二十八章 洪洞縣

第二百二十九章 浮山縣

第二百三十章 鄉寧縣

第二百三十一章 安澤縣原名岳陽縣

第二百三十二章 曲沃縣

第二百三十三章 翼城縣

第二百三十四章 汾城縣原名太平縣

第二百三十五章 襄陵縣

第二百三十六章 吉縣原名吉州

第三百三十七章 永濟縣

第三百三十八章 臨晉縣

第三百三十九章 虞鄉縣

第三百四十章 榮河縣

第三百四十一章 萬泉縣

第三百四十二章 猗氏縣

第三百四十三章 解縣原名解州直隸州

第三百四十四章 夏縣

第三百四十五章 平陸縣

第三百四十六章 芮城縣

第三百四十七章 新絳縣原名絳州直隸州

第三百四十八章 垣曲縣

第三百四十九章 聞喜縣

第一百五十章 絳縣

第一百五十一章 稷山縣

第一百五十二章 河津縣

第一百五十三章 霍縣

第一百五十四章 汾西縣

第一百五十五章 靈石縣

第一百五十六章 趙城縣

第一百五十七章 隰縣原名隰州直隸州

第一百五十八章 大寧縣

第一百五十九章 蒲縣

第一百六十章 永和縣以上河東道

附山西三道百五縣歌

○○大中華地理志出版部

京師琉璃廠武學書館總發行 每冊定價貳元

大中華浙江省地理志 民國七年七月七日出版

杭縣浙江印刷公司初版

大中華江蘇省地理志 十月十日出版

上海商務印書館 初版

大中華江西省地理志 冬至日出版

南昌裕成印刷公司初版

大中華安徽省地理志 民國八年六月二十日出版

京師中華印刷局 初版

大中華福建省地理志 七月十五日出版

福州福建印刷所 初版

大中華京師地理志 八月八日出版

京師中華印刷局 初版

大中華京兆地理志 十月十日出版

京師中華印刷局 初版

大中華湖北省地理志 十月十日出版

武昌永盛印刷局 初版

大中華山西省地理志 十一月十五日出版

太原金聲永館 初版

大中華山東省地理志 現已彙編 三年前親往調查。因先編縣志。致省志稽遲。

大中華直隸省地理志 現已分纂 直隸省議會議員蘇莘。已編輯半載有餘。

大中華河南省地理志 現已分纂 河南教育廳通飭調查。第一師範。尤多紀述。

大中華山西省地理志

閻侯 林傳甲 奎雲 初纂

第一篇 總論

第一章 山西之名義大要

山西爲大中華二十二行省之一。以太行山脈之西得名。誦唐人三晉雲山皆北向之詩。是以京師有雲山別墅。爲山西士大夫醜集之所。乘京漢火車南馳。竟日而太行山脈如屏如障如長城大壘。僉曰此山以西爲山西地。自然地理昭示顯著者。惟此山也。文人樂於用別稱。京曹榜門。或自罍山。右公文樂用簡稱。電報函牘。或通用晉省商賈藥用俗稱。票莊錢店。或竟稱老西。夫山西多山。雲山二字。幾爲山西人所專有。惟宜用之於詞藻。山右方向不定。自京南行則山在右。入都北向則山在左矣。不知直稱山西爲確也。晉地廣大。直隸趙北河南梁園皆爲晉地。今以一晉字代山西於義未允。惟沿襲既久。山西人亦口稱晉人。他日全國從多數之公意。定一字爲省名。其必稱晉省也。昔在閉關之時。山西票莊亦曰西莊。或曰稱西幫。自西洋商人侵入西莊。西幫之商業。

多爲外人所奪。夫自京師西山以西望則山西誠中原之西也。昔在漢唐宅都長安。則今日之山西。昔日謂之河東。今則河東但爲一道之名焉。河東鹽運使署。河東樁核分所。皆因鹽池而重焉。今山西習用之又。或稱全省爲全晉。地勢南北延長。是以晉南鎮守使駐臨汾。晉北鎮守使駐大同。爲俗因山西現分三道。遂謂之三晉。然冀寧曾名中路道。而古今來文字流傳罕有稱晉中者。然居晉南晉北之中。有鼎足之勢焉。晉之名盛於春秋。不如太原之名著於禹貢者尤古。今府制雖廢。仍通稱山西省城爲太原。如郵政之設局。鐵路之設站。仍用太原府而未改陽曲縣焉。冀寧遺木禹貢冀州之地。然冀之疆域過大。當十二州之時。山西已析爲并州。是以山西人弔古名。則自署并州。如并州新報之類。是也。統計全省幅員。據最新總圖。面積一百二十九萬七千九百一十四方里。實有地七百萬零零八百三十五頃八十畝。升科熟田不過四十五萬五千九百六十五頃三十七畝五分四釐。其餘六百五十五萬二千七百七十頃零二十二畝四分六釐。多爲曠地。是以山西水利林業棉業逐年進行。已有計畫。礦業之富。尤爲世界重。果力求鄉土實用。山西當卓然爲模範省也。

第二章 山西之緯度

山西之緯度南起北緯三十四度之北而北及於北緯四十度以北當周天六度而強鳥道已長千五百里山水盤紆升降則南北長二千里矣今依緯度序列各縣如左。

三十四度以北

芮城 永濟 平陸 虞鄉

三十五度以北

解縣 安邑 臨晉 猗氏 夏縣 垣曲 榮河 萬泉 聞喜 絳縣

河津 稷山 新絳 曲沃 翼城 沁水 陽城 晉城 陵川 高平

汾城 浮山

三十六度以北

鄉寧 襄陵 壺關 吉縣 臨汾 長治 蒲縣 洪洞 安澤 屯留

潞城 平順 大寧 趙城 沁源 襄垣 黎城 永和 隰縣 汾西

霍縣 靈石 沁縣 武鄉

二十七度以北

石樓 介休 榆社 遼縣 中陽 孝義 平遙 和順 汾陽 祁縣

離石 文水 太谷 交城 太原 徐溝 榆次 昔陽 平定 壽陽

陽曲 方山

三十八度以北

臨縣 孟縣 興縣 嵐縣 靜樂 忻縣 定襄 岢嵐 五臺 崞縣

三十九度以北

代縣 寧武 五寨 保德 神池 繁峙 河曲 朔縣 山陰 應縣

渾源 偏關 平魯 懷仁 廣靈

四十度以北

大同 左雲 右玉 陽高 天鎮

凡緯度不同則氣候寒暑因之各別。山西南北差度最大。晉南近接中原。晉北近接塞外。緯度愈北。晝夜永短之差更大。塞外夏長冬短。不如中原天氣之適中也。

第三章 山西之經度

山西之經度自最東之疆界言之。距京師偏西本不及二度。就縣治言之。皆在偏西二
度以西至偏西六度餘。今依京師中線定經度序列各縣如左。

偏西二度以西

廣靈 靈邱 天鎮 陽高 渾源 昔陽 平定 和順 平順

偏西三度以西

黎城 盂縣 五臺 遼縣 陵川 大同 應縣 繁峙 壽陽 榆社

襄垣 潞城 壺關 懷仁 山陰 代縣 定襄 武鄉 長治 高平

晉城 左雲 朔縣 崞縣 忻縣 陽曲 太谷 沁縣 屯留 長子

陽城

偏西四度以西

右玉 徐溝 寧武 沁源 沁水 平魯 神池 太原 清源 祁縣

靜樂 交城 平遙 文水 介休 安澤 浮山 翼城 垣曲 五寨

崑嵐 嵐縣 汾陽 孝義 靈石 霍縣 趙城 洪洞 臨汾 曲沃

絳縣

偏西五度以西

偏關 汾西 襄陵 河曲 興縣 臨縣 方山 離石 中陽 新絳

聞喜 夏縣 平陸 保德 石樓 隰縣 蒲縣 稷山 萬泉 安邑

永和 大寧 吉縣 鄉寧 河津 猗氏 解縣 萬城

偏西六度以西

虞鄉 臨晉 永濟 榮河

凡經度不同。則節氣之時節亦不同。是以教育部中央觀象臺。頒定歷書。在京省以京師中線為準。各省則按所偏之度。以加減也。山西頒布曆書。節氣時刻。係按陽曲縣治。即省城之度。分各縣與太原經度不同者。亦有微差。山西各縣志。惟新修臨縣志。步天立表。括地成圖。深合天文地理之精義。其他依附星野。侈說祥異者。則通儒所弗道。科學世界所屏除也。

第四章 山西之東界

山西最東靈邱縣東南隅恒山東脈之棒槌谷距京師中線偏西一度四十八分東距直隸深源之畫狐口不及二十里序次本省東界則自此點爲始

靈邱 隘門山卽石門口在縣東南二十里東接深源大路東北有路通蔚縣附近
有鎗嶽嶺直上數十仞鑿壁數十層界於深源義泉嶺稍平慳於水界於蔚縣
繁峙 平刑關縣東自三十里路通直隸阜平一名瓶形雁門內邊牆迤東至此與直隸內邊牆相接處 大寨口亦界上之間道

五臺 長城嶺口大峪口路通直隸阜平縣爲康熙幸五臺御路 青竿嶺通直隸
行唐 黑山桑園通平山直隸各縣朝五臺者亦由之

盂縣 伏馬關在縣東七十里舊名白馬關路通平山 六嶺關在縣東北六十里
唐時並陽成德交兵之地通平山 十八盤關縣東北八十里路通平山
平定 井陘關一名故關路通井陘卽韓信擊趙下井陘口其南三里明人建新關
娘子關在井陘口北十里今正太鐵路鑿隧通之

昔陽 黃沙嶺縣東白廿里。接直隸贊皇界嶺。東爲九龍關。鶴度嶺通直隸內邱。

錦繡堂關與鶴度嶺相聯。

和順 黃榆嶺口在縣東七十里。又東五里。交直隸邢臺界。山勢崎嶇。南有清風帖。

北接馬嶺口。又南有支鍋口。桃樹壩口。

遼縣 黃崖關在縣東一百二十里。十八盤山路通河南武安縣。元之舊關也。一徑

盤旋崎嶇難行。

黎城 壺口故關在縣東北二十八里。路通河南涉縣。山川相錯。地形如壺。春秋齊

伐晉。帶日其南。敗將高幹守此。扼曹操。朱全忠遣驍將葛從周征李克用。皆由此。

平順 桃園梯口東接河南縣。斷金橋一橋僅容一人。曹魏高齊倉屯瓦礫。猶可辨。

誠林縣境內。蟻尖寨。上下水泉數十。可屯萬軍。縣治距梯頭隘八十里。

壺關 羊腸坂在縣東南一百六里。曲盤如腸。三里艱於千里。蔡澤說應侯。決羊腸

之險。塞太行之道。正梯隘路通河南林縣。縣城距林縣界嘴則上村一百五

十里。

第五章 山西之南界

山西最南爲永濟縣南。與陝西潼關相望之風陵渡。北極出地三十四度四十二分。序次本省南界。則至此點止。

陵川 五度嶺在縣南八十里。五度之險。一夫可守。永和隘亦通修武。又名石會關。路。唐李德裕命忠武節度使王宰平澤潞。卽由此進兵焉。

晉城 橫望隘在太行絕頂南俯河南沁陽之碗子城。天井關爲漢馮異攻赤眉之路。柳樹隘在東南八十里。路通清化鎮。今取道者較多。

陽城 韓王頭在縣南八十里。接河南濟源縣界。王屋山脈橫障其南。與濟源之王屋鎮相接。濟源及孟縣溫縣沁陽各山。皆王屋之支系耳。

垣曲 縣城南臨黃河。西有五虎澗渡。今對岸澗池縣。通鐵路。縣南觀下。有濟民渡。砥柱山 在三門東。黃河中流。高數仞。石形如柱。名著禹貢。已交平陸縣界。

三門渡 南曰鬼門。中曰神門。北曰人門。禹鑿以通。故曰三門集津。茅津渡 平陸縣境。晉假途滅虢之路。秦師伐晉。自茅津濟。

平陸 縣南三里。卽至黃河岸。少東距河南陝縣惟五里而已。

太陽渡 在縣西。由縣西南至黃河岸四十里。接河南靈寶縣界。凡四十里。又二十里至靈寶縣城。

芮城 縣南二十里至黃河岸。南接河南閿鄉。

陌底渡 土人名王村曲裏渡。卽古溇津渡也。在縣東南四十里。路通靈寶。

永樂渡 在芮城西。已入永濟縣界。爲赴河南閿鄉縣之要津。

永濟 縣東南百里以外。尙濱黃河。河岸線之延長。莫若蒲坂也。

風陵關 縣南六十五里。黃河北岸趙村。南通澶關。唐大曆初設關。明設巡檢。爲自古用兵形勢之地。

黃河之曲 山西西南二面皆以河爲界。春秋秦晉戰於河曲。蓋必爭之地也。呂

絕秦言入我河曲卽此。北周將攻河陰大城。命隋國公楊堅。廣寧公薛迴。率舟師三萬。自渭入河。亦此地也。二帝三王之際。黃河流域。開中華全國之文明。此其中心點也。今日猶爲晉秦豫三省之交點焉。

第六章 山西之西界

山西最西爲永濟縣。西南黃河折角之澄河渡，在京師中線偏西六度二十一分。今序次山西西界各縣。自此點起。

永濟 大慶關距縣西十里。臨黃河岸。隔岸卽陝西界。距朝邑縣城三十里。西南至華陰。西北至郃陽。大慶關古名蒲津關。卽孟明濟河焚舟處。又名蒲坂關。

臨晉 至西黃河岸夾馬渡。凡四十里。隔岸卽陝西界。距郃陽縣城亦四十里。恒爲中站。吳王寨卽吳王渡。爲韓信渡河擒魏王豹處。

榮河 西至黃河岸只二里。過河卽陝西韓城縣界。茲航渡爲要津。汾陰渡設於金。白馬渡設於元。新渡口則在縣北十里廟前鎮西。

河津 龍門在西北二十五里。兩立壁立。中通河流。形如門闕。西與韓城梁山並峙。禹門渡自元魏唐並設關。廣不過八十步。舟楫一移刻可濟。韓信以木罌渡軍。鄉甯 龍尾磧西百里。黃河中。冬結冰橋。路通陝西韓城。其他香爐崖。師家灘。石鼻崖。李家集。船窩鎮。高石崖。橋子溝。乾柴坡。皆黃河隘口。

吉縣 壺口在縣西北七十里。自高而下。峻如建瓶。洪濤若雷。每年仲冬河冰先結。既堅且厚。車馬無阻。孟門山在黃河中流。烏仁關。平渡關。下臨黃河。並險。大寧 馬鬪關在縣西七十五里。壺口之上游。西臨黃河。對岸即陝西宜川縣地。唐設關。明設舟渡。

永和 永和關在縣西七十里。渡河即陝西延川縣地。有延綏關。又有興德關。鐵羅關。永寧關。皆臨黃河有渡。河中老牛灘。地屬永和。

石樓 辛關渡在縣西七十五里。澗河即陝西清澗縣地。行旅較多。上游有轉角渡。下游有崖頭渡。

中陽 河西界陝西綏德 三交鎮有渡口 菜園溝爲李自成自陝犯晉之路。

離石 河西界陝西吳堡。黃龍津 後河底 軍舖 黑蛇溝 官菜園 青龍渡。

臨縣 磧口爲臨縣門戶。地屬離石。馬家灣。尅虎寨。白道峪。小園渡。路通陝西葭縣。

興縣 河西界陝西府谷縣。津要有三。黑峪口渡 裴家川渡 灘頭渡。

保德 縣西一里。即下園渡。又有東溝渡。故城渡。花園渡。桑園渡。神渡。

第七章 山西之北界

山西最北爲天鎮縣北。突出塞上之平遠口。界察哈爾。北極出地四十度三十七分。東北界直隸。西北界綏遠。皆犬牙相錯。自西而東。序列各縣如左。

西北界綏遠者

河曲 長城與黃河之交。陝西長城之外。卽綏遠區鄂爾多斯蒙古地。前明畏河套如虎。清室相安二百年。今河曲儼然爲漢蒙互市大市場矣。列爲北界之首。偏關 長城東接平魯丫角山。西接河曲河口舖。偏關縣以關爲主。西連黃河一水。關勢東仰西伏。元有偏頭關卽偏頭寨。樓溝老牛灣二堡尤重。

平魯 長城東起大河堡。接右玉。西訖敗虎堡。接偏關。長一百五十里。與綏遠清水河縣分界。其北之和林格爾縣。則與右玉接界。

右玉 長城自殺虎口以西界。於綏遠。其東界察哈爾涼城縣。稅關已東遷豐鎮。正北界察哈爾者

左雲 長城東起拒門堡。西至寧魯堡。有破魯威魯鼎列。助馬保安高山相連。

大同 長城東起鎮川堡。西止拒墻堡。明之鎮虜堡。清改爲鎮魯。及鎮河鎮邊鎮。

川爲四鎮。今京綏鐵路。毀得勝口以出。界於豐鎮。

陽高 長城東起鎮門堡。西止鎮宏堡。有鐵裏門鎮守大鷄鴿口。石人口。鷓窩崖。不懾溝墩。乃陽和衛之界首也。

天鎮 長城東起界牌墩。西止駱駝巖墩。

東北界直隸者

天鎮 永嘉堡。爲京綏鐵路入境東北第一車站。直隸山西分界之處。皆平坦高原。既無長城之界。又無大山之阻。大同宣府。風氣亦少差別焉。接界二縣。

懷安 有南洋河相通。京綏鐵路亦沿河以進。順自然地理也。

陽原 有桑乾河自大同相通。上游水滿。下游水溢。山西直隸。利害共之。

廣靈 直谷口在縣南十五里。兩岸壁立。路通靈邱。其東有直隸蔚縣插入本縣。

東境之地。其北有孔嶺關。宋遼間有壑裔居守。紅沙坡口蔚南山。當前明也。先寇蔚州時。少保于謙增紫荊倒馬屯兵以却之。

第三篇 地文地理

第八章 雷首山脈

雷首山。名始見於禹貢。水經注雷首山臨大河。北去蒲阪三十里。括地志河東雷首山。一名中條。亦名歷山。亦名首陽。山亦名薄山。亦名襄山。亦名甘棗山。亦名渠瀦山。亦名獨頭山。亦名。吳山西起雷首。東至吳坂。凡十二名。夫禹貢山川。但舉其大者。雷首廣大。後人隨地異名。惟中條山尙近於理。在永濟東南十五里。雷首之幹脈也。委蛇而東。直接太行。南跨潞城平陸。北跨臨晉解縣夏縣安邑諸境。凡數百里。主幹巨虞芮之間。餘皆其蟠旋翔薄所及。胡渭云雷首之脈爲中條。東盡於垣曲。王屋在焉。

雷首附近諸山

歷山 各省不下數十。山西亦數處。滹沱之間。陶於河濱。近於虞而近理也。

首陽山 武王渡孟津。夷齊叩馬而諫。則首陽當在河東。洛陽隴西。非其實也。

隔山 湯伐桀。升自隔。平陸之薄山是也。穆天子自河首襄山登薄山是也。

檀首山 山海經始見之。一名檀道山。一名方山。永濟虞鄉之間。迤於芮城。

中條之主幹

第一峯 五老峰之一。在虞鄉南七里。自永濟之草坪頭。東至解縣之紅臉溝。附近近有石錐山。百梯山。百徑山。錦屏山。天柱峯。王官谷。東西二瀑布尤奇。

巫咸谷 中條之大利。在障隔黃河。不能泛濫。侵入鹽池。有分雲嶺爲安邑之保障。分支由青石槽入平陸。吳山傅巖。東迤於夏縣巫咸峪。

界牌嶺 在聞喜與夏縣界上。

橫嶺關 在絳縣聞喜縣界上。

大陰山 中幹北行者爲霍岳山脈。東行者爲王屋山脈。西分絳山一大支。

中條之支脈

絳山 涑水之北。上源高地。涑水汾水分水之脊也。

柏林山 在聞喜西北。交稷山界。

稷山 在稷山縣汾永之南。后稷教稼之地。萬泉境內。亦有稷下山。峨眉嶺。自猗氏綿亘。入臨晉。連於三澗。西南自七級鎮。迤於永濟。

第九章 王屋山脈

禹貢底柱析城。至於王屋。則析城當近於底柱。在王屋之西。今鄆氏地圖析城山在陽城縣東南。王屋山在其西南。未免東西易位。其南有河南之王屋鎮。澤州府志陽城山川析城在縣西南七十里。王屋在縣南百里。先列析城。次列王屋。自西而東。迤然垣曲縣東南之山亦稱王屋。不稱析城。今以王屋山脈括太行以西河北諸山。陽城境內亦有底柱山三峯。非禹貢之底柱也。底柱析城王屋山脈廣遠。豈囿於一縣。砥柱在黃河中流。周召分陝之地。不在山西。然亦山脈過河起伏之地。以此山脈之首。

王屋主峯之所在

王屋之主峯 垣曲東北界嶺見王屋之西。也陽城則見在。南自河南濟源望之。則見其在北。兩省三縣之間。周圍七百餘里。嶺巒異名。其山形如王者車蓋焉。

王屋之絕頂 天壇山突兀高拔。諸山三千里。東曰日精。西曰日華。又名壇屋山。

王屋之羣山 麻嶺山 八仙嶺 九芝嶺 華蓋峰 教山 平山

王屋之名勝 王母洞 仙貓洞 藏花洞 黑龍洞 濟源池 煉丹池

砥柱之來脈

砥柱山 黃河中流。古今不易。自砥柱以北。黃河北岸之山相接。則砥柱或連於河岸。因水激盪而亘於中流。亦由石質堅凝。數千年浪淘不去也。

析城山 陽城境內析城。爲後人附會無疑。析城必在王屋砥柱之圃。大垣曲以垣爲名。卽無異以城爲名也。其西北阜落嶺爲阜落氏所都。周召分陝之地。綿夏如城。當爲古之析城山。北連聳塚山。卽山海經鼓鐘之山也。

王屋山之各支

東支 白雲台自東析城山分支。循沁水南岸。爲河南沁陽武陟各山。

東南支 卽源關迤南。入河南濟源。又東南迤於溫縣。

南支 自王屋山陽。入河南王屋鎮。又沿河迤於孟縣。屹然爲天然堤防。

東北支 白鹿臺山東。分畫山一支。入錫城。東北分阜山一支。入沁水。

北支 聳塚山以北。有諸馮山。有歷山。附屬舜井。聳塚舜王坪。究竟不知誰是也。

礦脈 折腰山銅礦。覆釜山銀穴。早經開採。

第十章 太行山脈

太行山脈綿亘南北。延長八百里而遙。歸然爲河朔屏蔽。西南接砥柱。析城。王屋。蓋華嶽。東趨。由風陵渡河者。其來遠矣。主峯在晉城之南。曰天井關。曰橫望嶺。其支脈分布全省。隨地異名。海內名山。由崑崙而下。當推此山爲第一。括地志稱爲天下之脊。秦漢之際。所指山北。山南。山東。山西。皆指太行而言。自太行入陘。範圍言之。南起河內而北至軍都。非山西一省所能盡。然禹貢既言太行。恒山。則太行名稱。當限於恒嶽以南。同一大脈。而區爲二。直隸人自京漢西望。則恒山五臺皆并於太行。不可不分析也。

山西不以太行爲界。凡直隸河南巨川。導源於山西之東境者。皆太行東麓也。

今編定太行山脈之四至如左

東支 多突出直隸境。如百足之蟲。不計其數。

南支 以晉城之南爲首。直至河南清化鎮。以沁陽衛河之北爲限。

西支 太谷爲太行之谷。出谷而爲太原。即太行西麓。

北支 滹沱以南。其北有五臺。自成一山脈。

太行之分水脊幹脈爲主 各支脈則附著於下

天井關 月院山 天柱峯 橫望嶺 黑石嶺 峽石山 玃山 聖人崖 散布晉城之南

空倉嶺 秦白起詭置倉於此以誘趙括

丹朱嶺 山海經丹林之水 丹源所出 東一大支 在壺關南陵川北 南連馬牢關

發鳩山 淮南子發苞山 山海經漳水所出 羊頭山 神農城 山陰黍白 山陽黍紅

銅鞮山 沁縣沁源之分水嶺 沁縣爲小漳之源 名不副實 銅鞮猶存舊縣之名

伏牛山 南自覆甌山 鐵爐嶺接於銅鞮山

綿山 綿亘介休平遙沁源界上 綿上鎮則在沁源 因介之推而著 連霍岳北脈

馬陵關 汾水漳水分水之脊 東南之要衝 分溫風嶺一支至太谷

八賦嶺 和順榆次太谷三縣之交 遼水上源所出 南分龍青關至壺口關一支

松子嶺 洞渦水 清漳水 桃水分流之脊 陡泉山 石猴嶺 沾嶺 皆其支系

兩嶺山 橫亘正太鐵路之北 桃水與漳沱分水脊也

分水嶺 汾水與漳沱漳水之脊 在省北爲石嶺關

第十一章 霍岳山脈

霍岳一名霍太一名太岳爾雅以爲西南之美周禮冀州山曰霍藪風俗通霍山言萬物霍然大也主峯在霍縣東南二十里。遞高三十里突起百丈盤踞一百七十里。南接趙城北跨靈石東抵沁源皆爲正脈所在。其遠系則南由安澤浮山翼城沁水南接中條王屋兩山脈禹貢所謂壺口雷首至於太岳者蓋一貫矣。北則聯合介休平遙之綿山以接於太行太行之谷焉。霍縣既因山以得名其南安澤舊名岳陽亦以此。今有中鎮祠歷代祭碑在焉關音據謂崧高惟嶽嶽爲太岳周之中岳也。

霍岳王峯附近各山

觀聽峯 在山之西。圓峯突兀。上有鶴掌門。嶺注打鼓泉。下分四峪。千里徑在下。

金鞍嶺 霍縣南十五里。唐太宗息馬處。鑾鈴原在縣南十里。唐太宗掛鈴於樹。

蛤蟆嶺 霍縣東北靈石界。每日莫。羣阜深黑。此嶺獨受返照。青紫萬狀。

回牛嶺 鳳棲嶺 在霍縣北。金時戍卒值候之地也。與北坡相接。

陶唐谷 霍縣東三十里。中有玉泉。唐城附近。爲周厲王流疏之地。

霍山之南脈

趙城之霍山 縣東北三十里。有休糧寺、廣勝寺、五花雙頭蛇、萬年燈、白骨松。

洪洞之霍山 縣東北四十里。蝸口噴吐、鏘鳴吐韻。上有浮屠，高十三級。

安澤之霍山 縣西北九十里。岳陽因此得名。附近靈岩、仙洞、八月凝冰。

沁源之霍山 縣西界爲霍山主峯之麓。支脈有紫金山。

浮山及臨汾 浮山在縣西屬臨汾。東有銀洞山，而橫嶺南連翼城。

翼城及曲沃 烏嶺綿亘翼城東，與滄高山、羊角山相接。曲沃、紫金山南接中條。

沁水之分水脊 沁水、汾水分水之脊，以霍山爲大幹。

霍山之北脈

靈石韓侯嶺 縣東南十八盤山，極陡險。產石膏。北接韓侯嶺，遙接綿山、太行脈。

霍山游覽之要道

香谷口 伏虎巖 中鎮廟 興唐寺 羅漢洞 白骨松 雙門峯 紅巖谷

桃莊谷 洗心泉 葡萄坪 土地嶺 觀音閣 慈雲寺 休糧龕 說法臺

第十二章 梁岐山脈

禹貢治梁及岐。蓋隨山刊木。自冀州始。龍門既鑿。所謂既載壺口也。此梁岐二山。本爲一脈。屹然立於黃河東岸。汾水西岸。爲分水脊。後世於梁山則謂之呂梁。惟交城離石之間。稱之岐山。則謂之狐岐。在汾陽孝義之間。其名尙著。若再南則此山脈延長。直抵河汾交會之間。汾西以南。臨汾襄陵。汾城河津。諸縣不謂之狐岐山。而謂之姑射山。射字。謂數姑射。晉沉於狐岐。舊志多附會列于姑射仙人故事。今日地圖狐岐以南。姑射山脈勢若長蛇。不可易矣。晚近學子不喜讀經。喜閱小說。神仙女子之事。文士有罪焉。呂梁山脈之主峯。

呂梁 離石縣東北百里。交城縣界。盤亘百里。北方山。東有鐵鎚山。繫舟鐵紐。鐵環。猶在一。名骨脊山。爾雅言呂梁晉梁。呂氏春秋龍門未闢。呂梁未鑿。河出孟門之上。蓋當日洪水懷山襄陵時之狀。况蓋自方山以西。臨縣界上。漢島山。霍門嶺。以至黃河濱之磧口。皆爲呂梁之支系。水經所謂呂梁洪壁。立千仞者。在磧口下流。今呂梁久在大陸。距河甚遠。後人所疑呂氏酈氏者。未深思也。

狐岐山脈 比干山自呂梁之南迤爲神頭。白彪、黃芽、郭峪諸山。歷文水、汾陽之西。入孝義境。以接於狐岐山脈。分東支爲介休、西之安寧嶺。西支爲中陽之石門山。石樓之石樓山、永和之永和關、大寨山。正脈南至汾西、風吹嶺。卽改稱姑射山脈。壺口山脈。壺口在大寧、吉縣之間。東進爲放馬嶺。山頭有暖窩。蒲縣南有黑龍關。聯接姑射山脈。

附姑射山脈 北起汾西。南經洪洞、蒲縣之分水嶺。東有金山一支。西分蒲峪一支。至襄陵西北。倉山嶺口。是爲鄂山。屹立乎鄉寧之東南。有三宜峪。至汾城之西境。南至新絳。山勢漸平。自稷山北境界上之馬頭山、河津北境界上之西澗。嶠與龍門山相接。各縣志爭舉一山當姑射之名。以與會列子。其無謂也。

梁山自陝西來脈又一證

陝西韓城之梁山。與黃河岸、河津之龍門山夾峙。本一山脈。而禹鑿之以通河梁。以橋梁爲本義。則應以龍門爲梁。而姑射以北爲岐。文義更順。黃河自北而南山脈。多自南而北矣。

第十三章 五臺山脈

五臺山脈導脈恒嶽連太行八陁。顧祖禹方輿紀要言五臺有四坪。東坪爲無恤臺。即恒山西坪。爲晉臺。山即管涔山。南坪爲繫舟山。北坪爲覆宿山。即夏屋山。四山距五臺甚遠。或斷或連。今定滹沱河三面所環繞者爲五臺山脈。繁峙南之公主山。代縣南之紫金山。崞縣東之五峯山。忻縣東北之界山。定襄北之柏樹嶺。盂縣東北之穿眼山。又東分三支入直隸者。一長城嶺向阜平。一青爭嶺向行唐。一桑園口向靈壽。橫嶺側峯。蜿蜒起伏。峭削如壁。絡繹相連。今隨山水自然。地勢以定。山脈異於清涼山。志杜撰也。

五臺平列之五峯

- | | | | | | | | |
|----|-----|-------|------|--------|----------|--------|-------|
| 東臺 | 望海峯 | 高三十八里 | 頂周三里 | 五更望日 | 十倍車輪 | 下有水光 | 卽東海 |
| 中臺 | 翠巖峯 | 高三十五里 | 頂周五里 | 西北有太華池 | 入滹沱 | 東南有玉華池 | |
| 南臺 | 錦繡峯 | 高三十里 | 頂周二里 | 山多野花 | 有千佛洞 | 七佛巖 | 清涼石九奇 |
| 西臺 | 挂月峯 | 高三十五里 | 頂周二里 | 北有祕覽巖 | 嶺下有文殊洗鉢池 | | |
| 北臺 | 叶斗峯 | 高四十里 | 頂周四里 | 上有黑龍池 | 山半風雲雷雨 | 其上仍晴明 | |

五臺縣附近諸山

慮虎山

縣西北十五里有伏虎泉爲慮虎河發源處

小五臺

縣治附近五山以峯山爲中臺在縣西北二里許山形圓突相屬如珠

天蓬山

縣東十五里一峯獨高上有八腊廟人稱爲小東臺

南神壩

縣南八里兩澗村之前一山特起上有漢文帝廟古松如虬號小南臺

紫羅山

縣西南八里俗稱臺神壩上有驗臺神廟人稱爲小西臺

青山

縣西北十五里北眺五臺南眺滹沱爲近城最高之山人稱爲小北臺

五臺山之有實利者

天貨山

又名天和山縣東北四十里有已開煤窯數十處供附近農民之用山

有龍洞出泉又出磁甕磁盆磁碗及一切砂器販行甚遠

五洞山

俗名窰頭在縣南四十里產煤最多窰塌數十年復盛農民以驢馱炭

又產石硫磺及粗碗砂鍋

象山

金閣嶺 松柏成林

文山

產石硯

黃金山

砂石中多金星

第十四章 恒嶽山脈

山西山脈以北嶽爲最北主峯在渾源城南二十里高不過十里然東支由廣靈入直隸境者飛狐紫荆皆出其足下東南一大支由靈邱繁峙入直隸經阜平曲陽者則以後所祀清順治十七年以爲建都於燕曲陽在南乃改祀於此山巔建北岳廟有十八景詳恒山志山脈由陰山南入左雲右玉之間經洪濤山至營澤山分水嶺折東爲盤道梁句注山雁門關馬蘭口以至渾源地勢最峻雖京師西山居庸亦由此發脈曲陽相連共周二千餘里論京師山脈之主幹則北嶽宜在渾源北緯亦與京師客等也

北岳附近渾源境內諸山

翠屏山 一名高氏山。沁水所源。水經注。山上有石銘。題曰冀州北界。高千餘丈。

封龍山 其巔爲萱草坡。雨過山氣如虹。東北有玉泉山。東連柏山。桑乾環繞焉。

五峯山 五峯如削。有三洞。曰三陽洞。與惠嶺相連。

鎗鋒嶺 南連孫贖山。有孫贖寨。西有龐涓寨。千佛洞。皆鑿石而成。

書錦山 元工部尙書孫公亮歸居此。馬鞍龍角諸山環列。入山之外。

北岳之大勢

泰戲山 北嶽之南麓五臺之北脈。滹沱所發源。

雁門關 滹沱在南。桑乾在北。皆距關近百里。分水之脊也。句注覆宿。夏屋並險。

管涔山 汾水源出其南。灰水源出其北。有分水嶺。汾字即由分水二字得名。灰水又名渾河。爲桑乾河遠源。京兆名曰永定河。而俗呼渾河。然則真正之渾河源。尙在管涔山。足以當之。

崞山 昔在渾源境內。今在崞縣西北。接管涔來脈。南接雲中山。萬花山。爲汾水滹沱分水之脊。石嶺關與太行以北。幹脈相連。

蘆芽山 管涔西支。五寨崑嵐各支皆是。

洪濤山 桑乾東源。亦黃河流域。白河流域。分水之脊。界牌坡 左雲右玉之界。黃河白河流域之界。

孤山 陰山幹脈自綏遠區域。惟此大支脈。突出大同之北。京綏鐵路工師林氏。繫而述之。亦有孤山終古屬林家之諺。雁門道許道尹摩崖。刊勤慎有恒四字。

第十五章 黃河

山西西南兩面濱黃河北起偏關東訖垣曲。境內河岸二千四百里而遙。其源自青海巴彥哈喇山繞積石經甘肅至寧夏出長城過綏遠特別區域北阻陰山環成河套折東南入吞虎口經偏關老牛灣之西與綏遠分界。又西折南至河曲侯家口與陝西分界。歷保德興縣臨縣離石中陽石樓永利大寧吉縣鄉寧河津榮河臨晉永濟至風陵堆折東歷芮城平陸垣曲南與河南分界。垣曲以下經河南奪大清河由直隸入山東境。至利津入渤海長九千里。山西自神禹以後黃河不爲大患。渠利亦因高岸所限焉。

偏關 臨河設關。以河爲界。焦家坪。娘娘灘。太子灘。羊圈子。皆有渡口。

河曲 石梯隘。東枕高岡。西連黃河。全晉長城之首。橫墻墩俯黃河齧。

保德 黃河在城西五里。有峪灘。五門灘。棘鐵灘。王鐵灘。榆樹灘。太子灘。地各數頃。

興縣 合河舊縣。在山巔。臨河。蔚汾水入河。又經桑灣村。西岸納神木川之水。

臨縣 曲峪白道峪各小水。次第入河。縣城之湫水。則由磧口入河。

離石 離石灘。南會中陽各水。北會方山各水。西流自後河底入河。

中陽 三交鎮濱河成市。又南有下榻渡。達陝西清澗之界首。

石樓 岔溝之水。二源相合。東北流由轉角渡入河。

永和 北有索駝水。南有甘露水。會合西流入河。上游有佛灘。在河中可渡。

大寧 隰川流入境。經縣城。合諸水。至馬龍山南入河。

吉縣 壺口天險。南有平渡。每大灘之下。必有靜水。孟門關地勢險固。

鄉寧 沿岸安流。船窩尤適於停泊。

河津 龍門壁立。至今猶見斧鑿痕。東河流狹而急。有禹門渡。汾水由胡盧灘入河。

榮河 河流自東北趨西南。

臨晉 臨河有夾馬渡。

永濟 黃河入境。向正南流。既至風陵。折向正東。渭水自陝西會之。作「」字形。

芮城 縣東黃河折北。河南靈寶在東岸。

平陸 河向東北流。至茅津折東。至砥柱折北。

垣曲 河自南入境。即折而東流。經縣城東南。全入河南界。

第十六章 汾水

汾水爲山西省城之鉅流。其冲積地。是爲太原。卽晉陽川。此大平原。長不及三百里。寬不及百里。有十三縣。皆半山半水。自管涔山發源。至河津胡盧灘。入黃河。共行一千三百四十里。源出天池。在寧武縣西南三十里。燕京山之上。池周五里。水深不測。東有小池相通。相傳與桑乾河亦通。池水出峽。卽流爲汾河。北齊謂之祁連池。塞外人呼天曰祁連。其義則同也。龍眼泉出林溪山下。近於五寨界。亦汾之一源。蘆芽山泉至瀾門口。亦入汾。在靜樂境內。猶盤旋羣山中。至省城始得平川。恃爲膏沃焉。

汾河所匯諸水

東西溫溪 靜樂有溫泉。一見於石嶸山。一孃孃山。水經注所稱溫溪。又納碾河。

嵐水 出嵐縣南北二源。北曰綠水河。南曰新村河。東流至靜樂入汾。

孔河 出交城北龍樹山。東注於汾。汾水南流折東。至火山村。入陽曲界。

烈石泉 出陽曲烈石谷。入汾始洶湧。又陽興河。掃谷水。眞谷水。石橋水。皆會之。

晉水 出太原懸甕山。出晉祠分三派入汾。澗河沙河亦次第入汾。

洞渦水 出昔陽陡泉。經壽陽榆次。徐溝太原縣界。至清源縣東入汾。

汾河舊道 由交城入文水。安都入汾。陽明萬曆東遷。由清源入文水。至平遙。

胡甲水 由祁縣入平遙。胡村合長壽河西入汾。

文峪水 源出交城西北。經文水汾陽孝義縣地。至介休境上入汾。

仁義水 源出沁源。會石門溝柳溝青石溝。至靈石南關鎮入汾。小水河亦入汾。

蕨河 出霍山石鼻谷。合古魚池章邱水。經霍縣城西南入汾。

團柏澗 出汾西號猛水渠。東入汾。其北有轟轟澗。在霍縣入汾。亦奔騰有聲。

霍泉 出霍岳至趙城南。西注於汾。南小澗。北小澗。南大澗。北大澗。并注入汾。

澗河 出安澤會諸水。至偏店。入洪源境。經城旁。四曲三灣。合於汾。

潞河 出浮山曰潞河。合高梁水。至臨汾。入汾。又有平水河。至襄陵北門外入汾。

尉壁水 出鄉寧。經汾城。與豁都峪水。并注於汾。

澗水 出翼城東北烏嶺。經堯都。入曲沃縣界。經侯馬鎮南。又西至新絳南入汾。

澗泉 入汾各澗可資灌溉者。人民則開渠引以灌田。其利比正流尤鉅。

第十七章 沁水

沁水爲山西省入河巨川。亞於汾水。源出沁源。在東關之東。四源並著。一在滑鳳村東北溝中。二在崖頭村北山麓。俱順流而南。至陽城村折東。三在車家嶺底。由棉上鎮至陽城合流。四在白狐窰。馬圈溝。至交口村相合。自此以南。受青龍河。狼尾河。柏子河。西山河。馬跑泉。水峪河。其流寢鉅。南入安澤縣界。合寺頭村河。沿岸獲水利。又南入沁水縣界。會梅川河。玉溪河。潘莊河。俱有水利。南入陽城。水勢浩蕩。深慮泛溢。惟蘆河爲入沁巨川。古陽泉水頗收渠利。獲澤水亦入沁焉。至宮娥澗。入河南濟源縣界。

沁源

經流 百五十五里。沿河成渠九道。籌開四道。兩岸山逼東。地多砂土。易於堙廢。

青龍河 出縣東三十里青龍山。西南至閻家寨入沁。沿河引以灌田。

狼尾河 出縣北朱鶴嶺。至河西村入沁河。天旱卽涸。

柏子河 出柏子鎮。水流湍激。沿河無平地。難資灌溉。其他細流更微。

安澤

寺頭河 源出寺頭村經王村冀氏里入沁河。

經流 自沁源入界。經羅雲村和川鎮府城鎮孔灘鎮馬壁村。長百九十餘里。

水利 東城蘭村柳樹溝。俱得水利。

沁水

經流 自安澤入界。五十里至鄭莊。又五十里至端氏鎮。又三十里至武安出界。

梅河 杏河 均出縣之烏嶺。流三十里而合。俗名縣河。至河頭村入沁。

王溪河 海子河 合流爲秦川河。至端氏鎮入於沁。潘河 至潘莊入沁。

陽城

經流 自沁水。來經虎川潤城。繞縣城東。東南至宮娥澗入河南。長百一十五里。

濩澤水 出白澗嶺。經古濩澤城。至縣城北合一小水。合青林桑林諸水入沁。

蘆河 出鹿台山自沁水界入境。至下河莊入於沁。

百眼泉 縣東沁水之濱。雁流入沁。

下游 經河南濟源東北。貫沁陽。東至武陟。折南入於黃河。

第十八章 入河諸水

山西入河諸水。除汾沁二巨川外。以源流之大者言之。當推瀛水。經流及故道。有八縣之廣。沁水流域。須合河南各縣。乃能及之。蓋瀛水之利重於沁。設縣較密。源流之長。僅可比境內之沁水耳。其次源流在三縣者。惟六澗河較長。離石水較大。所川水較廣。其他不過一二縣之流域。然水愈小則渠利愈多。自農家視之。澗泉或重於黃河焉。河西河南所有入河之川流。皆不載入。各縣設治。皆距河較遠。而距入河諸水甚近。避大患以求小利而居民焉。

滄頭河 出平魯西北泉山。合石灣諸水。入右玉。合免毛河。入綏遠。清水亦西出界。偏關河 出平魯縣阻虎堡。入內邊。經偏關縣城南。穿長城入河。曰關河口。

六澗河 出寧武管涔山北。經神池西境。五寨北境。至河曲。共合六大澗。西注於河。朱家川 出保德東寧化山中。合河曲東南山中諸水。由花園入黃河。溫泉亦入河。

漪河 出崞嵐東南乏馬嶺。匯黃道川。三角城水。沙河。溫泉。經興縣北境入河。

蔚汾水 出嵐縣黃尖山。經界河鎮入興縣界。經蛇頭鎮縣城。會南川。西流入河。

紫金川 出臨縣紫金山。西流八十里至第八堡入河。

湫河 古陵水。卽臨泉水。出興縣界入臨縣。經白文鎮。縣東三交。招賢。至磧口入河。

離石水 又名北川。河出方山縣赤嶺。會呂梁山水。入離石界。合東川南川入河。

屈產水 卽土軍川。出石樓縣東南石樓山。又西有土門鎮水來會。東北流入河。

昕川 北源曰隰川。出自隰縣。東源曰蒲河。出自蒲縣。至大寧而合。由馬鬪關入河。

清水河 源出吉縣柏坡底。西流經縣城。至三官廟會一小水。由錦屏壽山峽入河。

鄂水 鄂水出鄂山。經縣城。合羅峪水。暖水。龍王池水。西北流至師家灘入河。

涑水 卽絳水。出絳縣。自縣東南陳村峪東出。伏流至柳莊。經神仙莊入聞喜界。

會溫泉呂莊河甘泉水。繞城南入夏縣。經水南村水頭鎮。入安邑。過鹽池之北。入

解縣。今由猗氏臨晉入河。虞鄉涑水渠四百餘里皆廢。永濟涑水故道。尙蒙其害。

瀉水 出永濟之歷山。流細而名著。

三叉澗 盤南澗 沙澗 下澗 皆出平陸。南入黃河。

教水 出垣曲之教山。王屋之麓。又有一歷山水。諸馮水。皆合流入河。

第十九章 漳河及衛河

山西乘河南上游者。以漳河及衛河爲最大。以山西水利渠道考之。則漳水流域。水利無多。衛河流域。未能利用。漳河又名曰潞。衛河又名曰澤。後世州郡。號曰澤潞。而漳衛罕稱述焉。漳分清濁二源。清漳出昔陽。流域僅及和順。遼縣。濁漳遠出長子。經長治。潞城。襄垣。西合屯留沁縣之水。北合榆社武鄉之水。合而趨黎城平順出界。流域廣十縣。焉。至河南林縣合漳村。乃合爲一也。衛河丹水出高平晉城。平田水出陵川。淇水上游出壺關。漳衛二水所經。有十八縣。倚太行東南斜面而居者也。

清漳河

東源 出昔陽沾嶺入和順界。經城東南。會梁餘水。經馬嶺鎮南入遼縣界。

西源 出和順八賦嶺。經青龍關。過遼縣城。會箕山洗耳溫泉。桐谷鎮千畝泉。

二水會合東南入河南界。過涉縣城西。又東南入於濁漳。

濁漳河

西源 出長子西南發鳩山。會藍水。經漳溝。石子河。潞城會欽水。北至襄垣。

藍水 出盤谷山。有雍水會之。長子水利可用者也。

石子河 出壺關之西境。經縣城。至長治縣城而合於正流。

絳水 出屯留盤秀山。經縣城。至潞城之安昌鎮東。合於正流。

北源 出沁縣伏牛山。南經縣城會銅鞮水。經虜亭驛。又西與西源會。

銅鞮水 又名曰小漳水。出鵬窠山。東北流與北源會。

東北源 古涅水。出榆社北杏榛山。南經縣城會義川。又經武鄉縣城。號武鄉水。

分水嶺河 合三水會於武鄉河。又合青石河。至南陌鎮之西入漳。

三源既合。經黎城南。平順東北。入河南林縣界。以會濁漳。

衛河

丹水 俗呼大丹河。發源高平北之丹朱嶺。合長平阨之水。南經縣治。入晉城界。

白水自晉城東注之。陵川一水西注之。出界卽清化鎮上游。又名清化河。

平田水 陵川五度關東南。山勢稍平而可田也。

淇水 出三壅山。又名三壅水。又名漸水。北源出平順。南源出陵川。

第二十章 滹沱河

山海經曰。秦戲之山。滹沱之水出焉。郭璞注。滹沱出雁門郡鹵城縣南武夫山。元和郡縣志。秦戲山一名武夫山。今在繁峙東百二十里。俗名大孤山。其西北十里有小孤山。山勢突起。孤峙平川。山側有泉數十。其最著曰青龍泉。沮洳湧現。若散錢然。故其溝曰錢溝。小孤周三里。上有礪樓。滹沱行經其南。與山麓諸泉相會而愈著矣。滹沱在山西境。經流有繁峙。代縣。崞縣。定襄。五臺。孟縣。牧馬河等河流域。則在忻縣。其支流則有平定。桃水。昔陽。沾水。其流域亦廣及十縣也。

滹沱所匯諸水

華嚴水 出五臺華嚴嶺北。經華嚴鎮。出峪至繁峙界。俗名南峪河。合流經縣城。
峨水 出繁峙之南。東峨山之西。至代縣峩口會於滹沱。

龍霧泉 出代縣南龍霧山來注。又有鳳游峪水。亦自南來注。

恨斯河 自代縣平城堡合流。相傳李斯矯詔殺太子扶蘇處。水色殷紅如血。
雁門河 出雁門關。至代縣城東南注入。又合三里河。柳杜河。馬站河。羊頭河。

西峨河 一名中解河。源出紫荆山。會合後水始巨。灌域甚廣。

陽武河 出崞縣西。經陽武鎮。東流五十里。至城南之合河村注入焉。

雲中北河 出忻縣雲中山北。入崞縣境。會屯瓦河東注焉。屯瓦溉萬五千畝。

銅河 出崞縣南。有河渠溉千畝。東流來注。

雲中河 出忻縣雲中山東南流。入定襄縣北。入於滹沱。

牧馬河 忻縣境內巨川。長百四十里。有渠廿餘。由定襄縣東入於滹沱。

小營河 五臺西南小泉數百。經大溪村東冶鎮至槐蔭村。滙入滹沱。

清水河 西引縣城之廐夷水。東引康熙之射虎川。合而南流注入焉。

棗烏河 秀水河 孟縣境內諸水。皆會於此。東北會滹沱。東出直隸平山界。

滹沱之支系

桃水 出壽陽縣城東。由高原流入平定。合娘子關瀑布。入直隸井陘之西。

沾水 出昔陽縣南之沾嶺。東經縣北及白城之北。出楊莊口。入直隸井陘之南。

二水至井陘縣城東南相合。北至平山入滹沱。

第二十一章 桑乾河

山西之桑乾河。在京兆則名永定河。京師永定門外之巨川。民間通稱渾河。然上游最遠之源。出自寧武之管涔山東麓者。則俗稱灰河。灰渾實同一音。昔人誤以馬邑洪濤山之源爲源。蓋灰河亘寧武朔縣。幾比洪濤之源數倍。二源既合。經山陰之北。應縣之西北。有渾河自渾源來會。其此河之第三源乎。又東懷仁之水來會。昔懷仁水漲。則下游永定之隄恒出險。是以清時懷仁縣對於永定河道。有探報之責焉。又北至盂城。玉河自塞外經大同來會。歷陽高天鎮之南。入直隸陽原界。蘆溝以下。設河防焉。

桑乾所滙諸水

富溝 張道溝 皆寧武城西小水。合灰水經城南而始盛。又東過朔縣南三里。

沙楞河 朔縣東三十里。衆泉出地。晨夕潮流。經賈村灌田。東流注焉。

鄆河 泥河 沙楞以東。泉水分二支。流入灰河。

桑乾源 馬邑鄉洪濤山。古之累頭山。亦曰灑水。七泉湧起。南經馬邑。合於灰河。

黃水河 出山陰近雁門關廣武鎮之西。東北流經山陰縣城。入桑乾。

渾河 古之渾源川。出渾源縣。恒山東北之望狐山。經縣城。又西合聖泉水。其西南邊牆外夏屋山茹越山馬跑泉并會焉。西入桑乾。

玉河 出大同邊外。察哈爾右翼經豐鎮入長城之得勝堡。今爲京綏鐵路所經。由白馬城至縣東門外興雲橋。至高家店會十里河入桑乾。又名如渾水。其沙礫平灘。一二年間卽淤成膏腴。

口泉河 出大同鄭家嶺。經口泉馬莊滙入桑乾。長六十里。沿河成渠十餘道。今京綏鐵路設有支路通口泉。

廣渠渠 桑乾河經陽高天鎮二縣。廣源公司能利用之。各溉田六百餘畝。陽高舊有小石莊渠。天鎮忠義渠。皆得桑乾之利。

白登河 自大同流水陽高境。經天鎮。名南洋河。入直隸懷安。經宣化涿鹿。而後入於桑乾。

清水河流域 卽畿輔所稱大清河。別於桑乾渾水也。有瀛水出渾源。經靈邱。卽直隸之唐河。所會沙河出繁峙東界岩頭山。滋河出五臺東界烏牛山。不在境內也。

第二十二章 鹽池

山西河東鹽池，爲數千年來自然之利。然山西產鹽之池，不止河東。河東鹽池長五十里，廣七里。所產之鹽，運銷陝甘河南數省，數千年來久而不竭，亦晉南第一富源也。離海雄於全省。運城統於運司，護池保鹽，疏引裕課，其事掌於鹽官。上古郇瑕氏之地，本安邑之路村，因運司所駐，乃名運城。元延祐閒，曾更名聖惠鎮。距安邑西十五里。大鹽池一名鹽池，亦曰鹽澤。在中條北麓。近安邑者爲東池，近運城者爲中池，近解縣者爲西池，小灣子爲解安分界地焉。

鹽池之特色

味鹹 鱗介皆不育。大池最潔。諸池所不逮。俗謂之海眼。

性溫 隆冬不冰。

紫泉 大池之西。女鹽池，卽硝池。溢則水淡生魚。乾則水苦生硝。

小池 一蘇老。二熨斛。三夾凹。四永如。五賈瓦。六金井。每大池水淹，則小池開曬。

禁垣 圍繞環合百四十餘里。禁門三。對運城曰祐寶。對安邑育寶。對解縣成寶。

鹽池所銷於本省者

平陽十一縣 潞安八縣 澤州五縣 蒲州六縣 解州五縣 絳州六縣

吉州二縣

鹽池所銷於鄰省者

陝西 西安商州興安同州乾州邠州各屬。惟長武食花馬池鹽。

河南 河南南陽陝州汝州許州各屬。

鹽池在本省滯銷各地

太原汾州寧武遼沁平忻代保四十二縣均食土鹽。領河東之引不食河東之鹽。

山西地質與鹽質

土鹽 就含鹽質之土。濾水煎之。

硝鹽 於熬硝內用舊法提煉之。

蘇鹽 於熬蘇內設法提煉之。介休東北有鹽場村。

河東大池得鹽易。富商之業也。晉北多貧民作苦。得之艱難。頗合應用化學也。

第二十三章 山西之地質

山西之地質。太古界元古界岩石。在五台附近。各成統系。不相混淆。他處極難剖別者。山西不難剖別之。美國人威烈士。游五台。見石嘴。南台。西台。三層。定名曰五台系。省南聞喜垣曲一帶。有片麻岩含石棉之大理石。以及各種結晶岩石。與五臺三層吻合。又察哈爾綏遠。毗連晉北。地層相當。更有石墨。白雲石。及蛇紋石。三薄層。又有滹沱系。其地層與京兆南口系相同。分爲寶村板岩。及東峪石灰岩。二層。惟大同以北。則寒武紀地層。直覆於片麻岩之上。滹沱南口系之岩石。不可復覩矣。

山西地層巖石 博物館及各校自采標本。區分地層岩石如左。

太古界 角閃片麻岩 綠泥片麻岩

元古界 變質岩 雲母片岩 已變化石灰岩 粗粒砂岩

石英岩 粘板岩 輝綠岩 赤鐵鑛

寒武紀 含三葉蟲之石灰岩 含砂石灰岩 蠕狀石灰岩

奧陶紀 黑色石灰岩 褐色石灰岩

石炭紀 奧陶紀之下有含鐵層。平定澤潞一帶皆是。

二疊紀 法人蔡勒謂山西之上煤系。已當屬於二層紀。

三疊紀 正太鐵路一帶。黃色砂岩 黑色板岩 紅色砂岩 中代化石

侏羅紀 太行山石灰岩。湧起剝蝕所成礫岩。堆積山之東麓。

火成岩 威烈士氏在山西石泉。發見此岩石。

山西之火山

招賢山 臨縣招賢山。產煤鐵磁料。近連火山。樊包頭山。五六里開陶冶利焉。

汾濱火山村 交城縣東界。與陽曲相接。汾水之濱有烈石口。含硫氣。

火山軍 宋時火山軍火山。今在寧武管涔山北。且四旁熱氣薰灼。無人敢近。

河曲火山 縣西五里。其上有孔。以草投孔中。煙燄上發。可熟食。近黃河崖壁赤。

火燒嶺 廣寧西北六十里。山石如爛。今有草。亦名火燒山。有火井。

山西煤礦植物化石

羊齒類 輪木類 印木類 鱗木類

第二十四章

山西之水泉

山西土厚水深。泉源不多。且有上古水泉。今日枯竭者。如萬泉縣。以萬泉爲名。今日所存。只一二泉。自萬泉觀之。居民多蓄天水。以爲飲料。若鑿一井。須深至六百餘尺。始可得水。今閻公以水利爲六政之首。民國七年。新鑿井。已增三千三百餘眼。良由鑿洋井之法。易於傳習。前派學生赴京學習。已畢業回省。分赴各縣打井。若遇旱年。可以澆地。晉源鑿井公司。業經成立。晉城南天井關之天井。在星輜鎮左。天生之井。徑七尺。圍二丈許。深不可測。投以大石。崩磕有聲。人畜墮落。不見影迹。亦自然地理之奇境也。

泉水爲水源者

莎泉 廣靈縣西三十里。約畝許。汹涌沸騰。卽壺河發源。

源渦水 榆次縣東八里。出寧氏魚池。天寒不冰。泉側草冬榮。名溫泉。入洞渦水。泉水最奇異者。

雙泉 陵川縣西南四十里。二井相去不數步。而一甘一苦。

香水 太原西南十里白雲村。述異記言并州有香水。其水香潔。浴之祛病。

泉水爲飲料者

一斗泉 廣靈西北二十里。山崖畔。池僅斗許。足供百家之用。

金剛泉 壽陽東北四十里。方山。與盂縣接。山下曰黃龍泉。山前曰黑龍泉。

永惠泉 浮山東天壇南麓。居民乏水。鑿石引泉。蓄石窩中。取之不竭。民甚便焉。

酎泉 太谷南十里。鳳皇山東二里許。由水母洞出。瀦爲三池。味宜釀酒。溉稻。

溫泉可浴者

溫泉山 崞縣西南南莊頭村。東南福壽山亦有之。又松陽洞。前有溫泉池。

溫泉鎮 孝義縣西九十里。高唐山下。唐設溫泉縣。元廢。泉清澈。嚴寒不冰。

溫泉谷 渾源恒山隘谷。興豆亭北。其水溫熱。能愈百疾。後魏有溫泉宮。

煖泉寺 五臺縣東南四十里。有煖泉水。福田寺。五臺山棲賢谷。有溫湯池。

煖泉灣 鄉寧縣中區十局附近。有溫泉村。又有前冷泉。後冷泉二村。

七星泉 曲沃海頭村。在縣東北三十里。有溫泉七。曾開二十一渠灌田。

洗耳溫泉 遼縣清漳水旁。箕山之下。溫泉洗耳泉。想見巢由之高蹈也。

第二十五章 氣候

山西氣候高寒。尤差異者。厥惟五臺。北高南下。故北寒南暖。大南路在滹沱沿岸。氣候與定襄忻崞相若。至東冶鎮東北漸高。至縣治左近。則漸寒較。大南路差兩旬。愈北愈寒。極北至五臺山。則立夏以後始解凍。立秋之際即見雪。氣候較大路差五旬。大南路柳絮漫天。桃李成陰。五臺柳條始變黃色。小南路之下峪。地形尤低。山嶂向陽。較大南路尤暖。然縣城迤東北。得雨較易。土性疏衍。雨不及寸即可布種。大南路得雨最艱。非得三寸。則堅土不能布種。若雨足之年。收穫優於北路。然患人滿。豐年亦資北路之粟。

山西高寒各地

羊頭崖 壽陽縣南三十五里。崖下有冰。歷暑不消。

絳山崖 曲沃八景晉殿懸冰。破石崖日光不及。雖春夏堅冰積雪。固結不散。

黃河之冰橋

老橋 吉縣七郎窩。每歲小雪結冰。大雪凍合。驚蟄解凍。合時人馬往來如坦途。
各橋 龍王辿。馮家嶺。蛤蟆灘。麻子灘。皆有之。

山西最暖地

回春谷 寧武縣西百里。谷中廣數里。峭壁千仞。氣候如春。近正月時。蟄蟲皆振。

大溫嶺 小溫嶺 神池風霜肅冽。不得而侵。有溫嶺泉流入神池。

溫泉峽 孟縣東二十里。兩山環束。潞爲潭。原仇諸水胥匯於此。出峽口。氣如春。

溫源川 石樓西四十里。有暖泉坡。因溫源川繞其下也。遼縣溫泉。氣騰一丈。

暖窰山 定襄東南四十里。連五子谷山。氣常煖。

氣候關係農時者

立夏宜煖 如陰寒則麥有黃疽黑疽之病。安澤諺曰。黃疽半收。黑疽全丟。

棉作地帶 棉花本熱帶植物。移植溫帶以北緯四十度爲限。山西緯度自三十

四度五十四分至四十一度十分。只有十分不宜種棉。惟左雲以北五縣耳。

種樹時期 韓侯嶺以南皆清明前。省城附近。用清明節。雁門關北。用清明後焉。

氣象測候 山西農務叢編。有日本岡田教習調查寒煖期節表。於極寒極暑。降

霜降雪結冰解冰。皆分早中晚。及風雨期節表。農門專門。宜盡心效法焉。

第二十六章 礦物

山西全境。幾盡爲礦區。惟蒲解爲少。而煤炭則蒲解全無。全省煤田面積不下五十餘萬方里。深至數千丈。京兆西山門頭溝。齋堂。它里。各煤田。實爲恒嶽以東廣靈煤田之東支。觀廣靈浮露之煤層。已深六七尺。蓋可知矣。直隸臨城煤田。近接平定。河南焦作煤田。近接澤潞。大抵平定南北太行正幹產煤者。兼產鐵。應就煤鐵薈萃之陽泉。設最大煉鐵廠。若虞鄉王官峪鍊鐵廠。寧武摩天嶺鐵廠。皆宜拓而充之。與湖北漢陽鐵廠并峙。鑄造同成之軌。此礦務管理局之責。其他礦物及動植原料。可胥供製造焉。

硫磺 產陽曲。西鄉王封鋪。礦質如樹形人形。色儷黃玉。提淨巨塊重二十五斤。平定楊樹溝亦有磺廠。汾西隰縣靈石祁縣多硫鐵。河曲亦因火山脈。產硫磺頗多。硫璃石 產陽曲西。及交城文水開市河濱。含紅紫色。取用不窮。覃村有玻璃廠。果品模型。與西人無異。始則僅造燈罩零件。嗣仿西式自製杯盤。自山東傳習。礬 白者產太原柳子峪。襄垣綠礬。文水懷仁黑礬。次之。飛艇砒碼。惟鉛最輕。石膏 產平陸故底村。質料純潔。臨汾縣石膏山次之。汾城亦有。

銀礦 晉城者紅溝邢莊大水掌爲最。翼城平陸。霍縣。文水。安邑。皆有。成分過低。

鉛銀礦 嵐縣質尙佳。應縣。夏縣。質是惟含鉛太多。筆鉛 天鎮質純。色澤亦佳。

金礦 解縣五龍峪。質欠佳。附近產漂白土。利用更多。

銅礦 鄉寧爲最。垣曲豹子溝。五台春坪村。次之。朔縣。解縣。代縣。絳縣。中陽。亦有之。

聞喜篋子溝。瓦渣溝。西山溝。玉坡灣。合銅成分欠豐。

磁土 平定北莊。三泉。李家煙裏。蔭營。五渡。各窰。質料細膩。昔陽亦佳。交城。隰縣。太

原。襄垣。浮山。臨汾。霍縣。皆可用。隰縣硅藻土尤佳。保德大磁土。功用亦大。

粘土 介休龍鳳村陶器廠。又有砂石。質佳可用。

方解石 平順縣結晶完備。折色分明。雲母 垣曲馬家溝最多。中陽靜樂亦有。

水晶 平陸縣結晶完備。繁峙欠透明。火石 陽城縣舊日用火鏟時。需用甚多。

石棉 黎城質色堅硬。色澤光滑。花岡石 陽曲懷仁吉縣多有。

石印石 黎城和順二縣皆可用。赭石 渾源恒嶽用之繪事。

紅土 臨汾多有。可染色。石灰石 襄垣最佳。夏縣懷仁多有。

第二十七章 植物

山西植物最奇者爲活牛糞。其名似動物。其用似礦物之煤。其產地在繁峙縣。孤山之東前所村之南。連仲村之北。水草灘數十頃。地下五六尺十數尺不等。即見糞層。深三四尺五六尺不等。每挖至糞盡。即見水。糞爲深褐色。內雜草莖及黍粒樹葉。形式宛然。惟腐而不堅。燃時發藍燄。火力不猛。味亦惡臭。初挖之塊。必經數日。始可燃燒。前所村家積存甚寬。方丈謂之一圍。代縣聶營亦有此物。開得刀斧馬掌鐵器。蓋宋元時邊營。糞芻粟馬糞。內地層淺薄。歷年未久。純爲植物未化之體。然亦今日民生應用之物矣。

棗 省城東門外陳家峪居民四十家。有棗數千株。歲收二千元。各家均得五十元。

瓜 大同李家灣。首東直瓜子爲種。上骨粉肥料。每瓜重四十餘斤。值錢一吊。

棉 平蒲絳解極盛。洪洞趙城河津獲利。每畝三十餘。吊韓侯嶺北亦漸推廣。獎進。

桑 省長頒發蠶桑淺說。由農桑總局編定。種桑五畝。養蠶四十萬。獲利百五十元。

甜菜 每畝收四千斤。可製糖二百八十餘斤。每斤一角五分。獲利四十二元。

麻 長治產麻甚豐。招江西萬載工師。織成夏布。頗細潔。又仿織麻袋。獲利亦厚。

柿 萬泉西南兩鄉製成柿酒。柿醋并佳。柿餅亦多。永濟土貢柿霜。

杉 五臺叢生。名落葉松。又曰柴木。雨餘產菌大如斗。名大花落葉。中生者曰埋菜。

蓮 五臺產者。花色金黃。七瓣兩層。花心亦黃。一莖數葉。若蓮而小。六月徧地皆是。

榔 平遙特產。可製木器。出曰洪山榆。生長一年即增高六尺。想其發達之速。

山藥 晉北特產。莖半點鐘。猶硬。雖不易消化。而足以耐飢。山地易收。屬於瓜蒞薯。

柏子 太谷北門外保護林。須中秋前。柏毬未散之時。採取。歲育柏苗八十萬株。

葡萄 文水交城最著。今試種美國三種。法國二種。德國意國各一種。足爲世界冠。

燕麥 晉北通稱倭麥。與日本北海道種。其性剛強。宜於寒地。以粒食。人以槁飼畜。

大麥 汾水流域。粒質良美。含酒精極富。是以汾酒著名。稿稈不畏風霜。可製草帽。

蕎麥 晉多秋種。鮮春播者。性最強健。不畏旱魃。無水亦登。移民多殖之於塞北焉。

玉蜀黍 太行各山地。無水之處。亦能成熟。粒大味甘。質細形如馬齒。有滋補之力。

大豆 晉省種類繁多。含豆精極富。最堅者曰鐵砲。最白者曰大白。

藍靛 太谷最優。霍縣離石並佳。懷仁長子。洪洞忻縣。垣曲潞城。應縣代縣。多合用。

第二十八章 動物

山西岢嵐。保德。吉縣。平陸。黃土層內產有動物化石。在科學上極有研究之價值。若夫動物標本。則陽曲白生江所剝製野雞。角雞。水鷄。啄木。水鴨。水鶴。山鵲。鷓鴣。紅嘴鳥。顏色姿勢。生活欲軌。製造精妙。並耐水久。鹿頭與生仔式樣。絲毫。不差。靜樂縣之野豬頭。及畸形小豬。藥料。手工。尚須研選。近日。由動物骨粉。製造肥料。工本。不大。宜於肥田。羊。毛。夙。以。利。順。白。羯。黑。塔。羅。為。最。絲。長。且。曲。屯。留。長。子。大。同。靈。武。總。雷。嵐。縣。均。梗。短。直。美。利。奴。羊。產。毛。豐。而。欠。肥。三。傳。改。良。漸。有。進。步。

羊 督軍買美利奴羊數千。由省城及南北牧場。分散各縣。每羊。歲。剪。毛。十五斤。

雞 太谷晉城皆設蛋白公司。一雞。歲。產。蛋。一百五十個。利息在一元以上。

蠶 狀如羊。而備角。陽武河冰堅後。衝冰而行。冰為之立。亦不常見。見則裁絲。

蠶 太原晉祠晉水中常產之。蠶 桑乾上游。巨如指。砌石。置柵。罩不勞而獲。

麝 岢嵐。唐時樓煩郡。歲貢麝香十顆。

蠶 長治女子傳習所。出品整齊。新絳農桑分局次之。多浙江新昌。嵊縣之佳種。

鷓鴣 猗氏所產似黑雉其對鬪一死乃止故趙武靈王用以表武士之冠今甚少

獐 汾陽孝義閒似鹿而無角

鵬 左翼右玉塞上常見一名鴛昔用其翮作箭羽 紅鶴 遼縣舊產小於鶴

解鋸鳥 出五臺小面色黃飛發夥聞其聲如解鋸故名 吃酒兒 沁水之山禽

翡翠雀 新絳閒有之羽不及廣南 雉 原縣所出即羽賦夏雉

熊 隰縣山谷有穴居者 豺 解縣有之

山西動物之特殊者

寒蟲 鳥形四足有肉翅不能飛其糞即五靈脂當醫文采絢爛乃白鳴曰鳳凰

不如我至深冬毛脫落遂白鳴曰得過且過出五臺見轍耕

山燕 鄉寧無梁燕而山燕大於梁燕巢於土穴亦春至秋歸

黃鼠 大同穴居各有匹配有牀榻倉廩狀見人則前掖如揖而竄入穴惟畏地

猴入其穴而曳之出味極美元時曾為玉食之獻

慈老 出寧武似雁非雁偕雁往來

第四篇 人文地理

第二十九章 山西之種族

山西全省丁口據民國七年之統計共一千零一十六萬一千零九人不但比東南蕃庶不及其半即鄰近直隸河南之生聚亦弗如焉種族競存太原本冀州宅中之地以地層考之民族開化實在中原之先周伐獫狁北至太原爲漢族光復漢地之紀念春秋晉悼公以前雖太原諸處猶戎狄雜居自荀吳敗敵而後北方漸廓孟丙始爲馬首大夫趙氏分晉益恢北鄙雁門以外始入於趙陰山高闕并爲外邊秦蒙恬漢衛霍繼之於是大漢之聲教益遠沁源有高麗村高麗水藩屬亦依漢如天也

山西人民關於種族發達應戒者四端

戒溺女 舊俗貧家以養女嫁女爲苦多溺女嬰人種日少今嚴申禁令

戒纏足 舊俗纏足毀傷肢體至杖而後行跪而作事今天足會實行放足

戒早婚 暫定男子二十女子十八然後嫁娶舊有十四五歲結婚者嚴禁之

戒吸煙 抓煙土一兩賞二十元匪徒販運即槍斃外人毒我嗎啡金丹并禁絕

山西之五大民族

漢 爲民族之主體。女子纏足。爲漢人惡俗。今已嚴禁。列天足。爲六政之一。

滿 舊滿城在西南。爲水患所圯。今多冠漢姓。新滿城在東南。亦多漢人承業。

蒙 內外蒙古人。每年朝五臺者。或留居內地。有遵令剪髮。同化於漢人者。

回 全省以右玉爲多。太原平陽潞澤次之。

藏 五台山喇嘛。皆西藏人。活佛亦有時駐錫。

山西舊族之同化

狄 春秋許夷狄進於中國。狄本大族。唐之狄仁傑。宋之狄青。皆名將。相翟姓。同匈奴。劉淵起離石。稱大漢。爲漢家外孫。爲異族通婚。化合之裔。

沙陀 朱耶賜姓爲李。遂稱後唐。今不但滿蒙人冠姓李。西洋人亦冠姓李矣。

樓煩 故城在崞縣東十五里。元魏主如樓煩宮。即此。今爲樓煩寺。且隕廢久矣。

山西人民之特姓

遼壽陽邊家壩 智省城有此姓

制省議員有此姓

令狐 賈業聽有此姓

第三十章 山西人之言語

山西言語約二十餘種。因山地多易於隔閡也。約分四大派。

- 一 石嶺關以南。韓侯嶺以北。爲一派。平遙介休。票莊商最特別。省城話較平易。
 - 二 石嶺關以北。外長城以南。爲一派。大同等處。近於京話。
 - 三 韓侯嶺以南。爲一派。與陝西相近。多帶官話。堯舜舊都。又近於漢唐舊都也。
 - 四 澤潞流域。爲一派。自成一派。與河北爲近。
- 其地各縣互異。不能備列。

山西俗字之通用者

被 俗讀如油。倭。蒙古志作油麥。此麥實無油質。倭人亦沿其誤也。

迪 俗讀如流。若龍王迪。鄒氏圖作龍王涎。又讀若饜。

塢 俗讀如碾。謂崎嶇不平之處。忽展平原。謂之塢底。

山西屬行言文接近之辦法

國語統一研究會 國語傳習所 注音字母

山西地名紀畧

慮虢 慮讀如慮。虢讀如夷。秦置天下置慮虢縣屬太原郡。今五臺縣城北有慮虢山。出泉曰慮虢河。繞城三面。漢魏沿之。晉省。北魏復置。譌爲驢夷。爲歷史地。碑應正名者。今土人不識古字者。又譌爲慮虎矣。

崞 秦始置崞縣。蓋以其西南有山狀如崞。高出雲表。故以爲名。此崞縣舊志之

說。然崞縣之崞山爲隋唐之名。渾源之崞山係兩漢所名。舊志未知何據。

臨 猶如狐俗。以貽臺爲參神。故晉地祀之。然參神乃實沈王。大夏臨臺自是汾

水之神。左氏傳言之甚明。

壘 壘山在和順縣西八十里。有壘山神祠。祀昭懿聖母。孟子七代孫女也。

山西物名記畧

夔 尸子中黃伯曰。我左執太行之夔。左執彫虎。夔爲何物。是否尙存。待考。

狝 唐常宣定襄郡。直狝尾十枚。璽爾雅注。夏屋有獸如兔。相負行名。璽

山海經。秦戲山有狝。通典見則歲豐。

第三十一章 山西人之衣食住

國風以唐俗爲最儉。衣服飲食居住皆極力求樸素。終歲勞苦不敢少休。李札觀樂爲之歌。唐曰思深哉。其猶陶唐之遺風乎。不然何憂之遠也。非令德之後誰能若此。其民男力畎畝。女務紡績。士尙謙恭。民風淳古。近年雖感交通不便。土貨不便運出。然洋貨亦不甚侵入。除省城大同衣食住漸與京津接近。生活程度因鐵路所幸而高昂。內地仍與爲制。錢寶銀之世界將來鐵路交通。礦山發達。山西衣食住必比今日。史高小民更艱。然晉民習勤儉。或者因受激刺而益奮進也。

衣服

土布 省城平民工廠所織愛國布。壽陽所織爲西布。因有直隸獲鹿布。爲東布。絲綿 太谷香蠶繅絲。產品頗多。省城晉綢。晉綢。由蘇桑工廠所織者尤耐用。棉花 河東產棉不過七百七十萬斤。不敷本省之用。約計至二千萬斤以上。染色 潞汾水各縣產工。絳壽陽等縣工人習染色。在京津營業極發達。弓鞋 天足會發達。太谷縣年七八十老嫗亦放足。所有弓鞋木底。悉視爲廢物。

飲食

甜酒 早起用糯米麩製成勞糟酒。煮鷄蛋爲點心。省城各縣亦多製黃酒。

茶葉 福建福鹿林自運武夷白毫九曲紅梅連江蓮心頗暢銷。杭菊龍井亦多。

頭腦 即羊腦用藕汁山藥羊肉湯煮之。和以醃韭。傅青主遺傳。秋冬早起食之。

汾酒 全國白酒多以山西汾酒爲招牌。產汾陽杏花村尤著。

居住

石壁 娘子關以西多產石。居民多疊石爲牆壁。石灰灌之。其堅固如城牆。

筒瓦 京師宮殿所用。他省惟廟宇用之。山西鄉間民房亦常用筒瓦。絕無草舍。

窰房 形如橋洞。不用梁柱。高大可換氣。前面用窗。光線亦明。第一中學。最堅固。

磚匠 俗作炕。冬日熾煤其下以取煖。是以寒地兒童發育早有。早婚早衰之弊。

穴居 山土性堅凝者。穴山腰可居。鄉寧甚多。隰縣境如層樓複室。曲折有致。且

土窰上費甚省。久者可支百年。冬煖夏涼。或富貴家所不及。

基地 省城向多空地。如省議會大學校之廣廈。皆由平地建築。

第三十二章 孔教

仲尼祖述堯舜。平陽蒲坂。早開遜政之先聲。立共和之大本。太原文廟。采用新式建築。大成聖誕。全國同慶。全國教育會聯合會。各省代表。咸來瞻仰。滇粵吉黑。皆雲集於此。閣督軍行禮後。親蒞經筵。講民事不可緩。以迪民德。屬民智。阜民財。凡軍政領袖長官。無不登皇經。義是日大中小各級。農工商法醫各科。師範警察陸軍各校。及女子師範。蠶業刺繡諸生。肅然聽講者。凡萬餘人。雖京師國子監。曲阜聖地。歲有常會。不知茲會之盛也。齊魯經師。亦蒞經筵。而述經義焉。

宗學洗心社。省城設於文廟。各縣有分社。旅京山西人。亦結分社。省城總社。由省長發領社長。有講長四十五人。每洗心日。有聽講者一千五百人以上。凡碩學名流蒞晉者。無不以講學爲本云。

來復報。外教有禮拜。民國以前謂之星期。今學校定日曜日休息。今以週報出版。每七日刊印五千五百冊。分贈全國。凡傳觀重印。無任歡迎。凡有信索閱者。無不按期郵寄。不取分文。

博物圖書館 附文廟前有平魯縣送到關聖銅像。可爲歷史博物館之基。各縣礦質及製造品。由實業廳徵集者極多。各省成品亦藉資參考。第一師範諸生采集植物標本。第一中學校諸生暑假采集礦質植物標本。二百餘種。尤切實用。自省堂 省城海子邊動植園。新建築。各校各縣亦舉行自省。過則必改。不勞管理。閻督軍兼省長民德四要

一信 二實 三進取 四愛羣

閻督軍兼省長立身要言六則

一公道爲社會精神。國家元氣。故主張公道爲國民之大職。

二桀傲不馴。爲野蠻人之特性。

三眞血性男子。腦筋中有國家兩字。

四欲自立先從不依賴人起。

五欲自由先從不礙人自由起。

六能忠於職務者纔是眞正愛國。

第三十三章 佛老

山西佛教以五臺爲總匯。釋典相傳。文殊師利現化之地。名曰清涼道場。則讀紫府南靈鷲峯一名菩薩頂爲黃教大喇嘛駐錫之地。支麓九女山在縣北四十里有九仙巖碧霞元君祠。二仙山在縣東北有二百如人。一坐一立。堯元山龍王廟亦道士禱雨之處。縣東南有仙人山。石崖山有仙人坐跡。山腹有手蹟。山下有足蹟。皆西向。道教亦盛。佛教盛於唐大歷時。日本遣二僧靈仙行賀禮五臺學佛法。會昌中復遣僧來。宋雍熙初僧僉然來朝貢。復求詣五臺。令所過給食。二年歸國。謝表有拜聖燈於五臺之上云。

佛寺

五臺之諸寺 菩薩頂大文殊院。巖勝射虎川有臺麓寺。其他不勝數。各舉其一。

南臺普濟寺 東臺望海寺 中臺演教寺 北臺靈應寺 西臺法雷寺 皆最著者

千佛崖 在翼城翔皋山。有千佛洞。爲石刻佛像最多處。猗氏亦有千佛嶺。

文殊原 在靈石汾河西。有聖松。

石佛河 河曲東南上接崑嵐。下達保德。河套蒙古禮佛者多出其途。

觀音閣

汾西縣洞泉在縣東十五里李安莊洞深五丈有清泉建子孫堂六月十九日四方男婦多來求嗣頗靈應

觀音泉

交城西北 觀音溝在霍岳旁

佛嶺山中條之臂

出佛峽趙城霍山支脈

禪房屋在綿山石佛洞

山定樂嶺

石佛崖 祁縣子洪鎮南上渠下渠自崖而分

佛耳山在長治太行佛頭晉城

道觀

黃帝廟 曲沃橋山巖然然中斷上建黃帝廟瓦皆鐵鑄古柏環生石隙中有軒轅陵

老君祠

浮山縣唐改神山縣并改建羊角山為龍角山老君降臨之處曾以陰兵助唐破賊蓋唐室開基附晉神道也梁村老君並有老君八十一化石刻

老君廟 鄉寧縣治半山中

老君洞 平定承天山相傳老子麻姑鍊藥地

老君坡 曲沃縣稱為猶龍靈境

葛井山 潞城東南

后土祠 渾源天峯嶺下有通玄谷東南有果老嶺會仙府在琴棋臺下

玄都觀 孝義縣東有玄都觀春日桃花盛開

碧霞觀 昔陽東七十里

玄女洞 解縣中條山脈中

姑射山

汾西縣西六十里山上有姑射仙人祠及鎮武銅殿為汾隰蒲三縣人民公祀香火甚盛山之支脈茅山有祖師廟正脈與臨汾相連

第三十四章 回教

山西回教之來由回疆歷甘肅綏遠而至晉北。是以晉北回民子弟有赴綏遠清真寺習回文經典者。回民所至必有清真寺爲回教團體。民國肇興則有回教俱進會。山西亦有支部與各省聯合。回民無不信回教。且未聞有改入耶教或延用僧道者。雖在山西營商多年已歷十數世或數十世仍自署西域回回。甚至負販貧人以零售牛肉滷鷄爲生活者其木盒仍書清真或教門字樣。在中國既久亦誦法孔孟。回教人對孔教稱大教重國教也。孔教人對於回教稱貴教明賓禮也。

清真回民學校 省城南牛肉巷回人不食豬肉懸爲厲禁。是以牛肉營業多回民操之。牛肉巷爲其聚居之所。是以特設國民學校以課回民子弟。其學生有升入中學以上學校。因教規不同多在校外回回館寄食。近日晉城有禁宰耕牛之議。回回文之傳習 右玉等縣回民衆多之處有傳習回文者。亦有晉商自陸路與土耳其其交易者近因與德奧宣戰土文星報由塞外寄來者亦查禁回文郵信寄出國外者亦檢查。歐戰既終回教各國當一致趨於共和矣。

山西之雜教

神婆 朔縣馬邑之洪濤山亦名神頭山。山上有神婆遺跡。士人傳神婆攜子游山。因留得手足暨梳篦膏印石深一寸。又名神婆山。此神非佛非道。可見信神者以婦女爲多。并不知聰明正直之謂神也。

魁星 平魯有魁星台山。原爲古戍。嗣後塞外亦爭祀魁星。每屆科舉之時。生童禱祝尤虔。其迷信亦非儒非道非佛也。各城東南隅皆有魁星樓。亦可壯觀。問卦 蒲沃問卦林有鬼谷子洞。相傳白起伐趙問卦於此。渾源有孫臏山。及龐涓。清寒寺鬼谷門人弄兵之地。馬陵關亦有孫臏坡。不知作兵者不祥也。

昭君 偏中西北昭君塢。相傳明妃經此一足跡。留石磬上。遂使塞外青塚血食千秋。何功何德。其弓鞋之跡。至今尙爲晉北。纏足惡習。神池。姜女石。亦有足跡。幻養 中條山太乙峯。南唐羅通微步虛絕粒處。此亦道家近於魔術者。捨身崖 沁源靈空山十八盤。南崖高百丈。愚民自殺。亦佛家之左道也。

狐仙 狐岐山旁有狐仙廟。各廢署亦多有之。以狐爲仙。舊官僚之迷信也。

第三十五章 耶教

閩督軍諭。人民信教自由。本與政治無涉。近來官吏。動輒條陳。民教二字。本就不通。須知信基督教者。亦中國人民。信天主教佛敎者。亦中國人民。何能有民教之分。官紳須知傳教者。教人以善。不可存一點反對之心。入教人民。亦應知入教係爲學做好人。發揮自己之靈光。不可有一點占便宜之心。遇事本法律公平處斷。不問其信教不信。則自然相安矣。涉外事項討論會。遵議四項問題。印發各知事。據屬區長。及國民學校。俾知公理法律具在。山西可從此無教案。教民亦知上帝臨汝。勿貳爾心也。

山西涉外四項問題

教民應攤教育實業各款。

教民已設學款者。應仍攤教育款。

教民應攤村公費。惟抽費爲酬神賽會起見。與基督教相違者。不得向入教之民抽取。據光緒二十九年中美續議通商行船條約十四款辦理。

各區村修理道路橋梁。教民應攤錢或出工。

按中美中瑞條約。有華民應納捐稅。入教者亦不得免納。四項問題。自可照辦。

天主堂所設學校

明原中學校 省城北門

明原小學校

加辣女學校

天主堂診療所 省城橋頭街

基督教青年會 省城首義門內常延名人講演。

耶穌堂所設學校

崇實中學校 省城東夾巷

山西教民遵守法律條約。

教民一體遵守中國律例。敬重官長。

凡入教者於未入教前。或入教後。如有犯法。不得因自己入教。遂免追究。

教民犯中國律令之事。仍由地方官照例懲辦。

教士不得干預中國官員治理華民之權。

第三十六章 風俗

山西民俗約分五部。東部之民壯而強。西部之民樸而厚。南部之民剛而健。北部之民遜而和。中部之民安而詳。地瘠則民勞而貧。自二帝三王以來。勤儉之俗未嘗改也。山嶺既多。農不足食。乃出外而工商。拓殖東南。如福建林氏。至今全族猶標郡望爲西河也。水澤稀少。故有水之處。結社開渠。然因以爭鬥構訟亦多。山重水複。交通不便。各重保守。各執成見。自成風氣。今則政治統一。教育統一。齊不齊以致其齊。山西人善居積。家有窖藏。苟能組合銀行。自開煉鐵廠。他日鐵路交通。以勤儉用之工商。天下無敵矣。風俗爲政治之障害者。

調查戶口無確數。全國皆然。山西鄉民諱匿丁口。尙不免有三種謠言待解也。

一曰增人稅。二曰拔壯丁。三曰姓名入官府不吉。

自盡害人。汾西人因小忿自盡跳崖。以致被害者因訟累破產。

開礦不報。舊日視開礦爲無業人民作苦之事。官山任其開鑿。久而致富。礦業

學生繪其地圖。到官領地。赴部立案。鄉人不知礦章。遂被新少年巧奪。

風俗應改革者

左衽 鄉寧婦女尤甚。婦女不織。艱於得衣。穢則洗濯而翻製之。非開夷俗也。

淫祀

武則天廟 浮山縣西南廿里月山上。俗號婆婆神。

丹朱墓 翼城史村之金井。臨汾王曲村。長子南鄉皆有之。諛墓於不肖子也。

妒女祠 太谷洛漢村。又名落母廟。相傳介之推之妹。積薪自焚。唐太宗立廟。

羣飲 靈武婦人。中元日。盛饘傾城出郊野。合其嬖姬。藉草坐。飲酒歡笑。夕乃返。

踐苗 孝義冬日馬羊害麥苗。齧蹄跑大。爲農害。今已嚴禁。

母博兒妻 武鄉母媼改醮。子幼未婚。其繼夫有女。遂納爲子婦。財帛兩不施焉。

神話 解縣人謂安邑之蚩尤城。爲黃帝殺蚩尤處。其血化爲鹵。與科學不合。

風俗已改革者

剪髮 於民國七年七月依限剪除已盡。

纏足 一歲以下女子禁纏者已十之八。十歲以上放足者已十之六。

第三十七章 省議會

山西省議會爲全晉人民代議之總機關。綏遠區未設議會。仍附於本省。計省區議員定額一百九人。內有歸綏議員七人。其應需旅費公費及辦公雜費。六七兩年未准綏遠解匯到晉。本省議會念邊區議員遠道來會。情誼所關。不得已一面代爲墊款發給。一面咨催歸墊。此項七八兩年墊款。迄未匯到。經公議八年度省地方豫算冊內綏區議員經費一項。應即刪除。自本年七月一日起。綏遠區議員及特派員。應需經費。即由該區直接支領。

山西議會之特色

鄰近鄉賢 山西省議會。因前清山西諮議局之舊。在傅青主先生祠堂之東。俗稱傅公祠。先生高踪碩望。不慕榮利。爲鄉黨後賢之模範。山西省議會無他省分黨互爭私利之習。有先生遺風焉。園亭之游息。足以養成公民之公德。壁上石刻極多。又足以存地方掌故焉。

輔仁講學 君子以文會友。以友輔仁。山西省議會之會員。皆幼習經訓。致力甚。

深。議長尤以大學中庸之慎。獨憬然自省。以期寡尤寡悔。歷觀他省議會德之不修。學之不講。山西議員高潔屏除。他省議員嫖賭惡習。庶幾私德益修。鄉望益重矣。

注重民生 山西省議會議員在籍時。多兼營實業。如水利礦務各大事業。蓋大公司必具有大學識大經驗者。乃能辦理。議員雖但有議決之權。然退而歸田。必實行其言。乃足以昭民信。山西議員具有辦事之眞實力量。非徒託諸空言者。亦知行合一之明效也。

視察吏治 山西省議會組織視察團。於所經各縣分頭考察新政。以促進行蓋立法者應察所立之法。是否實行。乃能勵精圖治。對於縣治於縣行政多所輔助。不輕於彈劾查辦。他省立法行政。截然如兩黨。應以山西爲範矣。

見重列邦 山西省議會臨時大會議決八年度豫算案。議決教育計畫案。正值英國朱公使。美國芮公使。觀光於此。對於議會注重教育。審查財政。謂不難爲中國模範省。蓋議員苟實心爲民。則天下信之矣。

第三十八章 山西之省行政

山西省行政。首以民事不可緩爲天經地義。在位者亦無人不修德講學。正其躬以臨民。百官以治。昔唐虞之盛。在官者皆得人而已。政者正也。上行下效。捷於影響。遲任有言曰。人惟求舊。器非求舊。惟新。山西有焉。山西省行政。總於政務廳。分於警務處。財政教育實業各廳。司法獨立。有高等地方審檢各廳。皆國家法定各省所同者。然各省因軍事而不及教育實業者。或視若閒曹。山西教育實業。異常急進。又開政治研究會。標舉民德民智民財爲綱。設六政考核處。以策進行。統計處。以徵成績。地方法令。皆編印。山西省行政特色

省長兼任 昔清季識時務之士。先覺督撫同城之弊。戊戌變政。首先裁汰。俗稱同城巡撫。爲二品教官。洵不誣也。民國成立。軍民分治者多。惟督軍薦任省長者。差可相安。蓋前清軍民分治。駐防將軍都統。向不干涉行政。已成慣例。民國都督沿前清督撫之權責。雖屢改將軍督軍。分民政長巡按使。人民惟知信仰一人。山西新政。自軍民合治而益進。無政出多門之弊也。

修德講學。民國首義元勳。今日能安其位。修己以安人者。惟山西閻公一人耳。沿江沿海。元勳無能久於其任者。由於信孔教不篤。馬上得之。不能馬上治之。驕兵悍將。不敢駕馭。增師糜餉。退職者遂遁居外國租界。曷若閻公勤政愛民。民受其澤。祖宗邱墓之鄉。子孫萬年之計。惟有德者能久。道化成焉。

政務整齊。政務廳文卷。每日清晨。送督署核閱。雖私人函件。下吏條陳。無論准否。無不立答。行政敏活。一矯各署擱置之弊。

財政有餘。民國八年省地方歲入歲出豫算。正冊收支適合。附冊有餘。比之各省。日以經濟困難。藉口借外債以貽後累者。有霄壤之別。

司法持平。老成在位。務得民情。非徒襲東西洋法律之唾餘者。教育之感化日深。則以作工減微刑。自治日進。民事亦鮮爭執。古人明刑弼教。道本一貫也。

六政考核。六政法規訓令。燦然具在。水利蠶桑。種樹禁煙。剪髮。天足。皆因地因時。興利除弊。今剪髮已竣。只餘五事。修路大政。又舉行矣。

統計修明。設立專處。編纂人口。經濟。政治。道德。社會。各表。次第刊布。

第三十九章 山西之道行政

山西省以冀寧道爲省會之中樞。河東道握運城富庶之利源。雁門道控大同關塞之形勢。山西勵精圖治。不但承轉省縣之公文。尤在審查縣知事資格考核功過。及各縣掾屬之獎懲吏警之約束。省長限於地廣耳。目所不能及者。惟道尹是賴。每一道三十餘縣。視吉黑邊省之縣數。猶且過之。比鄰近綏察等區之縣數。奚止數倍。且山西各縣未通電報之處甚多。由省電知道尹。就近飭催。爲期較捷。况安邑爲大禹舊都。大同爲遼之西京。自應有大員坐鎮其間。旬宣藩翰。政務亦繁劇焉。

冀寧道疆域 統昔日太原汾州澤州潞州四府。平定遼沁三直隸州各縣。爲本省之中部及東南。東太行。西黃河。北石嶺。南綿山。爲之界。

雁門道疆域 統昔日大同朔平寧武三府。忻代保德三直隸州各縣。爲本省之正北部。東恒嶽。西黃河。北長城。南石嶺。爲之界。

河東道疆域 統昔日之平陽蒲州二府。解絳霍隰四直隸州各縣。爲本省之東南部。東霍岳。西南皆臨河。北絳山。爲之界。

冀寧道要政

吏治 內務部分發到省縣知事。均由首道隨時考察。不僅統轄道屬各縣。庶政 省長委辦之政事。不屬於各廳各處者。無不由首道承辦。模範 各項新政。無不從首道試辦。研究中央法令。以利推行。

雁門道要政

吏治 京綏咫尺。冠蓋往來。恒嶽五臺。時有名流戾止。袁次長講演。尤考察真確。庶政 棉作地帶。左雲以北不宜。平魯保德。並不宜桑。改良土壤。牧畜骨粉肥料。其他 豐鎮接軌。商業移於塞外。振興地方。盼同蒲之速成。禁吸紙煙。自知事始。

河東道要政

吏治 地方富庶。遠承堯舜禹都邑之遺澤。名宦代興。作官者知自愛。庶政 棉花蠶桑。舊食其利。改良進步。

其他 河陝之間。未能圖治。沿河一帶。輸入鴉片。尤爲民害。甚至有婦女夾帶煙土者。乃設女稽查於渡口檢查之。

第四十章 山西之縣行政

山西縣公署組織條例。視各省爲明密。他省多分四科三科二科。而職責不專。山西各縣知事公署。明定知事以下。設承政員。主計員。承審員。視學員。實業技士。宣講員。收發員。其下爲檢驗吏。錄事。昔年三等缺分規定。本寓包辦性質。計算書率由會計員支配。今按缺分釐定。不能使多所贏餘。亦絕不使辦公踈蹶。且闔署上下。知有一定標準。自無侵蝕濫支之餘地。此俸給條例。薪費配置。期得其平也。掾屬各員專責。知事更調。仍得繼續任事。今日各縣六項職務。比昔日六官六部六房。又微有異同焉。

承政員 似天官吏科 助理一切政務 撰擬文牘 迴避原籍四百里

主計員 似地官戶科 助理一切財政 撰擬文牘 迴避原籍二百里

承審員 似秋官刑科 助理一切審判 撰擬文牘 迴避原籍四百里

視學員 似春官禮科 視察學務推廣改良 暨撰擬文牘 迴避本縣

技士 似冬官工科 助理一切實業行政 擬撰文牘

宣講員 畧異夏官兵科 專任周行宣講 迴避本縣 用鄰縣相當人員

收發員 專司收發登記往來文件。迴避本縣

以上均一人各按職任。遴選專門畢業。或具有相當學識人員。依學科試驗之。書記員一等縣二人。二等縣一人。三等縣無。襄辦統計文牘紀錄之事。由縣知事酌量分配之。

檢驗吏 各縣一人。專司檢驗。

錄事 一等縣十二。二等十。三等八。夫役一等十二。二等八。三等六。

管獄員 與縣署內掾屬異。爲監獄之長。如昔之典史。

縣署以外設立之機關

警察所 所長仍由縣知事兼充。警佐由警務處遴委。巡官。巡長。警士。由縣配置。勸學所 所長一人。勸學員數人。支款分五等。視縣之大小爲差。

公款局 附設差徭局。以官督紳辦爲主。經理公款。每年清查財政一次。

戒煙局 局長以縣知事兼充。警佐副之。監察員舉邑紳有德望者。

農桑分局 局長由實業技士兼充。技術員由省委任。

第四十一章 自治

山西督軍兼省長閻公。頒布村長副須知。爲養成國民之資格。保持地方之公安。增進社會之生計。就山西村社舊規。重新整頓。另設街村長。副閻長。辦本村公益之事。助地方行政。就德性法令民生大綱。擇要宣示。凡縣署宣講員及區長。對於識字不多之街村長副。有召集一處。完全講解此書之義務。村長副應具有公道。熱心。毅力。於委辦報告事件。應負責任。一。村利益安寧所繫。開發富源。倡辦學務。立定村志。維持村德。與村民。議定村規。慎重村款。干涉游民。編查戶口。事務殷繁。周禮閻師黨正之遺制也。

各縣村制之綱要

村長副資格 樸實公正。兼通文義。三十歲以上。確無嗜好。不動產三千元以上。

村長副定額 村民三百戶。設長副各一。住戶多增村副。限四人。小村聯合設立。

村長副推舉 村民加倍推舉。知事選任。呈報省道公署。任期二年。得連任。

村長副職務 承行政官委託。辦理傳布進行事項。陳述利病。報告各事項。

村長副責任 如故意違抗要公。藉端阻撓。縣知事得撤換之。舞弊則查實立懲。

村正副費用 名譽職不支薪。依地方習慣。由縣知事酌定車馬費。令村民分攤。各村之閭長 二十五家爲一閭。設閭長。滿五十家設二人。兩閭以上。依次編號。各村之土地 兩村境界不明。應劃分清楚。以便遇事各担責任。

縣地方設區暫行條例舉要

各縣之區劃 以三區至六區爲度。促進地方之行政。依地方形勢習慣分之。

區長之委任 由省長委任。直隸於縣知事。兼警官者由警察處加委。

區長之公所 就區內適中之地設立之。經費由城區警察費節省撥充添籌之。

區長之職務 長官委任執行。督飭村正副。調查人口。保管登記簿副本。

區警之額數 酌量設置四名。至十二名。月餉四元。服裝歲六元。此外不得開報。

區長之年俸 百八十元至二百四十元。公費四十元。僱員一年薪六十元。

瘠若之補助 錢糧米豆原額不足萬元者。補助區費。由縣呈財政廳指撥。

四千兩以下。補助五分之四。 六千兩以下。補助五分之三。

八千兩以下。補助五分之二。 一萬兩以下。補助五分之一。

第四十二章 軍政

山西省督軍公署爲前清山西巡撫舊署。大堂有乾隆三年鐵板。及歷任巡撫題名碑。金石不渝。惟除去一切德政匾額。保存古物。力戒諛頌。大堂左右柱已朽。屋瓦亦裂。不加修葺。異於他省督署。專尙洋式者。至於建文廟。圖書館。教育會。學校。則無不堂構一新。頒布軍事問答。以倡軍國主義。山西軍政單行法規。亦由參謀處編印。統一號令。指揮軍隊。駐防。省火食服裝物品旅費。皆有規定。故民不擾。防亂緝匪。賞格必優。檢查行旅。詳晰詢問。嚴而不苛。功過分明。故人樂爲用也。

軍事教育

學兵團 省城大教場。招考高等小學畢業程度相當者。授以軍學及中學智識。
教導團 省城後小河。

軍人團體

軍政研究會 研究本省軍隊統馭內務教育三項。
軍人講演會 培養道德促進文明。分軍官軍士兩班。每星期各講演一次。

軍事機關

陸軍糧服局 製革科成品甚優。

陸軍軍械局 有軍械庫。子彈庫。火藥庫。及修械所工作廠。

軍政執法處 陸軍審判處 陸軍監獄。

陸軍第一旅 第二旅 第三旅 第四旅 各司令部及砲兵營皆駐省。

軍用電信局 陸軍測量局 軍事雜誌社

陸軍病院 陸軍殘廢病院

憲兵營司令處 憲兵第一連 憲兵第二連

衛戍地點

省城 陸軍第四混成旅部。拱衛軍署之東。

新南門外 卽首義門

大營盤 距省城六里。

狄村 距省城十里。

第四十三章 警察

山西全省警察廳兼省會警察廳。在首義門內。舊晉陽書院故址。於民國五年違章組織分設內設科員二。科員八。及秘書。餘歸警察廳職員兼任。省會警察廳。於民國二年三月組成內分總務行政司法衛生四科。外分四區。設警察署四。分駐所十六。派出所十七。歸各區管轄。又小巷設事務所一。此外警察隊消防隊拘留所各一。均歸廳署直轄。署長總具。各科分其職。各署分其地段。科有科長科員。署有署長署員。勤務督察。督察督察員。以考察勤務技士。事務員偵探員。各供職守焉。

省會警察儲金計畫

抽餉儲金 自八年一月起。長警各加餉十分之一。核定各級巡長月儲一元。各級巡警月儲五角。送交銀行。扣足半年。按年利五厘起息。

種樹儲金 省城長警六百名。拓至八百名。假定二十五年為退役期。每年種樹五株。十年以後。可得五株樹價。存放銀行。第二十五年。可積得十五年樹價。本利三百三十九元八角六分。退職後。每年仍得樹價十五元。至十年為止。

運城警察局

運城地當衝要。界接秦豫。又爲產鹽之區。機關林立。商務繁盛。舊設警察廳。本年按照地方警察官制第一條第三項。改設警察局。置局長一員。警佐四員。巡官五員。雇員二馬。巡長一馬。警八步。巡長九步。警八十七名。由河東道尹籌撥商捐車捐。分飭所屬提解備用。

各縣城市警察

統一名稱 知事兼所長。警佐兼第一區長。巡官一員至四員。裁去稽查教練。

分配警額 部定大縣三百。中縣二百。小縣一百。晉省多則百廿名。少則廿餘名。

劃一警餉 警長分六元八元六元四元。六元三等警士四元起碼。遞加二角。

抽調學警 各縣長警輪流到省教練。每名由各縣籌解學膳費五元五角。

設置區警 區制行所有巡警分卡裁併。城市以外大區六名。小區四名。

拓充村警 按戶數多寡。始而入百戶增一名。將來四百戶增一名。

全省保安隊 仿京師辦理。負有保安之責。剿除盜匪。偵察會哨。梭巡編成十隊。

第四十四章 山西財政之預算

山西省長咨交八年度省地方歲入歲出正附兩冊。並彙送各機關原豫算冊六十二本。並追加各案。經省議會交付預算委員會分別審查。旋據提出大會詳細討論。酌爲增減。以期收支適合原預算正附兩冊合計歲入總數二百四十二萬六千二百八十五元。歲出之數相抵。審查全案。僉以田賦附加一項。應以提省一半。畝捐抵補。綏甯議員歲費旅費。由該區自發。省城舖捐裁免。內務教育加減外。實得歲出總數二百三十三萬二千一百零八元。其餘除行政預備費外。作爲教育補助費焉。

民國八年度省地方歲入歲出預算總表

正冊

歲入 壹百柒拾伍萬肆千伍百壹拾叁元整

歲出 壹百柒拾伍萬肆千伍百壹拾叁元整

歲入 陸拾伍萬肆千貳百零叁元整

歲出 陸拾貳萬玖千貳百伍拾伍元整

附冊

出入相抵實盈貳萬肆千玖百肆拾捌元整

歲入經常

田賦附加 二八二、七三五、

雜稅 五八三、一七四、

雜捐 二二七、〇八七、

雜收入 一一三、五七六、

歲入臨時

五四七、九四一、

歲出經常

內務 二二一、一三六、

教育 九〇六、六五九、

實業 一五三、七三七、

內務 一二五、七四二、

歲出臨時

教育 六四、三〇五、

實業 一三三、二七四、

以上均正冊審定之數。至各縣地方豫算冊百五本內大同等八十八縣收支適合大寧等一十七縣則不敷焉。

第四十五章 山西之釐稅

山西釐金征收各局下。向委候補人員。雖自愛者不敢恣意侵漁。而委靡因循者流。但求期滿已稟已盈。於徵收事宜。畧無整頓。任令司巡賄放朋分。種種期詐。征之商者。十公家不得其五。是局卡徒供宵小。醉飽之資。每年公家損失。何止數十萬。爰定包商征收首節經費。次除中飽。增歲收。所訂規程。既須家道殷實。又須押款。鋪保以慎。於免復由縣知事。嚴重監督。如浮收苛擾。即執法以繩。其後包商自惜名譽。自不敢踰越範圍。剔除舊有飛洒隱戡之弊。年來節費增收六十餘萬元。國家析其半補助省地方焉。

山西包收釐稅要則

包商之資格 商務總分會 殷實商戶 家道殷實信用素著商人

包商之押款 按全年包額五分之一。不能交者。用殷實舖保三家。不動產抵押。

包商之區域 以舊日之分卡爲限。該卡比額酌加成數。有多數包者。投標定之。

包商之期限 暫以一年。不得半道退包。倘遇意外事變。准其呈候核辦。

包商之定章 照原頒稅則。不得減讓奪鄰卡之貨。或苛擾商民。違則懲辦。

修正釐稅則例委員會

釐稅雖有定章。而貨物輸入輸出。其名稱價值。不無隨時變更。甚至舊章未載。援引比例。莫衷一是。商民以違章浮收爲口實。特設會討論。每星期一次。關於貨物出入暢滯情形。及名稱價值之調查。奢侈品日用品之分析。及則例未載貨物之比例抽收。以期平均負擔。而利商民。

縣知事監督包收釐稅辦法

一面藉資保護。以防人民之反抗。一面實行監督。以防包商之專橫。隨到隨辦。不准抑勒需索陋規。

行商釐金現行辦法

原定釐則均係銀數。民國五年三月。詳准財政部。改征大洋。凡釐則收銀一兩者。改徵大洋二元。收銀一錢者。改收大洋二角。其零數不及一元者。應按照當地確實時價折合。不得高抬洋價。洋貨起有海關子口單者。驗明單貨相符放行。如有影射。均責令補釐。洋商持三聯單買土貨。驗明相符。換給廳照。截留原單繳廳。

第四十六章 普通教育

山西教育逐年進行計畫案。爲全國教育最有統系之精密計畫。又頒行義務教育進
行程序分期籌進編輯白話體小學教科書。除省立各師範學校積極拓充外。首創辦
省城師範講習所。通令每縣保送二人。課以三月。以應急需。每學區內十校至十五校。
派示教一人。周行整頓。又頒定富民子弟特別義務教育條例。凡財產在萬元以上者。
自身及子弟。皆有中、學畢業之義務。手著人民須知。印布二百七十萬。本電竿墻角。
遍書格言。商家遍懸識字牌。二年內教育經費增加四倍。普及之速。洵各省之冠也。

省立師範學校

第一 省城師範街舊令德書院 第二 河東運城

第三 大同縣城 第四 長治縣城

第五 代縣城

國民師範 省城北北門街。每年期有二千人以上之畢業生。有直隸中學生
第一女子 省城上馬街 第二女子 河東運城 第三女子 代縣考棚

省立中學校

第一 省城狀元橋舊日貢院地址張文襄匾額王可莊楹聯至今猶存。

第二 河東連城 第三 大同縣城 第四 長治縣城

第五 寧武縣城 第六 臨汾縣城

縣立中學校

陽興省城 河汾汾陽 晉沁晉城 平定 新絳 五台 定襄 聞喜 代縣

渾源 忻縣 崞縣

省立模範小學校 省城海子邊。

省立模範單級國民學校 南肖牆。試辦童子軍成效昭著。

省立第一貧民高等小學校 省城前所街。全省七校將來并擬設貧民中學。

公立女學校 省城南肖牆。省立女子中學校。將合各女學組成之。

尚志女子小學校

育德女學校

第四十七章 專門實業教育

山西大學。且爲各省立大學之模範。吾國疆宇廣闊。每省至少須立一大學。我不自立。友邦已代我立之。山西大學。即由美國李提摩太創之。山西人已完全收回。南京金陵大學。武昌又華大學。上海約翰大學。山東齊魯大學。浙江之江大學。應援例設法收回。山西農商法專門三。爲鼎列。各省所難。他省或縮專門爲甲種。未能保存。山西獨卓立。不僭中學畢業升學者。不致偏於法政。他省專門教育。但有法政而無農工商者。當受山西教育而自覺也。山西中學多甲種實業太少。曷若酌加實科。以實驗實用乎。

大學校 省城侯家巷。清光緒二十八年。成分國文。法科。工科。工科有機。械。土木。探礦。三門。并設專門部。豫科分第一第二部。因工業專門學校。自民國三年。併入爲育才館。督署東試驗本省大學專門畢業生。講現行法令。并完成其道德。以備任使。期限半年。教員皆官廳處科長。各校校長。旅長兼任。俾學成有用也。

法政專門學校 省城上官巷。分本科。豫科。清光緒三十三年成立。

行政研究所 省城海子邊。爲縣公署掾屬六項人員。習現行法令。以施於有政。

警察傳習所 省城侯家巷 警察教練所 附人傳習所

農業專門學校 省城上馬街。分農業、林業、獸醫、本科。學生平均費用。視大學尤重。

第二甲種農業學校 河東運城 第三甲種農業學校 長治縣城

乙種農業學校 永濟、河津、汾城、朔縣、陽城、沁縣、武鄉等縣較早。共四十校。

甲種工業學校 省城奶生堂。因大學既有專門科。乃退而改辦甲種。

乙種工業學校者。惟陽高、朔縣、陽城、孟縣四校先立。設備亦未完全。

商業專門學校 新滿城。舊爲城守尉署。聯合太原總商會編印山西商業雜誌。

乙種商業學校 共二十三校。平遙最發達。大同、榆次、崞縣亦盛。

銀行簿記傳習所 先由太原總商會附設。並通飭各縣商會附設商業傳習所。

外國文盲學社 龍王廟街

留法豫備學校 軍署

留日豫備學校 小北門街

醫學傳習所 爲醫學專門初基。國人不自立。教會乃以醫術收拾人心矣。

第四十八章 農業

山西之農民。日暮從事於田。枵腹衣就功。首戴茅蒲。身衣襤褸。需體塗足。暴其髮膚。盡其四支之敏。致力多而奏功少。然全省農產物。舊日調查。已得五萬餘種。不爲不多。清季光緒二十九年。始設農工局。農林學堂。種植試驗場。當時僅有農政全書。授時通考。可研農業。甜菜。畜牧。種樹。蠶。逐。漸。萌芽。近年農業革新。農學編輯會。出版書日多。興辦水利。盡力溝洫。林區苗圃。種羊牧場。種桑植棉。各有進步。昔日之理論學術。今日則實施於政治事業。治本於農。洵乎大中華。以農立國矣。

農桑總局 省城上馬街狄梁公舊祠改設。各縣設立分局。

農民傳習所 滿洲城定立農民實習規則。由技士技手指導之。俾轉相傳習。

林業傳習所 大鐵巷招高等小學及乙種農業畢業者。實習造林保護經理事。

蠶業工廠省城前所橋所織。普綢。晉綢。各色庫緞。比於蘇杭。

女子蠶桑傳習所 省城已屆畢業。訓令高平。虞鄉。安邑。陽城。解縣。翼城。晉城。平陸。襄垣。夏縣。汾城。安澤。長治。聞喜。路城。臨汾。汾陽。沁水。新絳。曲沃。沁縣。垣曲。臨晉。武。

鄉陵川稷山各設女子蠶業傳習所。注重實習。由教師口授。以三個月爲畢業。

山蠶試驗場四處

- 一文水
- 二霍縣
- 三聞縣
- 四安澤

棉業試驗場

設於臨汾縣。晉河東已種棉各縣。力圖改良。產棉地約計二千七百二十三頃。推廣於冀寧雁門兩道。將來產棉地可達九萬餘頃。

造林逐年計畫之將來

晉省現有森林面積共一萬二千二百一頃五十九畝。每人平均約有林地不過一分二厘。有奇。比較世界林業最少之荷國。每人六分。英國每人五分。猶遠不及。如能實行造林。每人年各二畝。計三十年後。可造林一百八十萬頃。合之機關造林二萬七千頃。共一百八十二萬七千頃。政界公林成活者十之八九云。

大牧場四處

- 一省垣
- 二交城縣
- 三安澤縣
- 四朔縣

第四十九章

工業

山西工業今日尙無極大工廠如平定陽泉能立一最大之鍊鐵廠不但鐵軌可鑄如洋針洋釘之微以及織襪縫衣各機器皆不難於鍊鐵廠附近立無數機器廠如磨麵及榨油皆應有大機器廠省城人眾宜有大工廠以安置之河東宜棉宜桑應設最大紡紗廠繅絲廠大同近塞外宜設最大之呢革廠昔武昌各大工廠官辦則虧招商承辦則絀乎有餘江浙一縣或一鎮亦有巨廠出資者不過三數富家願山西窖金之富戶投資以營本省大實業先從每道治設一二廠苟得人則必成矣

公立工藝局 省城瀟陵橋織染硫化青菜尾葡萄荷灰各袍料布結實耐用紋理頗細方格絲條電光提花各布均勻潔新奇各縣織品則有祁縣忻縣新絳洪洞孟縣汾陽平遙襄垣靈石榆次臨汾五寨

工業試驗所 省城奶生堂所製有高梁皮穰混用紙淨高粱杆鞘紙淨高粱杆皮紙麻紙亦合用來蘇藥皂改良香皂各縣送到礦質均由所試驗質料成分玻璃製燈罩電燈罩酒瓶糖礮痰盂皆明淨無疵花樣合時并附設藝徒養成所

平民工廠 省城城隍廟所製五色新式方巾。漂白各號手巾。皂鞋。煖鞋。均便於用。

平定平民工廠 各陶器。泥質細膩。工作鮮明。洪洞平民工廠 織品亦佳。

裕華工廠 黑香皂。

陸軍修械所 省城北門外。所製電匣。鎗門。油鐘。分電。搬開。刺刀。指揮刀。馬刀。步號。

鑿鋸。鐵面具。鋼鏟。較舶來品。尚無遜色。實不失爲本省之特產。

省城銅製馬號步號。尚適用。太谷長盛公銅器。以煙袋著。大同發福魁。有銅火鍋。

糧服局

製革科 省城府門前

工作廠 省城倉門前

省城第一監獄 紫漆各新式木器。堅實可用。布疋。被面。腿帶。童帽。袖筒。皆合於用。

刺繡傳習所 省城柴市巷。所有刺繡成績。尙佳。然最重要繡品。則由五臺山移來。

平金御座 康乾舊物。今日如新。文繡精良。昔日奉一人者。今當公之於天下也。

刻絲屏風 繪西湖全景。絲絲入扣。京師各省所未見。日本美術。望塵不及者也。

第五十章 商業及貨幣

山西商業昔盛今衰。最大之原因。在經驗多而學術少。具保守之性質。乏進取之思想。在閉關時代。可以執全國商人之牛耳。一則無世界商學鉅子爭衡。二則在上之貴冑。例不得營商與民爭利。三則科舉之士。有不習珠盤而視爲賤業者。於是票號商人。乃以祖宗之積累。鄉黨之團體。壟斷官與民之間。清季不能合設銀行。不知派子弟留學。商業專門。專恃徒弟制度。畧知洒掃應對。不能通世界文。言以發展於國外。今商業專門羣彥。又不能聯合富商。組成大公司。必益勵商德。民信爭事。乃有濟也。

太原總商會。省城商務。冠於全省。普通商界以錢、糧、布、鐵、藥、諸業。資本較厚。今則油、藥、書、業。亦占勢力。鐵路交通後。洋廣雜貨、乾菜、茶葉、估衣、首飾、靴鞋、煙草。諸業。與做莊、旅館、澡塘、並盛。油漆、裱畫、彈染、木石、銅錫。諸匠。則因仍其舊業焉。

勸工陳列所。省城海子邊。陳列本省物品。多由第一次實業展覽會徵集。五台山御用品。最精細。足見吾國美術發達之早。代售國貨。品類不多。往往各縣陳列品。極佳。而省城不易購求。陳列品繁多。分列於各縣物產項下。舊志所無也。

銅元製造廠。省城北門外。晉省劃一幣制。商民交易。一律通用銀元銅元。前此銀兩。後來者。均照市折合銀元。制錢往來存欠。均折合每銅元一枚。當制錢十文。其各縣習慣錢色錢數不同者。應以最公平之市價折合之。

中國銀行

大同分行

河東分行 安邑興業錢局。在河東亦占有一部勢力。

山西省銀行

股本三百萬元。已募得半數。開始營業。

晉勝銀行

代理交通銀行發行紙幣。兌現事宜。爲商辦銀行之基。

取締各條紙幣。發行紙幣。必須兌現。其額不得過資本兩倍半。至少必有四成準。

備金。由本市商會證明。並須殷實商號兩家作保。新發紙幣。須經商會蓋戳。

劃一權度。新器折算。奸商從中漁利。官廳增收器價。加重斗捐。曾經嚴令查禁。

第五十一章 公司

山西省城公司之著者。惟電燈公司爲全城大放光明。獨一營業。山西煤多。則設電燈價值宜廉。庶幾各縣城鎮均可推行。以免購舶來之洋油。且甲種工科學生。宜習電學。以便應用。其次則雙福公司所出洋火柴。亦人生日用之物。配置適宜。惟裝欠精。火柴需用之白楊桿。應由林場苗圃。提倡多種。磺礦易得。原料毫不待外求。其次則利晉公司。製造草帽。工精料細。亦足以抵制外貨。晉元公司磁器釉色最佳。年來孟家井頗有餘利。

山西礦業公司 昔注册者十八家。今增三十二家。呈請待審查者尙百餘家。

保晉公司 在平定。無煙煤質甚佳。色澤亦強。

普晉公司 在天鎮。開鉛礦。質色均佳。

王封礦公司 在陽曲。

王封新礦公司 在陽曲。

其餘獨資營業之礦商亦居多數。

山西水利各公司

廣濟 在應縣。南渠、北渠、東渠、中渠，共溉十萬畝。忻縣、崞縣、定襄各溉數萬畝。

普濟 在崞縣。陽武河、溥濟渠溉六千畝。支渠溉三千畝。太原繁峙亦有普濟渠。

大興 在大同。溉四萬餘畝。又有玉濟、永恆、集義、湧泉、永豐各公司。

廣裕 在朔縣。灌地八千頃。恢河第一二三渠兼及代縣。又有裕興、玉成各公司。

南坪 在靈邱。溉千三百畝。有優熟地半熟地之別。

廣源 在天鎮。引桑乾溉六百餘畝。信豐 在平魯。塌而復開。溉七千餘頃。

山西織布公司

益晉 在祁縣。有哈啦、斜紋、愛國布、時花綢、電光閃花緞、手巾、腰帶、被面之屬。

濬源 在汾陽。有十景雜色被面。加重褥單。織花賽寧綢。頗合時式。

山西各項公司

牧畜 在夏縣。其餘和順、屯留、長子、大同、寧武、鄉寧、隰縣亦盛。

稷酒 在稷山。

第五十二章 山西之鐵路

山西鐵路。自京師言之。則京綏最重。完全爲中國人材款項。自行修築。聯絡燕雲。大同之形勢益重。雖同蒲同成之幹軌未成。商業已潛移於豐鎮。近日口泉枝路業已告成。他日晉北鐵路。必以大同爲中心。無可疑也。正太鐵路爲借外款開辦。軌道與京漢京綏等路不同。修路之始。中央未能爲同軌至計。今京太接軌甚近。而不能馳直達之車。正太車中秩序整齊。不至如津浦之焚亂。入境者。知民之望治也。道清鐵路擬延長修澤清鐵路至晉城。亦將鑿太行以進焉。

京綏鐵路所經本省各地

天鎮 京師三百六十七里。至張家口。又經孔家莊。郭磊莊。柴溝。西灣。水嘉。至此。陽高 東隔羅文皂一小站。快車不停。西有王官人屯。聚樂莊。周士莊。以達大同。大同 距京師六百九十九里。北有孤山堡子灣兩站。至豐鎮。距大同八十二里。口泉 自大同二十二里平旺站。又十二里至口泉。計枝路三十二里。大同早六時快車晚至京。八時慢車。晚至張家口。午後二時車。晚至豐鎮。

正太鐵路行車時刻表

自左而右

石家莊

客車 早七點五十分開
客貨車 早五點三十分開

四點五十分到
六點五十分到

獲鹿縣

八點五十分到

六點六分

四點二十三分到
六點十八分

井陘縣

九點五十分到

八點十分到

二點五十分到
四點九分

陽泉

十二點十分到

十一點三分到

十二點八分
十一點三十分到

壽陽縣

二點七十分到

二點四十分到

十點四十分到
九點五十分到

榆次縣

三點五十分到

三點五十分到

八點五十分到
七點三十分到

太原省

四點四十分到

六點五十分到

早八點十分開
客貨車 早六點四十分開

正太鐵路應改良者

行車表

各小站均不載行車表時刻。登之報端。今分列平定。壽陽。榆次。章。

旅行指南

應仿照京漢鐵路撰。正太鐵路指南。

培植道樹

吾國京奉沿路種樹成陰。南滿所不及。正太鐵路。應仿照造林。

入山洞應開電燈

此京張之辦法。娘子關宜仿居庸關辦法。

第五十三章 山西之道路

山西交通不便。致人民生產無由發達。既無航路可通。而大同平定兩鐵路。止能東達。則山行者崎嶇。原行者泥濘。轉運困難。生計艱窘。近年境內道途。隨時督由村民平治。然瘠苦之區。因陋就簡。富庶之縣。畫疆自封。難收貫澈之效。且舊路失修已久。土陷石崩。工用浩繁。村民無担負艱鉅之能力。今就全省路線。通籌熟計。按省縣鄉分定三種辦法。以省路。省修。縣路。縣修。鄉路。鄉修。爲綱。除縣路鄉路兩種。由各縣區詳查規定彙報辦理外。其省路規定如左。

通省幹路

省城爲中心 南至運城 北至大同 計一千八百里 提高路身。畧施碾壓。

大枝路五

- 一由祁縣經武鄉沁縣高平至晉城。舊日通行小車。定爲窄軌車路。以達河南。
- 一由忻縣經定襄至五臺。
- 一由崞縣經寧武神池五寨至保德。

一由新絳過稷山至河津。

一由運城過解縣至永濟。

小枝路六

一由太谷經榆社至遼縣。

山險路狹者改寬。舊途不適用者另闢新路。

一由陽曲經嵐縣至興縣。

一由霍縣經隰縣至永和大寧。

一由臨汾經鄉寧至吉縣。

一由聞喜經絳縣至垣曲。

一由寧武經朔縣至平魯。

大枝兼小枝共四

一由太原經清源交城文水至汾陽爲大枝。汾陽至中陽離石爲小枝。

一由代縣至繁峙爲大枝。繁峙至靈邱廣靈爲小枝。

通共十三路。卽山西未來鐵路之計畫線也。

第五十四章 山西之電政

山西省電報由交通部設局。蓋山陝之交通，陝必由山西而後達於中央。山西電桿循驛路以進。行旅對於電桿，若指路碑焉。山西印成各種格言，張貼於電桿，以便行路之人，皆受其教焉。官電多，商電少。近來又有軍用電話之設焉。省城電話局通話者不及二百處。各縣惟鐵路車站，由鐵路附屬電話。商民仍不通用。昔偏陬僻地，閒有竊取電桿電線之事。今區行政日密，區警分布日多，此項竊取電桿電線之事，遂不致發生。運城大同正擬推廣電話焉。

山西全省電線共分五線。

東幹 陽曲東經平定，出直隸井陘，通京師。

北幹 陽曲北經忻縣代縣，大同，陽高，通張北。大同分支通豐鎮，綏遠。

西幹 陽曲西經汾陽，至磧口。

南幹 陽曲南經祁縣，平遙，霍縣，臨汾，侯馬，運城，韓陽，潼關。

南支 陽曲至太谷。

太原電話 全線不二百號。省城官商重要機關無不備。居民用者尙少。錄要備覽。

官署 督軍室 督軍辦公處 軍法課 密電室 譯電室 副官處

省長公署總務科 收發處 六政考核處 統計處

冀寧道 財政廳 教育廳 實業廳 陽曲縣

高等審判廳 高等檢察廳 地方審判廳 地方檢察廳 第一監獄

機關 權運局 印花稅票處 菸酒專賣局 政治實察所 農桑總局

平民工廠 蠶業工廠 模範牧場 工業試驗所 陳列所 醫院

團體 省議會 商務總會 行政討論會 國語研究會 宗聖洗心社

軍旅 糧服局 軍械局 子藥庫 火藥庫 修械所 工作廠 測量局

警察 處長室 巡緝隊 教練所 四區巡警局 各門巡警局

學校 大學 農工商法四專門 男女兩師範 第一陽興兩中學

銀行 中國銀行 山西省銀行 晉勝銀行 其他興業錢局等

商家 商務印書館 中華書局 其他印刷館六家。飯莊五家。澡塘三家。

第五十五章 山西之郵政

山西與全國一萬二千處郵務機關通信。且可遠達世界各國。當鐵路交通未徧之際。實賴山西各縣城鄉郵差。櫛風沐雨。跋山涉水。促僻壤之進化也。近年全國郵政盈餘二百萬。比昔年驛站。歲需鉅款而僅送公文者。實爲利便。山西自民國二年六月准交通部核定山西裁驛歸郵辦法暨合同底稿。試辦以後。逐漸推行。各縣裁撤驛站。所有馬匹鞍履棚廠各物。照章變價。遣送驛卒馬夫。多改業郵差。於是省城有郵務管理局。以總持大綱。郵務長仍用客卿。國人但任下級郵員而已。客卿行政。遂及於僻壤矣。

山西郵政之主權

郵務長雖由交通部備聘外人。然全省無通商口岸。無外國郵便。政令易於統一。觀煙禁之厲行。知檢查郵件。杜絕來源。其關係最重焉。

- 一 郵務管理局函遵照交通部令。查獲禁品附帶物件。一律充公。
- 二 各縣郵件包裹。查獲夾帶煙土金丹等物。留縣作證。
- 三 各縣檢查郵差。夾帶煙土。

山西各縣通郵而外。其餘通郵各鄉鎮彙列於左。依郵政章程列之。

西郊鎮	西洛鎮	解店鎮	貴石溝	買令鎮	趙村鎮	軒崗鎮	辛興鎮
舜帝廟	茅津渡	長凝鎮	金井廟	蔭營鎮	陌底鎮	鹿亭驛	西谷村
白泉鎮	磧口鎮	神頭鎮	米山鎮	紫坑鎮	義安村	翟店鎮	胡村鎮
滋芝驛	清河鎮	清城鎮	演武鎮	潤城鎮	牛杜鎮	陽泉鎮	王顯鎮
東溝鎮	橫水鎮	段村鎮	殺虎口	永康鎮	河口鎮	河底鎮	泉掌鎮
府城鎮	廣武鎮	張蘭鎮	懷仁鎮	晉祠	曲村鎮	曹張鎮	東冶
子洪鎮	孫吉鎮	寺莊鎮	小店鎮	小常鎮	小里鎮	帽陽鎮	岱岳鎮
夏店鎮	大余太	大常鎮	大陽鎮	大營	夾馬口	奇村鎮	娘子關
卿頭鎮	口泉鎮	古城鎮	古縣鎮	向陽鎮	吳村鎮	周村鎮	响水河
侯馬鎮	兌九峪	兩渡鎮	北社鎮	北洸村	北相鎮	匱河鎮	南村鎮
四頭地	二道河	五台山	什貼鎮	仁義鎮	井坪鎮	六堡鎮	北田鎮
七級鎮	三交鎮	三佳村	三泉鎮	上社鎮	上莊鎮	上寨村	中黃鎮

第五篇 地方志

第五十六章 陽曲縣

陽曲縣治。北緯三十七度五十四分。偏西三度五十六分。

位置 東界壽陽。東南界榆次。南界太原。西南界清源。西界交城。西北界靜樂。北界忻縣。東北界定襄。東西百五十里。南北百二十里。面積一萬八千方里。

沿革 戰國趙狼孟邑。秦狼孟縣。漢置陽曲。魏徙治。隋改陽直。唐復今名。宋爲并州治。元隸冀寧路。明清爲太原府治。民國廢府爲山西省治冀寧道治。

山脈 罕山自太行蜿蜒縣東北。聖廟嶺有先師廟。有阪泉山。梁鴻山及石嶺關。迤乎西北。崛巒山。烈石谷。及天門關。卽乾燭谷。火山伏脈。介乎交城。王封山多產硫磺。

水系 汾水自交城火山東流出。烈石口南流。經西門外二里。又西南入太原界。陽曲川自東北來。汾龍門匯合。洛陰水至陽曲鎮入陽曲川。龍泉掃谷石會澗。河皆入汾。物產 高粱稈穰。稈皮均可造紙。五靈脂尤多。王封鎮有官礮。大川鎮。河口鎮。有鍊鐵廠。并剪著名。煤出壘頭。工藝局舊製玻璃。裕華工廠製腰子。藍坭土製陶器。

實業 計地九萬七千二百頃。已耕八千二百八十五頃。森林二十一頃五十五畝。第一苗圃在北關。成渠十五。長白五十八里。溉四萬四千三百七十畝。

人口 十八萬六千五百六十二人。

教育 省城有縣立國民學校六。高等小學二。女子國民一。全縣國民一百二十六校。陽興中學爲十一縣聯合公立。卽崇修書院故址。陽興黃渠呼延大泉鄉校亦盛。城市 省城正方形。每方二門。舊日南市。羊市。牛市。麻市。皆自大南門而北。今則橋頭街。鐘樓街。商業最爲繁盛。立有共和市場。馬路整齊。路有電燈。

鄉鎮 八百二十四村。編爲一百四十村。昔日分四十都。共十二鎮。晉大夫竇鳴犢故城。在縣西北十五里。陽曲故縣。在縣東六十五里。狄梁公故里在狄村。寇萊公別墅在寇莊。西鄉王封鎮爲硫磺發行之所。北嶺青龍鎮多行旅膳宿焉。

交通 正太鐵路車站。在首義門。卽新南門。車站及郵政仍用太原府舊稱。不能遽變。同蒲鐵路未成。南經徐溝。祁縣。平遙。介休。靈石。霍縣。趙城。洪洞。臨汾。曲沃。聞喜。猗氏。臨晉。永濟。通陝西北。經忻。崞。代。懷仁。至大同。

第五十七章 太原縣

太原縣治。北緯三十七度四十六分。偏西四度零四分。

位置 東界榆次。南界徐溝。西南界清源。西北界陽曲。東西廣六十五里。南北袤六十里。面積四千二百二十五里。

沿革 太原本堯封舊地。國曰唐。後有天下。亦用以爲號。先有金天氏裔臺駘居此。堯徙高辛氏實沈居焉。禹貢既修太原。周封唐叔虞。晉陽始見於春秋。隋始改太原縣。山脈 太山在風峪。縣西五里。馬房峪。柳子峪出礬。黃蘆峪。閻家峪。出石炭。冶峪。昔冶鐵。今陶磁。開化峪。燬石灰。造沙鍋。潛邱出瓦窰。嬰山鑄字。石室古篆。蒙山甘泉亦著。水系 晋水出懸甕山。善利難老二泉。出晋祠。分南北中三渠。並入於汾。汾水自陽曲西南流入境。會晋水。又南會榆次北水。是爲澗河。風峪沙河亦東流入汾。汾在境內長七十里。流入清源。洞渦水自榆次來。經王家堡。入清源境。而後合於汾。物產 水田宜稻宜藕。藕粉列爲貢品。蠶絲亦細。甕山松柏最古。晋祠特產長生蘋。味甚美。崔峪山產鐵。白礬尤著。煤。渣。火。硝。稽。灰。煎。成。

實業 計地二萬二千八百一十五頃。已墾五千三百八十八頃。森林三十頃八十三畝。成渠三十五。長六百六十七里。溉十三萬零三百一十五畝。

人口 十萬零六千九百五十七人。

教育 縣立高等小學在西街。乙種實業在文廟。全縣國民一百二十三校。城關義務教育。已增四校六班。一百九十七人。

城市 唐天授時置北都。跨水聯堞。合二城而一。五代唐晉漢皆置北京。今城卽古晉陽之南關。周七里。內外各四門。晉陽城在治北里許。唐城在治北二里許。堯時築。

鄉鎮 二百零九村。編爲五十四村。晉祠堡。周三百尺。南堡周二里許。智伯遏水灌晉陽。後人因之。蓄爲池沼。貞觀碣畔。曾設水磨。縣東有小店鎮在汾水之東。北格鎮在其南。均有市集。及旅店客寓。

交通 自縣城東門。經鹽堡。梁家寨。東城角。龐家寨。渡汾至小店鎮。正東下莊。南畔。高中爲赴京大路。今赴京者皆先晉省。北由紅寺。范家堡。小馬村。大馬村。楊家堡。入陽曲縣境。若赴晉南河東。則由小店南經北格鎮向徐溝南行。

第五十八章 榆次縣

榆次縣治。北緯三十七度四十一分。偏西三度四十四分。

位置 東界壽陽。東南界和順。南界太谷。西南界徐溝。西界太原。西北界陽曲。東西八十五里。南北一百一十五里。宋時爲并州最廣。金削滅。今面積九千七百七十五里。沿革 上古帝榆罔國榆州。此地與榆社相次故名。春秋爲涂水邑。智伯伐趙。有榆次之禍。秦莊襄攻趙。取榆次爲縣。屬太原郡。漢因之。北魏省。北齊改中都。隋復稱榆次。山脈 罕山在縣北五十里。全境主峰。少南爲陰山。東南爲冀家山。僕牛老鴉諸山相屬。小五臺山有孔子之像。榆城坂在東南。昔險今夷。柏醫青楊中林諸山。栝柏冬青水系。洞渦水自壽陽西流入境。稍西北。下峪河入焉。經東趙村石家坂。河入焉。至北合流村。大小涂水合諸小水環中都故城。與洞渦會。又西南經永康鎮。過郝村。入徐溝境。金水河出太谷。經縣東陽鎮入徐溝。淵河出壽陽。經鳴謙城會諸水入太原境。物產 訓峪哀家梨及桃。東西中三郝村貢瓜。王胡村并刀剪。棉花冠全省。燒酒亦香。要村葦箔。孟家井磁製筆洗。寬布及手巾。腿帶褲帶皆便用。

實業 計地五萬二千七百八十五頃。已耕者九千一百九十三頃餘。森林八十頃。成渠三十五。長三百八十九里。溉十五萬一千七百二十畝。

人口 十三萬五千八百五十五人。

教育 縣立高等小學在城內。又有乙種商業學校一。女學二。國民學校一百六十一處。各村仍閒有私塾。

城市 城堞整齊。作四方形。南關有外城。作半規之形。車站在城北。縣署旁有煤山。東與常平倉相接。窪地一灣。名曰倉濠。街衢四達。房屋高潔。有繁盛氣象。

鄉鎮 三百零一村。編爲二百一十三村。古分十一鄉。後分七十都。近則四路八鎮最著。東北十里王胡鎮。又四十五里什貼鎮。東南五里源渦鎮。西北四里郭家堡。二十里鳴謙鎮。西南三十里永康鎮。十五里懷仁鎮。三十里東陽鎮。

交通 正太鐵路所經。自靈陽縣入境。有趙東車站。北合流車站。至縣城之北。折西北行爲鳴李車站。又經北營車站。六十里頃刻到省。太谷祁縣平遙商人。多取道於此。擬修支路。由縣城西門南經南要。東白。以達東陽。則太谷徐溝之道益近也。

第五十九章 太谷縣

太谷縣治北緯三十七度二十六分偏西三度五十八分。

位置 東界和順。東南界榆社。南界祁縣。西界祁縣。西北界清源。東北界榆次。東西一百三十五里。南北五十五里。面積七千一百五十方里。

沿革 商封箕子。春秋晉敗狄於箕。又陽處父采邑。漢陽邑縣在縣東。北周徙今治。隋開皇十八年改曰太谷。以縣南山爲太行之谷。故名。唐置太州。旋廢。縣名相沿至今。山脈 太谷東南。胡谷。蔡谷。咸陽谷。黃土谷。四卦谷。回馬谷。象谷。皆一脈相連。雪峯巖。峻。松嶺。黃花巖。秀馬陵。關。黑虎關。最險。鳳皇山。距城稍近。鳳景。鳳翼。諸山。可資游眺。水系 太谷水源。回馬谷。曰烏馬河。合四卦谷之四卦河。奄谷之奄河。馬明王谷之水。則與護城河相連。咸陽谷水。經咸陽城。西北流。會於回馬河。西至清源。祁縣注於汾。象谷水源。出榆社。經縣北。至清源。入汾。金水河在縣東北。入榆次境。物產 水稻。惟侯城。咸陽。范村產之。餘多粟麥。龍門壑。林檎。回馬谷。葡萄。號馬乳雞心。製造品以銅器爲著。其布麻。錠蜜。臘之貨。悉備。蓺菊者。接隴連畦。甲於三晉。

實業 計地三萬八千六百一十頃已耕六千一百六十二頃成渠二十一長一百一十八里。漑五萬零六百八十畝。城內有紡織廠。皮革公司已衰落。僅存雞蛋公司。

人口 十二萬六千二百四十人。

教育 縣立高等小學在城內。學生舊習奢華。漸掃除。國民學校五十九所。學生一千七百七十六人。

城市 城方形。北門偏於西北。有襄子廟。周圍十里。先是邑多家庭之訟。彤家言北隅城垣稍卑。建樓後。訟果減。南關西關東嶽廟。每年廟會。商肆較盛。

鄉鎮 三百五十八村。編爲百村。有堡二十七。汾陽邑池村胡村北洸村四區。陽邑白城侯城池村四大鎮。陽邑尤盛。北有去上善堡敦坊堡。馬嶺有絲桑堤。長三百里。或誤爲長城。咸陽城爲秦伐趙。咸陽戍兵所築。北有洛漠城。亦秦將王翦所築。

交通 北距省城一百二十里。縣治不當大路。北出楚王村。至徐溝縣治。計行三十里。即合於大路。東南馬陵關。距縣七十里。萬山亂出。一水旁流。榆社武鄉襄垣。入省要道。石磴盤紆。東出直隸。順德舊府邢臺縣。有捷徑焉。黑虎嶺則通和順之阨塞也。

第六十章 祁縣

祁縣治北緯三十七度二十二分偏西四度一十一分。

位置 東北界徐溝。東界太谷。東南界武鄉。西南界平遙。西界文水。東西五十里。南北一百五十里。面積七千五百方里。

沿革 爾雅昭餘祁大澤。久湮。春秋時祁奚食邑。晉分祁氏之田爲七縣。其城今爲上。下古縣二村。漢晉封祁侯。北魏徙今治。

山脈 石夫子洞在雙泉山石崖中。內有孔子像。山巔積雪不化。即龍山之首。綿嶺十八盤。與高峰壑相連。麓臺山跨平遙界。高三十里有龍洞。

水系 胡甲水出武鄉北流經縣北。又西流入平遙界。名昌源河。土人名曰沙河。隸境內長一百一十里。汾水經縣西建安村新堡。入平遙界。僅長五里。洞濶來自清源。滎澗文水長二十里。入平遙界。胡甲水所會諸水。惟胡溪河水利最著。

物產 木材最富。桑榆松楸楊柳皆宜。桃有夏秋二種。油酒錫糖豆粉均多。麥有大王鞭鹽池煎戶五百八十面。每池稅六錢。城趙北左。胡帳等村。鹵地不毛。掃上煎鹽。

實業 計地四萬零五百頃。已墾五千三百八十一頃。森林僅存二頃半。蓋明以前森林。近年濫伐殆盡。水患遂多。成渠十六。長百六十六里。溉十一萬四千九百六十畝。人口 十一萬四千四百二十四人。

教育 祁太中學校。在城內。附有高等小學。縣立第一二高小及乙種商業均在城內。賈令東關二鎮亦另設高等小學。女子高小則在東關。

城市 舊城四門有濠。植柳二千餘株。西關周圍二里。東倚大城。商業殷盛。山西票莊。年久多歇。東惟大德恒。大德通。尙能自立。

鄉鎮 二百三十九村。編爲一百一十村。正東二十里武鄉堡。東北七里高村堡。十里西六支堡。西北二里南谷豐堡。東北七里土村堡。十八里谷戀堡。三十里白圭鎮。東南十里溫曲堡。三十里新寨。正北十五里賈令鎮。三十里石孔廟。新韓鎮有感應泉。交通 省南稍西一百四十里。舊有賈令驛。爲川陝通衢。今仍爲南北大路。他日同蒲幹路所經。自豐澤鋪至西關。南經五里十里各鋪。至交界鋪。達平遙境。縣東白圭鋪。團柏鋪。紫紅鋪。至盤陀驛。則省城通上黨之通衢。

第六十一章 交城縣

交城縣治北緯三十七度三十六分偏西四度二十分

位置 東界清源南界文水西界離石西南界汾陽北界靜樂東北界陽曲東西一百

八十里南北一百六十五里面積三萬二千一百七十五方里

沿革 周初唐叔封地後爲北戎所據戰國趙肅侯武靈王游大陵卽此漢晉陽西境

隋置牧官隋置交城縣因古交城得名卽縣東北九十里故交村或曰因汾孔交流

也山脈 孔嶺在龍鬚山北有孔河聖裔所至蓋呂梁山東北之大支也少陽山馬鞍

山西有狐突墓孝文山卽北魏孝文避暑處餘脈爲縣西北之卦山阜如爻象焉

水系 孔河出孔峪台縣北諸水東至古交鎮入於汾孔峪之西文峪有文峪河五水

南流又謂之西河合縣西諸水又名渾谷水下達文水發窩河出卦山東北瓦窩河

出卦山西北至縣入文水界相合入於文峪河

物產 牛羊皮爲出產大宗灘羊皮自寧夏來今設有交城種羊牧場銷皮廠百餘家

覃村琉璃器十餘家所作葡萄石榴果品模型惟妙惟肖原料出開柵鎮河灘中

實業 計地十七萬三千七百四十五頃。已耕三千四百三十六頃餘。森林四十九頃半。成渠十八。長百四十里。溉五萬四千五百畝。皮貨皆沿舊法。玻璃尙多新式。人口 八萬四千七百八十一人。

教育 縣立高等小學在城內。只一處。女子高等小學尙未成立。女學共三校。國民學校逾百校。城內模範小學較爲完善。

城市 城在卦山之南麓。瓷窑瓦窑二水之間。周十里。東關爲商塵繁盛之地。街道雖不廣。然頗整潔。北郭有狐大夫祠。西北有寶舜華廟。舞陽侯廟。

鄉鎮 四百五十五村。編爲九十五村縣。南廣興鎮與文水界。爲米商貿易地。古交鎮爲舊縣治。亦南北往來之衝。東社鎮。西社鎮。對峙兩河兩岸。形勢險要。物產亦豐。大陵城在縣西南十里。馬蘭城在縣北九十里。西冶村大通鐵冶在西北八十里。

交通 省西南一百二十里。上省必取道於太原之晉祠。轎車可通。或以騾驢代步。運貨以大車。故交城水泉寨高百餘丈。險仄僅通一徑。西北一百四十里與臨嵐離石界上。有東葫蘆西葫蘆承其衝。其往來頗艱困也。

第六十二章 文水縣

文水縣治北緯三十七度二十八分偏西四度二十九分。

位置 東界祁縣。南界平遙。西南界汾陽。西界離石。北界交城。東北界清源。東西八十里。南北六十里。九千三百七十五方里。

沿革 春秋晉平陵。戰國趙大陵。漢平陶。北魏置受陽縣。隋始改爲文水。以文谷水得名。唐改武興。旋復舊。後仍之。元明以前治舊城村。明萬曆始建城於文峪水之西焉。山脈 子夏山在縣西廿五里。有隱堂洞。爲西河退老處。山呂梁山脈之比干山分支。東來有白卯坡。高起一峯。屹立西北。他如土安山、周家山、呂家山皆岡阜相連。

水系 汾水故道由交城入。經北安。河南入汾陽界。今由清源入。經縣東南徐家鎮入平遙界。遷徙無定。凡異漲奪流。改道另自成槽。堤不能防。每向東徙。文峪河自交城來。經開棚鎮。每向西徙。亦有新舊二河入汾陽界。舊有泌水。猷水。今已涸。

物產 果物以葡萄爲最美。農產則麥子瓜爲大宗。西山之動物。則野猪肉別有風味。狐狼皮亦貴重。礦物有煤鐵硫磺未開。城東有磚窰。東西各村有油榨。婦女亦蠶織。

實業 計地五萬零六百二十五頃。已耕八千零三十八頃。森林二頃八十六畝。成渠十三。長一百四十一里。溉二十萬零三千畝。

人口 一十五萬零七百一十人。

教育 縣立高等小學在西街。女子高等小學在關岳廟。國民學校在城者四。四鄉各鎮亦設高小女學各四。國民學校一百四十四處。

城市 城周十里。以南門大街最爲繁華。北街西街次之。東城空地皆爲農家耕種。與鄉村無異。東有私諱村。南有冀岡村。北有北關。西有土堂村。

鄉鎮 二百零二村。編成一百三十九村。關柵鎮在縣北二十里。據文峪口兩峯相去丈餘。堡周四里。河鬻其半。馬西寨在隱泉山上。因山設險。腹石爲城。周三里。平陶城在縣西南廿五里。堯封唐侯故都。攀龍臺則唐武后追封武士護之墓也。

交通 在省西南一百六十里。爲省城赴汾陽孝義之大路。車馬殷繁。西則有大山梗。阻往來不便。行旅亦稀。正東赴祁縣大路亦甚坦平。東南赴平遙小路亦便。縣城各鄉鎮郵局已成立。

第六十三章 嵐縣

嵐縣治北緯三十八度二十五分。偏西四度五十一分。

位置 東界靜樂。南界方山。西南界臨縣。西界興縣。北界岢嵐。東西一百一十里。南北一百四十里。面積一萬六千八百方里。

沿革 漢宜芳有古秀容城。北魏爲爾朱榮南秀容地。隋爲樓煩郡嵐城縣。唐改宜芳縣隸東曾州。金名嵐州。明改州爲縣。宋樞密使丁儋生於合會。邑人常用合會別名。山脈 管涔蘆芽山脈南至縣東北之鹿徑嶺。巨北界至乏馬嶺。由野雞山至縣西南柳峪。黃嶮。白龍。入萬等山。南至灰灰嶺。赤堅嶺分爲桃尖。銅鼓等山。

水系 嵐水出赤堅嶺。經新村名新村河。又至大賢莊。會柳峪之水曰大賢河。自西折東。亦曰秀容河。至東村鎮。綠水河自北來會。上明河自上明鎮來會。曰經岔河。出石門。由靜樂會於汾。蔚汾水出縣西尖山。經興縣注於黃河。

物產 樺石根雕成白碗。有木盤。木棒盒。木筆筒。木碟。均加畫工。雖欠精細。尙能適用。礦物有石英。沿大賢河不宜五穀。宜種藍。林木多松櫟。縣北十里有銅洞。銅爛溝中。

實業 計地九萬零七百二十頃。已耕二千八百七十一頃。森林二十六頃三十畝。成渠一曰腹畔渠。溉三十一畝。天寒地陰。並宜研肥料以矯水性也。

人口 三萬八千八百七十六人。

教育 縣立高等小學。第一在城內。第二東十峪村。第三普明鎮。國民學校出二十處。增至四十處。師資缺乏。籌款亦不易也。

城市 清雍正時始修磚城。周四里有東南北三門。因西門外近山無大路。街市作十字形。商店寥落。居民亦稀。

鄉鎮 三百二十四村。編爲一百四十九村。俗號三百六十村。以合周天之數。有五鎮。惟東村鎮交易較多。上明鎮河口鎮次之。秀容城在縣西三十里。即南秀容。飛鶯堡在縣西北六十里。乏馬嶺上。飲馬池在縣北六十里。黑嶮山。唐尉遲敬德得良馬處。交通 省西北二百六十里。赴省須三日程。地居山僻。車不能行。惟循嵐水以東。至靜樂界。汾水之廟灣。又東南逾山以入陽曲界。而至省城南鄉之人。則假道交城東北

境入省。

第六十四章 興縣

興縣治北緯三十八度三十六分偏西五度二十七分

位置 東北界崑嵐東界嵐縣南界臨縣北界保德西界陝西西神木東西一百一十里南北一百五十里面積一萬六千五百方里

沿革 漢汾陽地晉隸新興郡北齊置蔚汾縣隋改臨泉唐改臨津貞觀改合河舊城爲蔚汾合於黃河之間也金升興州明改興縣後仍之

山脈 東自嵐縣乏馬嶺來者爲石鼓山桃花山爲嵐漪蔚汾二水之分嶺東南自嵐縣黃嶮嶺來者爲合查山陽山紫金山亘於南界

水系 蔚汾水出嵐縣自界河口入界經二十里堡至縣城有縣川渠匯石樓山水南川河通惠泉西流至黑峪口入黃河嵐漪水出崑嵐經縣北魏家灘瓦塘鎮石壑村

至裴家川口入黃河河流上自保德下達隗縣與陝西分界

物產 黃芪最佳樺木質尙堅榭木亦佳黃海木甚結實自長木最合用南川河自禁種鶯粟之後改植黍稷而種麻者尤多

實業 計地八萬九千一百頃已耕一千四百六十八頃餘。森林七十頃成渠四十一長七十八里。溉二千七百二十五畝。

人口 七萬九千五百一十七人。

教育 縣立高等小學第一在城內第二在北坡村。國民學校四十五所。今城關義務教育已增五校。中學生附入省城陽興中學。入省立中學者少。

城市 城周二里有奇。四門甚近。城東有通惠泉自南崖高阜沸出三穴。味甚甘。由城北引入城。半出西門。半出南門。西流入蔚汾。是以街衢易於清潔。

鄉鎮 三百二十四村。編爲一百四十九村。水磨灘村能因水力以設水磨爲鄉民固有之。水學力學知識是以地方較爲富庶。瓦塘鎮在北爲嵐漪流域之市集。高王寨在縣東三十里。高歡所築。崔家原在縣東南七十里。相傳爲狐突食邑。

交通 省西北四百一十里。入省之途。或東取道於嵐縣靜樂。或南取道於臨縣方山。交城皆往來不便。黃河在縣西界長一百五十里。有渡口八處。孟家峪在縣西南五十里。黃河崖路通陝西神木縣。

第六十五章 徐溝縣

徐溝縣治北緯三十七度三十四分偏西四度

位置 東界榆次東南界太谷西南界祁縣西界清源北界太原東西三十五里南北二十五里面積二千一百七十里

沿革 漢榆次梗陽鄉金以前爲清源縣地本名徐溝鎮大定中東割平晉縣斷金鄉西割清源梗陽鄉南割榆次西管鄉爲徐溝縣後因之清併清源鄉今分立爲縣地勢 全縣無山不見邱陵岡阜地勢坦平爲汾河流域最膏沃之冲積地幅隕雖狹而地畝人丁不減於大縣也長堤在縣北延袤七里較爲高聳

水系 洞渦河在縣北八里土名淤泥小河由榆次來經良隆遼西劉村同戈白樹童家營王答村龍家營黑石屯等村入清源界在境三十五里橡峪河爲東南兩鄉鉅流由太谷入境經李青楚王清德內道宜武高華等村入清源界金水河支流恒澗物產 蔬圃以白菜爲最美蠶絲質尙柔細色欠潔淨三李青之西瓜楚王城之蕪菁清德鋪之蕃薯集義村之南瓜均推名產農產五穀家畜皆備無礦產

實業 計地一萬一千七百一十八頃。已耕三千四百四十九頃餘。農會在城東南。設有試驗場。長闊約半里許。成渠十長四十九里。溉九萬二千八百畝。

人口 四萬四千零五十八人。

教育 高等小學在城內東南。國民學校一百四十處。城關義務教育又增四校。向之不讀書者亦入校矣。

城市 城周五里有四門。街市東西二里。南北三里。城內衢路窄狹。商業尙發達。南北二關。旅館營業甚多。本城四關合爲第一區。

鄉鎮 舊有六十村。編爲二十村。第二區長住馮郭楚王村。轄東南二十四村。第三區長住王答村。轄西北二十四村。東南有大常鎮。商業交易頗多。其次則同戈驛亦當衝要。其次黑城村。郝村。劉村。農業亦盛。

交通 省南八十里。南行第一程。雖無鐵路輪船之便。而大車肩輿。南北通行。路費尙廉。南向潼關。北向雁門。不過需時稍久。至西通交城。東向榆次。路亦近便。惟東南赴澤潞。河南山程畧阻。而澤潞行客仍多。惟河南客則改由鐵路也。

第六十六章 清源縣

清源縣治北緯三十七度三十分偏西四度四分。

位置 東界徐溝南界祁縣西南界文水西界交城北界太原南北不足五十里東西長百里面積二千五百方里。

沿革 堯城訛始陶唐清源縣則立自隋而唐宋沿之清乾隆二十九年併於徐溝改清源鄉巡檢民國元年經省議會建議恢復縣治。

山脈 縣西北六七里即入西北山脈接於太原西山遠連交城之孔峪白石河一帶爲山麓平地白石山爲發源地老翁嶺尤高西山不老池即清源之源。

水系 汾河自太原入界經城東長頭村至孔村至廣惠渠南經小南社入文水界洞溝水由太原徐溝入界經城東雲支西谷羅白孟封等處至閻家營入祁縣界白石河出縣西五里經縣城北洩東湖之水東經高白鎮有王明寨入交城界。

物產 瓜果最美葡萄尤多冬瓜優於直隸江蘇早生元越瓜多酸類南瓜籽小而皮厚茄子體大黃色蕪菁亦大赤蘿葡糖質少芥菜肥大多沃素辣椒子太多。

實業 計地一萬三千五百頃。已耕三千二百三十頃。森林一百零八頃。成渠十。長五十四里。溉十萬三千五百畝。

人口 六萬五千五百九十八人。

教育 高等小學五。在城者一。在鄉者四。城內有女學一。國民學校七。其他七十校。散布各村。然一村二校。何若共設一校。兩班整齊年級乎。

城市 城內米市城外小西關菜市。皆柔日有集。居民多製酒醋及製粉者。炒米爲他處之冠。

鄉鎮 一百二十二村。編成五十四村。南鄉堯城地當大道爲往來者所瞻。依西鄉高白鎮商業交易亦多。與東于村皆剛日有集。各村富教之地。則東鄉之穆家莊西鄉之孟封村西鄉之馬峪村其富教程度亦與東于村同等。

交通 省城正南八十里。因隔於汾水之西。縣城不當大道。亦以西關爲汾陽之大支。往來人多。東南鄉堯城則南北通衢也。西有通陝小道。但不能通車。葡萄爲出口貨。大宗。由正太京漢京奉南滿東清暢銷吉黑。歲值十餘萬元。

第六十七章 岢嵐縣

岢嵐縣治北緯三十八度五十分偏西四度五十五分。

位置 東北界五寨。東南界靜樂。南界嵐縣。西界興縣。西北界保德。東西一百二十里。

南北九十里。面積一萬三千二百里。

沿革 秦太原郡地。北魏置岢嵐鎮。岢嵐軍。北齊爲蘇孤戍。唐置嵐谷縣。隸嵐州。宋建

岢嵐軍。仍置嵐谷縣。併樓煩縣入之。金升防禦節鎮。明設岢嵐縣。升州。今改縣。

山脈 雪山在東北。盛夏猶栖雪。下有萬年冰。岢嵐山之主峯。入於永雪界。北接管涔

山。或謂全省第一。高山南有師聖山。小嶺山中有水牛山。北有包盧山。出奇山。

水系 嵐漪河發源縣東南之馬嶺。匯黃道川水。三角城水爲一。經城東有沙河。自城

北納會村。繞城西南來會。又經陳林寨。入興縣境。長九十餘里。又有地泉水。由嵐縣

入縣南。頗資水利。岢嵐山中又有春君河。東入汾。

物產 森林最富。甘欽西溝。南溝。馬家河。官道底。豹峪溝。麒麟石家溝。南岔。荷葉坪。北

將台均天然林區。動物有青眉鳥及麝香。松柏材質合用。紅杆木亦多。

實業 計地七萬一千二百八十頃。已耕一千九百二十八頃餘。森林三百六十七頃。成渠二長九里。溉三百三十畝。

人口 三萬六千七百三十人。

教育 高等小學一。女學一。皆在城內。國民學校二十五校。近設師範講習所。以備推廣鄉學。於城內設模範小學焉。

城市 城周六里。或謂原擬每方十里。周四十里。大而無當。有東西南三大街。而鼓樓前道門前。及小東小西各街。及萬家巷小水巷。

鄉鎮 四百五十三村。編爲三十三村。今分三區。又升宋家村。白方村。大楊村。山井村。爲四鎮。其餘田家溝。王家溝。南溝。馬跑泉。紅福村。戰大溝。高家灣。羊皮村。納會村。皆謂之大村。趙武靈土。舊長城。在縣北五十里。嵐谷故城。在縣西五里。

交通 省西北三百三十里。舊有水寧驛。不當大路。今赴省者。必取道於靜樂。仍須逾山。北赴寧武縣北五里。有天澗堡。俗名暗門子。兩山之間。有要隘。縣南四十里之洪谷堡。有李克用戰地。

第六十八章 汾陽縣

汾陽縣治北緯三十七度一十九分。偏西四度四十五分。

位置 東北界文水。東界平遙。東南界孝義。西南界中陽。西界離石。西北界交城。東西廣百里。南北六十五里。面積五千四百方里。

沿革 秦楚魏漢皆爲茲氏縣。晉徙臨成縣於此。改臨城。隸西河國。北魏改什星軍。又置西河郡。屬叶京鎮。改汾州。唐改縣曰西河。明省入汾州。後升府。置汾陽縣。後沿之。山脈 自離石呂梁來脈。比干山在縣西北百里。青龍之甘泉。白彪之石梁子。夏山之石室。黃蘆嶺之長城。延袤向陽。峽全鎖關。石盤山以及萬戶將軍等山形勢相連。水系 汾水舊經縣。東清順治時距城廿五里。乾隆三十二年改道。由文水出平遙。不經縣境。渠堰悉廢。文水出交城。逕文水縣。俗呼文峪。河入縣東北境。又南合隱泉。水原公水。金鎖關水。南逕縣東。得清溝水。薛頤嶺水。又南接孝義縣東北境。入於粉汾。物產 汾酒名滿天下。杏花村所釀尤佳。農桑分局。農產製造有甜菜糖。甘蔗糖。澱粉。粉爲食用。藍靛。白絲。漚麻爲工用。凡種百畝者。種桑一畝。平均每戶二株。

實藜 計地二萬九千一百六十頃。已墾一萬零一百八十七頃。森林十二頃半。成渠七。長一百二十九里。溉七萬六千七百畝。養鷄畜牧公司。近日甚發達。

人口 十三萬四千五百三十五人。乾隆編二十八萬三千九百四十。何以減少如此。教育 子夏退老講學之地。有卜商神祠。河汾中學爲八縣公立。又高等小學二校。乙種商業學校。女子高等小學。皆在城內。三泉翼村亦有高小。國民學校百九十處。城市 縣城正方形。舊爲府治。東西南北四關。各有一城。五城相連。每關輪遞一月。五月府城隍會。六月縣城隍會。商業並盛。設有二等郵局。

鄉鎮 三百二十八村。編爲一百五十六村。四鄉市期。羅城鎮三九日。永安鎮二七日。仁岩四九日。冀村一三五八日。見喜村三六九日。裴家會二四六九日。田屯鎮四七日。三泉鎮五日十日。陽城一三六八日。小相四六八日。壽善四九日。

交通 北距省城二百二十二里。大路通車馬。北距文水縣治七十里。入省多取道焉。又東北經交城太原至省城。東至平遙八十里。即合於南北大南行者則取道孝義。以達介休。亦合於南北大路。電報東北通太原。西北通離石。軍用電西南接中陽。

第六十九章 孝義縣

孝義縣治北緯三十七度一十一分偏西四度四十三分。

位置 東界介休。東南界靈石。西南界隰縣。西界石樓。西北界中陽。正北界汾陽。東西一百九十里。南北七十餘里。面積五百五十方里。

沿革 北魏分隰城中陽地置永安縣。隸西河郡。唐貞觀元年始更縣名曰孝義。宋改中陽尋復舊隸汾州。元廢隰州。濫泉縣以其地半入孝義。後沿之。

山脈 狐岐山脈。自汾陽來。一名薛頡山。金斗玉泉。皆其支麓。西南石板。橫岡。高出其上。上殿寒堆。遠望黑龍溝。黃雲與石樓隰州山脊相連。

水系 孝義二水流域。孝水出狐岐。源分中川南川北川。東合左水吐京水。諸流至五樓莊。入文峪河。義河跨汾陽界。出薛頡。迴繞百四十里。入文峪河。二水入文峪。益苦泛溢。汾河自橋頭入境。會文峪河。經流屢遷。上游下游皆在介休境。

物產 民食則有穀米。麥豆。宿麥。有雙歧麥穗。送省陳列。酸棗別有風味。羊羔酒尤美。礦物多石灰。出西北山中。鐵出西鄉郭家掌。石灰出六壁頭。土鹽條香毛氈絲布。

實業 計地四萬六千一百七十頃。已墾九千七百六十九頃餘。森林五十餘頃。成渠六十二。長一百零一里。溉二萬四千一百畝。煤窯十餘。灰窯卅。磁窯三。紡織公司五。人口 十萬零七千五百三十七人。

教育 縣立高等小學在城內。東北司馬鎮。西北高陽鎮。東南梧桐村。亦設高等小學。中區大孝堡有乙種農業。南區有乙種商業。女學三十。國民一百三十五校。

城市 城外四面皆有關。西有永安市場。尤爲櫛密。乃孝河不時漲溢。傾圮過半。西梢門外橫堰。障水北行。使不爲城患。西南大堤。謂之柳堰。被水後。民多遷徙。不似昔年。鄉鎮 四百一十五村。編成百四十村。北有司馬鎮。西有兌鎮。東盤糧。西盤糧。生聚亦盛。鹽鍋頭。南船頭。地方重要。白家堡。霍家堡。夙能合族拒寇。南鄉則南姚。北姚。王屯。曹村。皆二百家。上下有下柵鎮。西鄉地廣。每村或不及十戶。西北有高陽鎮。

交通 距省城西南二百四十里。陸行三日程。第一日至平遙。次日至徐溝。三日到省。此爲東路。第一日至文水。第二日至清源。三日到省。此爲西路。北堰長庚橋。馬莊營。惠濟橋。皆便於往來。

第七十章 平遙縣

平遙縣治。北緯三十七度一十二分。偏西四度一十九分。

位置 東界祁縣。東南界武鄉。南界沁源。西南界介休。西界汾陽。北界文水。東西一百里。南九十里。面積九千方里。

沿革 周左傳執陳無宇於中都。漢高破陳豨。立子恒爲代王。都中都。相傳爲陶之中都。帝堯所營。是以漢立平陶縣。後魏太武名燾。始改平遙。後沿之。

山脈 絲山幹脈。縣東南。超山。超出諸山。有寶塔岩。麓臺山。爲山海經所稱中都谷。橫嶺相接。鍋山上。有浮圖。西南洪谷。亦壁立千仞。

水系 汾河自文水入界。經縣境六十里。入介休界。曲折如環。易如奔決。胡甲水自祁縣入界。會中都河。合源祠水。嬰澗水。超山河。魯澗河。亭岡水。至縣東上店鎮。諸泉皆匯焉。經長壽村。俗名長壽河。再南折西入汾。夏秋暴漲。屢漂民舍。各支河渠利較多。物產 果品以大棗爲最有名。農產以穀麥爲要品。棉花靛青亦有。土鹽亦足爲民食。礦有硫鐵。而煤礦尤多。

實業 計地四萬八千六百頃。已墾一萬零三百八十四頃。森林十三頃。成渠十一。長一百二十七里。溉二十二萬三千六十畝。金井火柴公司。蔚豐商業銀行。並爲鉅觀。人口 二十二萬四千八百八十五人。尹吉甫後裔尙有奉祀生一人。

教育 縣立高等小學四。在城內。及東北襄垣村。西南段村。東南東泉村。又於城內設乙種商業學校師範講習所各一。國民學校。全境已三百餘處。

城市 城形如龜。周十二里有六門。九街十八巷。七十二巷。尹吉甫將臺在東。蔚豐銀行。又經再造城外西南隅。爲金井火柴廠。東南隅爲公益織布廠。帝堯廟在北門外。鄉鎮 三百零四村。編爲二百一十五村。或謂村莊共四百零八。分爲四鄉。東南鄉曰東泉鎮。西南鄉曰段村鎮。西北鄉曰香樂鎮。東北鄉曰長壽鎮。商業並盛。京陵城在東七里。趙文子游處。中都在西北十二里。漢文帝在代王時故都。

交通 昔當匯票號鼎盛之際。百川通諸票號。設總號於京師。分號於各省。沿江沿海通商大埠。無不有之。遠及塞外。其運送現銀。往往鉅萬。井發由標店保險。長途直達。毫無疎虞。富交通未便之時。國民奮進之精神。亦不易及也。

第七十一章 介休縣

介休縣治北緯三十七度三分偏西四度三十八分

位置 東界平遙。南界沁源。西界靈石。西界孝義。東西八十里。南北八十里。面積六千

四百方里

沿革 春秋晉翼侯奔。後爲士會食邑。晉分祁氏之田。是爲郇。晉文公以綿上旌介子秦置界休。晉改界爲介。北周改介休郡。唐爲介州。宋以後仍之。

山脈 綿山。晚翠。拱如玉屏。以綿山得名。有介子推祠。明以後始產綿。狐岐山。即禹

貢冶梁及岐。遠涉孝義。縣城山西。嶺谷紅山。嶺首黃支麓。西南諸山。煤炭石灰最盛。

水系 汾水自平遙入境。經北關場。至武申街。至橋頭村。入孝義縣境。澗。至嶺北村。復

入晉經宋曲虹。經橋義棠。鎮師屯。南北等村。入靈石界。三道河發源宋脂村。平地湧

泉分三派。經下站入汾。狐村水發源洪山。東北入汾。有泉出狐岐山。亦入汾。

物產 藥有黃芪。農有歧牛。麥。蘇。秦。柏。棗。古漢槐酒。因漢槐著名。棉花。紅花。種來自陝

西。宋安站。鞏。席。龍。鳳。村。磁器。磨溝。桑皮紙。義棠。鎮。鐵器。並著。硅藻。可製玻璃。

實業 計地三萬四千五百六十頃。已耕五千九百八十八頃餘。森林一千六百七十
九頃四十畝。市門墮閉。撲地附郭。桑麻沃衍。幾覺野無曠土。男子經商。婦善持家政。
人口 十一萬二千零八十一人。有文彥博後裔奉祀生一人。

教育 高等小學及女子高小均在城內。國民學校五十六處。富商對於興學。昔年無
實力扶助。遂致學校落人之後。今推廣國民學校至九十餘處。

城市 城正方形。因東北兩關。居民衆多。又修關城。城內有十字樓。爲四達之衢。介子
祠則在關城之東北。城濠包城關以通汾河。昔邑多富商。修城自固。是以高深。

鄉鎮 二百一十四村。編爲一百二十八村。張蘭鎮在縣東四十里。孔道咽喉。前清曾

駐同知。義棠鎮在縣西廿里。與靈石接壤。依山臨水。通衢鎖鑰。其他湛泉鎮。板峪村。

孔家堡。西段屯。皆有定期商業。南鹽場。北鹽場。蘇場村。人民亦因地之宜以謀生焉。

交通 省西南二百七十里。土地平坦。便於驟車。雀鼠谷在縣西南二十里。數十里間。

道路狹隘。左右悉結偏梁閣道。壘石就路。上戴山阜。下臨絕澗。當往來要路。介休乃

入谷之口。關子嶺與沁源接界。地僻人稀。茂林峻嶺。盜賊出沒。原有巡檢。已裁。

第七十二章 石樓縣

石樓縣治北緯三十七度零四分。偏西五度三十六分。

位置 東界孝義。南界隰縣。北界中陽。西南界永和。西界陝山清澗。東西一百七十里。南北八十里。面積一萬五千二百方里。

沿革 路史言有巢氏治三百餘載。栖於石樓。春秋晉屈地。漢土軍縣。北魏置吐京郡。改縣曰吐京。隋改石樓縣。唐於縣置西德尋廢。縣名至今沿之。

山脈 石樓山與黃雲山相連。天關石洞。炎暑陰森。雪後似登瑤臺。牛心岡。翠金山。石鼓山。九重山。金甲巖。團圍山。皆一脈相連。爲狐岐山四脈。

水系 屈產泉出石樓東南。自石罅噴出。西流會於溪澗。水經注謂之牧馬川。俗謂之龍泉水。又合上軍水一小支。西北流經縣城之東。又西北得暖泉。陂之水。又西北納石羊澗一水。屈曲西北行九十里。至中陽入黃河。

物產 屈產之乘。爲晉國特產。收馬川上。馬飲其水。而生龍駒。今牧畜業久衰。久不產良馬。石材可爲建築之用。木材亦盛。洪福寺白牡丹亦著。

實業 計地八萬二千零二十畝已耕一千四百二十八畝森林三百畝

人口 三萬零八百零二人

教育 高等小學因書院之舊址國民學校二十有二學生就學之年齡稍遲往往高

小學齡始入國民學校一入高等小學遂自以爲高等而不知再求進步焉

城市 城周三里因城外沙河以爲池晉公子夷吾屈有夷吾廟在東南夷吾館在在

縣東六里又有夷吾橋

鄉鎮 五百九十二村編爲十三村各村農林發達者惟柏林村柏林渠有富庶氣象

東石羊村高家村羅村板橋莊東莊后窰莊民皆勤作成家溝潘家溝王家溝岔溝

亦因自然之水利以力農焉

交通 黃河沿岸有永寧關在縣西二十五里路通陝西清澗上平關在縣西北九十

里路通陝西綏德惟東北界之窟龍關距縣六十里林深路僻東接孝義南接隰縣

北抵中陽離石形勢重要

第七十三章 臨縣

臨縣治北緯二十八度零五分。偏西五度二十八分四十七秒。格林威治東一百一十一度五十七分十三秒

位置 東界方山。山後所插花二處。秦家巖北界嵐縣。大坡溝南界交城。正北界興縣。

正南界離石。西界陝西葭縣吳堡。磧石則離石插入地面。積二萬八千五百方里。

沿革 渾西河郡臨水縣。平周峯狼亦在境內。北周設烏突縣。隨改太和。唐改置臨泉。

宋因之。元升臨州。明洪武二年降爲縣。清以來因之。有沿革圖朱墨甚詳。

山脈 紫金山巔。拔海二千一百公尺。縣城拔海一千公尺。比京師高九千七十公尺。

比省城高二百公尺。紫金北分大度二支。玉吉一支。南分三支。東接連枝山。山後所。

水系 黃河自興縣南流。會水磨川於第八堡。兔坂水於杏林莊。經曲峪。叢羅峪。納兩

峪之水。會月鏡水於琉璃畔。磧口爲臨水入黃河之口。發源興縣。又名湫水。經白文

鎮。納泉水十一至縣治。甘泉都督水尤著。又納十二水。至三交。又納招賢溝入黃河。

物產 石花茶出紫金山。亦產黨參。食料有小米。黑豆。胡油。紅棗粉條。用品有白麻及

麻繩。麻線。麻紙。出自榆林。鐵廠十八處。粗瓷廠十二處。均在招賢。水旱煙出三交鎮。

實業 計地十五萬三千九百頃。已墾三千一百七十五頃。森林一頃六十畝。成渠四十八長一百一十九里。漑一萬零五百七十畝。公益工廠。出品亦優。

人口 十四萬二千五百二十八人。凡三萬四千二百三十三戶。

教育 縣立高等小學。模範國民乙種農業。均附於孔子廟之東。

城市 西北倚鳳山。高標文塔。東南觀瀾門。近於南門。縣公署在東北。按察司舊址。今

改南市場。城東北臨湫水。環以大石隄。縣署南曰中街。孔廟前曰正街。示民中正也。鄉鎮 一千一百九十九村。編爲一百零四村。鄉民有終身不至城市者。計分三十六

所。胡公村之風匣。白家莊之扇車。曹家峁之柳器。東峪溝之繩索。武家溝之銅器。劉王溝之麻紙。馮家會粉條。農隙之餘。家庭製造。三交白文。招賢南溝。兔坂商市日盛。

交通 東北距省城二百四十里。七百二十九尺。磧口爲縣南之門戶。西南通陝甘。西

北連河套。水陸交通。頗稱繁盛。縣治三交。皆不如也。磧口古無鎮市。清乾隆河溢。侯

台曲峪兩鎮商人移居。道光以來。日漸發達云。

第七十四章 中陽縣

中陽縣治北緯三十七度二十一分。偏西五度一十九分。

位置 東界汾陽。南界隰縣。西南界石樓。北界離石。正西界黃河。對岸爲陝西綏德地。

東西二百里。南北九十五里。面積一萬九千方里。

沿革 漢離石地。後周析離石置寧鄉縣。又析置平夷縣。隋始入離石。金改離石爲寧

鄉。民國避重名。改中陽。

山脈 狐岐山脈。蟠於東南。樓子臺山。柏峪山。屏風山。車轍山。沒狐臺。一線相連。慶豐

谷。煖泉山。皆火山之脈。蜜蜂崖。流液似蠟。遠望山爲寧鄉水各溪澗發源處。

水系 黃河上自離石來。經三交鎮。石門山。下榻渡。南流入石樓界。清水河出縣南三

十五里。蕉水出縣東南三十里。西流入車轍泉。三水至縣東相合。總名曰寧鄉水。入

離石境。會離石水入黃河。

物產 百合。澱粉多。渣滓少。白松籽種優良。棗實多而暢銷。五穀亦足食。礦產之煤亦

運銷鄰境。

實業 計地十萬二千六百畝。已耕五千八百三十三頃餘。森林二百三十頃八十畝。民知務農。婦皆蠶織。

人口 五萬九千六百七十六人。

教育 高等小學因文廟旁儒學署修改。學生行誼窩篤。女學一。國民學校由二十八處推廣至百餘處。

城市 城周五里有奇。西跨鳳凰山脊。泉子源水出其東。東枕臥龍岡。南對多嶺。一名虎頭。南北大街最長。東西亦有二街。

鄉鎮 七百三十七村。編爲七十三村。東鄉上橋鎮距城三十里。南鄉煖泉鎮距城一百二十里。西鄉三交鎮距城一百四十里。北鄉朱家店距城二十里。又有柳林鎮爲西鄉適中之地。

交通 省西南三百六十里。東距汾陽縣一百四十里。以獅莊爲要路。爲入省之大道。

縣西雲齊嶺。西瞰寧鄉關。南瞰泉子關。爲西路之要隘。黃河各渡口。則以軍渡最爲重要也。石樓界上之桔棹。離石界上之水峪。亦往來要地。

第七十五章 離石縣

離石縣治。北緯三十七度三十三分。偏西五度二十二分。

位置 東界交城。南界中陽。東南界汾陽。北界方山。西北界臨縣。西界黃河。對岸卽陝西綏德地。東西二百里。南北一百五十里。面積四萬一千六百里。

沿革 戰國趙離石邑。漢置離石縣。後漢爲西河郡治。晉爲劉淵所據。石勒置永石部。

北魏離石鎮。北齊昌化縣。後周改石州。金石州治。明隆慶初改永寧。民國復古名。

山脈 呂梁山屹立東界。支脈鳳皇山。有白馬仙洞。入洞里許。有石梯。石鐘。石鼓。相傳

黃帝別館。其他支脈達布。若龍山。仙童山。望仙坡。多附會仙跡。東北有劉王嶺。

水系 黃河自臨縣磧石入境。南流六十里。會離石水。入中陽界。離石水。上源自方山

來。卽北河。流經縣城南。西折至交口村。合東川。南川。東川。出劉王嶺。合吳城驛水。南

川卽寧鄉水。自中陽來。三水相會。經青龍鎮。會西鋤溝。又經柳鎮林。後河底入黃河。

物產 藕粉優良。麻與藍靛。尤爲輸出大宗。孟門之絲織品。石坡村之柳器。製作亦精。

螢石產吳城鎮。銀礦產馬頭山。煤產柳林。采法不良。仍取中陽煤爲燃料。

實業 計地二十二萬四千六百四十頃。已耕二千五百五十五頃餘。森林三百六十頃。成渠十七。長一百五十一里。溉三萬一千八百畝。婦女能助男子耕田。

人口 十萬二千九百三十一人。

教育 縣立高等小學。乙種實業。女子高小。皆在城。區立高小在班莊。柳村鎮。國民學校。由九十校。推廣至百二十校。

城市 城內小十字街。爲商賈雲集之地。東西南北四街。土客雜居。商戶甚少。東南二關亦有交易。

鄉鎮 七百六十村。編爲一百零八村。磧口爲全縣最大馬頭。亦黃河旁第一馬頭。不
僅爲西鄉之冠。柳林鎮南溝鎮亦在西鄉。田家會。車家灣。馬家塔。吳城驛。則爲東鄉
之四鎮。南鄉惟金羅鎮。北鄉爲大武鎮。

交通 省西南四百一十里。陸行五日程。第一日至吳城鎮。二日至汾陽縣城。三日至
文水縣城。四日至清源縣城。五日至省。自縣至汾乘馬。自汾至省通車。黃河磧水一
帶。水勢頗平。故往來船舶甚多。青龍津亦爲要津。

第七十六章 方山縣

方山縣治。北緯三十七度五十五分。偏西五度八分。

位置 東界交城。南界離石。西界臨縣。北界嵐縣。東西七十里。南北一百三十里。面積一萬零七百一十九方里。

沿革 趙離石邑。因離石山。離石水得名。皆在境內。離石縣治。遠在下游百四十里。明築方山堡城池。建察院。府署。鎮守署。清設巡檢。民國析離石北境爲縣。

山脈 森林之富。甲於全省。離石山又名赤堅嶺。又名赤嶺。爲呂梁山脈之中幹。方山業岡錯雜。綿亘遼遠。劉淵藉以起兵之地。山防不可疏也。孝文山泉源騰瀑可觀。

水系 離石水出離石山。一名正川河。經馬坊鎮之西。五十里至城東。又南四十里經圪洞鎮。又南四十里經峪口鎮。又南流入離石縣界。在境內長百三十餘里。峪口溝卽呂梁山水。至峪口南會焉。又有相里溝水卽離石東川之源也。

物產 農產豆麻高粱足食。白霜棗尤多。麻澁亦仿種。家畜猪羊最蕃。山中野獸亦多。製造品樺木碗最精巧。楊木盤亦適用。又有畫工小菸盒。

實業 計地五萬七千八百二十六頃。已耕一千五百頃。森林三千一百六十頃。四十畝爲各縣第一。成渠三十四。長八十四里。溉六千五百二十五畝。

人口 二萬二千零二人。

教育 縣立高等小學校。分治後甫經籌設。各鎮國民學校。早經成立。鄉村尙待推廣。第一次教育統計表。尙併在離石也。學生來省升學者少。今城關已增一校兩班矣。城市 因山爲城。形勢扼要。離石河經城東而南流。東西北三面皆山。而深處乎堂奧之中。

鄉鎮 一百九十四村。編爲二十一村。有馬坊鎮。圪洞鎮。峪口鎮。爲鄉民交易之所。江地灣。橫泉村。班莊村。石香樓。馬家梁。西村。河埭底。魚肚灘。韓莊村。郝家莊。焦家峪。明家塔。監軍莊。連家坡。郭家坪。堡灣里。南坪。東灘。西灘。武家灣。胡堡。農人甚勤。

交通 循離石水。南經屹洞峪口二鎮。入離石境。經大武鎮。至離石縣。一路坦平。皆冲積平原。可以通車。若赴省道。則自西而東。不滿二百餘里。逾呂梁。頗崎嶇。出孔峪。便平坦。由交城古交鎮。陽曲王封鎮。皆坦途。若自正太引長。西至磧口。則方山爲中堅。

第七十七章 長治縣

長治縣治。北緯三十六度零七分。偏西三度二十八分。

位置 東界壺關。南界高平。西界長子。西北界屯留。東北界潞城。東西四十里。南北一百里。面積四千方里。

沿革 戰國韓地。馮亭以上黨歸趙。秦因上黨縣置上黨郡。北魏改郡曰武鄉。曰襄垣。

北齊復。後周改潞州韓州。隋復舊。唐五代潞州。上黨縣沿至元。明嘉靖後始稱長治。

山脈 五龍。秋谷。靈泉。金粟。三峻。佛山。浮山。雄山。秀拔。東南雞鳴山。卽火山。東與風王

壺口相接。逶迤東北之百穀山。一名柏谷。幽邃爲羣山冠冕。西南黎侯紫沙嶺相接。

水系 濁漳自長子縣東流入境。經本縣西北隅。折北入屯留界。入漳諸水。共分三系。

一陶水分雄山。所匯有淘金河。入諫水。雞鳴山水。首陽水皆入焉。一黎水出黎侯嶺。

所匯有五龍山水。一石子河出壺口山。所匯有黑水河水。

物產 麻蕘最多。羊頭山黍。黑者爲秬。果有棗梨。松有栝松。千松。柏有香柏。血柏。栎。即

木蘭。動物有獐鹿。狼獾。五色魚。礦有紅礬。黑礬。烏石似玉。煤鐵公司。用機器開採。

實業 計地二萬一千六百頃。已耕六千六百二十五頃餘。森林九頃八十畝。絲布麻
錠之利。正在拓充。第六小林區。第一苗圃。育苗四百萬株。女工草帽緞。均能獲利。

人口 十六萬三千八百三十八人。回民有清真南北街。

教育 第四師範中學。甲種實業三校。縣立高等小學二校。模範一校。國民五校。皆在
城內。四區各立高等小學一校。國民一百二十五校。

城市 舊有分巡道署。府署。郵政局。仍稱潞安。子城。大城。均創自隋。形如臥牛。看花樓
爲唐明皇遺蹟。疏濬城濠。補栽楊柳。武王欲築宮於此。周公言恃德不恃險而止。

鄉鎮 三百三十六村。編爲九十三村。有北董。南董。關村。蘇店。角沿村。西火堡。六處。爲
鄉民保聚之所。村之成。市集而爲鎮者十有五。高河。漳澤。北董。蘇店。南董。郝店。韓店。
八義。東和。王坊。桑梓。蔭城。大峪。西火。師莊。鄉民近日種棉。收羊。養鷄者極多。

交通 自縣南一日至高平。二日至晉城。三日至河南清化鎮。附入道清鐵路。惟太行
山脈中阻。擬修鐵路。不能積極進行耳。有自道清經京漢。正太以晉省者。紆道多費。
不過五日。卽達省城。若陸行則需七日也。

第七十八章 長子縣

長子縣治。北緯三十六度四分。偏西三度四十分。

位置 東界長治。南界高平。西界安澤。北界屯留。東西一百三十里。南北八十里。面積一萬零四百里。

沿革 周太史辛甲所封。左傳晉人執衛行人石買於長子。漢置長子縣。晉太元中西。晉慕容永據此。北齊縣廢。隋置寄氏縣。後復名長子。唐以後仍之。

山系 發鳩山爲太行正幹。東南亘於南界者爲秋峪。丹朱嶺。梁山。度雲山。羊頭山。皆相接。北支爲方山。化師山。白佛頭。潛山。

水系 濁漳水出發鳩山。經刁黃村。李村。至縣南五里。東北流在境百餘里。至長治界。雍水發源白佛頭山。有雍北。雍南二渠。經九台峪等二十三村。滙藍水入長治界。藍水出屯留入境。會雍水。長八十里。出界入濁漳。堯水出堯山。梁水出梁山。亦入濁漳。物產 包穀可溶性無窒素物。得百之七三。大白豆。澱粉充足。脂肪太多。白松籽尙佳。南漳鎮一帶產麻。已組織麻布工廠。近年種棉日多。已布紡織廠三。又有煤窰五處。

實業 計地五萬六千一百六十頃。已耕六千零六十頃。森林六頃七十畝。成渠二。長三十三里。溉二千三百畝。

人口 一十四萬一千六百七十六人。

教育 城內高等小學二。乙種商業一。女子小學一。模範國民一。四門國民學校各一。四鄉高等小學各一。國民一百五十三校。

城市 城有四門四大街。明景泰時。於西門之南。別開一門。是爲小西街。縣署前爲衙道街。惟西南二街。市面繁華。交易日盛。

鄉鎮 二百八十六村。編爲七十五村。東區曰南漳鎮。西南區曰張村鎮。墟村鎮。西區曰石哲鎮。橫水鎮。北區曰鮑店鎮。而縣南各村。育蠶者日多。其絲輸出頗得厚利。陶唐村飼雞廠。其利尤厚。

交通 省南五百四十里。北經墳裏。馬坊。藍水。鮑店至屯留。又經沁縣。南關驛。太谷。至省。路頗崎嶇。客貨多由河頭。堡頭。崇仁。張店。逾丹朱嶺。至高平。達晉城。出清化鎮。較爲便捷。亦有東出壺關。以向河南彰德者。鐵路通則交通改道也。

第七十九章 屯留縣

屯留縣治。北緯三十六度一十五分。偏西三度四十分。

位置 東界潞城。南界長子。西南界安澤。西界沁源。北界沁縣。東北界襄垣。東西一北二十五里。南北四十八里。面積六十方里。

沿革 周留吁國。及徐吾氏地。後皆併於晉。路史留吁一名戎屯。漢爲屯留。余吾二縣。并屬上黨。後漢省余吾入屯留。北魏分寄氏。唐自故城移霍壁。卽今縣。後仍之。

山脈 三嶮山在縣西北。遞高三十里。東迤爲二仙嶺。白雲山。浮山。石象山。是爲北脈。奚斯嶺俗名摩訶嶺。迤北爲盤秀山。東北爲霜澤山。鳳皇山。巖山。

水系 絳水出盤秀山陰。八泉流瀑。東流會七泉。又東流逕張村。左會高麗水。東北逕苗橋。右納霜澤水。東流至縣治。西會三嶮水。逕城北。東至鳴水村。納雞鳴水。東北逕史村河村。至潞城界。入濁漳。盤秀山陽。有凍河藍水。經長子入濁漳。

物產 穀食多黍。蔬有藟蕒。俗名山藥。藥屬多天仙子。木有香椿。棗。椿。燕有胡燕。火燕。鐵礦塊式最鉅。絲布。葦席。油。酒。密。餉。亦多。

實業 計地三萬二千四百頃。已耕六千零五十九頃。森林三頃八十五畝。濁漳上游。

無河渠之利。棉業畧能推廣。

人口 八萬零二百零四人。

教育 縣立高等小學校在城內。國民學校原有七十六處。今推廣至一百處以上。女

學漸興。

城市 縣治前開壁晴嵐。景物清幽。北門絳水春漲。龍潭夜月。亦有佳致。西北隅有賓

適亭。亦宋人所建。煙嶼亭在城外。今圯。

鄉鎮 三百一十四村。編爲五十九村。古城村在縣南十三里。張良與漢高會於留。後

封留侯。余吾鎮在西北十八里。漢縣遺址。高店村在縣西十里。唐之屯留驛。康莊村

在東南三十里。唐之龍泉驛。藉澤村在縣東五里。元隱士宋思約建有書院。

交通 在省治東南四百八十里。戰國策張儀勸秦伐韓。曰斷屯留之道。上黨郡有上

黨谷上黨關。今在縣西。良馬寨當其衝。上黨西屏。在縣西南一百二十里。同治時竄

捻至河東。平絳居民遷避。本縣建寨山隘。極力防堵。捻匪終未竄入。

第八十章 襄垣縣

襄垣縣治。北緯三十六度二十八分。偏西三十度二十三分。

位置 東界黎城。南界潞城。西南界屯留。西界沁縣。北界武鄉。東西一百二十五里。南
北九十里。面積一萬一千二百五十方里。

沿革 戰國趙襄子築城甘水之北。秦置襄垣縣。屬上黨郡。漢因之。有安民城。北魏設
襄垣郡。北齊廢爲州。隋罷州爲縣。唐置韓州。宋改隆德府。金元罷州。明清屬潞安府。
山脈 趙王山在東北四十里。韓王山在縣北十五里。連接仙堂桃林諸山。有硃砂洞。
琉璃巖。九仙峯。縣南五陽五嶺。南峯相接。鹿臺山上有文王廟。

水系 濁漳河由潞城入界。會潞水。卽小漳水。史水。臨水。皆合流入焉。復經潞城境。再
入縣南。繞鹿臺山。北與西漳水合。雍子水。下峪水。銅鞮水。專池水。小河水。郭水。郝水。
皆合流入焉。至縣城東北。納甘羅水。有渡口。屬改道。潞洄數折。入黎城界。

物產 東北境產煤最富。西南石灰極多。高粱俗名菱籽。穀有五色。藥物有上黨參。半
夏。茵陳。製造品則有毡帽。舊日銷路甚遠。今改用禮帽式。亦適用。甜菜糖出品亦佳。

實業 計地六萬零七百五十頃。已墾六千二百八十五頃。森林六頃六十畝。桃林山之桃尤著。今虜亭鎮等處商會亦組織商業傳習所。

人口 十三萬二千八百八十一人。

教育 縣立高等小學。乙種農業。漸能注重實用。國民學校。原有一百一十九處。今推廣添班。

城市 城有四門。四隅亦有樓。縣署前舊有花布市。閭閻殷盛。曾設稅課局。育嬰普濟兩堂。皆在東南。養濟院在西南。

鄉鎮 五百七十九村。編爲八十八村。市鎮以虜亭爲重。其次則下店鎮。西營鎮。下良鎮。常隆鎮。亦各有義倉社倉。五嶺山曾設巡檢司。今裁。東南曰永豐鄉。西南曰平善鄉。東北曰長樂鄉。西北曰甘泉鄉。十坊二十八里。名稱區畫。又屢易矣。

交通 省東南四百八十里。六日至省。第一日至虜亭。第二日至沁縣。交口鎮。第三日至分水嶺。第四日至祁縣。第五日至徐溝。第六日至省。亦有北經武鄉。榆社。馬陵關。太谷至省者。

第八十一章 潞城縣

潞城縣治。北緯三十六度一十六分。偏西三度十五分。

位置 東界平順。東南界壺關。西南界長治。正西界屯留。正北界襄垣。東北界黎城。東西一百二十里。南北一百二十五里。面積一萬二千二百五十方里。

沿革 商封微子。故城尙在。周有武王塢。潞子嬰兒建國於此。秦漢潞縣。晉上黨郡治。在赤沙城。後魏故潞城。疆域大異。隋唐潞城縣。

山脈 微子嶺與神頭嶺相連。爲東北山嶺。北有風洞石梁。西有玉女泉。迤南爲縣東之伏牛山。折西爲縣南之三垂岡。南山。葛井山。聖母谷。大禹山。九泉山。無影岡。

水系 潞水出微子城。至西流里。合於漳水。冀州之浸。爲西潞。別於京兆通縣之東潞。交漳水爲濁漳。絳藍二水所合。至交漳村入境。經史興。安昌。安居。河泮。至曹家溝。入

襄垣境。與涅水會。復入境。經南馬石梁各村。南至潞河鎮。入平順界。

物產 上黨參最良。草帽緞出品。冠出全省。帽式亦佳。黍稷皆有軟硬二種。蘿蔔有紅白。水三種。棗有晉檀大小四種。農產製造豆粉最佳。衣有絲絨衣。礦有煤及石炭。

實業 改良草帽緞女生傳習所。現已畢業。草帽麥緞頗適用。計地六萬八千零四百頃。已墾五千零七頃。成渠二。長十五里。溉一千八十三畝。

人口 八萬六千五百二十七人。光緒七年報十二萬五千三百七十一人。

教育 高等小學用試院之舊址。乙種農業。尤資實驗。國民學校。全境一百七十九處。稍大之村落。無不有之。

城市 城有四門。中爲鼓樓。縣署在其北。白衣堂多至五處。四城皆有之。禹王廟不如關帝廟之盛。枯河在西門外二十步。雨輒溢。只東南北三關。無西關。

鄉鎮 二百一十村。編爲七十四村。東鄉微子鎮。南鄉南垂鎮。西鄉黃碾鎮。北鄉合室鎮。皆有定期市集。若東北之潞河鎮。神頭嶺。東南之起雲臺。雖有市集。但不能繁盛。古驛荒涼。塞上羌城。已成村落。石梁里集無定期。

交通 距省城東南四百八十里。距京師一千三百里。由縣赴省。至速亦須五日。平常有行八日者。取道正太赴京。約需十日。若由平順經河南林縣。至安陽縣。彰德車站。陸行不過三日。附京漢快車。五日可至京師。

第八十二章 平順縣

平順縣治。北緯三十六度一十一分。偏西三度十分。

位置 東界河南涉縣林縣。南界壺關。西界長治潞城。北界黎城。東西一百八十里。南北一百七十里。寶峪一地。與林縣交錯。面積一萬一千七千方里。

沿革 明析潞城。青羊里置平順縣。割十六里益之。南鄉又析壺關地十里。清乾隆廢縣爲平順鄉。民國復置縣。

山脈 青羊山當城北。形勢險阻。北有石龍洞。東迤爲葱蔚山。七子洞。虹梯關。大頭山。茅蘭岩。皆漳南支脈。惟寶峪。石城山。馬踏口。屬於漳北十八盤山支脈。

水系 濁漳水自黎城入境。經王曲鎮。本縣之東北。石城之南。虹梯關之北。又經隘入口之南。東入河南林縣。至合漳村。與清漳合。玉水出縣東南。流至玉梯關之北。入壺關縣境。爲河南淇水之北源。

物產 黨參最良。地椒。防風。桔梗。大戟。藜蘆。知母。半夏。葛根。黃芩。薄荷。貝母。百合並佳。礦產石棉。而石灰。炭。尤多。白豆。含油質百分之十一。花豆。形態可觀。

實業 計地六萬三千一百八十頃。已墾一千六百頃。森林七十一頃半。土寒風肅。歲只一登。

人口 八萬一千六百三十二人。

教育 未設縣以前。已有鄉學。即因以爲縣立高等小學之基。今城關義務教育。已增一校三班。不必多立學校。務在合全城爲一校。整齊班次焉。

城市 城正方形。只東門南門。魁星樓在其東南。文廟文昌宮在東北。常平倉在西。養濟院。在西南。分貯倉在北。關岳廟。在東。縣署亦適中。明嘉靖八年所建置也。

鄉鎮 三百零七村。編爲七十三村。縣東虹梯關地方險要。前清曾設巡檢。縣西北社鎮爲赴潞城之要道。市集之盛。冠於全縣。竇峪和峪。突出河南。控制亦遠。南鄉諸村。曾併入壺關。有趙城鎮。北鄉諸村。曾併入黎城。有侯家灘。羊羔。馬家山。

交通 距省城東南五百三十里。距潞城縣治五十里。未設縣以前。陳卿父子糾集。逋亡。憑臨險阻者二十餘年。調山。東山。西河南三省官兵始勦平之。王斗崖。蟠溪峯。白雲谷。亦曾設巡檢。剷除險阻。東達林縣。上下京漢彰德車站較便。

第八十三章 壺關縣

壺關縣治北緯三十六度二分偏西三度二十二分

位置 東界河南林縣南界陵川西界長治北界潞城東西一百五十里南北一百一十里面積四千七百五十里

沿革 漢置壺關縣呂后立孝惠子爲壺關侯東漢嘗移治上黨郡北隋初廢縣繼收爲上黨縣唐復置後因之

山脈 上黨居太行之顛壺關又居上黨之顛接長治界自河北望之如黑雲在天半者卽花園梯一帶紫團山之雄厚抱犢山綿亘羊腸坂之幽奧龍石龍泉皆其支脈水系 壺亦俗名石子河出縣東七里村西經崇賢村馬駒山至城北納清流川曰大河口西入長治界三壅水出三壅山東流入河南林縣爲淇水上源所會有盈盈水五楸河沾水桃花水北源出平順南境南源出陵川北境三大支相會東流出界物產 上黨紫團山五葉人參唐韓翊宋蘇軾所詠久絕平疇產麥高粱粉苳細柏木頗盛陶器出程村清流村鐵刷礦石出大峪馮坡爐甘石出赤崖山

實業 計地二萬五千六百五十頃。已墾三千六百七十四頃餘。森林九十一頃三十畝。

人口 九萬一千五百八十五人。

教育 縣立高等小學一。乙種農業一。均在城內。國民學校原有七十二處。今已推廣至百處以上。

城市 城有四門。有東西二廡。今治始於唐貞觀時。原名清流川。道光十年地大震。塚口傾。塚殆盡。捐金重修。

鄉鎮 三百八十七村。編爲一百一十四村。漢有壺關三老。令狐茂自治最早。東鄉地方寥闊。以龍鎮爲中心。有移治之議。尙未果行。其次爲晉莊。西鄉最狹。不過兩村。南鄉大河汛。控制東南之女妖洞。北鄉辛村。亦有市集。

交通 距省城東南四百八十里。縣治偏於全境之西。距長治僅三十里。東距河南林縣界。挖搭村一百四十里。棧道橋十八盤。正梯隘。玉峽關之險。皆在境內。羊腸坂。懈林隘。有路通河南輝縣。其距京漢鐵路。皆不過三日程。驟行病民。早已裁革。

第八十四章 黎城縣

黎城縣治。北緯三十六度二十八分。偏西三度三分。

位置 東界河南涉縣。南界潞城。西界襄垣。北界遼縣。東西一百一十里。南北一百二十里。面積一萬一千七百里。

沿革 古黎國。商季西伯戡黎。呂氏春秋謂武王封堯之後於黎城。漢潞縣地。北魏刈陵有黎城。隋開皇設黎城縣。唐天祐改黎亭。後唐復稱黎城。後因之。

山脈 太行支脈。西北有隴阜山。積布山。信山。橫山。西有嶧峪山。聯珠山。北有白岩山。以連於東北繡屏山。桃花山。懸山。屏啓明山。東神山。

水系 濁漳河自潞城入境。橫經新曲。趙店鎮。路長六十里。東南流入平順境。爲縣南鉅川。清漳河自遼縣來。經縣東北。納隴阜山。白岩山水。在壺口關北。吾兒峪入河。

南涉縣界。田溪在城北。出嵐山。委注東河。達於漳。玉泉出石窰。入涉縣界。物產 上黨參。皆農家自種。出貨比各縣多。茶花香豔。花椒堅烈。柿子。核桃。批麻亦多。

石綿。卽不灰木。產茶壺山。又產礮石。製造品有草帽。纈。

實業 計地七萬七千二百二十頃。已耕二千六百八十六頃餘。森林三十七頃。八十畝。成渠五長三十五里。溉四千七百畝。

人口 六萬六千零六十九人。

教育 縣立高等小學二處。模範國民學校二處。各鄉區國民學校六十餘處。其學者力學恬淡。重行誼。薄紛華。是以滄溪書院。舊在田溪。蕭然物外焉。

城市 位於全縣之東南。羣山環繞。地勢低窪。城周四里。有東西南三門。城內商店三十餘家。東關糧店九家。較爲殷實。

鄉鎮 二百八十八村。編爲五十二村。北鄉西井鎮。南鄉趙店鎮。東鄉東陽關。西鄉上邊鎮。皆有市集。商書。戡黎之故城。在東北十八里。黎城故縣。則在縣西北十里。曬布崖。相傳爲高辛氏三女織龍鬚布於此。曬焉。又有彭莊。爲彭祖訪三仙女處。

交通 西達襄垣。鹿亭。爲本省東南路要衝。東出東陽關。經涉縣。武安。抵邯鄲。順德。爲赴京要路。壺口故關。在縣東北二十八里。路通河南。涉縣。即今吾兒峪也。過關則俯

視中原矣。

第八十五章 晉城縣

晉城縣治。北緯三十五度三十分。偏西三度三十七分。

位置 東界陵川。東南界河南修武。正南界河南沁陽。西南界河南濟源。西界陽城。西

北界沁水。正北界高平。東西百一十里。南北百四十里。面積一萬五千四百里。

沿革 春秋晉地。秦爲高都。漢晉因之。隋始置澤州。唐始於古高都置晉城縣。省丹川

入焉。明省晉城入澤州。清雍正設鳳臺爲澤州府治。民國廢府。避重兵復名晉城。

山脈 太行山脈絕頂。月院。天柱。橫望。黑石。峽石。瓦山。松林。玲瓏。紫金香爐。佛頭。蟠龍

或寫真攝影。爲十二景。浮山有女媧廟。相傳煉石補天處。石器時代天球亦石製也。

水系 丹水自高平寨上村南流入境。經縣之東北境。逕二石人北。東南歷西岩下。又

有白水。出五龍山之五龍池。經縣治南。有兩沙河。抱城左右來會。又納天井溪。東注

於丹水。又經郟城。范鄉城。南屈東注於沁。曰丹口。

物產 製造品以蘇莊皮金爲細。織造素絹。曾經列爲土貢。呈文紙亦按年解京備用。

礦產有煤鐵。極富。復晉針廠。仿洋針設廠。改良不難暢銷全國。剪刀亦鋒利。

實業 計地八萬二千一百六十頃。已耕八千八百二十三頃餘。森林十頃十畝。有錦溪。瀑水。簾。溫泉。任其盈涸。昔未嘗開渠。澤亦名不副實矣。黎川鎮有造紙廠。頗獲利。人口 二十五萬四千三百零三人。

教育 濩澤中學爲五縣公立。又有醫學館。亦在城內。高等小學。模範小學。各五縣立。國民學校三十七區。立國民學校二百餘處。女子國民僅五校而已。

城市 城有四門。三面環水。南有晉南橋。東有水濟橋。西有景德橋。城內街衢修潔。新立蛋廠。織布廠。營業尙盛。古之晉城。尙在縣治東三十里。高都鎮。故高都縣。

鄉鎮 一千零六十一村。編爲一百三十村。攔車鎮。昔日曾駐同知。地方繁盛。距縣南四十里。東南二十里。垂棘。昔產璧。晉用以滅虞。虢。東北至玉嶺。爲藺。相如。完。璧。歸。趙。路。陽。阿。在。縣。北。五。十。里。今。大。陽。鎮。有。製。釘。廠。其。他。高。都。巴。公。南。村。七。嶺。各。鎮。亦。繁。盛。交通 距省城東南六百八十里。陸路艱阻。今河南清化鎮。已通道。清鐵路。煤鐵輸出。較便赴京出海者。皆不必來省。惟太行盤亘。擬開山洞。工程過鉅。攔車鎮爲孔子迴車之處。改稱星輶驛。石路車轍跡。迴環約百步。深數寸。後人因以立廟焉。

第八十六章 高平縣

高平縣治北緯三十五度四十六分。偏西三度三十五分。

位置 東界陵川。南界晉城。西界沁水。西北界長子。東北界長治。東西九十里。南北八十里。面積七千二百方里。

沿革 春秋晉爲翟辰米所居。外傳謂草中之戎。麗土之翟。戰國韓以高都入趙。卽長平也。北魏置長平郡。領高平。泚氏二縣。北齊省泚氏入高平。隋唐改名旋復舊。

山脈 丹朱嶺在縣北。俗傳堯封丹朱於此。實丹林之訛。龍嵒山在縣東。可望黃河。七佛山。營房嶺。空倉嶺。游仙山。臥佛山。舍利山。韓王山。走馬嶺。金門石室。釜山相連。

水系 丹水出丹朱嶺。山多赤土。水色流丹。繞長平坑。俗稱白起殺趙卒之血。左會絕水。卽浮雲河。經縣城東北。長河在縣東。河渠迤遠。環帶縈紆。中界七佛山。因有東西

長河之別。流入丹水。許源出縣西南原。潔泉亦入丹水。下游入晉城界。物產 種桑養蠶。昔年卽以絲絹爲土貢。呈文紙亦爲辦公所需。貢錫停止。改貢好鐵。

工匠頗有鍊鋼之經驗。康世弼石印藥紙。紋理勻細。救荒食物。則有禹餘糧。

實業 計地三萬八千八百八十頃。已耕八千八百二十三頃。金龍玉女舍利淵林諸泉橫澗鴉兒溝水利待興。

人口 二十一萬一千三百一十八人。

教育 高等小學六。縣城與米山鎮二校較早。乙種實業學校。女子高等小學校各一。國民學校二百餘處。

城市 秦壘在城西。趙壘在縣北五里。流水湖爲兩軍爭汲地。縣東營防嶺爲廉頗屯軍舊地。有險可憑。西爲白起臺。省窵谷坑降卒四十五萬爲全國最著名古戰場。

鄉鎮 五百五十五村。編爲九十三村。建寧鎮東四十里。玉井堡南十里。丁壁堡南三十里。野川鎮西二十里。馬村鎮西三十里。唐安鎮西三十五里。周纂鎮西四十里。寺莊鎮北二十里。趙莊堡北四十里。換馬鎮北四十里。

交通 省東南五百九十里。昔由長治襄垣武鄉榆社大谷入省。速則六日。遲則十日。商民出入。早已視河南清化鎮爲門戶。取道晉城至清化不過三日。可附入道。

清鐵路出縣城至晉城一帶。路尙平坦。

第八十七章 陽城縣

陽城縣治。北緯三十五度三十分。偏西三度五十三分。

位置 東界晉城。南界河南濟源。西南界垣曲。北界沁水。東西一百里。南北一百二十里。面積一萬二千方里。

沿革 戰國韓地。漢爲濩澤。北魏始置陽城。唐更名濩澤。宋復爲陽城。金升爲勸州。元復爲陽城。後因之。墨子又言舜漁於濩澤。今縣西三十里澤城村。卽漢縣。唐澤州治山脈。王屋山脈在縣南百里。南跨濟源垣曲。析城山在其西。又有底柱山三峰特秀。

皆王屋之支麓。他如峨嵋山盤亭山香臺山麻樓山並靈秀。而史山產鐵礦尤富。

水系 沁河由沁水縣郭壁鎮入縣。東北屯城里。經潤城沁渡。迤邐而南。濩澤入焉。西

隨蘆河澤河。桑林河。又東匯長河。東南流。還午壁亭。至宮娥澗出境。卽枋口也。建瓚下注。至覃懷會丹水入黃河。盤亭河出析城山。繞王屋入河南濟源縣境。

物產 礦質製磁用之。坭料。白粗料。皆取之於本地。赤峪村燒粗磁之粗料。則尤豐富。製造品磁器。有茶盅。香鑪。皆適用。水池筆筒。又具形式亦佳。瓷器用洋青料。能自造。

實業 計地六萬四千八百頃。已耕四千零四頃餘。森林七十四頃九十二畝。成渠五。長九里。溉六百八十畝。本地土產。能加以學術之研究。其進步。是。不可限量也。

人口 十五萬七千零四十八人。

教育 高等小學四。在城內。潤城。劉村。東關。乙種農業。在西關。公園。工業。在城內。女子師範及女子高等小學。在豐備倉。國民學校二百二十三所。

城市 城有四門。南臨澤水。西有玉泉。城內有成湯廟。小崦山一塔。標立東南。先農壇。地在城東。設立農場。有陽陵故驛。

鄉鎮 六百六十二村。編爲九十七村。鐘鼓鎮在西南八十里。界於垣曲。北朝周齊爭奪地。屯城在東北。白堊所營。麻婁寨在南。小寨亦峻。王村堡及下孔。北留。沁渡。上佛。潤城。劉善。王曲。美泉。北安。陽清堡。皆鄉民保聚之所。

交通 省東南七百五十里。縣東有兩孔鋪。河頭鋪。北留鋪。東接晉城。縣西李邱鋪。陽。邑鋪。文泉鋪。芹池鋪。泉秀鋪。大峪溝。西接沁水。昔年多由沁水西北行。合於南北大路。今多由晉城取道清化鎮矣。

第八十八章 陵川縣

陵川縣治。北緯三十五度四十三分。偏西三度十二分。

位置 東界河南輝縣。南界河南修武。西南界晉城。西界高平。西北界長治。北界壺關。東西一百二十里。南北一百一十里。面積一萬八千七百方里。

沿革 戰國屬韓。漢汝氏縣地。隋析高平置陵川。元省入晉城。國三十一年復置陵川縣。復仍之。

山脈 箕子山在東。流泉。鳳門。藤耳。花。觀。天。柱。諸峯。與之相連。又有馬武砦山。陰積雪不消。狀元山有七峯。元。福。宋。金。兩。代。科。舉。最。盛。然。巖。穴。中。多。讀。書。人。黃。圍。山。最。高。峻。水系 平田水。源出孤峯山下。至河南輝縣。以入於衛水。或謂此水爲陵川。又縣東北有漸水。東流經壺關東界。至河南林縣。注於沁水。惟縣西北有蒲水。經禮義鎮入晉城。長平之丹河。西溪在西南。亦西入丹河。

物產 平田水在縣東南。多松柏。居民作香。錦屏山多芍藥。菊。蠟。山多菊。六良山宜稻。銀礦出磨河村。蕎麥掌村。鐵礦出楊寨村。

實業 計地十萬零九百八十頃。已耕四千一百零三頃餘。森林十六頃三十畝。平田水非激流。當開支渠。

人口 十三萬一千四百十八人。

教育 高等小學乙種農業各一。國民學校八十八所。今推廣至百處以上。惟師範尙虞缺乏也。

城市 城只東西北三門。及四隅角樓。南門臨河而不開。文廟在城外東南隅。東接武塲。舊昔年儒學兼管文武生員也。

鄉鎮 四百二十二村。編爲七十五村。有池下鎮。楊村鎮。南馬鎮。路城鎮。爲鄉民交易之所。王莽臺在縣東南一百二十里。界連河南輝縣。永和隘路通修武。原有巡檢司。久裁。因五度關出入便而走集多也。

交通 省東南七百里。陸路須行十餘里。今由縣南八十里。五度關。逾嶺。經赤土坡。出界。達河南修武縣。不過兩日。即可附入道清鐵路。若紆道京漢。正太。以赴省。亦不難五日而已。東鄉居民。或由獲嘉車站上下。

第八十九章 沁水縣

沁水縣治。北緯三十五度四十一分。偏西四度十二分。

位置 東界高平。東南界晉城。南界陽城。西南界垣曲。正西界翼城。西北界浮山。正北

界安澤。東北界長子。橫百二百餘里。延袤六百餘里。面積二萬零三百五十方里。

沿革 初爲原國。春秋屬晉。三家分晉。遷其君於端氏。在縣東。趙肅侯奪之地。又歸趙。

漢置端氏縣。屬河東郡。別置沁水縣。屬河內郡。魏省端氏。北齊改永寧。唐復稱沁水。

山脈 太行支脈。蟠於縣東。爲秋峪嶺。熊耳山。鵬黃嶺。老馬嶺。空倉嶺。林村嶺。各峯嶂。

王屋支脈。蟠於縣西。爲鹿台山。阜山。御屏山。玉嶺。亦有歷山舜廟。林木菁蔥。非耕地。

水系 沁河自安澤沁河鎮入界。南流西納橫嶺。一水經鄭莊至河頭村。有梅河杏河。

二水合爲縣河。經縣治東流來會。南流至端氏鎮。有玉溪河。出空倉嶺。合秋峪嶺之。

海子河。號秦川河。西南流來會。又納劉曲河。南流至武安。入陽城界。

物產 種桑養蠶。惟繅絲未精。有本地綢。蜂蜜最甘潔。藥多黃芩。蒼朮。連翹。知母。南星。

煤鐵并盛。西鄉有錫礦。白坩土亦細。杏谷蓮塘亦資實利。漆汁品質良好。

實業 計地十萬零九千八百九十頃。已耕二千九百四十四頃餘。森林三頃九十畝。成渠十一。長三十三里。漑七百六十八畝。棉花日多。機房林立。

人口 七萬五千五百八十四人。

教育 高等小學二。一在城北碧峯山麓。一在東鄉山寺各二百餘人。國民學校由七十二校增至百餘。

城市 城南倚山無道路。惟東西北三門。西門貿易較盛。開日一集買賣。以糧食較爲重要。東南臨河常患衝刷。築石隄爲障。號曰水圍。

鄉鎮 五百二十一村。編爲五十二村。端氏鎮在縣東鄉。距城遼遠。無異縣治附近之

李莊郭壁尉遲村。咸走集焉。河頭鄭莊居民尙盛。馬邑村渠村。近縣河。古堆金峯。東山杏林固縣等村。近秦川河。村人合力修治渠道。利益均霑。王寨富店郎壁並盛。

交通 距省八百六十里。不能通車。所經爲高平長子屯留沁縣交口鎮南關驛徐溝。十日至省爲東路。若取道翼城臨汾洪洞趙城霍縣靈石介休平遙祁縣徐溝至省。爲西路。須行十二日。可以通車。若東行三日半。至河南清化鎮。爲入京出口捷徑。

第九章 遼縣

遼縣治北緯三十七度三分。偏西三度一分。

位置 東北界直隸邢臺。東界河南武安涉縣。南界黎城。西南界武鄉。西界榆社。北界

和順。東西一百六十里。南北八十五里。面積一萬四千零二十五方里。

沿革 春秋晉地。自韓入趙。本名潁陽。秦屬上黨郡。漢爲涅縣。地晉置潁陽縣。屬樂平。

郡北魏省隋開皇改遼山縣。又置遼州。唐改箕州。儀州。梁復爲遼州。明省縣。今改縣。

山脈 遼陽山爲太行大支脈。在縣南爲子故川。翻轅嶺。武軍山。紫金山。連武鄉山脈。

箕山。在東石室。文字無人識。界上摩天嶺。黃澤關。扼燕南豫北之要塞。

水系 清漳分東西。西漳卽水經注轅水。發源和順。入賦嶺入境。合黃土川。河南河川。

河龍溝。柏峪溝之水。旱涸潦浸。有害無利。東漳出昔陽。大阻谷。自和順入境。匯合山。

水漑四十餘里。至交漳村。合西漳。經麻田鎮。至雲頭底。入黎城界。

物產 鐵礦出北鄉龍鳳凸。及豐墩鎮。五花鐵礦。出後窰峪村。後山水晶石出石港村。

砂金石。砂岩。並爲礦物待研究者。礫岩產紫陽山。雲母產粟城鎮。五華石產柏峪村。

實業 計地七萬五千七百三十五頃已墾一千零二十一頃餘森林僅六十四畝成渠十長二十五里溉二千五百七十畝東南有山蘆石港豐墩有鑄鐵廠

人口 六萬五千九百零二人

教育 城內高等小學一國民四女學二貧民學校一教會亦設育賢兩等小學女學各鄉國民學校自餘處長城鎮省教會所設學校

城市 古城爲祝融氏建在今城北唐因枯河爲患徙今治城內街市寬平街七巷八城外只東西關米糧市冬日頗盛在縣署前及東西關交易

鄉鎮 二百九十七村編爲五十八村四鄉舊分六區東有粟城寺坪二區南有堡則桐峪二區西有石峽區北有豐墩區東鄉有芹泉拐兒羊角各鎮南鄉有麻田鎮北鄉韓王鎮西鄉長城鎮

交通 昔日入省由長城鎮循轍水逾八賦嶺以出太谷三百四十里需陸行四日路頗崎嶇今由縣循洛水至韓王鎮入和順抵陽泉車站不過兩日較爲捷便東則順流至芹泉羊角鎮過十八盤出黃洛關入河南武安至邯鄲車站赴京亦便

第九十一章 和順縣

和順縣治。北緯三十七度二十一分。偏西二度五十一分。

位置 東界直隸邢臺。南界遼縣。西南界榆社。北界昔陽。東西二百一十里。南北七十里。面積一千七百一十里。

沿革 春秋以前。梁餘子國。後屬晉。漢沾縣地。北齊爲梁餘縣。隋始改和順。因境內有古和城故名。唐改義興。宋省入遼山。元明清仍舊。

山脈 夫子嶺在東南。有宣聖廟。營房煙墩爲黃榆嶺要塞。太行脊脈在八賦嶺。西分青龍關一支。南分禪隱山一支。正脈由石猴嶺分馬嶺關爲東支。黃榆其著也。

水系 清漳水自昔陽少山。西流入境。折東環石城山三面。至縣東。有梁餘水自縣西石猴山。東流經縣南會之。又東會黃榆水一支。入遼縣界。小漳水出自八賦嶺爲濁漳之北源。南入榆社界。潦水出入賦嶺。東經青龍關。入遼縣始合於清漳。

物產 果有杏。榛。核桃。櫻桃。木有松。椴。槐。柳。楊。榆。楸。椿。樺。赤木。禽有鷓鴣。戴勝。煤礦甚富。鐵礦產石梯山谷。腦有老鐵礦。質排鐵礦質。藥物則有自然銅。

實業 計地九萬二千三百四十頃。已耕三千六百一十九頃。森林四十三頃五十七畝。合山娘子泉供數十村吸飲。未能導以灌溉。水不爲利。地利使然。渠道表缺焉。

人口 六萬三千零九十一人。

教育 高等小學一。在城內。國民學校。原設四十九校。今增至百校。原有學田五十四畝。今爲教育資產。

城市 城有西南北三門。倉廩用千字文編號。司徒坊爲王佐立。舉人亦建坊。東北三里。有玉津泉。冬不冰。清可飲。

鄉鎮 四百七十一村。編爲四十村。東南四十村。松煙鎮。有溫泉。冬寒無冰。儀城鎮。前明卽設巡檢。今裁。馬坊鎮。亦有貯穀。其他李陽鎮。關交鎮。橫嶺鎮。均有市集。合城內共七處。鄉民習於旱田。稍灌以水。其田如石。土壤又特異矣。

交通 省城東南二百七十里。西路有儀村。邵家。水泉。寒湖。沙峪。楊廣。百岩。橫嶺。刁岔。儀城關池共十一舖。南路南壩。喂馬。壩隄。共三舖。北路只李陽一舖。儀城關交。爲赴省大路。取道榆次。今則北取道平定。陽泉者。往來益便。

第九十二章 榆社縣

榆社縣治。北緯三十七度三分。偏西三度二十六分。

位置 東界遼縣。南界武鄉。西界祁縣。西北界太谷。東北界和順。東西一百五十里。南八十五里。面積八千九百二十五里。

沿革 上古帝榆罔之社。商爲箕子采地。春秋箕屬晉。漢涅氏縣。晉爲涅縣。隋開皇時。改榆社縣。唐置榆州。析偃武縣。又改箕州。宋省榆社。元復設。後仍之。

山脈 馬陵關由太行脊脈。東支爲杏榛山。迤南爲武鄉嶺。迤西爲狗腰關。西支爲溫服嶺。崇山四塞。地少平原。箕山左拱。禪山右伏。

水系 北漳水出縣西北黃花嶺。至縣西南。儀川河出武鄉嶺下來會。長八十餘里。廣八里。南與武鄉河合。每遇淫雨。洪濤怒浪。漂沒田廬。爲榆社之首害。枯河在城北。平時無水。夏秋積潦。能侵城郭。

物產 縣南三十里。韓村溫泉。冬日不冰。蘘繁蘊藻。四時不枯。瀑突泉夏涼冬暖。可植水稻。五穀瓜果均備。藥有黃芩甘草龍骨。爲出產大宗。

實業 計地四萬八千一百九十五頃。已耕三千五百五十六頃。森林十三頃三十畝。正宜造林以紓水患。東匯泉。柳灘泉。藍玉泉。可以灌田。

人口 四萬七千二百九十五人。

教育 省立第八中學。最新成立。縣立高等小學乙種農業女學。皆在城內。國民學校計四十九處。

城市 城正方形。正中築一城牆。區而二城。東曰上城。西曰下城。各有南門。上城曰宣化。下城曰帶漳。上城東門曰望京。下城西門曰通晉。北門曰柔遠。縣署在上城。

鄉鎮 五百零三村。編爲五十四村。鄉約舊分孝弟忠信仁義禮智聰明睿哲平康正直。溫良恭讓。慈愛廉節。謙慎勤儉。各約附城及四路共五區。社城鎮在西北。講堂鎮在東。魏城鎮在南。雲簇鎮在西。箕城鎮古蹟荒涼。馬陵關。黃花嶺。巡檢久廢。

交通 省城東南二百四十里。東路沿壁舖。王景舖。煖水舖。漳源舖。爲赴遼縣大路。北路。武源舖。紫寒舖。老余舖。爲赴太谷大路。西路雲簇舖。下赤峪。爲取道南關赴祁縣。大路均不能行車。只以馬代步。

第九十三章 沁縣

沁縣治北緯三十六度四十一分，偏西三度四十二分。

位置 東北兩方均界武鄉，南界襄垣，西南界屯留，西界沁源，東西九十里，南北一百一十里，面積九千九百方里。

沿革 春秋晉銅鞮邑，後屬韓趙。秦漢爲銅鞮穀遠兩縣。北魏建義寧郡治沁源。隋銅鞮縣隸上黨郡。廢義寧郡置沁州。唐以銅鞮隸沁州。明省銅鞮入州。今改州爲縣。

山脈 麟山在東北三十里，有宣聖祠。附近聖鼓山、相連龜山、爛柯山亦著名。縣南之銅鞮山爲太行正幹，有文中子書室。由伏牛山北接絳山，中有堯山、石梯山、后泉山水系。小漳河出縣西北三十五里，有泉匯爲巨流，繞縣城之西，東南流入襄垣界。會銅鞮水發源於銅鞮山，經古縣鎮之西南，昔日因山水得縣名。以此又有后泉水，小河皆在縣城入漳水。清時州境兼轄沁源，故以沁名。今與沁不相涉，應名銅鞮也。物產 種棉頗著，仍以本國種收成較早。黃小米最健全無病害。羊絨出產素稱豐厚。礦產龍骨石出石侯村、狐撐溝。

實業 計地五萬三千四百六十頃。已耕三千八百四十頃餘。森林二百零八頃。二十畝。近有張慶雲研究實業。有樹藝指南出版。省長獎勵。樹。執。先。河。匾。額。

人口 九萬九千四百零四人。

教育 縣立高等小學五。在城者二。餘在月嶺山。及西區郭村。東區長嶺村。乙種農業。在舊日儒學。國民學校二百一十七處。

城市 城南筆峰山。三峯高出。正對學宮。城北環翠橋跨小河水之上。福壽街有天寧寺。爲北周古刹。東北郊外有宋太祖駐蹕臺。征北漢時所駐也。

鄉鎮 五百四十二村。編爲六十三村。北鄉交口鎮。有漳河神廟。古縣鎮近於銅鞮山。有文中子祠。唐皮日休撰序文尙存。鳴蘇村卽古闕與城。趙奢大破秦軍。漢高親擊韓王信古戰場猶存。南程村有靈泉寺亦著。新店鎮則近來始發達也。

交通 省東南三百一十里。自縣城北至交口鎮。循小漳河濱冲積地。路尙平坦。過此須經險道二百里。有分水嶺。南關。北關。至祁縣盤陀驛。始漸平坦。至白堊堯城。始合於大路也。

第九十四章 沁源縣

沁源縣治。北緯三十六度三十六分。偏西四度零六分。

位置 東界沁縣，東南界屯留，南界安澤，西界霍縣，西北界靈石，北界介休平遙，東北界武鄉，東西一百五十五里，南北二百里，面積三萬一千方里。

沿革 漢穀遠縣地，隸上黨郡。北魏置沁源，爲義寧郡治。隋置沁州，義寧縣，旋改義寧，爲和川。後省和川入沁源。唐析招遠，金爲穀州，元仍名沁源，後仍之。

山脈 絳山正當縣北，其麓曰關子嶺，朱鶴嶺，青石山，東有青龍山，鐵爐嶺，五花山，以聯於銅鞮，伏牛，幹脈，西有紫金山，靈空山，則屬於霍岳之支脈。

水系 沁源有四，一在滑鳳村東北溝中，二在崖頭村北山麓，俱順流而南，至陽城村折東，三在車家嶺底，由棉上鎮至陽城合流，四在白狐窰馬圈溝，至交口村，又受柏子河，澗河，狼尾河，青龍河，諸水，南入安澤縣界。

物產 農產宜麻，亦有穀，麥，蕈，林產松柏，盛於靈空，雲蓋二山，藥有黨參，黃芪，連翹，柴胡，桔梗，防風，貝母，山獸有狐兔，礦有西北界之銀圉溝，銀質兼有硫質，磁土亦細。

實業 計地十六萬七千四百頃。已耕者二千六百九十一頃餘。森林二百三十三頃。二十畝。煤窰均係土法開採。

人口 六萬四千零三十人。

教育 縣立高等小學二校。國民學校。由六十餘處。增至一百零三處。官紳頗能盡心提倡。學生來省肄業者。尙能留心地質也。

城市 城偏於南。而縣境過遠。鄉民以入城爲困難。少數商業。亦由客籍之民操之。東關有琴高酒樓。在沁水濱。與琴泉山相望。竇建德城在縣北昂頭村。

鄉鎮 二百八十六村。編爲一百一十二村。北境王和鎮爲全境商業適中之地。交易最盛。其次王陶鎮爲第三區署所治。中部郭道鎮。則第二區署所治。綿上鎮近於介休。當綿山下。又其孔家坡爲聖裔所居。開孔家渠。足見聖人之後多賢也。

交通 縣北入省之陸路自縣城北行經郭道鎮綿上。大路尙平坦。其北則綿山亘阻。無論西北向介休。正北向平遙。山嶺縱橫。車行不便。運載以騾馬。達平遙介休。大路。乃可行大車。昔正太鐵路未通時。平介富商亦取道郭道鎮以達河南各省。

第九十五章 武鄉縣

武鄉縣治。北緯三十六度四十八分。偏西三度二十九分。

位置 東界河南涉縣。東南界黎城。南界襄垣。西南界沁縣。西界平遙。西北界祁縣。北界榆社。東北界遼縣。面積一萬二千五百里。

沿革 春秋晉國祭臯狼之地。漢涅氏縣。後漢涅縣。後置武鄉郡。北魏鄉郡。治鄉縣。唐武后時復名武鄉。神龍年去武字尋復舊。金改義勝。元省入銅鞮。旋復立。後因之。山脈 太行山在縣東爲箕山。牛山。崇城巖險。羊經樵雲。龍洞靈湫。黃巖紫巖。皆天然幽邃。西北有分水嶺。爛柯山一支。連接陰連山。夾峙南關鐘。而鞞山尤秀拔。

水系 武鄉水卽清漳水。出和順入賦頡。經榆社合縣北發源之西川河。入境經縣西五里。東段村與涅水會。涅水西出覆甌山。會湯溪之水。及涅縣西山湯谷五泉。經涅氏故縣。東會白雞水。卽高砦寺河。龍泉河。至合河嘴入漳。又會南亭石牛泐。入襄垣。物產 煤鐵礦最盛。縣南二十里有瀉麻池。貧家夜績。多不燃燈。柳塘池多種柳。漳河南岸。菜花彌望。南山龍爪槐。淨業菴倒植槐。天橋松年輪尤古。東鄉有粗碗瓦器。

實業 計地六萬七千五百頃。已墾三千九百一十六頃。雖有合渠及渠溝各村。地多險阻。固陂陀。上下爲梯田。馬頭。庄底村。土法冶鐵。製農器。王浪村有粗磁窯。人口 十一萬五千零二人。

教育 第一高小乙種農業在縣城內。第二高小在段村。近設單級師範講習所。單級模範學校。國民學校八十九。增至百五十校。

城市 因山爲城。尊經閣甚高。城內爲預備倉所在。東門外有東井蓮花地。西關外有西泉珍珠泉。南臨漳河。漳以石隄。對岸南壇有演武場。縣署後嶺山聳翠。有石勒城。鄉鎮 六百七十五村。編爲八十一村。故城鎮三六九日集。攀龍鎮賈河市亦然。洪水鎮二五八日集。段村鎮一三五七九日集。石盤鎮三六十日集。大曲市二七日集。盤漳市。二五七十日集。龍泉市二七日集。南關鎮二五八日集。各設鄉約。

交通 距省東南二百八十里。陸行三日程。不通車。有馱轎。第一日至馬陵關界上宿。第二日至太谷東之東買宿。第三日即至省城。舊志稱三百四十里。昂車關在縣北三里。又北爲關壑口。皆僅通一徑。南關爲赴縣祁要道。王世貞適晉紀行。曾言其險。

第九十六章 平定縣

平定縣治。北緯三十七度五十分。偏西二度四十八分。

位置 東界直隸井陘。南界昔陽。西界壽陽。北界盂縣。東西一百六十里。南北九十五里。面積二萬四千八百方里。

沿革 漢太原郡上艾縣。北魏更名石艾。隋唐改名廣陽。宋置平定軍。金井平定州。元屬太原路。清爲平定直隸州。民國改爲縣。

山脈 浮化山在縣東五十里。有女媧煉石補天窟。盛產石炭。承天山卽古承天軍。有韓昌黎題名。藥嶺山在東南。產藥。冠山有孔子洞。奉至聖像。顏曾配焉。高嶺亦峻。

水系 桃水出壽陽東太平谷。入境至亂柳村。受南川。嘉水。石門河。青玉峽水。由石峽入井陘界。東入冶河。澤發水出娘子關之縣泉。懸流千尺。下赴絕澗。又名畢發水。卽

冶河之源。縣水入澤發。松溪水入冶河。

物產 煤鐵爲大宗。以陽泉爲總匯。方解石透明。可作顯微鏡。蝸蛇石形態亦奇。陶器不讓江蘇宜興。王瓜乾列爲貢品。琉璃皮爲上釉之原料。寧艾村有砭礦。

實業 計地十三萬三千九百二十頃。已耕二千八百二十二頃餘。森林七頃。東九十里。娘子關下。磨河灘有水磨。堰水激機。設水磨亦確。更有筒車可代桔槔。

人口 二十八萬六千三百四十五人。

教育 平定中學。仍昔日州立。改爲縣立。高等小學。在城內及東鋪窰村。槐樹鋪。巨城。賽魚村。城內又有女子高小。乙種實業。各一國民學校。多至三百二十四處。

城市 依山爲城。周二里許。上城爲韓信出井陘駐兵處。以榆塞門。因名榆關。宋改廣陽爲平定。徙治於此。下城爲宋太平興國增築。天衢閣在上城月城上。

鄉鎮 七百一十一村。編爲一百七十五村。陽泉鎮爲煤鐵所萃。百貨殷闐。距縣城十五里。每日有專車開往石家莊。專爲運貨。平潭鎮在縣西廿里。甘桃鎮在縣東九十里。昔日驛站。自鐵路通。無冠蓋小駐矣。

交通 省東南二百七十里。爲東路門戶。自正太鐵路通。以陽泉爲中心之樞紐。娘子關之天險。亦鑿大隧而通。入關歷程家壠底。下盤石。岩會亂流。白羊墅。至陽泉。又歷賽魚坡頭。測石。芹泉。以達壽陽。故關盤石關。甘桃口。白城口。皆古人戰守處也。

第九十七章

昔陽縣

昔陽縣治。北緯三十七度五十分。偏西二度三十八分。

位置 東界內長城與直隸省贊皇縣。以段嶺虎寨分界。內邱縣以漫天嶺分界。邢台縣以馬嶺關分界。南界和順縣。西界昔陽縣。北界平順縣。面積一萬六千一百方里。

沿革 昔陽之名。自左氏春秋傳晉荀吳伐鮮虞。息於昔陽之門。杜注。樂平沽縣東有昔陽。爲肥都。今沽城鄉沽嶺沾水。古肥鄉猶用古名。民國因樂平縣重複改昔陽。

山脈 蒙山在縣城東。自縣南松子嶺神堂嶺岡阜相連。自和順縣來西支爲少山。沾嶺。陡泉山。東折爲長壽山。風火嶺。黃龍迤。而沾嶺西支至達盤嶺。孔子巖。在縣東北。水系 清漳水發源於沾嶺老廟下。西南流入和順界。沾水出嶺之東北。卽少山也。經縣北合阜落水鳴水。小松水。過昔陽城東北入直隸井陘縣冶河。洞渦水出陡泉嶺西合平定水入壽陽界。

物產 粘薏苡產小瓦橋。煤礦脈長四十里。寬三四里。土法開採。或得水窖。火洞。沙窟。銅礦產石窩興台上村。有植物化石。固有孔。可貫穿如錢。鐘乳石產水磨溝。小瓦橋。

實業 計地八萬六千九百四十頃。已耕一千二百二十頃餘。森林二頃四十畝。有陶器煤鐵紡織木工等廠。及毡局油房粉房之屬。蠶絲細密潔淨。

人口 八萬八千三百四十五人。

教育 高等小學校一。國民學校。由七十二處。增至一百處以上。女學不過二校。先由小學教員。家庭教育。養成女師。則學生可增一倍也。

城市 城如圓周四分之象限。東門北門兩面皆圓弧形。南門西門皆在直線正中。行政公署居中。爲利用街。教育會在其東。高等小學在文昌祠南。街道用青石砌成。

鄉鎮 沾城鄉在城之四旁三四十里以內。東至梳櫛會。南至旭咎口。皆特別字。陡泉在其西。以沾尙爲鎮。古肥鄉在其東。有孔子岩。孔氏居之。以冶頭爲鎮。臯川鄉在東南。有臯落鎮。有奇峯山。共全境二百八十九村。赤狄別種。無子遺焉。

交通 昔陽僻處。而舊號衝缺。因所轄柏井驛爲晉東首衝。距縣七十里。山路崎嶇。河灘犖确。有行宮爲康熙西巡所駐。已朽圯。行宮東另置莊窩一處。與甘桃驛連站。平定金川凱旋大路。今正太鐵路通。免於供億。郵政支局在城內。

第九十八章 孟縣

孟縣治。北緯三十八度六分。偏西三度四分。

位置 東北界直隸平山。正東界直隸井陘。東南界平定。西南界壽陽。西界陽曲。北界五臺。東西二百一十里。南北二百里。面積四萬五千方里。

沿革 古爲仇。猶戎翟之國。今俗名原仇山。晉分祁氏之田爲七縣。孟其一也。秦漢晉仍之。北魏併於石艾。隋置原仇。旋復古名。唐省烏河入焉。西南則孟丙舊邑也。

山脈 太行山脈之脊。自兩嶺西來至西北有高嶺。大嶺。白道嶺。而碧巖洪巖七機巖。風景幽奇。龍霧。芝角。玉神。幘頭。金爐。玉泉。各極其勝。越霄山尤峻拔。

水系 滹沱河自定襄入界。縣北龍花河會之。長七十二里。有五渠。又東南流烏河會之。亦有五渠。至溫泉峽。有秀水出縣西南。潞洄縣城之旁。又名細水。合流後東流至榆棗口。入直隸平山縣境。滹沱正流。在縣長七十里。有八渠。

物產 米。豆。果。物。爲大宗。花椒次之。磁土頗細。磁器甚粗。可以改良。煤礦足供給陶冶。雲母產上社鎮。凸凹山。捫金石出上社鎮。風坡山。鐵礦多。出白馬山製農器。厨器。

實業 計地二十四萬三千頃。已耕三千零一十五頃。森林十八頃。成渠十七。長一百八十七里。溉五千九百畝。

人口 十六萬零一百八十六人。

教育 高等小學二。國民學校二百餘校。女子小學一。相差懸遠。今勸國民教員。各教妻女。爲助教。漸施男女合校之制。

城市 縣署在內城。有內東門。外城六門。東西南北及小東門。小南門。外有秀水橋。城內商業盛於東南。城北五里高神山。卽春秋仇猶國君廟。俗呼爲天子廟。

鄉鎮 五百八十五村。編爲百三十村。東鄉清城鎮距城二十里。爲平定及本縣鐵貨所萃。以鍋爲大宗。共大鐵店七八家。北鄉上社鎮距城約四十里。爲果物花椒薈萃之地。牽牛鎮距清城十里。爲磁器窰所萃。溫池村距城東十六里。產麻頭紙亦多。

交通 晉省由縣城至平定西之測石驛。計陸行六十里。附入正太鐵路火車。半日可至省。出省赴京亦便。測石驛舊街趙姓芝蘭。聯合鄰村牲畜各戶。輪流送孟縣客。定價廉而不欺。是以孟縣人不由陽泉而多取道於此。其收發行李過秤發票亦公道。

第九十九章 壽陽縣

壽陽縣治北緯三十七度五十四分。偏西三度十六分。

位置 東界平定。東南界昔陽。南界和順。西南界榆次。西界陽曲。北界盂縣。東西白四
十里。南北百六十里。面積二萬零八百方里。

沿革 春秋晉分祁氏之田爲七縣。此其馬首邑也。漢爲大原郡榆次東境。晉始析榆
次置壽陽。隸樂平郡。北魏別置受陽。唐置受州。貞觀更名壽陽。後沿之。

山脈 罕山最峻。方山多松。有雲松巖。爲東北鎮山。孤山在其南。無草木。石炭極佳。開
鑿每發火。銀洞曾出銀礦。清同治時。爲匪巢。石棧石扇石巖並奇。石門有神禹之蹟。

水系 壽水在縣南二里。一名受水。源出西南安羅山。北流至太安驛。俗名太安河。會
黑水。龍門河。東谷口河。葭榆河。童子河。七里河。北河。又南至建公入洞渦河。長九十

里。洞渦即過水。出昔陽陡泉嶺。經平定入境。合壽水。西入榆次。境內長六十五里。
物產 農產穀子即小米。西洛鎮葡萄酒尤美。白糖色澤漂亮。泥莊產甘草。石英。土籽

子爲煎桐油之用。陶器柳器羊毡亦多。煙煤出入窰溝。水晶出清淨鎮。

實業 土山皆可造林。計有地十一萬二千三百二十頃。耕地只三十五百八十頃餘。

現有森林一千三百七十畝。採煤惟保管公司用機器。餘多用土法。票號昔盛今衰。

人口 十七萬一千五百七十八人。多出外謀生者。遠及嶺南塞北。

教育 城內高等小學一。女學一。國民二。宗艾西落平頭三鎮均有高等小學。國民學

二百零九校。

城市 城正方形。有四門。正中爲十字街。北門有尊經閣。東南隅魁星閣。西南隅鐘樓。

並高聳東關外有鳳皇塔。西關有川陝樓。氣象雄遠。車站在東南甯繁盛。一五日集。

鄉鎮 俗以村鎮大者爲所。每所轄若干村。縣東張淨鎮。東南張韓河鎮。正南羊頭崖

鎮。西南北河鎮。西落鎮。太安驛鎮。止西胡家堽鎮。段土鎮。上峪鎮。南燕竹鎮。西北平

鎮。宗艾鎮。正北解愁鎮。皆鄉市易之區。謂之趕集。各所則以馬首所之名爲古

交通 正太鐵路所經。爲全路最高處。至省城至此。皆上坡較費力。來省之車。下坡較

速。正東二十里有芹泉鎮。設有車站。由縣至省。一百五十里。經馬首。上湖。盧家莊。

段延。東趙村。北台流。即至榆次縣城站。西北王強坡。婁羅山。黃嶺路頗崎嶇。

第一章 大同縣

大同縣治北緯四十度零五分。偏西三度十二分。

位置 東界陽高。東南界直隸陽原。南界渾源。應縣。西南界懷仁。西界左雲。北有邊牆。界綏遠之豐鎮。東西二百五十里。南北二百四十里。面積一萬九千二百方里。

沿革 周大同川地。戰國趙置雲中縣。漢爲雁門郡之平城縣。魏晉沿之。北魏屬代郡。北齊改太平。北周改雲中。隋改雲內。唐雲州雲中郡。五代大同軍。遼大同縣。金設府。山脈 聚樂堡爲京綏沿路最高地點。附近有牛皮嶺。爲東脈。縣北孤山。巖石通軌。爲險阨之地。與彌勒山。武山。石窟山。相連。爲西脈。縣南有七峪。禪房諸山。爲南脈。

水系 桑乾自應縣東北流入。入境新橋村。經城南古家坡。會玉河。玉河俗名御河。舊名渾河。自塞外經陽高流入。會十里河。及得勝河。均自邊外豐鎮流入。水勢益大。成渠九道。又有口泉河。長六十里。匯入桑乾。成渠十餘道。下游入陽高縣界。

物產 農產。莠麥。即燕麥。性寒。爲邊氓主要食品。鹽麥。即草麥。蕎麥。收穫稍遲。果。有山查。沙果。製造品。有銅。火。鍋。礦。物。有煤。包。金。土。紅。土。白。土。紫。土。而土子。宜用於油飾。

實業 計有地十萬三千六百八十頃。耕地共七千九百六十三頃。有第四小林區第

一苗圃。育樹苗四十萬株。現有森林二千四百四十三畝而已。有貧民織布工廠。

人口 二十七萬六千七百二十八人。或號爲四十萬。

教育 第三師範中學。皆在城內。縣立高等小學。及乙種商校。甚發達。國民學校共三

百零二處。今女子師範。亦由縣立。勝家縫紉公司。傳習女學。尤致力於職業。

城市 城堞城樓。高大等於京師。顏敗特甚。北門內。子城荒涼。無片瓦。城中鐘鼓樓。想

見遼時西京。燕雲並重。今惟鎮守使署。雁門道署。規模雄偉。商業皮莊。菸莊較大。

鄉鎮 共有五百九十一村。編爲百三十八村。前後古城。皆在城東八里。小方城在城

東四十里。落城距城東六十里。因車站益臻。繁盛。孃子城距城東白二十五里。青磁

窯在城西廿三里。大小鹽坊距城南四十里。白馬城距城北十里。口泉氣象日新。

交通 省北六百二十里。京綏鐵路所經。曾在北門外。設立大站。自京綏快車直達豐

鎮。車站因而冷落。建築市房者無人過問。今大同經平旺至口泉。建築支路。每日開

車兩次。同蒲鐵路延長至成都。由此分歧。他日此處成地方必繁盛也。

第一百零一章 代縣

代縣治北緯三十九度七分。偏西三度三十二分。

位置 東界繁峙。南界五臺。西南界崞縣。西北界朔縣。馬邑。正北界山陰。東北界應縣。

東西九十里。南北一百九十里。面積一萬八千零五十方里。

沿革 秦漢廣武縣。屬太原郡。魏黃初元年。改雁門郡。後周大象元年。復改爲肆州。自

九原徙治。隋開皇五年。改肆州爲代州。後因之。民國改州爲縣。代地曾八遷。不備列。

山脈 勾注山。即陘嶺。雄峙代北。構成雁門關。天險。其脈來自管涔。西有累頭山。白仁

崖。太和嶺。東迤覆。宿夏。屋壺。峪。此大幹。東亘北連北岳。恒山。南連五台。西南爲崞山。

水系 滹沱。自繁峙入境。合東峩水。又西受龍霧泉。西經棗林堡。南。酸刺溝水。北來注

之。至屹塔村。北。鳳游水。南來注之。又西經平城堡。南。恨斯水。入焉。昔李斯矯詔殺扶

蘇。處。又經縣城南。東合雁門水。西合三里河。又合柳杜馬站。西。峩九龍泉。入崞縣界。

物產 代半夏。著名。菸葉尤多。黃杞。辣角子。及藍靛亦不少。二麥。五穀。均備。鹽。鹼。並著。

礦產。赭石。又有金礦。二處。一在羊蹄溝。一在干林頭。石灰石。出關山。工藝善鑄銅像。

實業 計地九萬七千四百七十頃。已耕者四千二百八十頃餘。森林一百五十三頃。二十四畝。成渠四十。長一百七十三里。溉五萬二千七百九十一畝。

人口 十三萬一千六百零八人。民馴訟簡。務實勤業。無游惰之習。

教育 省立第五師範。第三女子師範。縣立中學各一。高等小學五。城一鄉四。國民學校三百餘處。

城市 城周九里。四門有大街。成十字形。東兩二市。商務殷繁。本縣商人遠達內外。蒙古南北二街。商戶寥落。居民尙多。鼓樓在中。東南有益美泉。東門口有軒轅祠。

鄉鎮 三百九十一村。編爲一百一十四村。而民間仍號曰三百六十村。廣武鎮在雁門關之外。爲出塞之鎖鑰。李左車曾封此。今爲北鄉領袖。東鄉有義口鎮。聶營鎮。亦古人設防處。西鄉有陽明堡。棗戶城在城東三十里。因地多棗樹得名。

交通 省北三百二十里。呂氏春秋。天下九塞。句注其一。顧祖禹曰。外壯大同之藩衛。內固太原之鎖鑰。根柢三關。咽喉全晉。王昭君琵琶出塞。詩人哀之。宋靖康二年。金人劫欽宗帝后。至代度太和嶺。在句注之巔。爲亡國殷鑒。亦君子所懼也。

第一百零二章 懷仁縣

懷仁縣治北緯三十九度五十二分。偏西三度一十七分。

位置 東界大同。東南界應縣。南界山陰。西界右玉。北界左雲。東西六十里。南北九十里。面積五千四百方里。

沿革 漢沙南縣。隸雲中郡。隋開皇移雲內於此。唐隸雲州。遼改懷仁縣。金改雲州。元復爲懷仁縣。後仍之。

山脈 蘆子山。清涼山。在縣西南一帶。舊有鐵冶。小峪。大峪。金仙。金龍。石井。錦屏。諸山。相連。均西接洪濤山脈。陳家峪爲宋楊業兵敗處。得勝山在西北。鑿石梯數里。上下水系。桑乾河自山陰來。經縣東南隅。黃家厓。西安堡。僅十餘里。入大同界。而不灌田。鵝毛峪。河由左雲入境。至黃家莊。注桑乾。渠道甚繁。全縣之利。三里河。北沙河。泥河。並出城北。各成一渠。小峪河出柏山。有渠十道。大峪河有水磨。鴛鴦河。水利甚微。

物產 稻。離南埠村種之。仍以穀及黍稷爲多。大豆大如指。爆飼小兒最佳。苦豆用醋蒸晒作衣香。花有絨花。桑有荆桑。魯桑。松產所里山。柏產西山。礦有鹽。煤。鐵。石灰。

實業 計地二萬九千一百六十頃。已耕二千八百二十九頃餘。森林只二十畝。未免太少。成渠五十六。長二百四十。四里。溉一十三萬一千四百七十畝。不爲不多。

人口 七萬一千一百二十二。

教育 縣立高等小學校一。國民學校。全境共六十六處。學生皆篤實耐苦。實科思想。尙有根柢。是以厚重少文。

城市 城內匠作。擅琉璃瓦獸之技。市無奇貨。富商不過數家。縣南有早起城。又名雞鳴城。可提倡早起。東有日中城。

鄉鎮 一百二十八村。編爲六十村。東鄉各村。刮土澆汁。煎成白鹽。再和麩。覆煎成塊。變爲紅鹽。鄉人皆實驗化學。西鄉北起七峯。西迄偏嶺。百餘里閒。諺稱三十六窰峪。南鄉產鹽有紅黑白三種。又西鄉鵝毛石井悟道等山。元時利國鐵冶。撥民戶煽焉。交通 距大同西南六十里。一日可達。即附京綏車站。貨物出口甚便。是以物產亦漸翔貴。尤慮嗎啡金丹潛入。縣西南大峪口。盤曲二曲。南通雁門。爲赴省之道。西通左雲右玉。爲人民移墾之道。小峪口。蘆子口。阿毛口。偏嶺口。並爲要隘。

第一百零三章 山陰縣

山陰縣治北緯三十九度三十三分。偏西三度三十二分。

位置 東界應縣長樂村。西界馬邑新興舖。南界代縣佛宿山。北至黃花嶺抵懷仁界。東西五十里。南北八十里。面積四千四百里。

沿革 山陰縣始於元。遼之河陰。其得名之義。蓋石晉以山後賂契丹。名曰陰館。本漢縣之舊名。春秋時曾於北狄叻居。

山脈 覆宿夏屋二山在縣南。爲雁門北脈。山陰縣即因覆宿山北得名。青嶺春山。皆其支脈。北有黃花岡。與懷仁分界。爲洪濤山支脈。

水系 桑乾自朔縣馬邑入境。經安營村。安居坊。東辛寨。入應縣境。有富山水利公司。興龍渠灌朔縣代縣山陰三縣地。四千五百餘頃。爲全省第一大渠。其他黃水河。木爪河。神泉井。資灌溉。白泥河亦入桑乾。

物產 山禽有應山紅兔。鶻石雞。銅嘴。蠟嘴。半翅。白翎。鬪呆。漢山獸有夜猴。山羊。野豕。礦產則有鹽。礬。石炭。皮硝。今農產高粱。黍。豆。及葫蘆。大蕨。藍靛。極多。

實業 計地二萬三千七百六十頃。已耕四千五百二十二頃餘。森林三十二頃十六畝。成渠四十一。長二百五十三里。溉五十一萬三千二百畝。渠道表列第一。

人口 四萬五千一百一十七人。

教育 縣立高等小學二校。國民學校六十餘處。專授女子者五處。又有貧民高等小學。係省款設立。

城市 城只三門。東曰永泰。南曰宿峯。西曰靖遠。北城無門。建真武廟於其上。有街四道。城外又有護坦九百五十丈。引黃水河爲護濠。東北五里有五浮圖。爲縣城標準。鄉鎮 一百零一村。編爲四十村。市集以岱岳鎮爲第一。錢當俱備。縣北八里爲北鹽池。縣西十里爲西鹽池。並爲產鹽重地。上安銀村。下安銀村。均在縣西北三十餘里。蘆嶺村產蘆。南有榆林村產榆。山羊。村羊。圈頭。均因牧畜著名。

交通 距省四百八十里。陸行多阻。距大同一百四十里。兩日可達。土貨由此運銷。岱岳鎮距縣三十里。正當衝途。曾設巡檢。昔曰山陰驛。岱岳站。並栽水峪口爲縣西通代縣路。有大小十餘口。沿途村落稀少。其水苦澀。罕見磚房。近五年大進步矣。

第一百零四章 陽高縣

陽高縣治北緯四十度二十五分。偏西二度四十三分。

位置 東南界天鎮。西界大同。北界邊牆與察哈爾分界。東西一百二十里。南北一百三十里。面積一萬五千六百里。

沿革 古白登地。今縣治距白登二十里。明初廢白登。命徐達築陽和城。天順二年始城高山與陽和爲二。清順治三年併爲陽高衛。曾爲大同府治。雍正三年改陽高縣。山脈 白登山在城東南二十里。漢高帝爲匈奴所圍於此。乳頭山。胡成嶺。南沙嶺。北沙嶺。羅家嶺。胥在縣西。鵬窩崖。龍混山。尤峻。雲門。清涼等山在縣北。連於塞外。

水系 桑乾河由大同入境。經黃土梁。東暖。大柳樹。小石莊。至西馬營。入天鎮界。成渠四道。白登河亦由大同入境。經上泉村。金家莊。大白登。潘家屯。至蕭家市。會十里河。又東北入天鎮界。柳林河在柳林堡。有河一道。

物產 穀屬多黍稷。油麥。蕎麥。菜屬有玉蔓荊。蕨。菇。瓜屬有長瓠。果有杏。李。澁梨。藥屬麻黃。萎。芫。貫。仲。稀。葢。礦有石膏。蒙石。鳥有野雞。白翎。獸有獐。麝。拽猴。

實業 計地八萬四千二百四十頃已墾四千九百三十六頃餘。森林四頃三十八畝。威渠六。長七十八里。溉一萬一千三百畝。

人口 十二萬六千三百八十一人。

教育 高等小學二。一在城內東街。一在南區東井集。乙種工業學校。設備未完。國民學校七十五所。增至二百所。

城市 奎星樓。演武亭。昔日文武科舉舊地。藝文尙在。登北臺可望長城。城周九里。十三步。酒勝於鄰縣。

鄉鎮 一百五十六村。編爲四十六村。娘子城去白登二十里。陳平用美人計於此。細柳營在城西十五里。周亞夫屯兵處。太師莊在城西北十餘里。明英國公張輔食邑。河水灌溉。至今猶稱沃壤。僅有一鎮曰東井集。交易頗盛。爲全縣五十餘村之冠。

交通 京綏鐵路所經。設車站於縣城。快車亦暫停。上下其客。縣西王官人屯。則快車不停。惟慢車停此。漢之高柳塞。今之開山口。以及鎮門堡。守口堡。鐵裏門。昔日險阻。今不甚以爲衝要矣。

第一百零五章 天鎮縣

天鎮縣治北緯四十度二十七分。偏西二度二十七分。

位置 東界直隸懷安陽原。南界廣靈。西界陽高。北界察哈爾興和縣。東西七十里。南北一百三十里。面積一萬二千一百一十方里。

沿革 後漢延陵。省爲延陵縣。入當陽縣地。後魏代都畿內高柳安陽二縣地。唐雲州天威軍。遼金元天成縣。明大同東路天城衛。鎮虜衛。舊志疆域闕頗詳。

山脈 帷臺嶺當大同興和之間。元時始移民墾闢之。伏鹿山環翠山。皆連巨塞上。玉泉山有瀑布三道。與晚霞山浮雲山。岔山上陰山下陰山。迤乎東南。

水系 桑乾自陽高入境。經馬營太保小鹽場。入直隸陽原境。南洋河分兩派。自陽高入境。經十里舖七里墩李家莊。至永嘉堡。入直隸懷安境。三沙河古滌水。合李沙袁沙陸沙三水。注南洋河。天潮河出七股泉。亦注南洋河。五泉河則逕入桑乾。

物產 梁有黃白青赤四種。白者爲膏。梁尤美。豆腐油皮亦佳。榆肉牛肚鬆。野味足珍。南川多鹽。縣川多蠟。皆煎土而成。故縣境諸村多以竈名。水門口山銀礦多含錫質。

實業 計地六萬五千三百九十四頃已耕四千九百三十六頃餘森林二頃八十一畝成渠八長八十九里溉一萬一千四百畝

人口 九萬一千三百二十九人

教育 縣立高等小學二男女各一校城鄉國民學校原有四十餘處今日籌設將成立者三十餘處

城市 城四方形有四門百丈河繞其東南南洋河繞於北東南隅爲文昌樓城之中央有昊天閣東西長南北短市集東西南三大街爲盛製造氈毯廠歲值數千元

鄉鎮 二百七十三村編爲四十八村興平鎮距縣城東北六十里凡鄉民不便入城者皆於此交易焉一名新平堡曾設汛守其次則東陽河堡及西北三十里之軛磨口並爲重地蕭牆堡有蕭后井相傳遼蕭后駐兵處

交通 京綏鐵路所經設有車站東有永嘉堡亦設小站農民之畜猪羊者由京綏車站專備牲畜車外設檻欄凡能食而無所用者其必爲屠戮乎陸路驛馬驢駱駝皆有交通之功人亦不忍妄加鞭策焉

第一百零六章 廣靈縣

廣靈縣治。北緯三十九度四十六分。偏西二度八分。

位置 東界直隸蔚縣。東北界陽原。東南界涿源。西北界大同。正西界渾源。西南界靈邱。正東以洗馬爲要衝。面積六千四百方里。

沿革 廣靈縣爲五代唐莊宗同光二年所置。石晉賂契丹。陷焉。元改廣陵。尋復舊稱。沿至今。即後魏懷荒禦遠二鎮。唐開元之安邊縣。秦之古城。漢武之長城。今爲腹地。山脈 南脈亘靈邱界。有土窟山可居。天淵出其東。聖福寺。東有直峪。又東有東西石門。北脈爲火燒嶺。其南有木廠榆林。石梯嶺。已爲通衢。迤於城北。臥龍岡。皆恒嶽系水系。壺流河古名滋水。出縣西三十里。涉泉。東注壺山之下。神泉二水合流。上狹下濶。其形如壺。故名。經蔚縣。至順聖川。入桑乾。凡五十五里。縣南三里。枕頭河。縣西南二十里。直峪山。之灑雨泉。皆合流而入於壺流。東西南北四沙河。并資灌溉。

物產 席箕草。紉爲綆。以汲井。織爲薄。以囤粟。藟林。俗名高糧。幹葉如藤而長。山林宜松柏。樺。榆。槐。楊。礦有石灰。白土。製造粗磁器及砂器。鵬窩崖。舊有銀冶。煤層尤厚。

實業 已成渠一百一十三道。灌田五萬三百四十畝。籌開三渠。可灌田二千四百畝。共有地三萬四千五百六十頃。熟田只三千一百四十一頃。其餘可造林植棉。人口 八萬九千二百人。

教育 縣立高等小學二。女子高等小學一。乙種商業學校一。全境國民學校七十餘。處南村羊圈三鎮較爲發達。

城市 城爲正方形。只有南北二門。城外南北二關。有商店。東南隅有魁星樓。縣署在城內東北。有禹王廟在其南。城西七里平水橋。城東十里八家橋。

鄉鎮 鎮寇寨在縣北一斗泉。古岔寨在縣西馮家莊。以及勤漢寨蓮花寨觀音寨並著。惡峪寨懸橋深澗尤險。又有任家洞周家洞。諸處皆昔年人民避兵地。寡婦城即夫戰死而築城自衛者。平舒城卽漢平舒縣遺址。市集惟羊圈鎮南村鎮較盛。

交通 縣東十里清溝舖。二十二里洗馬莊。東達蔚縣。縣南五里翟家驛。二十五里塔兒村。南達靈邱縣。西九里城西嶺。十八里邱家灘。三十里南村舖。四十五里趙家坪。六十里望狐村。西達渾源。

第一百零七章

靈邱縣

靈邱縣治。北緯三十九度二十六分。偏西二度一十一分。

位置 東界直隸三縣。東北蔚縣。正東涿源。東南唐縣。南界直隸阜平。西南界繁峙。西

界渾源。西北界陽高。北界廣靈。東西八十里。南北百六十五里。面積萬三千六百里。

沿革 明以前。靈邱屬蔚州。蔚州又屬大同。清雍正六年。因秦陵來脈之關係。始割蔚

州改隸直隸。靈邱遂徑屬大同府。今府裁。徑屬於大同雁門道。郡縣名則始於魏。

山脈 恒山正脈。自渾源入縣西陰崖灣。由太白山迤爲滑車嶺。南北下關上下寨。由

鐵嶺口出唐縣。與曲陽恒嶽相連。縣北紅峪。三山。義泉嶺。迤爲深易紫荊關西陵。

水系 滋水由渾源東南流入。經蔡家峪。東河南。孤樹鋪。唐之窠。經縣治之南。又東南

經魁見村。靈原。門頭。白沙河。流入直隸唐縣。故名唐河。渠道表作塘河。長九十里。滋

河出西南五里枚迴嶺。湍激震盪。東入滌。黑龍河出縣西南入滌。其餘細流皆匯焉。

物產 黑龍池有龍形柳。龍嘴泉如瀑布。冬日不澗。沿水置磨七盤。礦產煤硫並富。雲

母石俗名火玻璃。鐵槭山多牧羊。有鐵槭蠹若碗。高二尺。云是李存孝牧羊棍。

實業 計地七萬三千四百四十頃。已墾三千九百四十三頃餘。森林三十五頃十畝。成渠六十二。長百零一里。溉二萬四千九百畝。提倡養秋蠶。設女子繅絲所。

人口 十一萬一千六百三十七人。

教育 高等小學三。在縣城及上寨下關。女學三。國民學校。由二十六校增至百餘。童子軍百餘名頗整齊。

城市 城正方形。缺東北一隅。爲東門。南門有甕城。有三元宮。北城無門。真武廟高聳。西城亦無門。東南隅有魁星樓。南門東向南。門有橫街。曰東關。西關。澗水澤水會焉。鄉鎮 四百零八村。編爲一百三十八村。東廿四里三山鎮。西三十里東河南鎮。西四十五里趙壁鎮。南七十里上寨鎮。九十里下關鎮。均有市集。冉莊村則有廟會。東路聚羊駝。白羊舖驛嶺。北路馬頭關。洗馬莊。南鄉太行山牧廠。皆可見畜牧之盛。

交通 西北距大同二百七十里。至道治始通入京鐵路。西南至省城五百五十里。始有出外之鐵路。赴京之路。則以東出涞源。出紫荆關。至易縣。梁格莊。附京漢西陵支路。比取道京綏及正太爲便。

第一百零八章 渾源縣

渾源縣治。北緯三十九度四十二分。偏西二度三十三分。

位置 東界廣靈。東南界靈邱。南界繁峙。西界應縣。北界大同。東西九十里。南北一百四十里。面積一萬二千六十方里。

沿革 虞分恒山地爲并州。夏復爲冀州。春秋代國。戰國屬趙。秦雁門郡。漢避諱改恒山爲常山。後漢爲崞縣。隋置平寇縣。唐置渾源縣。金升州。元省縣。并曾設恒陰旋廢。山脈 恆山之陰。爲居庸。曲陽。兩大幹之總樞。翠屏。封龍。五峯。遠望。峪。鎗鋒。嶺。孫臏。山。千佛洞。玉華峯。柏梯。玉泉山。橫山。鳳皇山。藏書窟。畫錦山。馬鞍。龍角。不可悉數。

水系 唐河三源出翠屏山者曰濇水。見於山海經。出鎗鋒嶺者曰嘔夷水。見於周禮職方。出湯頭鋪曰溫泉。見於水經。三源合爲直隸唐河之上游。渾河出東北歎土峪。經黃土坡峰台鋪。西坊城。義家寨等村。入應縣界。

物產 鉛礦出恆山。微含銀質。柏山之柏。年輪甚古。柏梯尤奇。瑞蓮池。金魚池。並佳勝。紫英石產恒山一帶。白水晶產南峪。無煙煤產堯村。墨品出狗背山。白土亦可粉牆。

實業 計地六萬八千零四十畝。已耕三千八百六十一頃餘。森林三頃二十二畝。成渠十五。長九十里。溉九萬六千九百四十畝。新設有織布廠。

人口 一十六萬九千三百四十一人。

教育 渾廣中學。爲兩縣合立。高等小學校五。國民學校二百餘。女子高等小學一。女子國民三。乙種商業一。露天學校二。夜學校五。西方城。王莊。韓村。許村。鄉校頗盛。城市 舊城在縣西橫山左側。峽水環流。後唐徙今治。雉堞屈曲。若龜負書狀。原只東西二門。後闢南門。西關居民築堡自衛。與城不相聯絡。沙河左右設市曰順成街。

鄉鎮 五百零二村。編爲九十八村。磁窑峽。亂嶺關。均設巡檢。久裁。大寨亦曾設巡檢。

李峪。王莊。獨爐寨。石板寨。鎗鋒嶺。孫贖寨。新安寨。武村。沙嶺。沙河。沙圪坨。大磁窑。青磁窑。峪南溝。小道溝。羊頭崖。牛還峪。金峯里。湯頭峪。水磨疇。寶峯寨。多有堡以爲防。

交通 西北至大同縣一百二十里。二日可達。取道京綏。出入頗便。晉省者亦多繞道。

京漢正太。京綏沿路游北岳者。或取道於陽高。南距渾源百五十里。亦二日可達。縣北有亂嶺關。頗險阻。南有磁窑口。摩崖有磁窑天險四字。路通靈邱。雲閣虹橋並險。

第一百零九章 應縣

應縣治。北緯三十九度三十九分。偏西三度十四分。

位置 東界渾源。南界繁峙。西南界代縣。西界山陰。西北界懷仁。北界大同。東西七十里。南北七十五里。面積五千二百五十方里。

沿革 漢陰館縣。隋末陷入突厥。唐置金城。後改應州。後唐升爲彰國軍。元併山陰入金城。明省金城入州。領山陰一縣。清改散州。與山陰同隸大同府。民國改州爲縣。山脈 雁門山在西南。州以應名。實雁字之訛。龍首與之相望。兩鎮三關。聯亘翠微峯。茹越峰。香峰。龍灣山。護駕岡。黃花岡。仙洞懸石如樓殿。余都谷爲金獲遼主處。

水系 桑乾由山陰入境。經縣西北韓家坊北入大同界。長八十餘里。渾河自渾源西流入境。分爲廣濟中南北東各渠。俱廣濟水利公司灌域。入大同界長七十里。大石峪小石峪盆子峪木瓜水。皆入桑乾。北樓峪水入渾河。茹越峪水入鹽河。

物產 農產物穀麥藍靛爲多。豆麻菽麥次之。木多榆楊柳。牧畜多牛羊。亦有騾驢等。鹽鹼爲出產大宗。栗子運出亦盛。

實業 計地二萬八千三百五十頃。已耕四千一百四十六頃餘。成渠十長二百七十五里。溉二萬六千七百畝。製鹽製蠶者。漸能改良。工人日得五六角。

人口 十萬四千三百二十二人。

教育 縣立高等小學五。第一在城內。二在下社。三在南河種。四在下馬峪。五在大營村。國民學校原有九十校。今拓充添班。

城市 城甃多含嫌質。最易剝落。地既斥鹵。土復鬆散。每因浮雨淋場。不易保固。昔年早有撤察院舊址。貞節祠。設稅廳者。廣盈倉在縣西北隅。東西街商業較盛。

鄉鎮 二百三十九村。編爲七十六村。現分六區。無大鎮。東安峪爲通代縣孔道。馬嵐口。茹越口。小石口。大石口。北樓口。或比於通商五口。昔與塞外五市要地。今爲腹地。安東衛雖縣鎮之一。壤地相隔。關係不重也。

交通 距省四百八十里。陸程修阻。北赴大同。只一百二十里。渡桑乾。踰黃花梁。爲通大同必由之路。兩日可達。附京綏火車。胡峪口爲通代縣必由之路。至代縣即合於南北大道。茹越口。小石口。則南通繁峙之道。羅家莊則東通渾源之道也。

第一百一十章 右玉縣

右玉縣治。北緯四十度一十一分。偏西四度一十一分。

位置 東界左雲。東南界懷仁。南界朔縣。西界平魯。西北界綏遠。清水河。和林格爾。東北界察哈爾涼城。東西六十五里。南北一百七十里。面積一萬一千零五十方里。

沿革 漢雲中郡。植陵東南境。魏晉新興郡地。北魏懷朔武川南境。隋唐朔州地。遼爲大同豐州境。明正統移置玉林衛。併入大同右衛。爲右玉林衛。清置朔平府右玉縣。山脈 縣東駱駝山。蹄窟嶺。牛心山。大南山。及縣北混元峰。北連塞外之陰山。東幹而南接恒嶽大幹。近於洪濤山脈。

水系 滄頭河自平魯縣北流入境。爲南玉。經威遠堡西澗迴泉。出自盤谷。曰十八灘。至城三里。東有南大河。合東大河南小河來會。又北至七里。有馬營河。合兔毛河。廣義河來會。北出水柵口。入綏遠和林格爾界。由清水河入黃河。

物產 地近游牧。馬牛羊最多。山林深邃。野獸出入。破虎殘狐。人與野獸爭。鐵山夙著。製造白紙。質料頗細。地宜麻。稟。

實業 計地五萬九千六百七十頃。已耕一千九百三十五頃餘。森林一頃。又三十三畝。王石匠河濱。多伐石之業。

人口 七萬五千三百八十五人。風氣剛勁。人尙勇敢。

教育 高等小學一。在城內。國民學校。五十五處。女學三校。學款則恃煤油雜糧牲畜牙行等捐。

城市 原係朔平府城。周九里。有四門。鼓樓東有寶寧寺。南關有護國寺。西門有老君觀。城北有玉皇閣。

鄉鎮 四百三十村。編爲六十六村。東古城在東南五十里。爲漢明妃舊居。南古城在縣南七十里。爲劉武周行營。威遠城在縣南五十里。原有巡檢。已裁。縣東破虎堡。東南牛心堡。西南雲石堡。鐵山堡。東北馬堡。西北馬營河堡。並爲重地。

交通 古參合口。卽倉鶴陁。爲出塞要道。蹄窟嶺爲昭王出塞之道。馬跡尙存。蓋石上蹄痕。爲數千年往來馬跡。非一人匹馬所能留也。殺虎口在縣北二十里。昔爲歸化城要衝。設稅關。監督。今監督雖仍舊名。已移駐於豐鎮。往來客貨。遂稀。

第一百一十一章 左雲縣

左雲縣治。北緯四十度。偏西三度三十四分。

位置 東界大同。南界懷仁。西南界平魯。西界右玉。北界長城。外接察哈爾涼城縣。東西一百里。南北九十里。面積九千方里。

沿革 漢雲中郡陶林南境。雁門郡沃陽西南境。北魏武周縣。唐定邊軍地。遼昭聖軍。金更名宣寧。元隸大同路。明設大同左衛。後併東勝雲川。爲左雲川衛。清改左雲縣。山脈 陰山支脈入塞。爲馬頭山。駱駝山。彌陀山。縣東之焦山。東南龍王堂。大峪山。四峯山。則爲洪濤山支脈。

水系 左雲河出縣東。曰馬家河。至縣城南。又名廖家河。經武家圈。折東。環城南。合渾河。圖作武州河。由大同入桑乾。肖化河在縣北三里。繞縣城西南。經雲西堡。高山鎮。入大同界。七磨河。舊有水磨七盤。亦東流入大同界。曾子坊河。由紅崖山入右玉界。物產 莜麥。麩質。欠麩。精胡麻油。少味。欠香。民甘粗糲。塞上駱駝老死。取其駝峯。味極腴美。製造品有毛履。塞外人用以禦寒。其厚半寸。煤。山地層甚厚。磁器爲雁北特有。

實業 計地四萬八千六百頃。已耕二千二百九十六頃餘。森林十頃十九畝。成渠一長八里。溉一千二百畝。

人口 六萬六千六百七十六人。

教育 高等小學乙種農業單級師範講習所各一。女學二。國民學校三十六。學款生息而外。有斗捐煤捐。

城市 城周十里。有南北西三門。城內商業尙繁盛。正街亦整齊。東南隅隙地尙多。有圓覺寺。四門外有溫泉。其旁植物。近寒猶綠。號半畝青。

鄉鎮 三百村。編爲三十六村。有吳家窰鎮。在大峪口之北。街市繁盛。以磁器著名。高山鎮。城周四里。在竹書河之南。河北焦山。上有焦山寺。他若東北助馬堡。拒門堡。保安堡。滅虜堡。西北三屯堡。正北寧魯堡。皆前明之重戍。

交通 東至大同。只一日程。即可達京綏車站。昔爲大同朔平間之要道。由京赴綏遠者。必取道於此。今火車直達豐鎮。古驛遂少人行。縣人習於塞北。每當大寒時節。能冒大雪出口。北赴庫倫。足見吾民拓殖之勇。焉。

第一百一十二章 平魯縣

平魯縣治北緯三十九度四十九分。偏西四度一十九分。

位置 東界右玉。南界朔縣。西南界神池。西界偏關。西北界長城。即綏遠清水河。東西

一百里。南北八十里。面積八千方里。

沿革 戰國時魏惠文王置武州。漢置中陵縣。隋唐俱朔州地。明成化中設平魯衛於

大同。嘉靖移此。清雍正改平魯縣。明人沿邊原用虜字。清初改書魯。是以得名。

山脈 管涔北脈經神池入境。爲縣南十二連山。右楊六郎寨。天門山爲南北通衢縣

北泉兒山乃滄頭河之源。與石香爐嶺相連。

水系 滄頭河出縣西北泉山。郭家窰。由牛洞溝。老蛇溝。泉兒溝。東過石灣子。碾兒山。

匯海子窰。王定窰。渚水。由三層洞。南。北流出境。經右玉出口。入黃河。信豐公司於此

開渠。又有清水河出縣邊內。西北諸山。經大水七墩二口。出口外。入黃河。

物產 莜麥。養料充足。鬚宜衛生。大豆。養料細而皮厚。大頭白菜。味甜。多炭水化合物。

芥子。實質欠佳。

實業 計地四萬三千二百頃。已耕三千五百八十九頃餘。籌開渠四。長一百里。溉二萬一千畝。

人口 三萬零七百一十四人。

教育 高等小學附設乙種商業。注重實用。女學亦由城內推及鄉鎮。國民學校。共十四處。

城市 城周六里。有東南西三門。東門外孤峯高聳。爲魁星臺山。千佛洞寺在城內北固山。俗傳有龍破壁飛去。

鄉鎮 一百八十九村。編爲二十七村。井坪所在縣南六十里。城方二里。爲邊戍往來要衝。敗虎堡在西北三十里。阻虎堡在縣西三十里。將軍會堡在白草坪。尙有迎恩堡。亦在長城旁。

交通 縣西北鎮川口。大水口。無不可出入長城者。是以綏化招墾。晉北之民負耒而出口者。春夏間最多。秋收後。又有回籍過年者。縣城井坪。昔爲省城與綏遠交通要道。自鐵路通。道上鮮有冠蓋往來也。然錯壤蒙疆。又爲煙犯入口之衝。破案者多。

第一百一十三章 朔縣

朔縣治北緯三十九度一十六分。偏西四度二分。

位置 東界山陰。東南界代縣。南界寧武。西界神池。西北界平魯。北界右玉。東北界懷仁。東西八十五里。南北一百二十里。面積二萬八千方里。

沿革 堯命和叔宅朔方。秦名馬邑。北魏置懷朔鎮。孝昌中改朔州。隨置鄆陽縣。唐改朔州爲馬邑郡。尋復名朔州。遼金元皆領鄆陽馬邑。明改衛。清改州。今改縣。

山脈 洪濤山鎮於北。龍虎山有尉遲敬德墓。三塔崑山。黑梁山。寶峰山。元姬山。皆岡阜相連。西有黃花太和雙化鞍子諸嶺。爲管涔北脈。神武尖山在東南。爲雁門西脈。水系 桑乾上源恢河。自寧武入境。至紅崖伏流。塔底再見。經縣城南。東經牛家店。至

馬邑城南。桑乾河發源洪濤山。匯黃道泉。金龍泉入焉。七里河。元子河。呼澗河。皆匯入焉。恢河廣裕第一渠。已溉白萬畝。桑乾則有富山公司渠。口由河曲堡入山陰界。物產 農產製造出品。以燒酒爲大宗。飛羅麪白而細。冠於全省。動物有白鼠皮爲裘。礦產鐵在西南界溝爾集村。東沙河內。煤及石灰。土鹽。土鹼。及粗磁瓦器砂器爲多。

實業 計地十五萬一千二百頃。已耕五千零一十五頃。森林六頃五十畝。成渠四十
一。長六百三十七里。溉二十四萬三千四百畝。

人口 十四萬零九百六十六人。

教育 省立甲種農業學校一。縣立高等小學在城者二。乙種工業亦在城。馬邑鄉有
刑馬泊高等小學。神頭乙種農業亦發達。

城市 城周九里有四門。城東門內崇福寺。爲唐時契丹國林太師府。至今尙稱林衙
院。北門廣福寺。大鐘重一萬二千觔。聲聞百里。鄴陽故縣在城外西北隅。昔有白樓
鄉鎮。四百九十三村。編爲一百五十三村。馬邑城建自秦時。久廢爲鄉。所管八十五
村。地方富足。神頭鎮亦繁盛。有城堊幾足以鼎立。樓煩堡在東南四十里。梁郡王城
在縣西二十里。神武村在東南五十里。六郎寨在東南八十里。

交通 距省正北四百八十里。取道東南百里。入雁門關。爲南北大道。取道東南七十
五里之百草口。有小路通崞縣。路雖捷而途險。東北距大同二百四十四里。而入都
者必由之。陽方口爲南通寧武之要路。昔由平魯右玉出殺虎口大路。今行旅甚少。

第一百一十四章 寧武縣

寧武縣治北緯三十九度六分偏西四度一十一分。

位置 東南界崞縣東北界朔縣西南界靜樂西界五寨北界神池東西最廣處百六十五里南北最狹處二十二里面積三千三百方里。

沿革 古長城曰紫塞趙所築殷周之際樓煩所居戰國時漢族乃拓而有之趙武靈王之功也秦時屬雁門郡漢爲崞縣地北魏秀容地明置寧武關清設府今改縣山脈 管涔山爲省北最大分水嶺汾源出其南桑乾源其東嶺北有火山宋置火山軍冬日亦煙薰熱灼人不敢近蘆芽山槃薄相屬清真山之水簾瀑布尤奇。

水系 汾水出管涔之樓子山下與林溪山龍眼泉合流石罅泉湧西南流至寧化北屯台天池水浸鍾合蘆芽水經定河村南至潘家灣行地百五里南流入靜樂恢河出分水嶺爲桑乾最遠之源經縣城南門又東流出陽方口入朔縣一名渾河。

物產 森林豐富木料甚廉草紙頗粗紅紫白土包金土可采畫花豹食蛇夜猴捕鼠鐵礦少雜質產摩天嶺者微含白石寧武毯漚羊毛爲線織螭龍花葉形陸離可觀。

實業 計地一萬七千八百二十頃。耕作地四千九百五十七頃餘。森林二千七百六十二頃四十畝。列各縣第二位。有苗圃二馬三馬。營田六七十頃。均藉汾水之潤。

人口 五萬六千一百八十二人。

教育 第五中學及縣立高等小學在城內。區立高等小學在寧化堡。國民學校一百零五所。私塾尚多。

城市 鎮城北踞華蓋大街九道。四北護城墩可俯觀一切。北門曰鎮朔城。西關有子城曰寧文堡。東關亦有子城。黃華澗自東關入渾河。南泉、釀泉均在城南。甚洌。

鄉鎮 四百三十五村。編爲四十二村。舊俗男子敝縵不完。而婦女則以綺羅相誇耀。

寧化堡有城。舊駐巡檢把總。西北有隋汾源古宮。今爲聖壽寺。城東有萬福洞。爲縣南鎮。陽方堡臨恢河。控長城。舊駐把總。亦有城。

交通 省西北三百四十里。自縣由靜樂凌井溝。爲赴省之徑路。東十七里。陽方口。則由朔縣赴大同入京之大道。明季季自成。以十倍之衆。攻寧武關。總兵周遇吉力戰。遇之。遇吉死。大同宣化望風而潰。遂陷京師。則寧武形勢不亦重乎。

第一百一十五章 偏關縣

偏關縣治。北緯三十九度三十三分。偏西五度十分。

位置 東界平魯。南界五寨。西界河曲。北界綏遠。清水河以邊牆爲界。東西一百里。南北一百四十里。面積一萬四千方里。

沿革 漢定襄郡桐溝縣。唐嵐谷縣地。五代時。北漢置偏頭砦。宋爲偏關砦。隸火山軍。元有偏頭關。明爲偏頭所。清雍正三年改偏關縣。

山脈 南北長嶺爲平魯十二連山。來脈鴉角山亦峻。鞏子山亦在東南。金人拒西夏重地也。駱駝山在東北。有石洞。深里許。

水系 關河源出平魯阻虎堡之南。入境經老營堡之南。白草坪之北。又經馬站營之南。繞縣城之南。經沙坡之北。西北流出長城入黃河。曰關河口。馬園嘴溝。出縣南三十里之龍眼泉。入於黃河。

物產 長山藥爲肉根之佳品。寒瓜爲本地特產。有千穗穀及曼陀羅花。爲寧武所移。植駱駝孳生甚多。蒙疆必需之物也。

實業 計地七萬五千六百頃。已耕三千九百六十六頃餘。商人與蒙古人互市。程度在蒙古人之上。恒獲利益。

人口 三萬七千零三人。

教育 縣立高等小學校一。在城內。國民學校一十六處。在城者皆因社學義學之舊基。女子入學者甚少。

城市 城周五里。東西南三門。倚九龍山。周環九峯。縣東七里有雙鳳山。與之相對。西門外二里有暖泉。岩下澗草冬榮。岩上鐫甘露泉三字。

鄉鎮 三百九十村。編爲一十八村。老牛灣在縣北八十里。明季築堡。東接滑石澗。西臨黃河岸。首當西北之衝。老營所在。縣東八十里。曾設巡檢。今裁。其餘驢皮窰。水門溝。紅門口。草垛山堡。五眼井。皆爲要地。

交通 昔設偏頭邊站。水泉邊站。老營邊站。均爲出塞要道。縣西北昭君壩。距城二十里。相傳明妃經此。一足跡留石磐上。吾國民移植塞外。往往男子獨往。携眷者極少。晉省尤甚。是以綏遠荒地。未能一律開墾。設治改省也。

第一百一十六章 神池縣

神池縣治北緯三十九度一十二分偏西四度十一分。

位置 東界朔縣。南界寧武。西界五寨。西北界偏關。北界平魯。東西九十五里。南北一百零五里。面積九千九百七十五方里。

沿革 漢樓煩馬邑地。魏置神武縣。北魏神武郡。後唐太祖生於神武川。遂爲神武縣。後改武州。明爲神池。營清雍正三年改神池縣。

山脈 大溫嶺。小溫嶺。皆管涔之北脈。地高而溫。火山伏焉。黃花嶺在南。一名摩大嶺。嶺上有秦始皇舊長城。增近有姜女井。俗言孟姜女哭倒長城處。轆轤窰能容萬人。水系 義井河出朔縣。馬頭山入境。經四十畝溝。經解家嶺之南。入保德界。清康熙三十六年二月二十四日。聖祖西征。駐蹕時。河水驟溢。以飲牛馬。秦駝翼日。遂涸。名興隆河。平時無水。漲發如神焉。聖祖西征後。晉北二百餘年無患。功亦不可忘也。

物產 菽麥籽缺。脂油質。是塞上人恒有菜色。或佐以山藥蛋爲食。視蕎麥亦知珍味。

銀洞凹在縣西。曾冶銀。鐵爐山產鐵。

實業 計地五萬三千八百六十五頃。已耕四千四百八十八頃餘。成渠二。長七里。溉三千五百四十畝。

人口 四萬二千二百八十五人。

教育 高等小學由觀華書院改設。女學亦在城內。由捐款支給。國民學校六十八處。學款山地畝分攤。

城市 城周五里有東西南三門。西門外有池水一區。冬夏不竭。是爲神池。一名西海。縣南一里有南泉。注於神池。故城在東南。溫嶺泉在縣東五里。亦流入神池。

鄉鎮 二百七十三村。編爲二十三村。桑乾故郡。在今縣南四十七里之新城。利民堡在縣北六十里。北出莪麥川爲朔縣。井坪之孔道。地方昔頗繁盛。八角堡在西北六十里。與義井黃花嶺並重。寺溝海莊溝牛羊路溝鷄罩山溝鄉。民正研求水利。

交通 神池邊站。利民邊站。八角邊站。昔爲阨塞。今八角猶爲偏關。與本縣交通要道。以乾柴溝爲兩縣之界。偏關入省。恒取道於此。本縣入省則須取道寧武。忻縣爲必由之途焉。

第一百一十七章 五寨縣

五寨縣治北緯三十九度六分偏西四度四十分。

位置 東界神池。東南界寧武。西南界岢嵐。西界保德。北界偏關。東西五十五里。南北

一百里。面積五千五百方里。

沿革 遼以前爲神武地。與神池畧同。明嘉靖間始建五寨城。清雍正三年始改設五寨縣。民間相傳元時號秀容堡。境內有漢中陵故縣。北魏殊顏故縣。

山脈 蘆芽山在縣南六十里。舊志稱全晉崇山第一。岢嵐界上。雪峯尤峻。在界山之東。雪山。西雪山亦入於永雪。界暑月。近寒。其餘長城山。殿坪山。則視若培塿焉。

水系 清澗河源出蘆芽山。西北流經縣城南。又北流經三岔堡南。又西流入保德境。匯於黃河。長八十里。上游皆山坡。難資灌溉。至薛家口。地勢漸平。沿河十餘村。各開小渠。約溉四千餘畝。紅土坡溝情形亦同。大澗河自神池來。下達河曲。

物產 馬鈴薯。澱粉質細。赤糖頗淨。多含焦枯味。蘆芽山看花臺。異卉繁多。有旱蓮花。農桑分局自織腿帶。欠光亮。褲帶太粗厚。柳條布尙適用。民間所製毛毯最精。

實業 計地二萬九千七百頃。已耕三千一百零四頃餘。森林尙多。共五百四十三頃。七十畝。成渠二。長六里。溉三千二百畝。

人口 三萬五千六百四十九人。

教育 高等小學乙種農業。均由地租牙用籌辦。女學二。由大足會罰款籌出。國民學校十九處。由各村担負。

城市 城周四里有東西南三門。城內有大街四小街八。南山在南五里。如列屏障。糧店以燕麥爲主。小麥麩惟富家食之。

鄉鎮 二百四十七村。編爲二十村。山岔堡最重要。一名三岔堡。在縣北六十里。明嘉靖築東達神池。西達岢嵐。北達偏關。遮魯城一名武王故城。在縣西北四十里。李克用駐兵之地。

交通 五寨邊站。三岔邊站。均爲舊日邊防之要衝。店坪山橋在縣南四十里。深溝高壁。賴以涉險。入省者。或東出寧武。以向崞縣大道。或東南出靜樂。以向忻縣大道。與蒙古交易。則多由河曲焉。

第一百一十八章 忻縣

忻縣治北緯三十八度二十五分。偏西三度四十三分。

位置 東界定襄。南界陽曲。西界定樂。北界崞縣。東西一百三十五里。南北一百里。面積一萬零二百里。

沿革 春秋九原。後屬趙。漢高駐忻口。晉置九原。北魏置秀容郡縣。寄治者八郡。隋改樓煩郡。唐分嵐州憲州。并於秀容置忻州。後因之。民國改州爲縣。

山脈 雲中山脈。縣北金山有采金穴。石綠洞。又名程侯山。程嬰匿趙孤於此。南有陰山。夏雪不融。繫舟處爲堯禹當洪水時繫舟處。想見懷山襄陵。

水系 滹沱河自崞縣入境。經縣之東北隅。過忻口鎮。忻川水入焉。俗名沙河。又東入定襄界。雲中河出縣西北雙尖山。由米家寨至解村入定襄界。牧馬河在縣南五里。自牛尾莊會石代水。嵐水東流至三交鎮。過縣城南。曲流至北胡村入定襄界。

物產 昔稱寒早。煥遲不宜棉。沙不宜麻。棗城不宜桑。柘煤亦資陽曲。淘金河曾淘金。紅水晶產程侯山。鐵礦結晶爲正方顆形。解玉砂出龍門山。小山溝雲母出獨擔山。

實業 計地五千五百零八十頃。已墾八千八百五十一頃餘。森林一頃。成渠五十一。長四百五十六里。漑田十萬四千三百五十畝。新興勸工廠。所織絲光布最精緻。人口 二十二萬二千四百九十人。鄉鎮大者有三千戶以上。

教育 忻縣中學在城內。高等小學五。城內及四鎮各一。女子高小在城內。又有蠶桑學校一。國民學校二百八十處。乙種商業。尤注重推廣國貨。

城市 城有四門。東南北三方皆方形。西面突出作圓形。西街斜而最長。南北大街直。而中貫市面繁盛。機聲軋軋。道樹成陰。城南桑園尤茂。文昌閣可俯視全城。

鄉鎮 三百六十五村。編爲一百八十九村。原分四十七都。東永豐鄉十都。南集賢鄉十五都。西九原鄉十二都。北金山鄉十都。有東呼延都。南呼延都。可見北朝民族同化。今北有奇村鎮。南有麻會鎮。東有董村鎮。西有三交鎮。爲鄉區領袖。

交通 省北一百四十里。南有赤塘石嶺之阻。唐宋置防禦之舊戍。北有忻口雲內之隘。漢高因以退守。明嘉靖庚申。虜由寧武入寇。受禍甚慘。忻爲全晉後藩。三關內障。今五族共和。忻人且出塞開墾。北出大同。鐵路未成。商路多山。寧武赴河曲焉。

第一百一十九章 定襄縣

定襄縣治。北緯三十八度三十二分。偏西三度二十九分。

位置 東界五臺。南界陽曲。西界忻縣。北界崞縣。東西九十里。南北五十里。面積四千五百方里。

沿革 定襄之名。始於後漢。實前漢陽曲。晉隸晉昌郡。北魏隸肆州永安郡。後省。改唐。宋金以後。定襄。恒隸忻州。宋省入秀容。元復置。後因之。

山脈 聖山。在東北二十里。一名聖阜山。有溫泉。北有柏樹嶺。一名漆郎山。爲豫讓漆身處。首五臺山脈。縣南之七岩九谷。則屬太行山脈。居士山有王維讀書處。

水系 滹沱河自忻縣入境。經高村前營大營。入崞縣界。復折而入境。至藍台鎮之東。北雲中河自忻縣東流入境。會焉。正流繞縣治如帶。至大營村。有牧馬河自忻縣入。

境。經董村待陽村。會於滹沱。有廣濟渠。溉忻定崞三縣。水利稱盛。

物產 核桃內衣太厚。花椒皮厚紅欠香。藍靛芒長體扁輕色黃紫。甜菜糖質百之七。礦產硃砂石。出白家山紅泉山。吸鐵石出鐵石山。

實業 計地二萬四千三百頃。已耕三千九百五十五頃餘。森林一頃二十五畝。成渠二十四。長四百零八里。溉十一萬五千八百六十畝。

人口 十萬零八百零四人。

教育 定襄中學在城內。增設乙種商業學校。高等小學三。由所立區社捐款。女學一。高小國民各一級。國民九十九校。由地畝捐款。

城市 城周四里有奇。東西南三門。惟南門及米市最爲繁盛。他如傅家街及文昌街。道路整潔亦漸繁盛。

鄉鎮 一百二十村。編爲七十三村。有四大鎮。一曰藍臺鎮。即三卿宴智襄子處。智村。即智信故里。其餘芳蘭鎮。受祿鎮。南王村鎮。均爲村民交易之所。東霍村爲霍光故居。西那村有霍去病墓。中霍村有呂布池。武峪有程嬰藏孤臺。

交通 省東北一百九十里。自縣西南行五十里。即合於大路。衛村有衛青將臺。俗傳衛青出定襄建旗鼓處。按漢定襄郡在大同西北。非今之定襄。或土人附會。姑存其蹟。以見崇拜英雄者。不以晉北塞北交通困難自阻也。

第一百二十章 靜樂縣

靜樂縣治北緯三十八度三十分。偏西四度三十二分。位置東界忻縣。東南界陽曲。南界交城。西南界嵐縣。西北界崞嵐。北界嚮武。東西一百二十里。南北二百五十里。面積三萬方里。

沿革 古樓煩地。春秋屬晉。漢汾陽縣地。後漢省入九原。北魏併入定襄。隋初置崞嵐。後改汾源。大業改靜樂。唐置管州。宋置靜樂軍。徙靈州治之。改嵐州。明省州爲縣。

山脈 管涔山脈分東西二支。東支以南嶺山、聯絡太行支脈。崞山、懸山、桃子山、懸鐘山、巾字山、皆屬西支。即西北鹿徑嶺、惟西南界山、玉樓山、遙接呂梁山系。

水系 汾水自寧武入境。經張家灣、段家寨、樓煩鎮、經縣城西至雁門村。入交城界。有石堤防水害。因水挾沙淤。則變瘠也。碾河出東北巾字山。水潔而溫。冬不凝。水利甚渥。至城南半里。西入汾河。亦資灌溉。

物產 松柏、椿、楸、榆、柳、樺、檉、並盛。野獸尙多有野猪頭標本陳列。水磨香末、麪可造香。銀礦出兩嶺山。黃色石露金色。硅素極多。可造玻璃。

實業 計地十六萬二千頃已墾二千二百零八頃森林五十頃八十畝成渠四長五里漑四百三十畝

人口 八萬九千四百四十一人

教育 高等小學二由當行息款捐款辦理女學一由斗畜戲捐籌撥國民八十四校由各村擔負

城市 城周四里惟南北二門又有南郭城有東西南三門東門外有古河隄明圮於於水萬曆間墾以石長九十七丈

鄉鎮 六百一十三村編爲六十八村樓煩鎮在縣南七十里明置巡檢卽唐之樓煩監樓煩王城距縣百里周王會圖有樓煩子趙武靈王城在縣南三里三堆城爲齊後主獵地下馬城則魏孝文駐馬處

交通 距省西北二百里東南九十里龍家莊卽交陽曲縣界縣南雁門村亦名雁門關兩嶺關爲縣東之扼塞鹿徑關界連嵐縣路通岢嵐娑婆嶺路通忻縣有橋門嶺隘口蓋三面環山而汾水曲折是以陸行甚艱

第一百二十一章 五臺縣

五臺縣治。北緯三十八度五分。偏西三度五分。節氣早。京師十二分二秒。

位置 東界直隸阜平靈壽。平山三縣。南界孟縣定襄。西界崞縣。北界代縣繁峙。面積三萬七千八百方里。

沿革 春秋晉地。戰國屬趙。秦置慮虢縣。漢魏沿之。晉省。元魏復置。譌爲驢夷。隋大業初改名五臺。則因五臺山而得名也。

山脈 五臺環五百餘里。上有五峯。高平如壘。石縣城附近又有小五臺。東北長城嶺。東黑山皆爲要塞。惟滹沱河南段。敵山。筆架山。簡子山。不與五臺山脈相連。

水系 清水河出華嚴嶺。長一百二十餘里。松巖口地濶而腴。甲乎諸村。下游會慮虢。虢陽兩河至段家莊。入於滹沱。濱河宜五穀。滹沱自瑤池村入境。會小營河。長二十里。經流長五十里。泉巖各細流皆歸焉。龍灣泉入虢陽河。稻田不足頃。九女泉頗溫。物產 台參。台菌最著。仙茅亦重。褐鐵產西梁山。煤產天貨山。五洞山畜驢。馱之。銀產紅表村。黃金山。硯石產文山。可製算板。有白水晶。苗含紫色。又產石琉磺。

實業 有地二十萬零四千一百二十頃。耕地只三千四百九十二頃。餘成渠二十六。可灌二萬零九百畝。籌開渠可灌五百畝。森林五十二畝。有第二小林區第一苗圃。人口 一十七萬四千人。

教育 川至中學在河邊村。係閻督軍私立。有川至校刊。討論學術。五臺中學在城內。高等小學十所。乙種農業一所。國民學校四百八十七所。第一次統計爲全省之冠。城市 舊城在慮虎河北岸。今在南岸。作正方形。南北大街偏於東。而東西大街偏於南。正中爲米市。城小而堅。城外有護陞。種柳數千株。姜瓖叛圍攻年餘不下。

鄉鎮 全縣六百二十村。今編三百六十八村。臺懷鎮在五臺山中。西臨清水河。爲朝山者。交易市場。能鑄數丈銅佛。小者爲護身佛。用樺木製木椀念珠。暢銷蒙藏。下游有耿家莊鎮。縣西南有東冶鎮。臨滹沱河。又聯客鎮。中座豆村。觀山槐陰。鄉校亦盛。交通 康乾巡幸五臺御路。由直隸入長嶺關。學祖命射虎之地。曰射虎川。以示威。距城一百五十里。龍泉關亦爲直隸要道。距城一百二十里。西行則出榆車嶺至崞縣。始爲大道。凡二百里。西套蒙古自河曲東來。塞北蒙古自大同南來。夏日絡繹於道。

第一百二十二章 崞縣

崞縣治北緯三十八度五十四分。偏西三度四十一分。

位置 東界五臺。東南界定襄。南界忻縣。西界寧武。北界代縣。西界界朔縣。有邊牆。東西一百九十五里。南北九十五里。面積二萬零四百七十六方里。

沿革 崞縣原在勾注陔北。今渾源州地。晉劉琨以崞繁峙馬邑於陔南。乃漢原平縣地。隋改崞縣。唐又分爲唐林。今之縣治。即北魏永興二年所置右城縣。

山脈 崞山在縣西三十里。連峯疊嶂。爲縣之主山。有秦將蒙恬廟。柏枝山爲東支。有太子扶蘇廟。西支有太子厓。而白仁巖風景最佳。東南百里堯元山。有堯廟。

水系 滹沱河在縣東一里。由代縣入境。三十餘里至合河村。陽武河自太子崖流五餘里來會。又五十里至原平鎮東之張家莊。又十五里至板寺村。雲中河即沙河自忻北清初衝徙北流來會。又五里至界河舖出境。

物產 農產以麻爲大宗。水果以梨爲美。製成梨膏尤美。奎光嶺植果樹。鳳凰山有硯石。鐵礦產官地村。及黃莘坡鐵爐溝。橋岩山官地並有粗磁。砂鍋。及木炭販鬻四方。

實業 計地十一萬餘頃。熟地八千一百六十頃。廣濟水利公司。廣濟渠。灌五萬餘畝。在崞者萬餘畝。計成渠五十六長四百里。共灌十五萬餘畝。籌開一渠。可灌二千畝。人口 二十四萬零二百二十八人。

教育 縣中學在城內。人數比較爲各縣立中學之冠。高等小八學校。男六女二。國民學校三百四十四處。

城市 唐之石門關。卽今崞城。顏真卿開崞口。以出千里之師。東門外春場北。有古城址。南門外有校場。西門外有養濟院。育嬰堂。北門外有小五臺。遇奇日市。

鄉鎮 舊分三十七都。二十二屯。東鄉五十一村。西鄉一百九十村。南鄉八十三村。北鄉四十五村。東鄉銅川七十一村。有宏道鎮。距縣百二十里。閻聖驛。距縣六十五里。原平鎮。距縣四十里。武延板市。界河大牛店。上陽。皆舊汛。軒崗鎮。大牛鎮。商業日盛。交通 距省北二百六十里。東至代縣六十里。南至忻縣一百二十里。以界河舖爲宿

站。距城六十五里。東南至定襄縣一百二十里。以界上湯頭村爲宿站。西北至朔縣一百八十里。界上買家窰。距城一百一十里。南北大路較寬。赴寧武路亦可容車馬。

第一百二十三章 繁峙縣

繁峙縣治。北緯三十九度一十三分。偏西四度三十一分。

位置 北倚邊牆界應縣。東北界渾源。正東界靈邱。東南界直隸阜平。正南界五臺。止

西界代縣。面積二萬四千方里。

沿革 春秋晉有霍人邑。秦置繁峙縣。漢時境內尙有孩人鹵城二縣。而繁峙故城則渾源。魏改峙爲峙。北魏升郡。東魏置武州。隋復名。唐移治。金改堅州。明復爲繁峙縣。山脈 五臺北脈。寶山。慈山。巖頭山。皆在南。泰戲山拔起於東。半型山。孤山。迤爲團城。口。太安口。葫蘆口。凌雲口。北路口。大石口。小石口。茹越口。馬蘭口諸山。

水系 滹沱河源縣東北泰戲山。三泉如品字。西流經沙澗至縣城西入代縣境。凡百三十五里。支渠北漑茹越。聖水頭。南漑華嚴。若黑麻灣小店。水盛時亦可灌溉。南峪口。河出五台。北入滹沱。峨河與代縣分水。冶口河亦使通渠。

物產 黃薯最多。滹沱兩岸。下濕宜稻。粱穗細者爲粟。高粱來自蜀。又名蜀秫。蕎姑亦盛。本有松樹。櫟。榲。亦宜桑。無花果。實似李。包金土。可墾壁。鹵地煉鹼。青石亦燒石灰。

實業 計地十二萬九千六百頃。耕作地二千九百八十六頃餘。成渠四十七。長一百九十五里。灌七萬零九百六十畝。由水利局管理。又有工藝局一所。

人口 九萬零七百八十三人。

教育 高等小學由一處增至三處。國民學校由四十五處增至一百二十處。女學三處。今設師範傳習所。傳習五十人。

城市 城四方。只三門。東曰和豐。南曰淳簡。西曰安阜。玉皇閣在南門樓上。鼓樓在中。縣署在西北城有玄帝廟。唐時因滹沱南聚寶寨爲城。明改河北龍鬚地。雙日集市。鄉鎮 五百八十九村。編爲一百三十二村。香煙會惟砂河爲最盛。距城東六十里。草日集。大營集盛於縣城。距城東百里。雙日集。明十九都。清八都。代人乘其敝。或帶糧承行。或虛錢佃置地畝。侵漁過半。乃另立大義二都。爲代人寄莊。稍紓賠累。

交通 距省城東北三百八十里。由省北忻崞代大路。自代東行六十里。卽至繁峙縣城。縣東一百三十里。平刑關。爲通靈邱之要隘。距京師八百里。昔由靈邱東行。今則由茹越口赴應縣。北至大同。由京綏火車行較便。陸路皆乘騾馬。

第一百二十四章 保德縣

保德縣治。北緯三十九度四分。偏西五度四十分。

位置 東北界河曲。東南界崞嵐。正南界興縣。西北界黃河。距陝西府谷縣只一里。東西八十里。南北一百四十里。面積一萬一千二百方里。

沿革 漢初爲樓煩地。北魏隸武川鎮。唐隸嵐州。宋景德初名保德軍。金置保德縣。元省保德縣入保德州。明改縣復爲州。民國改州爲縣。

山脈 管涔西脈兩支。一在縣北。爲天橋石峽。東北翠峰與河曲連縣。城鐵山金山皆屬焉。一在縣南。爲神山峪。峰子嶺。伊山。爲伊尹舊游。黑石崖。洞尤深。柏山連於崞嵐水系。黃河自河曲入境。經大橋峽。至城下南入興縣界。朱家川自河曲入境。自縣東繞王家寨。由花園村入河。馮家川卽鴨頭川。在縣南。經神山峪入河。東溝水出岔道村。至東關入河。西溝水出峯子峯。由下團頭入河。溫泉出石梯山。至峽口入河。物產 石花魚出黃河天橋峽。爲貢品。土絹亦耐用。石燕出扒樓溝。青玄大小不一。頭項毛羽悉具。禹餘糧出河岸。禹廟旁尤多。可救荒。藥材以甘草爲多。礦有煤密。

實業 計地六萬零四百八十頃。已墾三百零八頃餘。魯班石像。雕鑿無痕。洵合於美術。惜乎工藝自祕而託於神也。

人口 四萬九千三百三十五人。

教育 高等小學一。國民學校三十三。并專設女子國民學校。地方重收紙煙捐。學界能先禁紙煙。亦爲管理上一種精神。

城市 城周七里。有四門。舊名林濤寨。北城上有擬江樓。建於宋時。俯瞰黃河。儒學門外有王伯當磨劍石。鐵山在城內。若鳳凰。金山在城南。若蓮花。

鄉鎮 三百五十九村。編爲三十九村。水寨在縣東北十五里。黃河中。歸門中流。似三門砥柱。上有水寨寺。石梯山堡。在東北二十里。有一夫當關之形勢。故隴州城在東北八十里。柏森村趙氏。昔有十世同居。號義門都。

交通 省西北四百六十里。黃河通水運。與本省本道不相連合。是以到省者仍陸行。或北出崞嵐靜樂。或南出興縣嵐縣。山道崎嶇。黃河渡口甚多。冬日積冰。名曰天橋。車馬往來如平地焉。

第一百二十五章 河曲縣

河曲縣治。北緯三十九度一十五分。偏度五度二十八分。

位置 東北界偏關。東界五寨。東南界岢嵐。西南界保德。西界陝西府谷。西北界綏遠。鄂爾多斯旗東西九十七里。南北一百八十里。

沿革 漢太原郡地。唐隸嵐州。五代北漢始置雄勇鎮。宋太平興國中。建火山軍。金置河曲縣。又改隴州。元省隴州。并縣入保德。明置河曲縣。後仍之。

山脈 火山在縣西七里。上有孔。投以草。煙燄上發。草木不生。上有礪砂。下有氣砂。鐘山鼓山。在城南。水經其下有聲。鵬黃崖在東。有鵬窠。西北赤崖。嶺上有蛤蚌遺殼。

水系 黃河在縣西四里。其西南天橋峽。有禹鑿之痕。激浪如雷。上自偏關來。下達保德。大澗河出朔縣。經神池五寨。入境七十里。入黃河。石佛河東接岢嵐。長流溝。西經保德入黃河。沙泉河在縣南。鎮口河在縣西北。皆入黃河。

物產 牛羊皮爲大宗。黃河鯉味最鮮。前清以清明入貢。農產麻藍黍稷。果品亦輸出。礦產鐵出陽坡泉村。硫磺亦微含鐵質。煤礦隨處多有之。

實業 蒙古人至此買布成一大莊。來自直隸內邱縣一帶。每年出口者數十萬疋。其次爲河南黃水煙。亦在此銷售。

人口 十一萬七千八百五十七人。

教育 高等小學三。皆用地方款。國民學校四十五。除地方款。由學生納費。女校尙待勸導。始成立二處也。

城市 近臨黃河之曲。磚城周三里。街市整齊。以橋兒街爲最盛。距黃河只四里。河西蒙古入市者多操蒙語。

鄉鎮 五百九十九村。編爲六十一村。其鎮市則有舊縣鎮。巡檢司。十里長灘。樓子營。河會營。土溝村。五花城。唐家會。五門樓。焦尾城。沙泉。羅圈堡。釋林堡。陽圪堡。七星下營堡。而坪泉村民之造紙。則數十戶皆執一業。輸出境外亦多。

交通 距省城十日程。用騾馱。東南大路。經寧武忻縣爲要途。黃河之水運。可上達綏遠特別區域之包頭鎮。上溯至甘肅之寧夏。有擬試行小輪船之議。下游亦可達河南。山東。惟長途多險。不如近赴磧口。及陝西沿河各縣交易耳。

第二百十六章 安邑縣

安邑縣治。北緯三十度零七分。偏西九度三十分。

位置 東北界夏縣。東南界平陸。西南界解縣。正西界猗氏。西北界萬泉。東西四十五里。南北七十五里。面積三千三百七十五里。

沿革 禹都安邑。帝相遷商邱。少康復歸安邑。春秋魏絳徙至此。戰國爲魏都。秦漢爲河東郡治所。魏晉因之。後魏析夏縣。五代漢隸解州。今爲河東道首縣。

山脈 中條山脈西連蒲坂東接太行。在縣境者西自分雲嶺接解縣。東至青石槽連平陸。玉鈞。柏王。鳴條。峨嵋。風谷。虞坂。以及天井。二郎車。鞦韆。諸峪。皆盤礴多奇。

水系 鹽池東半在界內。涑水源出絳縣。經聞喜入境。在縣境四十七里。下達猗氏。境內岸高河寬。不致淤塞。姚暹渠古名永豐渠。隋大業間都水監姚暹重濬更此名。舊經縣城內。明改城北。入五姓湖。達黃河。長百二十里。在境內三十四里。

物產 鹽塊製成各形。如貨布式。及晉寶等字。謂之鹽根。顆鹽結晶亦大。河東草紙。粗而可用。第二農校實習。有家畜種穀植物蔬菜花草各場。葡萄棗海榴鶯鶯並著。

實業 有地一萬八千二百二十五頃。已耕五千九百零五頃。富商大賈率趨鹽利。洋貨之輸入銷耗。亦視各省爲多。羊馱寺。李村。寒裏村。各區長。正分區提倡種美棉。人口 九萬八千六百六十四人。

教育 第二師範女師。範中學。皆在運城。第一高等小學在條山書院。第二在運城女子高小。在舊學署。國民學校一百三十八處。各村多男女二校並設。翟底村爲之冠。城市 清嘉靖二十年地震。坍塌重修。繚垣加厚。姚暹渠環其北。縣治儀門有象壁石。運城在縣西十五里。周九里十三步。安邑縉紳。運城居其半。爭奢鬪靡。漸成習焉。

鄉鎮 一百九十五村。編爲五十七村。北相鎮堡在縣北三十里。東西南北四鹽莊。及小鹽莊。西北泓芝鎮。東北陶村鎮。南鄉東郭鎮。有市集。蚩尤城在東南二里。段村爲段干木所隱。韓信城。張良溝。並在南。婁室城爲金將婁室築。昆吾亭爲湯伐桀處。交通 北距省城九百里。自縣一日行九十里。至聞喜。卽合於川陝大路。原有泓芝驛。東至聞水瀆。水驛九十里。西至臨晉縣樊橋驛七十里。北路有泓芝古村。西陽下郭。霍趙諸舖。南路有李莊廓。下賀村。北城李店。西王孫塢諸舖。驛站雖裁。仍爲孔道。

第一百二十七章 臨汾縣

臨汾縣治。北緯三十六度五分。偏西四度五十六分。

位置 東界浮山。南界襄陵。西南界鄉寧。西界蒲縣。北界洪洞。面積七千四百二十方里。爲晉南之重鎮。

沿革 堯都平陽。應劭云。平陽之陽。堯舜並都之。帝王世紀禹受禪都平陽。漢平陽縣。晉平陽郡。劉淵都之。隋改郡縣曰臨汾。宋金元以後爲平陽府治。民國廢府存縣。

山脈 平山見於山海經。姑射山見於莊子。皆在縣西。九孔山有火礶山。礶石山石似礶。自汾以東。與浮山同脈。臥虎山漫天嶺並峻。堯陵在東北。堯風都有陵。戶號神林。水系 汾水在縣西二里。自洪洞天井村流入。經韓村。劉村。伊村。流入襄陵界。凡四十里。西盧曲等村低下。易受水害。平水出平山。長二十五里。由襄陵入汾。分有十渠。潞河自浮山入境。合高粱水入汾。其流亦巨。灤泉。嘉泉。黃蘆泉。亦資灌溉。

物產 水煙甚細。絲麻棉並爲衣服所宜。白蜜。黃蠟。木炭。石灰。黑磁。青磚。亦工作之勤。化學品有機器油。尼斯油。礶山務爲宋時煉礶之所。煤礦亦多。汾水螻蛄。似蟹有毒。

實業 計地四萬零零六十八頃。已墾者七千四百二十六頃餘。森林共二百一十畝。成渠十七。長六百三十四里。灌五萬七千五百五十畝。紙廠磁窯水磨皆發達。

人口 十二萬二千五百二十七人。

教育 第一中學在縣城。高等小學九。乙種農業一。女子高等小學一。國民學校二。日有三十處。專教女子者八處。傳習草帽緘。由草帽公司收買焉。

城市 城周十一里餘。有四門。大中門在其中。舊有司道府署。今爲縣治。東關城周一千二百六十四丈。有七門。羊市猪市木廠油店麻店皆成街。蔡倫廟爲紙商所修。

鄉鎮 四百一十四村。編爲七十九村。城商道村有倉頡故宅。伊村有茅茨土階遺址。城東有擊壤處。東北五里有康衢村。高粱城在縣北十里。秦穆公納重耳殺懷公處。縣底鎮。劉村鎮。泊莊鎮。各有倉廩備荒。其他喬李鎮。大陽鎮。金殿鎮。吳村。皆繁盛。

交通 秦蜀要衝。建雄舊驛。額馬八十匹。經過者苛索。夫馬折乾。往往鞭驛卒。虐驛馬。今已革矣。東由堯陵北遶至浮山。南由堯廟王庄至襄陵。西由土脚石瓮至蒲縣。北由高河沙灘至洪洞。

第一百二十六章 洪洞縣

洪洞縣治。北緯三十六度六分。偏西四度四十六分。

位置 東界安澤。南界臨汾。有吳家莊插花地。西界蒲縣。北界趙城。東西八十五里。南北五十二里。面積三千八百二十五方里。

沿革 文子庶子伯僑所封。曰楊國。滅於晉。悼公弟楊干食邑。秦漢河東郡楊縣。有高梁亭。北齊置洪洞戍。北周爲洪洞鎮。隋置楊縣。唐改洪洞。後因之。

山脈 霍岳山脈蟠迴東北。九箕山。蜀村嶺。由耳山。虎頭山。一至山。二至山。皆爲汾東山脈。西則英山。有娥皇女英祠。青龍山。婁山。八仙嶺。分水嶺。世尊峪。皆汾西山脈。

水系 汾水自趙城縣西入境南流。西岸逕辛村等。東岸逕南玉村等。沙河自左注之。又南徑縣治。西溯水自左注之。又南流東岸逕羊獬等村。南溯水自左注之。又南迤邐入臨汾界。

物產 遠志最佳。棉花產東鄉。麥及高粱產汾水兩岸。紙產北鄉。磁產西鄉。平民工廠所織提花愛國布。柳條布。方格布。被面。文采並佳。冀山左右。煤礦極多。

實業 計地二萬零六百五十五頃。已耕六千五百二十四頃。森林只八十畝。成渠三十七。長三百三十三里。溉五萬八千三百八十六畝。

人口 十一萬零二百八十九人。

教育 高等小學四。分設城內及蘇堡塾塾。國民學校二百餘。夜學十餘。女子高等小學一。女國民學校四十餘所。

城市 城號蓮花有六門。南北各二道。光時知縣陳景曾重建。并添書院膏伙。南北大街之東。有估衣街。牛站街。祿神廟。有羊溝。通清流而瀉汗水。三進六出。

鄉鎮 二百六十四村。編爲一百三十四村。卦地有伏羲畫卦臺。公孫堡有黃帝誕生處。阜陶村在縣南十里。羊舌古城在城東三里。師曠故里在東南二十里。東鄉郭盆鎮。東南卅亭鎮。古邈鎮。縣南楊曲鎮。縣西萬安鎮。市集頗盛。

交通 距省西南五百五十里。普潤驛舊在縣北十里。明改北洞里。再移縣治。民國二年。裁驛歸郵。仍按驛路爲郵路。設三等郵政局於縣署西路北。縣南楊曲鎮仍有公館。賈村。張村。金圪塔。李堡。蜀村。郭盆鎮。昔日鋪司均裁。

第二百二十九章 浮山縣

浮山縣治。北緯三十五度五十八分。偏西四度三十三分。

位置 東北界安澤。東界沁水。南界翼城。西界臨汾。西北界洪洞。東西百里。南北八十里。面積八千方里。

沿革 丹朱邑在縣西南十里。故郭城。縣北三十里亦有堯陵。漢晉以後爲襄陵地。北魏置葛城。始光時擒赫連昌。置擒昌省葛城。後周改郭城始稱浮山縣。

山脈 浮山在縣西四十里。自臨汾來脈。其南壺口山爲漢代鑄錢處。漫天嶺迤東有銀洞風穴。折北爲橫嶺。有堯山。又北有祭風圪塔。天壇山。佛頂山。至秦王嶺黑山。

水系 龍泊出天壇山。經縣南門爲南河。至西門爲西河。會丞相河。卽諸葛河入汾之中系。瀆水出壺口。山會聖王山泉北流。又東納響水河。自珍珠洞來會。又會西溪金水河二支。爲入汾南系。楊村河黑水合爲入汾北系。惟東河出橫嶺。東入沁水。

物產 南鄉多種棉。又有養峰釀蜜取蠟者。壽魚文魚。畜之盆池。燕有胡燕越燕二種。

天壇山後青石。燬成石灰。龍神溝白石。製成白黑二種磁器。銀洞山出金屑硃砂。

實業 計地四萬三千二百頃。耕地只三千八百零一頃餘。森林只二百二十五畝。西韓家河孫家河。引水灌溉。頗得瓜田之利。

人口 四萬七千三百三十四人。

教育 高等小學一校在城內。國民學校一百六十九所。今設師範講習所。改良教授。并立講演所。書報社。注意社會教育。

城市 縣治城門四。天池在城內西南。有堯封舜德二里。東關曰遵古里。東北曰仁義里。西北曰敦崇里。西南曰忠孝里。熙豐里。東南曰淳治里。

鄉鎮 二百二十九村。編爲四十一村。昔分萬安堯山浮峪三鄉。東路十五所。南路九所。有孔村。北路八所。有孔家河。西路六所。而棉花莊。酸棗溝。柳曲裡。皆以物著。諸葛所。則諸葛誕所寓。夾榆村有桑維翰故宅。

交通 東北至省城六百五十里。西北行一日九十里。至洪洞縣。卽合於大路。西行一日七十里。至臨汾縣。往來者亦多。東至沁水一百二十里。南至翼城七十里。北至安澤百里。陸行稍困。

第一百三十章 鄉寧縣

鄉寧縣治。北緯三十六度。偏西五度四十一分。

位置 東北界蒲縣。東界臨汾。東南界汾城。南界新絳。稷山。河津。西阻黃河界陝西韓城。北界吉縣。面積二萬九千三百七十五里。

沿革 春秋晉孝侯弟居此。號鄂侯。漢武帝封駒幾於此。爲騏侯。晉之狐谷亭。北魏隋唐。並置昌寧。後唐以國諱改鄉寧。併呂喬仵城二縣入焉。宋以後沿至今。

山脈 南境八十盤之洞山。自河津來脈。雲中寺塔甚高。由老窰百崖迤全城嶺林山。尖山。柏山。瓦窰嶺。金剛嶺。向東北爲幹。南有馬首山各支。北有高山天山各支。

水系 黃河在縣西百里。由吉縣芝麻鎮南流入境。經師家灘石鼻船窩等處。入河津界。長七十二里。縣東鄂水出鄂山。經縣城。合羅峪水。暖泉。龍王池水。西流至師家灘。

入黃河。長一百六十里。黃河兩岸皆山。無渠道。鄂河有二渠灌近城之田。物產 煤窰如東北人工窰約卅處。南境用牛力窰。十餘處。井窰不及十處。賈坪最著。

鐵礦出富家凹山。合表山。野子頭山。鐵爐則有孔家村。花石板。公雞山。管頭等處。

實業 計地十五萬八千六百二十五頃。已耕熟地一千四百七十六頃餘。計成渠八。長二十里。可灌一千一百五十五畝。煤窯暢銷於河東各縣。收入厚於農家也。

人口 五萬七千五百二十二。

教 高等小學一。田本縣水陸二路炭捐。及基本生息支用。女學一。由陸路炭捐支用。國民學校三十。由各村煤窯捐撥不等。

城市 城北帶暖泉。距北門百步。冬日不冰。南北里有溫泉。城在鄂水羅峪水之會。輿地寥闊。臨馭繁難。客民流寓。梗頑難化。輸納稅糧。路程遙遠。鄂侯故壘。在城南一里。鄉鎮 村以千計。有一二家鑿穴而居。藉麥而食。凶年廢徒。今爲六十九村。中區有核桃原。櫻桃角。柳澗。溫泉。東北區在南窰村。有楸朴林。桃朴壠。元圪塨。柏山村。東南區在奕莊村。有柿子川。葦菴凹。西南區在嶺東村。有棗原桐圪。西區在西坡。有木瓜城。交通 黃河官渡。秦晉通衢。若師家灘。若船窩。若萬歲堡西盤。皆可渡。路通陝甘者四。一豁都峪。一三官峪。一馬壁峪。一青石陝。而上古通陝要道則八十盤也。船窩石鼻並重。船窩異賈游民。四方輻輳。春秋走利如騫。淵藪伏奸。守土者幸勿忽諸。

第一百三十一章 安澤縣

安澤縣治北緯三十六度一十六分。偏西四度二十三分。

位置 東北界屯留。正東界長子。東南界沁水。正南界浮山。臨汾。西南界洪洞。正西界趙城。西北界霍縣。正北界沁源。面積二萬六千四百方里。

沿革 岳陽著於禹貢。在霍岳之陽。漢爲穀遠縣。莽改穀近。後魏建義元年置安澤縣。以界安吉澤泉間也。隋改岳陽。元併冀氏和川二縣人之。明清沿之。今避重名改稱山脈。霍山在縣西北。明之中岳。亦曰太岳。爾雅謂之霍岳。北接霍縣。南連趙城。境內尖陽。鳳凰。雪白。三棱。熬頭。蓮花。諸山。安吉。洪門。東。郎。刁。黃。諸嶺。龍頭。諸崖。皆其支系。水系 沁河由沁源入境。經羅雲村。和川鎮。府城鎮。孔灘鎮。馬壁村。南流入沁水。長白。九十里。沿河俱得水利。縣北之蘭河。冀氏里之寺頭村河。皆入於沁。溯河出安吉嶺。經古岳陽。又經東門外。西南經澗上村。入洪洞界。縣東石壁河。五馬河。皆匯入焉。

物產 植物有猴頭肉。八珍之一。羊肚菌。次之。木耳。黃花。甚多。岳製火腿。名孔腿。最佳。鐵礦甚富。煤出澤泉。辛佛村。煤層燒成藍炭。又有薑石。土岸鐵豌豆。北鄉黑礬白土。

實業 計地十四萬二千五百六十頃。已耕二千一百五十五頃。放渠十五長五十三里。溉二千八百八十四畝。

人口 四萬三千三百七十九人。

教育 城內高等小學一處。國民學校原已設六十處。而管教合法者。不過十三四處。現整頓課程。有編制條器爲手工者。甚合實用。

城市 連城西堡。俗名中堡。道光時屯兵拒寇。今最高處尙名曰官廳。是爲安民堡。連城南堡又名喬岳堡。明崇禎時。知縣趙士翰所建也。

鄉鎮 七十六村。編爲三十村。北平鎮爲最大牧羊場。縣北鉅鎮。古縣里。舊縣。距城四十五里。冀氏里。冀氏村。距城百四十五里。府城鎮附近。有孔村。堡。衛寨。里有論語溝。皆絃誦聲。唐城鎮附近有古縣莊。以及崇信鎮和川鎮。皆村民交易之所。

交通 北距省城五百八十里。由縣城西經杜家山。駝腰馬家山。十五里。出界。又五十里。至趙城縣治。只一日程。即合於大路。西北各鄉入省。則取道霍縣。亦合於大路。惟上鐘沁源。下達沁水。不通舟楫。仍須陸行。東距屯留三百里。亦覺艱阻。

第一百三十二章 曲沃縣

曲沃縣治北緯三十五度三十九分編西四度五十七分。

位置 東北界翼城及浮山東南正南界絳縣西南界聞喜正西界新絳及汾城正北界襄陵面積四千九百方里。

沿革 曲沃古城五侯三伯所都當時支派皆稱公族後則欒氏食邑今在治西南二里沃國故墟巖路盤紆故曰曲秦漢絳縣魏晉絳邑北魏移治名曲沃後因之。

山脈 絳山多柿紫金山產銅元設銅冶司橋山中峯在縣北四十里有黃帝廟北倚蒙阮右跨鐵嶺並爲重險東陔屬於太行。

水系 汾河自汾城入境經汾陰平望台至張土村入新絳隸縣境凡六十里而無渠釜河自翼城來注於汾水滄河在縣南二里由東賀村流入經盈村金沙香邑侯馬宋郭虓祁至莊裏村入新絳沸泉自絳縣來注均繫渠濟溪金溝亦注於滄。

物產 水煙有清香煙興隆皮煙天仙定等名棉花不甚豐富土貢防風蠟燭罌匏可製筲潘岳稱爲河汾之寶商陳出臺駘廟烏有鸚鵡俗名夏雞汾濱花生多而難特。

實業 計地二萬六千四百六十頃。耕作地六千二百四十六頃餘。森林七十九畝。已成九渠。長六十二里。漑田一萬三千三百六十畝。菸廠百餘。紡織廠十餘。人口 八萬一千二百三十七人。喪度後裔。尙有奉祀生。

教育 第一高等小學在城內。附有乙種商業。第二高等小學在侯馬鎮國民學校。已增百餘處。高顯。曲村。蒙城。鄉校亦盛。

城市 今治內城。即晉太子申生所築之新城。縣北十里太子陂。今湖。城南爲從子於鵝故地。東北有陞庭。西門有恭卅子坊。爲申生立也。泮池之水。自溫泉澗注。

鄉鎮 二百一十九村。編爲二百零四村。侯馬鎮距縣西三十里。南臨滄水。居民二百餘家。縣南十里任莊。西南十五里喬村。西南五十里隘口。縣西十里郭馬。西北二十里楊村。又一十里辛店。鋪又一十里蒙城。鋪縣東北有容裕。並爲市集。曲村鎮尤要。交通 距省七日程。沿大路有馬車。侯馬舊驛。西至新 二十里。南至聞喜縣。涑川舊

驛八十里。北至汾城縣。史村舊驛七十里。爲舊日驛站要衝。東由馬莊秦岡抵翼城。南由交里任莊抵 縣。西北由上官村。南莊。抵汾城。西南由喬村。張少。史店。抵聞喜。

第一百三十三章 翼城縣

翼城縣治北緯三十五度三十八分。偏西四度一十分。

位置 東界沁水。東南界垣曲。南界絳縣。西界曲沃。南界浮山。東西廣八十五里。南北袤五十里。面積四千五百里。

沿革 堯初封唐侯之舊都。城東有丹淵。丹陵。丹山。則堯裔九男所封。夏爲豕韋國。今韋溝村。周成王封弟叔虞爲唐侯。叔子燮父始稱晉。昭侯改名翼。隋置翼城郡。縣本山脈。縣東南翔皋。蜂如鳥翼。南連條首。東北烏嶺名黑嶺。有關門。尤險。東南歷山。亦稱舜耕處。有瞽塚。諸馮二村。丹陵即丹山在北。堯所生。丹朱所封。上有丹朱廟。

水系 澮水出東北烏嶺。合佛山之水。經堯都等十九村。流入曲沃。長百餘里。賀水自絳縣東賀村來。會澮水。出東南翔皋。流至李村。入澮。沙泉則爲澮水支流。他如紫谷水。范壁水。偕匯於澮焉。古有支渠十一。必水漲始可溉。稍旱易涸。

物產 白棉毛長者爲笨花。毛短者爲繭花。土棉爲紫花。洋棉亦佳。白麻可織布。繸麻可爲繩。礦有鉛鐵銅。細朱黑礬。東南各山煤有香臭軟硬之殊。石門磁史村瓦亦盛。

實業 計地二萬六千四百六十頃。已墾六千二百四十六頃餘。森林五頃十畝。成渠

三。長三十一里。溉五千七百九十畝。

人口 八萬三千三百九十人。

教育 尸子窰爲隱居讀書最古之地。縣立高等小學三校。國民學共八十餘校。專教

女子者已三十餘校。

城市 土城舊分四坊。西北曰唐城。東南曰剪桐。東北曰同穎。西南曰興賢。北門外曰

北關。廂南門外曰南河下。西門外曰西關。別有小城。縣署舊有布政司行署久廢。

鄉鎮 三百七十八村。編爲六十七村。昔分天柱。覆釜。神游。石門。翼川。滄邑。六鄉。凡八

十四里。原有西塢嶺把總駐吳村鎮。外委駐西閣家村。均爲要地。東壽城南壽城均

距城五里。北壽城距城六里。堯都村至縣二十二里。甘泉。隆化。南梁。凡店。四鎮並重。

交通 北距省城七百二十里。距臨汾一百三十里。今不當大路。而人有遠志。蓋廉頗

避暑之城。衛青飲馬之溝。皆足以鼓舞山西出將之精神。原村巨人之跡。龍藝村。擗

龍之處。則上古之神話。今因沁水道上東西塢嶺橋梁待修。經公民請願議會決行。

第一百三十四章 汾城縣

汾城縣治北緯三十五度四十九分。偏西五度十分。

位置 東界曲沃。南界新絳。西界鄉寧。北界襄陵。廣袤皆五十五里。面積三千三百里。距省南五百六十里。

沿革 禹貢納陸地。古晉城在縣南廿五里。晉文公所都。霸業最盛。漢置臨汾。北魏太平眞君時。置泰平關。析臨汾置泰平縣。即今古城鎮。宇文泰改太。今避重名。改汾城。山脈 姑射山脈最南有烏首峯。實古三九原山。煤峪。大柴峪。尉壁峪。豁都峪。連於狼尾山。爲縣西大幹。分汾陰山一支。蟠於縣南。汾東曰東際山。

水系 汾自襄陵南流入境。左岸經史村官灘入曲沃。右岸經陳郭永固南午西吉入新絳。長三十四里。尉壁峪自西徂東。經縣治北。又東合定水泉入汾。豁都峪水及古城常村高原老灘故關各汭。皆合於汾。清水泉。右西門外繞南門。合彭村綿泉入汾。物產 農產高粱棉花落花生等。下尉泉多葦。蔬有蕁蘆。其根如連珠。金雲母產塔山。硫磺產西山。褐鐵礦出桃花山。無煙俗名乾炭。有石膏礦。麻。蜜蠟多亦。

實業 計地一萬七千八百二十頃。耕作六千二百零九頃。森林七十頃。九十五畝。成渠八。長三十七里。溉七千三百九十畝。紡織廠一。養雞園數處。

人口 六萬九千四百一十五人。

教育 文中子講學河汾祠。墓在萬王村。高等小學四。城內及南賈趙康皆縣立。南高村係私立國民學校。百五十餘。女子高小一。蠶桑一。女子國民十五。

城市 城四方五門。東南爲縣署所在。舊有布按二司。府治行署。北門有媯皇廟。南關爲南廂北廂。又名大南關小南關。北關有養濟院。西街有育嬰堂。商號共百餘家。

鄉鎮 一百八十六村。編爲六十五村。昔編二十二里。東有史村鎮。南有南賈鎮。清儲鎮。距縣南十里。有倉儲。趙康鎮。在古晉城之西。羊舌坊在其東。縣西二十六村。程公村。有程嬰祠墓。近接南北膏腴。縣北五十九村。古城鎮。古縣村。並重要。

交通 汾干津渡。有史村。毛村。丁村。下尉。柴莊。倉頭。裴村。王村。姚村。永固。南王。東古。西吉。凡十三。石底。碍舟。不能暢行。史村驛爲南北通衢。差徭繁重。昔年按牛支差。十年一週。名曰畫卯。兵役往來。民不堪命。近代按糧均差。民困稍蘇矣。

第一百三十五章

襄陵縣

襄陵縣治。北緯三十六度一分。偏西五度三十分。

位置 東界浮山。南界汾城。西界鄉寧。北界臨汾。縣志東西七十五里。南北四十里。府志東西七十里。南北三十七里。面積二千五百九十里。

沿革 春秋晉大夫卻鞮食邑。晉襄公趙襄子皆葬此。漢始置襄陵縣。北魏析置擒昌。北齊併入擒昌。隋復名襄陵。宋徙今治。升府。明清爲襄陵縣。今仍之。

山脈 縣東爲霍岳山脈。有龜山。臥龍山。壽星山。喬山。石牛嶺。分水嶺。柳溝坡。縣西爲姑射山脈。有三嵒山。九龍山。進石嶺。龍鬪峪。馬頰谷。

水系 汾水自臨汾南流入境。經縣城之東。又南流入汾城界。平水在縣西北十五里。平山下。一名晉水。分流經城北。梅月橋。東入汾。三交水。卽水經注天井水。三泉總爲一川。至堯城南。又西流入汾。其支河巢溪。又名洗耳河。娥英泉在西南。東入於汾。物產 藕粉優良。農產則五穀皆宜。蔬果悉備。花草亦繁。動物以家畜爲多。礦產煤鐵。尙未探採。近年種棉歲值百餘萬。工作品麻紙水菸行銷亦多。

實業 計地一萬三千九百八十六頃。已耕四千五百一十四頃餘。森林僅九十頃。惟棉業則占優勝也。

人口 六萬五千三百五十六人。

教育 高等小學二。女學一。均由公款局開支。國民學校一百零五處。除社款補助外由學生均攤。

城市 關帝廟有奉祀生聖裔二人。明高忠節公邦佐祠。有奉祀生一人。共有東南北三城門。南關交易較爲繁華。縣東門汾水上石郭村渡。北門外有晉橋梅月泉。

鄉鎮 一百二十三村。編爲四十四村。全縣有四鄉三鎮入市。惟鄧莊市面殷盛。京安鎮在西南三十五里。舊有故關鐵冶。義店村有飛虹橋。建於元時。衆木攢成。不見斧痕。俗呼魯班橋。

交通 縣境當南北通衢。埽同成路線所經。亦必繁盛。惟東赴浮山西赴鄉寧。一出縣境卽崎嶇多阻。青石坂在西南。姑射之脊。路若羊腸。西通吉陽。明弘治時。知縣李高開爲大道。

第一百二十六章 吉縣

吉縣治。北緯三十六度六分。偏西五度五十三分。

位置 西界黃河。與陝西宜川縣分界。東北界大寧。東南界鄉寧。東西一百九十里。南北一百里。面積一萬五千方里。

沿革 商祖乙遷耿。在今縣南。隋置耿州。春秋屈產之乘。漢之北屈縣。姚襄城。在西南。爲周齊交爭地。隋改定陽爲吉昌縣。宋曰吉鄉。金曰吉州。元省吉鄉縣。今改州爲縣。山脈 人祖山頂。有庖羲故宮。在治北三十里。又名庖山。孟門山在黃河中流。壺口山。漩洄如壺。皆在縣西七十里。金剛嶺則連於姑射。石門石鼓各石山。皆可造石灰。水系 黃河由大寧西南流入。經平渡關。馮家碼頭。龍王迎壺首。孟門。七郎窩。小船窩。河頭。麻子灘。入鄉寧界。長一百五十里。清水河發源柏坡。繞縣治北。東南三面。會學宮。蒙泉及小水河。經獅子河。高樓河。入於黃河。惟東川河發源圪魯。入大寧界。物產 黃河鯉。鱖。鱔。鮎。並美。石崖蜂穴。年久多蜜蠟。棉布。絲麻。絨。氈。靛。青。俱備。烏葉可染皂。茅。柴。皮。可染綠。赤木。可染紅。藥材多甘草。蒼朮。五靈脂。果實則多核桃。

實業 計地八萬一千畝。已墾一千六百三十二頃餘。森林十頃。成渠八長二十八里。溉二千五百七十五畝。

人口 二萬五千零四十七人。

教育 縣城高等小學一。由船捐項下開支。國民學校四。亦撥用船捐。全境國民學校。共五十一處。

城市 晉公子夷吾築明築內外城。倚山臨澗。壘以大石。形若龜蛇。文廟在東門外。石孔飛泉之勝。城以吉山爲枕。錦屏山爲案。佛閣壽山古洞皆在南郊。

鄉鎮 五百二十四村。編爲四十四村。瑤渠鎮在城東五十里。有集場。蘭古莊鎮亦盛。桃園鎮。大度鎮。三垢鎮。馮家碛。舊有集場。今已廢。秦王窟。馬頭關。南山溝寨。礪石崖寨。曹花坪寨。樓兒山寨。牛心寨皆天造之險。

交通 壺口爲自古要津。舟楫往來。元末於石岸鑿孔。纏鐵索。架板橋。渡大兵。號龍門。飛橋久廢。已具有在黃河上架鐵橋智力。烏仁關平渡關。均臨黃河。明設巡檢。久裁。冬日七郎窩冰橋可渡。由縣至省八百五十里。由鄉寧至臨汾。昔爲徑路。今爲坦途。

第一百三十七章

永濟縣

永濟縣治。北緯三十四度五十二分。偏西六度一十五分。

位置 東北界臨晉。東界虞鄉。東南界芮城。西界陝西朝邑。南界陝西潼關。東西五十里。南北一百一十里。面積五千五百方里。

沿革 烈山氏及舜都蒲坂。漢置濟阪縣。河北縣。魏晉因之。今縣兼河北。隋析蒲坂置河東。唐置永樂。明改河東縣爲蒲州。清升蒲州府。附郭縣曰永濟。今府廢縣存。

山脈 雷首見於禹貢。首陽見於論語。歷山在東南。有舜廟。中條大幹。在縣東南十五里。方山。玉簪山。麻谷山。八盤山。九峰山。鳳皇山。雲蓋峯。焦嶺。不可悉數。皆雷首支脈。水系 黃河由臨晉南流入界。經大慶關之西。又南至風陵。折而東。經歷山之南。有瀧泐二水。出歷山南流。成渠一。溉六村之田。涑水故道久涸。雨後或蒙水害。其他神龍潭谷口泉等細流。胥入黃河。

物產 蒲蓼最著。柿霜板亦上刊。蒲坂字樣。號曰蒲柿。蒲紙以麻及敗絮爲之。蒲筆皆免翰。大花生尙肥。蒲蘆生於黃河沿岸港地。竹笋爲全省特有。氣候和也。

實業 計地二萬九千七百頃。已耕七千九百五十九頃。森林一頃二十畝。成渠六。長五十七里。漑二千四百六十畝。

人口 十萬四千七百六十六人。亞聖祠有孟氏奉祀生一人。

教育 第一高等小學。在城東寺坡底。蒲陽在永樂鎮。敦行在張營鎮。業德在小朝村。首陽在二賢廟。乙種農業在城內。國民學校一百九十八處。

城市 城西有護城石隄。隄上鎮以禹王廟。有開元鐵牛四。花紋模製甚工。城正方形。原有道府協鎮等署。東關外有子城。城內有虞帝廟。城上有薰風臺。

鄉鎮 四百五十三村。編爲六十七村。陶邑鄉爲陶於河濱之處。虞都距今縣北三十里。戰國蒲坂舊城。王莽改蒲城。舜時未有城也。南八十里。基城卽魏之封陵。檀道濟故壘。在縣南六十里。永樂鎮在縣東南百廿里。昔爲郡縣。清設同知。匡河鎮在風陵。交通 距京師二千二百里。省城一千一百里。昔日山西計畫同蒲鐵路。以此爲終點。蓋南渡黃河。則與洛潼鐵路。合力以趨長安。但今日趨勢。多集中於運城。他日黃河鐵橋。必在風陵渡。未必由大慶關也。

第一百三十八章 臨晉縣

臨晉縣治北緯三十五度九分。偏西五度五十九分。

位置 東界猗氏南界虞鄉西界黃河接陝西郃陽西南界永濟西北界榮河東北界萬泉東西五十五里南北七十里面積三千八百五十方里

沿革 左傳敗秦師於令狐至於刳首卽在縣境古解梁城在西南魏置北解隋改桑泉在縣東南二十里

山脈 峨眉嶺自猗氏綿亘入界在縣境獨隆起迤入萬泉境大嶷山小嶷山均在東北隋志有三嶷今二山南北並峙峨眉嶺所產樂材極多亦有狼狐兔野獸巢焉

水系 黃河自榮河入境在縣西北三十里行縣境四十里下達水濟澗水出絳縣由猗氏入境經水頭諸村入五姓湖達孟明橋入黃河五姓湖又名五姓灘在永濟虞鄉三縣交界昔荷花盛有菱藕之利今水涸風光亦減也澗泉在縣西吳王渡側

物產 市肆所陳襖褸鞋鞋膏鍋刈鎌拷栳樞杵刺鍼穀缸業鋸權錘釘鏟鑿錘屑麵餠饅釘餛飩糜麻絲草索布幡紙錢楷斂爲純秦椒爲旨石榴子大核小棉麥恒豐

實業 計地二萬零七百九十頃。已耕五千四百七十頃餘。水利因涑姚合流。歷代恐爲鹽患。一引而北。再引而西。皆非自然。故有水患。今城內及南鄉石家莊。有紡工廠。人口 八萬三千五百八十一人。

教育 蒲坂中學第一高小。模範國民及女學。皆在城內。乙種農業學校。南北高等小學各一。國民學校。八十五。城村孟子廟。新村亞聖祠。孟母三徙祠。共有奉祀生。八人。城市 城有四門。新舊兩南門。屬開闢塞。坐隄眉坡下。夏季奔流。夾城鳴吼。乾隆大水。城崩。署頽。始買民地開渠。築隄障水。城內鐘樓高二丈許。在學宮南。市集在西關。

鄉鎮 二百七十三村。編爲四十七村。城西鎮在縣東南廿里。周吳鎮在縣西南廿里。六龍鎮在縣西北廿里。卓里在縣東北廿里。舊以仁義禮智編各里。各鄉之地。有水葦。湖灘。平地。花坡。砂灘。他邑之中地。在本邑視在上腴。

交通 黃河濱吳王渡。在縣西三十里。明設巡司。久廢。其南有夾馬口。卽陝西運鹽過載之處。貫底橋在縣東南二十里。係官路通衢。樊橋驛在縣東南十五里。今廢。昔日差徭甚苦。

第一百三十九章

虞鄉縣

虞鄉縣治。北緯三十四度五十二分。偏西五度五十七分。

位置 東界解縣。南界芮城。西界永濟。北界臨晉。東北界猗氏。東西五十里。南北七十五里。面積三千七百五十方里。

沿革 上古虞慕之墟。漢爲解縣地。北魏置安定。改綏化。北周更名虞鄉。隋沿周舊。唐初名解。又別置虞鄉省而復置。元省爲鎮。入於臨晉。清雍正析臨晉置虞鄉縣。

山脈 王官谷爲中條絕勝處。唐司空圖居其間。內有大柱峰。左右飛瀑。爲東西瀑布。石錐。百徑山。皆支系耳。

水系 王官峪水出東南峪口。黑龍潭及瀑布泉。經王官樓。上半道等村。溉田九百畝。黃家峪水出石崖。經黃家窰。溉百畝。寺水經石佛寺。溉六十畝。風伯峪水經屯里村。溉七十餘畝。陶家窰經蘆莊。溉六十餘畝。姚暹渠故道尙存。

物產 種桑養蠶。白松籽粒甚小。虞梨大者如升。或重半斤餘。爲鳳棲遺種。剗以梨木爲貴。堅而耐久。石膽草亦爲特產。

實業 計地二萬零二百五十頃。已耕三千四百四十三頃。森林四頃三十畝。成渠五長三里。溉一千二百四十三畝。

人口 五萬二千零七十二人。

教育 高等小學一。女學一。國民學校九十九處。除的款外。仍由城鄉紳士捐助。以資維持。

城市 唐別署虞鄉築城。元省而爲鎮。清雍正就虞鄉鎮築縣城。周四里有四門四樓。四大街。

鄉鎮 一百三十四村。編爲六十三村。王官城在縣東十里。秦伯伐晉。濟河焚舟。取王官。即此休休亭。在貽溪本渾。纒亭爲陝軍所焚。復構之。易今名。柏村在石佛寺。古柏森森立。

交通 橫嶺在縣南三十里。芮城界。爲中條山脊。乃河東形勢。陝洛襟喉。涑水橋在坑頭村。地亦陝要。縣城距永濟東六十里。東赴解縣連城。一日可達。今廢府存道。升學者皆以連城爲中心矣。

第一百四十章 滎河縣

滎河縣治。北緯三十五度二十三分。偏西六度四分。

位置 東界萬泉。南界臨晉。北界河津。西界陝西韓城。郃陽二縣。以黃河爲界。東西四十里。南北八十五里。面積三千四百方里。

沿革 有娥之墟。湯母簡狄有娥女。夏少康之綸邑。春秋耿國地。漢置汾陰縣。唐開元獲寶鼎。更名寶鼎。宋祥符中改滎河旋廢。元復置滎河。後仍之。

山脈 商王湯陵在百祥村。有陵戶。汾陰。唯在汾水南。阜長四五里。寬二里。高十丈。漢書汾水。唯應劭曰。邱類。由城東。峨嵋坡。周亞夫屯兵處。縣北穆陵關。東西兩山壁立。水系 黃河自河津南流。入縣境。又南入永濟縣界。汾河故道在縣北。后土祠旁。西流入黃河。明隆慶中。移河津。葫蘆灘。南入黃河。濫魁泉在縣南二十五里。南趙村。西距黃河三里。

物產 棉花潔白。爲出產第一大宗。紅棗糖分最富。核亦細小。豆麥黍稷。顆粒皆充實。柿栲葑並爲名產。

實業 計地一萬八千三百六十方里已耕三千八百六十頃餘森林只九畝。爲各縣最少之數。

人口 七萬二千六百二十人。

教育 縣立高等小學一。乙種農業一。均由縣款辦理。國民學校二十。除公款外。由學生納費。今國民學校增至八十餘處。女學仍一處也。

城市 城周九里有四門。人物薛氏最盛。晉薛興。北魏薛辯。北周薛賓。隋薛冑。薛世雄。薛道衡。唐薛收。薛大鼎。宋薛季宣。金薛繼先。元以後稍替焉。

鄉鎮 一百五十七村。編爲四十村。分爲三鄉。東鄉有王顯鎮。北鄉有王黑鎮。南鄉有孫吉鎮。又有廟前市。古汾陰城。即殷湯城在縣北九里。后土祠上有軒轅掃地壇。又城南十里。有龍馬負圖處。天興村有武侯廟及武侯墓。未確。

交通 黃河之要津有渡口三。白馬渡往來最多。汾陰廟前渡次之。新口又次之。均與陝商貿易往來之地。萬泉縣人赴陝西者必取道焉。湯王陵一帶。游人衆多。并有伊尹仲虺二墓亦配享焉。

第一百四十一章 萬泉縣

萬泉縣治北緯三十五度二十五分偏西五度四十二分。

位置 東北界稷山。東界聞喜。東南界安邑。南界猗氏。西南界臨晉。西界榮河。北界河津。東西八十里。南北五十里。面積四千方里。

沿革 春秋冀國地。漢汾陰地。晉末薛通築城於此。號薛通城。唐武德三年。析稷山安邑猗氏汾陰龍門地。置縣東谷中。多泉。故名。

山脈 孤山在縣南二里。拔起高地。不接他山脈。又名方山。以其形四方也。介山在東十五里。周不過二十里。相傳介之推隱處。有介推祠。峨嵋坡與榮河界相連。

水系 萬泉多竭。僅存孤山東麓之雙泉。一在山半。一在山麓。名上泉下泉。水勢甚微。僅資飲料。東澗在東門外。北壑隨地湧泉。性暖不冰。北流經蘆邑村。南和村。西賈村。入沙西澗。在西門外。北流經東張窰村。薛李村。太趙村。入沙。皆伏流也。

物產 植物有斤梨。每梨重一斤餘。爲方山天產品。若蘿蔔葱。亦由人工培養。葱重一斤餘。蘿蔔重十餘斤。爲近歲發明。動物有細毛羊。亦產自方山石隙中。生古柏亦奇。

實業 計地二萬一千六百頃。已耕四千五百四十二頃餘。森林一頃。五十畝。成渠二。長四十三里。溉一百五十畝。

人口 七萬八千二百九十五人。

教育 高等小學校一。附有乙種商業國民學校。一百二十二。專教女子者三。又有半日學校七所。半日讀書。半日營業。

城市 唐初河東多寇亂。且虞突厥之入。故因薛通舊城爲險阨。以制其勢。市上多柿。酒柿醋柿餅。黍糖。豆粉之屬。

鄉鎮 一百三十三村。編爲一百一十五村。各村女子善紡織布。守舊法。不知改良。西鄉賈村廟鎮爲糧食所萃。棉花亦多。其次則爲北鄉解店。東北張戶鎮市亦盛。至東鄉皇甫鎮。南鄉塢底村。西南閻景鎮。亦有鄉民交易。

交通 距省八百四十餘里。大道取道於聞喜。或猗氏之牛杜鎮。便道則徑由稷山新絳汾城襄陵。以達臨汾。與大道合。均可通車。最速趕站。亦需六七日到省。平常八日。至十日。商人赴陝。取道臨晉永濟至風陵渡。入潼關爲大道。西由榮河廟前爲便道。

第一百四十二章 猗氏縣

猗氏縣治北緯三十五度一十一分偏西五度四十五分。

位置 東界安邑南界解縣西南界虞鄉西界臨晉北界萬泉東西四十里南北六十里面積二千四百方里。

沿革 古有猗氏國秦因以爲縣名漢晉因之或以爲周郇瑕氏之地有猗頓古城西魏改爲桑泉北周復爲猗氏元常併萬泉入焉旋復分立後仍之。

山脈 峨嵋又名峨嵋岡自臨晉入萬泉至縣境而隆起在縣北門外西南千之佛嶺縣南之鳴條岡皆中條支脈。

水系 涑水自聞水西入境逕縣城南六里合姚暹渠而入臨晉對澤在縣南門外爲猗頓之故居黑龍潭在西南二十里廣半畝深一丈左右有泉東北有文坡泉自城東繞城南入涑水。

物產 棉花爲大宗小麥次之。峨嵋嶺多遠志宿麥所含蛋白質之多異乎尋常包穀穀多桑樹最宜。桑皮桑木皆有用。

實業 計地一萬二千九百六十頃已耕者四千五百四十二頃餘林產槐柏不甚多。無大工廠而香落之毛袋鐵匠營之刺繡甚著名織緞尤勤。

人口 七萬二千四百七十三人。

教育 高等小學三縣立二私立一國民學校一百四十三專教女子者。各村鎮讀書學生皆務識字課生無政界軍界之希望。

城市 城周七里以青磚砌成有四門六市雙門道莊武廟西門等街商廩林立人皆有猗頓之思想。

鄉鎮 二百零二村編爲二十八村有四大鎮一曰牛杜鎮二曰嵎陽鎮三曰大閭鎮四曰張岳鎮居民衆多商務殷實今皆有區長分治復分十四里每里轄七八村爲舊日自治之基景村在縣南爲周八士故里。

交通 本省同蒲大幹路所經東北赴省垣雖遠而地勢坦平西南赴永濟極近使近

日趨勢東南赴運城者多南向河南以出中原西向陝西以游關隴可以握商權而求實利焉。

第一百四十三章 解縣

解縣治北緯三十四度五十八分。偏西五度三十八分。

位置 東界安邑。南界芮城。西界虞鄉。西北界臨晉。北界猗氏。東西五十五里。南北五十里。面積二千七百五十方里。

沿革 春秋晉之解邑。及白邑。戰國屬魏。曰涿澤。漢置解縣。西魏曰南解。隋爲虞鄉。五代漢始置解州。明省解縣入州。民國改州爲縣。

山脈 中條山脈之端。山有白經嶺。分雲嶺。五龍谷。橫嶺。膽礬窟。相連。畢耳山爲齊桓西伐所登。

水系 鹽池在縣北。亦有大湖。名消水湖。縣北二十里。姚暹渠。上自安邑。下達虞鄉。時時時潤。中條山有靜林澗。黃花峪澗。胡村澗。桃花澗。均已成渠。五龍峪。白龍峪。蕪峪口各澗水。亦自中條山灌溉各村。

物產 棉花爲農產大宗。麥亦足食。藥有白合。礦有粉土。可製粉筆。出五龍峪。鹽池之鹽根。結晶如水晶石。古之形鹽有似虎者。膽礬窟產膽礬。

實業 計地一萬四千八百五十頃已墾二千八百六十六頃餘。森林三頃二十畝。成渠長二十六里。溉一千五百四十畝。

人口 五萬三千三百八十一人。

教育 高等小學二。女子高等小學二。乙種農業學校一。國民學校一百二十四。女子國民學校三十六。

城市 以土爲城。南北三里。東西五里。四面各一門。以西街爲繁華。橫嶺以南商賈所輻輳也。

鄉鎮 一百四十二村。編爲九十四村。關聖廟在常平村。立廟戶二名。四鄉各有一鎮。惟北鄉之金井廟最爲繁盛。東鄉有長樂鎮。西鄉有席張村。即烏龍鎮。西北鄉有西王鎮。

交通 運城通陝西漳關必由之途。秦省鹽商皆仰給於此。東南通平陸茅津以達河南。皆解鹽之運道。陝西延長石油將來亦取道於此。南出橫嶺以向芮城渡河即至河南靈寶。洛潼鐵路成時出入更捷也。

第一百四十四章 夏縣

夏縣治北緯三十五度一十一分。偏西五度十七分。

位置 東界垣曲。東南界平陸。南界安邑。西界稷山。北界聞喜。東西一百九十五里。南北七十里。面積九千九百方里。

沿革 禹都安邑。今禹王城址尙在。周封姬姓國號魏。晉滅之。封畢萬。戰國屬魏。漢爲安邑縣。元魏始別置南安邑。分其東之地立夏縣。今治距舊都十五里。

山脈 中條山脈亘於縣東。巫咸峪爲正幹。北倚鳴條。南接傅說。築俗改巫咸山爲瑤臺山。好貨不好賢。非是。處阪爲伐虢所經。稷王山。蛇虎澗。則棄后稷之地也。

水系 涑水自聞喜入縣。西經水南村。傅家莊。閭趙村。上晁村。坡底。駱駝灣。水頭。鎮張莊。在縣四十里。南流入安邑。白沙河。若入鹽池。則鹽不復生。入姚暹渠。則灌千畝。因

其出巫咸山。又名巫咸河。俗名無鹽河。王家河亦匯入焉。

物產 荏爲特產。詩大雅荏菽。蒴。蒴。梨。栗。核桃。桑。棗。並饒。洪武謁禹廟。已飲葡萄酒矣。鉛。鉛。鑛。出烏峪山。蝙蝠洞。沿礦出陶溝。雉尾。澤。出夏翟山。禹貢所謂羽畎夏翟也。

實業 計地五萬三千四百六十頃已耕六千七百九十二頃餘成渠七長三十七里。漑三千九百五十畝。司馬渠爲溫公引涑水成之。織機廠百餘。桑園數十處。

人口 十萬零四百九十人。溫公後裔尙有奉祀生一人。

教育 涑水書院設於司馬溫公祠。今爲第一高等小學。餘三校在曹張鎮柏塔寺。尉郭鎮乙種農業女子高小各一國民學校一百八十三所。增至三百校。

城市 城內有秦樓。相傳建於秦時。今爲后土廟。元太師脫脫故宅。今廣爲縣署。其子

孫尙存。明倫堂後之文會堂。即溫公讀書處。南門外有巫咸橋。東南有雲路門。凡五

鄉鎮 三百四十六村。編爲七十五村。東有裴介鎮。官莊鎮。南有水頭鎮。曹張鎮。西有

尉郭鎮。胡張鎮。堰掌鎮。禹王城有古塼。今有青臺。巫咸故里。後更名商相坊。今爲南

商里。陽城故里在縣南。溫公宅在縣西。司馬村。關龍逢墓在裴介鎮。

交通 距省八百七十里。距河東道治五十五里。縣不當驛站。而前清差徭甚多。每當

欽差學使過境。必在水頭鎮備茶尖。是以大差。他若兵差。餉差亦多。而流差之由茅

津渡河者。夏縣遂成孔道。雜差則長官委員過境。官親入京入省。苛派長車尤苦。

第一百四十五章 平陸縣

平陸縣治北緯三十四度四十九分。偏西五度二十五分。

位置 東界垣曲。西界芮城。北界安邑。東北界夏縣。南界河南陝縣。東西二百三十里。南北七十三里。面積一萬六千七百九十里。

沿革 周初虞國爲仲雍支子。春秋晉大陽地。戰國屬魏。漢大陽縣。晉因之。唐天寶中。太守李齊物開三門。得左及右。篆文曰平陸。因改名。

山脈 三門砥柱在黃河中。中條山脈。東聯王屋山脈。最高峯曰錐山。方山縣北吳山。祀秦伯。縣東北有顛軫坂鹽坂。東有箕山傅岩。

水系 黃河自芮城東流入境。經洪陽渡。車村渡。太陽渡。茅津渡。三門白浪渡。至魏口村。入垣曲界。縣北三义。至七里坡。合流入黃河。縣東盤南澗。至東後灣。入黃河。沙澗合鑼鼓溝。紫家溝。紅凹。至聖人洞。入黃河。下澗合胡林澗。入黃河。

物產 河濱土性。最宜花生。豆麥。而麥爲大宗。果物梨。柿。瓜。亦盛。玉蜀黍。則隨處有之。礦物則有石膏。石灰。及煤。

實業 計地九萬零六百六十六頃。已耕二千八百一十八頃餘。森林僅五十二畝。成渠十八。長五十里。溉二千八百畝。

人口 七萬七千五百二十人。

教育 縣立高等小學四。一在東關外。二在西馬村。三在茅津鎮。四在郭家園。國民學校共一百三十餘處。

城市 城周二里餘。有三門。東曰傳說故里。南曰虞芮質成。北曰秦伯至德。明開新南門曰大成。塞其舊。

鄉鎮 五百零六村。編爲九十六村。茅津鎮生意較多。河東鹽由此達河南。隔河即河南之會興鎮。其他又有張店鎮。葛趙鎮。常樂鎮。大陽鎮。亦有鄉民交易。東境各村。有以牧畜爲業者。

交通 茅津渡爲黃河要津。管南赴河南者。皆由聞喜。夏縣取道於此。芮城等縣亦無不由之。渡河之南岸。達隴海鐵路觀音堂火車站。直白里而已。河南與河東。有電話相聯絡焉。

第一百四十六章 芮城縣

芮城縣治。北緯三十四度四十五分。偏西五度五十分。

位置 東界平陸。西界永濟。北界虞鄉。南界河南閿鄉。東西七十里。南北五十里。面積三千五百方里。

沿革 殷之芮國。周魏國。晉大夫畢萬邑。一云芮伯萬居此。漢晉河北縣。後周改芮城。唐置芮州。旋廢。縣名沿而不改。

山脈 中條大幹曰檀道嶺。又曰直岔嶺。或曰橫嶺。西北曰大通嶺。有竹林寺。甘棗山。山在東北。有青龍洞。

水系 黃河自永濟流入。經禮教。大安。曲禮等村。至溝南村。入平陸界。恭水在東北出。甘棗山入朱呂溝。葡萄洞在西。發源柳樹溝。至曹家莊入黃河。澗水在東北。儀川溝。

出沽源洞。南入河。鹿跑泉。小水。泉龍泉。亦資灌溉。物產 白火麥。蛋白質。豐富。糯米。脂油。質極多。紅酒。穀可造酒。豌豆。脂油。多。水分少。橡。

籽壳出清泉寺。皂角。結實。尚厚。棉花亦運銷河南。

實業 計地一萬八千九百頃。已耕四千八百八十四頃餘。森林一頃八十畝。成渠一長一里。溉五十七里。列渠道表之末。

人口 六萬九千二百九十五人。

教育 高等小學三一在縣城。一在陌南鎮。一在古仁村。女學二。縣城古仁村各一。國民學校一百零八處。

城市 城周三里。有門。卜子夏講學舊地。有西河書院。今改高等小學。縣署前東西大街較繁盛。有商廩百餘家。唐建段干木廟在城東。

鄉鎮 三百一十村。編爲三十二村。縣東陌南鎮。商萃殷盛。爲各鄉之冠。縣西古仁村。亦有九十餘戶。芮伯城在縣西二十里。魏伯城在縣北五里。項羽城在縣東四十里。一名霸王城。李叫村在縣西二十五里。有唐高祖龍潛故宅。

交通 縣南黃河津渡。若由禮教渡河。接河南閩鄉。距觀音堂車站二百二十里。由曲禮渡河南靈寶。距觀音堂火車站一百六十餘里。行旅多繞道於平陸茅津。其距縣百二十里。距車站白里耳。西向潼關。多由永濟渡河。

第一百四十七章 新絳縣

新絳縣治北緯三十五度三十八分。偏西五度一十三分。

位置 東界曲沃。南界聞喜。西界稷山。西北界鄉寧。東北界汾城。東西四十里。南北五十五里。面積二千二百方里。

沿革 周晉獻公由古曲沃徙都此。及景公徙新田。遂名故絳。戰國屬魏。秦漢屬河東。郡晉改征平郡。後周爲重鎮。隋置平縣。大業置絳郡。唐置絳州。元亦仍之。今改新絳。山脈 馬首山即趙后所田首山。一名火燄山。上有火燄池。在西北境。九原山在北。有土阜。鼓山即鼓堆。形如鼓。人馬踐之有聲。峨嵋山東連曲沃。南接聞喜。

水系 汾水自汾城入境。絳縣南關。西流至周流村。入稷山界。滄水由絳縣西南流入。界經橫橋村。注於黃河。鼓堆泉發源鼓堆。經三泉村。至縣西南三林鎮。注於汾。五渾水馬壁峪水。丁村泉水。紅葉溝水。大泉。並資灌溉。

物產 九原山遠志。谷母。芫花。道地藥材。水田稻藕。陸地豆麥並盛。種棉紡織布疋。工藝局毛絨手巾。亦式樣新潔。利合毡房羊毛毡。尤工精料細。火柴公司自製火柴。

實業 計地一萬一千八百八十頃。已耕六千六百七十一頃。森林不甚發達。而蠶業則萬桑園之緯業。成渠七長一百一十七里。溉一萬八千四百一十畝。

人口 八萬六千二百一十四人。

教育 全絳中學校一。高等小學五。女子高等小學一。國民學校二百零三。專教女子者九。

城市 土城南北五里。東西十里。有南北二門。街市繁盛。爲嶺西尚賈輻輳之區。城北有絳守居園池。唐刺史樊宗師作記。文殊奇澀。人罕成誦。宋通判孫冲刻記於石。

鄉鎮 一百九十六村。編爲七十二村。已編者曰主村。有村長。聯合各村。或分舉村副。泉掌鎮有大泉灌溉。地方殷富。一名長秋鎮。其次財爲陽王鎮。北蘇村。柏壁鎮。在西南二十里。武平關在縣西三十里。荀城在縣西十五里。姬姓侯爵古國。晉文公滅之。交通 水路則泛舟汾水。可達陝西河南。或遠通綏遠甘肅寧夏。惜汾水上游不能通舟。陸不常南北大路。然相距不遠。果地方工商發達。同成鐵路不難迂道經此。陸路北達汾城。南通聞喜。東走曲沃。西向稷山。路尙平坦。西北赴鄉寧須逾馬首焉。

第一百四十八章 垣曲縣

垣曲縣治。北緯三十四度五十七分。編西四度四十六分。

位置 東界河南濟源。南界河南沁池。西界夏縣。北界翼城。東西九十五里。南北一百

一十五里。面積一萬零九百二十五方里。

沿革 亳城。葛伯寨。託始於湯。東山。臯落氏。著於春秋。戰國時魏王垣邑。漢置垣縣。北魏析白水縣。改白水爲羣城。宋名垣曲縣。元省而復置。後因之。

山脈 王屋山脈與中條山脈相連。阜落嶺在西北。磬塚山即鼓鐘山在北。又有歷山。諸馮山等。又有趙家嶺。虎兒山。墨山。橫嶺山。寨子山。濟源山。三錐山。折腰山。並峻

水系 黃河自平陸縣東流入境。經五福澗。安窩河堤。關家灣。裡寨堤。至李家莊出界。

亳清河發源絳縣橫嶺。經縣屬官店。皋落。交斜。王茅。亳城。縣城。至李家莊入河。沈水河一名教水。源出王屋。石歷山。經同善鎮。上下磴。胡村。至李家莊入河。

物產 植物有北山北沙參。橡壳。連翹。諸馮山防風。望仙莊蒼朮。胡坪常山。常家坪黃芩等。水晶石出教山。銅礦出蘆葦溝。桃園溝。桑園溝。鏡光鉛銅。鉍礦出徐家溝。

實業 計地五萬八千九百九十五頃。已耕二千五百三十二頃餘。成渠一十一長五十四里。溉五千八百畝。

人口 五萬一千四百三十七人

教育 縣立高等小學。因書院舊址。國民學校六十有八所。各村已無不設學。惟未能按全村學齡分班教授。

城市 城周四里。有三門。南曰萬安。西曰永豐。北曰富春。黃河在縣南一里。此則九曲之一也。縣南二里有壺亭。

鄉鎮 六十五村。編爲四十六村。亳城在縣西北十五里。湯於此誓衆。葛城在縣南五里。土人名葛伯寒。宋落城在縣西五十里。白水城即彭衙爲秦晉戰處。舜王坪在縣北五十里。

交通 縣南三十里。黃河濟民渡。南對澠池。至爲重要。北津乃垣曲之東灘村。南村乃澠池。洋湖村也。至澠池。距觀音堂車站甚近。直達鄭州。是以垣曲土貨出口。外貨入口。皆以鄭州爲樞紐也。

第一百四十九章 聞喜縣

聞喜縣治北緯三十五度二十三分。偏西五度十九分。

位置 東界絳縣東南界垣曲西南界夏縣西北界稷山北界新絳東西界曲沃東西八十里南北六十里面積二千九百二十五方里

沿革 上古董澤董父豳處商太甲居桐宮即此春秋晉曲沃秦時東爲桐鄉縣西爲左邑縣漢武帝至左邑聞南輿破改名聞喜隋改桐鄉唐後名聞喜後因之

山脈 中條山橫亘縣境俗名陽王山最高峯曰三巖俗名紫金山稷王山在北輿稷山縣相連柏林山香山皆景物清幽

水系 涑水河自絳縣入境會溫泉呂莊南河甘泉水經東外村喬寺柳泉東南下呂東西吳村繞城南二居村南宋村北菜園入夏縣境南河一名沙渠河自絳縣入經柏底馮村冷泉各村至呂莊匯入涑水河又有湯王河鐵牛河亦資灌溉

物產 淨灘大塊重白斤隆泰潤提煉得法數十年亦不變色他處隔一二年即變紅硫銅礦出篋子溝瓦渣溝天井溝橫嶺山罐兒嶺汾水門銅質冠於全省共十一處

實業 計地一萬五千七百九十五頃已耕九千零四十四頃餘。森林一頃五十畝。成渠八長一百三十五里。溉一萬一千九百一十五畝。

人口 十一萬一千三百二十七人。

教育 縣立中學。因香山書院舊址。第一高等小學。增焉。南區衛村。東區東鎮亦設高等小學。又有乙種實業學校一。國民學校二。白餘游學於外者三百餘人。

城市 城周十里。雉堞圯毀。市爲東市。長二里有奇。生意稍發達。東市爲官錢局礦務局所在。城外東西南三關。南關有湯廟。南橋跨涑水上。

鄉鎮 三百一十二村。編爲八十八村。南鄉有河底鎮。堰掌鎮。西鄉有郭店鎮。清末兩宮西狩。改爲行龍鎮。北鄉有禮村鎮。或作栗村鎮。東鄉有東鎮。橫水鎮。而橫水之商務。七鎮中首屈一指焉。董村三皇廟。姚村舜廟。平地村有姜嫄廟。裴村有裴度祠。

交通 縣治舊當驛路。爲南北要衝。同成鐵路。無論南向安邑。或西向永濟。無不應在。本縣設立大站。境內道路坦平。惟東南赴垣。曲則必經留莊隘。橫嶺各山道。嶺脊橫

亘。路頗崎嶇。

第一百五十五章 絳縣

絳縣治北緯三十五度二十九分。偏西四度五十五分。

位置 東面南面均界垣曲。西界聞喜。北界曲沃。東北界翼城。東西八十五里。南北七十里。面積五千五百五十方里。

沿革 周晉武公自曲沃徙此。漢絳縣。北魏置南絳縣及南絳郡。元明來隸絳州。今絳州改縣與本縣同。故別爲新絳。蓋故絳城在縣西二十里。漢周勃亦食邑於此。

山脈 絳山在西北二十里。上有三峯。下有沸泉。產鐵。冷峪口存雲嶺。太陰山皆在南。爲中條山脈。縣東二十里亦有太行山。亦峻拔。隔太行正脈。中有王屋霍岳不相接。水系 澮水在東北四十五里。由翼城入境。經大交北冊等村。復入翼城界。涑水源出。陳村峪東。出伏流地中。李柳莊村復出地面。經神仙莊南城村。西磨裏村。入聞喜界。沸泉出絳山。玉龍泉出賀水村。並資灌溉。

物產 動物有珍珠毛皮。織絨業亦多。柏木板每丈三元。大麻籽油太厚香味少。麥棉並盛。製造品有淨絨襖袴。皆有益衛生。魯家坪銅礦。西洋海硫銅礦。

實業 計地三萬二千一百三十頃已墾四千三百七十二頃森林六十一頃六十一畝。成渠十九。長四十四里。漑九千八百四十五畝。

人口 四萬五千四百六十三人。

教育 高等小學二校。國民學校則一百零八處。各村皆有專教女學者一處。男女合校者尙不甚發達。

城市 城周五里有奇。關東西南三門。街道帶寬廣。不甚繁華。城以土築。路亦以土鋪。或縣署。東有豐樂亭。即古凝翠亭。有華陽池。

鄉鎮 一百六十六村。總爲三十七村。槐泉村有晉獻公墓。下村有晉文公墓。磨裏村有晉靈公墓。積水鎮在縣西。大交鎮南堽鎮均在縣東北。均爲鄉民交易之所。大交鎮介乎滄水東。賀水之間。地方尤殷實。

交通 北由曲沃。蒙城。即通省城。大道西至聞喜。即通運城。大道南至垣曲。渡河南。接隴海鐵路觀音堂車站。爲今日土貨出口。外貨入口之道。又東北通翼城。凡翼城人與運城往來。必取道於此也。

第一百五十一章 稷山縣

稷山縣治。北緯三十五度三十七分。偏西五度二十八分。

位置 東界新絳。東南界聞喜。正南界夏縣。西南界萬泉。西界河津。北界鄉寧。東西五

十里。南北八十五里。面積四千二百五十方里。

沿革 后稷古治。有后稷廟。春秋晉景公治兵於稷。以畧狄土。爲高粱邑。漢爲聞喜地。

隋開皇初改高粱爲稷山。徙治汾水之北。爲今治。

山脈 稷山有稷陵。是爲稷峰。登梨。在縣南五十里。稷祠稷亭。爲先農教稼之地。東北

義和氏陵。爲授時鼻祖。義陵晚所。與與北境馬首。馬壁黃華。紫金文洞。連姑射南脈。

水系 汾水自新絳入境。經下王下費苑曲諸村。至南關廂。距城二里。又經南陽吳城。

李村薛村入河津界。長七十里。縣東北馬壁峪。澗縣北葫蘆泉。晉家澗。西北黃華峪。

均可引水成渠灌田。葫蘆泉則流入泮池。

物產 稷爲白穀之長。俗直名曰穀。水田間有稻。麥則秋種夏實。棉花棘角出產甚多。

鐵礦產。清水峪農家製造有棗酒柿酒。而甘酒包如琥珀味醇。樹桑條桑。均擬廣植。

實業 計地二萬二千九百五十頃。已耕七千零八十九頃餘。成渠一百五十八長二
百三十七里。溉三萬六千零四畝。農桑分局。止拓充試驗場。

人口 九萬七千三百三十九人。

教育 高等小學爲考院舊址。女學一校。女俗多務紡織養蠶。自營職業。國民學校一
百四十一處。東鄉太杜鎮。西北華峪鎮。西南翟店鎮。東南清河鎮。均擬升乙種農校。
城市 城本方廓而北方凸出。若凸字形。東西南皆一門。而東北西北各關一門。縣署
之東。高舉一塔。城北里許有高涼城。北魏析龍門置高涼縣。與東南高梁故城爲二
鄉鎮。一百九十村。編爲六十二村。稷王城在縣西三十里。故址尙存。廉城在東北十
里。廉顯戊地。有村。東南有練兵臺。清源城在縣西下迪村。晉蒐於清源。作五軍以禦
狄。李牧寨在東北廿里。李老莊有廟。玉璧城西魏王思政築。韋孝寬守之。升爲勳州。
交通 汾水孤舟爲入景之一。春秋時泛舟之役。自雍及絳。早已通航。北人亦有能使
船者。距省七百五十里。入省者循新絳。汾城。至襄陵。達臨汾。合於南北大路。距新絳
只五十里。往來尤多。西距河津龍門七十里。爲入陝要道。

第一百五十二章

河津縣

河津縣治北緯三十五度三十七分。偏西五度四十四分。

位置 東界稷山。南界萬泉。西南界榮河。北界鄉寧。西以黃河與陝西韓城縣分界。東

西四十里。南北七十里。面積三千七百五十方里。

沿革 商祖乙遷耿。周爲侯國。晉滅之。三家分晉。屬魏。爲皮氏邑。秦漢沿之。爲皮氏縣。

北魏改龍門縣。升郡。唐析萬春復省。宋改河津。元移今治。明清以來因之。

山脈 姑射山起汾城而止於此。黃頰山在縣東北。即文中子東臯子隱居。西有午芹

峯有瀑布。北有馬鞍雙峯。西磴石棧屬於龍門。今日禹門口山。梁山即呂梁在南。

水系 河汾之交。黃河自鄉寧西南流入。出龍門山。經神前蒼頭嶺里連伯等村。至張

家崖合汾水。西南入榮河縣界。縣境河長七十五里。汾水自稷山入境入河。凡五十

五里。遮馬峪水。瓜峪水。神峪水。泉源渠利。重於河汾。龍門山脈之羣流也。

物產 棉花最盛。絲繭品質細密。包穀一名禹穀。北山水綠枝染綠。黃綠枝染黃。南鄉

多釀柿酒。近水村落有竹園。黑磁琉璃瓦光可鑑。鐵器製鑄爲農業要品。運銷陝西。

實業 計地二萬零二百五十里。已墾四千五百六十頃有餘。成渠八長九十二里。溉三千五百九十畝。窯頭磚窯。所燒香獸。亦爲鄰縣所重。樊村鐵獅鐵鶴。鑄造尤精。人口 九萬三千一百七十一人。卜子夏司馬遷王通薛瑄後裔。均有奉祀生。

教育 子夏設教西河之處。祠墓在東辛封村。縣城高等小學二。南鄉毋莊上井各一。北鄉南午村一。近擬於縣東后土廟設中學。國民學校一百一十八所。

城市 舊城在縣東南。水圪兀移築於此。有東南西三門。明開東南門。日附陽修護。城隍。乾隆築城北三郎溝。鞍子嶺。隄防疏渠道。引北山暴漲水入汾。

鄉鎮 一百七十九村。編爲六十九村。冀亭如賓鄉有聚德田。至今夫婦相敬焉。太史鄉爲司馬遷故里。在西辛封。縣南通化鎮。爲文中子故里。東阜村王無功所居。縣東大黃村土窯。爲薛仁貴故居。毋莊爲私家維板毋昭裔故里。平原村有薛瑄墓。

交通 東北距省城八百六十里。縣城樊村均設郵局。東至新絳百里。又東即合於南。北大道。西北至禹門渡二十五里。爲入陝要津。辛封清澗兩村亦當孔道。東通稷山。南至榮河萬泉。行旅尙多。北赴鄉寧。梯子崖僅通小徑。馬家河坐船。可抵咸陽草灘。

第一百三十三章 霍縣

霍縣治北緯三十六度三十五分。偏西四度四十四分。

位置 東界安澤。南界趙城。西界汾西。北界靈石。東北界沁源。東西八十里。南北七十七里。面積六千一百六十里。

沿革 禹貢太岳。周霍國。後爲莒。春秋屬晉。戰國屬韓。後屬趙。秦屬河東郡。漢爲莒城。後漢改永安。隋改縣曰霍邑。置霍山郡。唐罷郡。金升霍州。明省縣。民國改州爲縣。

山脈 霍岳山脈主峯所在。分懸泉龍虎諸峯。石鼻峪在其中。西有金鞍嶺。南有聖佛崖。北有鳳棲嶺。古蹟有陶唐谷。鑿鈴原。山脈分支已詳前章。

水系 汾水山靈入境。經十字村至縣。西門外又經南門外。小水頭村。辛置鎮。經汾西入趙城界。蘆水出霍山石鼻谷。合古魚池。章邱。經城南入汾。轟轟澗出汾西。經城西南入汾。白龍泉一名銀澗。自縣東北會於汾。陶唐谷。玉泉。羅頭泉。皆發於霍。會於汾。物產 赤峪村產粗磁原料。楊家莊有白礬原料。可資改良。煤礦極多。煤油礦已發現。未開。紅土出半升米坡底。銀礦有三種。曾經化驗。陳列展覽。省立有山蠶試驗場。

實業 計地三萬三千二百六十四頃。已耕二千九百八十三頃餘。森林八十頃三十畝。成渠九十六。長七百五十七里。溉二萬二千四百二十八畝。

人口 五萬七千一百六十五人。近日魯直農民移殖者多。

教育 高等小學二校。乙種農業一。女子國民一。近設師範講習所。畜業傳習所各一。國民學校一百二十所。

城市 城周九里。有四門。東望霍山。西臨汾水。北瞻韓嶺。南帶莖水。亦形勝之地。街道未修。市面儉樸。中有大鼓樓。燦然可觀。有農商會。蠶桑局。平民工廠。

鄉鎮 二百四十七村。編爲五十村。然小村實有三百五十四。分爲四鄉。南有辛置鎮。北有師莊鎮。雖無大商業。而南北行旅。或投宿寄食焉。東有楊莊鎮。亦有警察數人。盤查奸宄。農家出售者。則麥。靛。油爲大宗。

交通 當南北孔道。革命之役。民軍在此扼守。衆寡不敵。退守河東。現軍事上有電話局之設。民事上亦有電報郵政之便。比昔日已稱利便。然山嶺險阻。跋涉多艱。他日同蒲鐵路告成。則距四百六十里。半日可達。而設立大站也。

第一百五十四章 汾西縣

汾西縣治北總三十六度三十八分偏西四度五十八分。

位置 東界霍縣東南界趙城南界蒲縣西北界隰縣東北界靈石東西八十五里南
北一百二十里面積一萬零五百三十方里。

沿革 唐虞夏甸服周厲王流莚即此春秋屬晉戰國初屬魏後屬趙秦河東郡地漢
莚縣後漢改永安後魏置汾西郡隋改爲縣唐移治厚義村宋歸舊治。

山脈 姑射山脈與臨汾相連在縣西六十里支脈有茅山破當山斗山聖水山皆松
柏蒼翠東南之商山正北之石佛崖並峻。

水系 汾河由霍縣辛置鎮流入經三教小河干河師家莊等村入趙城長十五里圍
柏澗在縣南十五里大雨時與干河小河並資灌溉號猛水渠小澗澗蟲澗前後
加樓河前後伏珠河關至遠河澆地溝泉箴籬澗溝泉亦爲灌溉之用。

物產 姑射山蕨三雲榛子寺頭松子頭花胡桃水潤柿子神符煤鐵並皆豐富染色
之大小靛紅花槐花黃木赤木土粉五色土擬創化學顏料改良硫磺煤礦並富。

實業 計地五萬六千八百六十一頃。耕種一千五百七十二頃餘。森林十頃而已。成渠二十六。長一百一十七里。灌溉七千三百九十畝。

人口 四萬二千八百二十七人。

教育 縣立高等小學二處。女學二處。國民學校由二十一處增至三十二處。昔甚滯塞。今稍有進步。

城市 城四刀影有四門。縣署居中。東南有鳳泊池。昔科舉時躍龍騰蛟雲梯折桂諸坊已廢圯。西北有巖樓寺。建於元。東北有興原寺。建於金。東門至署前較整齊。

鄉鎮 四百五十村。編爲五十二村市鎮。荒涼曰勃香鎮。曰鳳頭鎮。曰水潤鎮。斷瓦頽垣。民氣未復。貼金鋪。僧念鋪。衛家灘鋪。陶柏鋪。水潤鋪。迴城鋪。三雲鋪。連村鋪。地當大路。居民稍多。近日南鄉干河鎮。北鄉對竹鎮。東鄉南關鎮。與西鄉勃香鎮。漸繁盛。交通 東北距省四百五十里。自縣東北行四十里。上莊村。至靈石界。又五十里。至靈石縣治。即與大路相通。西南至蒲縣一百三十里。西北至隰縣二百二十里。東南至

趙城九十五里。

第一百五十五章 靈石縣

靈石縣治。北緯三十六度五十三分。編西四度四十三分。

位置 東界沁源。南界霍縣。西界隰縣。北界介休。西北界孝義。東西二百六十里。南北一百一十里。面積一萬九千九百五十方里。

沿革 漢介休。隋開汾水得瑞石。有文曰大道永吉。因置靈石縣。割介休西南地益之。初屬霍山郡。唐屬汾州。元明屬霍州。縣名相沾至今。

山脈 霍山主脈在縣南。大幹直趨韓侯嶺。正當要道。又有韓信墓。是以爲省南天塹。翠峯山點綴其間。東南石膏山。可資利用。東接綿。上有鐵索嶺。白雲洞。晉鋼鑪。盈室。水系 汾水自介休南流。入境經冷泉鎮。兩渡鎮。小水鎮。至縣城北。環繞西拆。抵翠峯下。又經南關鎮。河東。河西。夏門鎮。至王村。入霍縣境。南北長百餘里。會景家溝。小水河。郭家溝。仁義河。渚水。又有縣北冷泉。視汾河盈涸爲消長焉。

物產 白酒爲出品大宗。農產大小麥。足供釀造。米豆亦足食。牧畜家多羊。皮羊毛礦產多煤及石膏。已開煤廠大者五處。養雞廠二處。雞蛋輸出。織布廠四處。出品亦細。

實業 計地十萬七千七百三十頃。已墾二千二百六十頃餘。森林五十四頃。成渠六十三。長一百八十八里。濼二萬一千八百五十五畝。

人口 八萬二千四百三十九人。

教育 高等小學五。國民四十五。女學八。師範講習一。商業二。鄉校則以雙池鎮爲最。靜昇村次之。

城市 面積四万里分南街北街東街西街。居民一千三百餘戶。商家百餘所。城中里自城一區。東作南。西成北。易環其四面。爲市鎮。以三六九爲期。

鄉鎮 五百零二村。編爲四十八村。東有靜昇鎮及小水尹方靜介。後東曲四里。南有仁義鎮及中高桃鈕道美關廟前。東曲五里。西有雙池鎮及文殊街北。張志雙。白金舍。西里北。冷泉西。渡索洲等鎮。及有冷泉曹村。後文學四里。中有水頭鎮。

交通 北至省城三百六十里。汾水中。盡石磯。故不通運道。陸路爲南北之通衢。商賈往來。絡繹不絕。舊有瑞石驛已廢。縣南四十里。舊有仁義驛。中經竹竿高壁。當山各舖。其南有大會舖。城北舊有河洲索洲曹村冷泉四舖。以達介休義棠。仍爲要道。

第一百五十六章 趙城縣

趙城縣治。北緯三十六度二十三分。偏西四度四十六分。

位置 東界安澤。南界洪洞。西界蒲縣。北界霍縣。西北界汾西。東西一百二十里。南北五十里。面積四千八百方里。

沿革 西穆王封造父地。春秋趙簡子居之。隋始自霍邑析置趙城。唐徙今治。宋省爲鎮。元豐間復爲縣。政和中以造父始基。升爲慶祚軍。金復爲趙城縣。後因之。

山脈 霍山在東北。有柏萬株。休糧山。觀墮。峯爲山中佳勝。秦土坡。青條谷。范霍峪。皆其支脈。若羅。明珠。婁山。出佛峽。則汾西姑射之脈也。女媧陵在侯村。有陵戶。

水系 汾水自霍縣入境。經北石明。南石明。李村。崔家莊。安定村。石子村。入洪洞縣。長三十五里。霍水出霍山。霍泉湧地。成潭。西南逕趙城之南。入汾。北大澗。北小澗。南大澗。南小澗。皆出自霍。入於汾。打鼓泉。則由霍山巔奔流而下焉。

物產 農產有水稻。棉花爲衣食大宗。其次大小麥亦盛。女媧廟古柏一百八株。當爲漢唐之物。中鎮廟古松枝皆東向。槐子可作染料。大紅花可染紅。礦產白礬不多。

實業 計地二萬五千九百二十頃。已墾三千三百二十六頃餘。成渠二十三。長二日。

二十一里。溉八萬九千八百八十五畝。

人口 八萬八千九百八十八人。

教育 高等小學三。國民學校自餘半。每村必有一處。第二高等小學在侯村。第三在馬牧村。又有公立崇正高等小學校。

城市 城市作長方形。南北較長。西臨汾水。有四門。東南隅居民較繁盛。商鞏隔日一集。每單日上市。北門逢一。南門逢七。完壁巷路北。逢三路。南逢五。南關外逢九。

緝鎮 一百九十七村。編爲六十九村。東南有道角鎮。距城四十里。居民五六百家。明姜鎮距二十里。亦五六百家。石子鎮在城西南十五里。臨汾水。多石子。下流石子少。居民千餘家。北門外五里窰子鎮。居民六七百家。旅舍甚多。農家紡織尤勤。

交通 夏日汾水可行舟。停船碼頭在城西北。名曰後樓。陸路爲南北要衝。城北五里。

舊有窰子鎮驛。縣前舖亦在北門外。北十里衛店舖。二十里益昌舖。與霍縣辛置相。接縣南十里王開舖。二十里屈項舖。接洪洞買舖。

第一百五十七章 隰縣

隰縣治。北緯三十六度三十九分。偏西九度三十一分。

位置 東界汾西。東南界蒲縣。南界吉縣。西南界大寧。西界永和。西北界石樓。北界中陽。東北界靈石。東西一百四十里。南北二百五十三里。面積二萬零八百里。

沿革 漢河東郡蒲子縣地。晉劉淵置大昌郡。後魏爲長壽縣。仵城郡。後周置龍泉郡。

隋置西汾州。改隰州。縣曰隰川。元省。明亦併縣入州。清沿之。民國改州爲縣。

山脈 蒲子山在東北。堯師蒲衣子居之。晉重耳居蒲。今蒲子村。康城東北有中華山。北聯石壑。南接龍尾山大樹嶺。西有慈閣山。神峪山。東有姑射山。連於汾西。

水系 紫川發源均莊爲本縣主要河流。義泉水發源路家溝。至仵城鎮合古城河二

水同至北門外。入紫川河。蓬門河發源石樓入境五十里。入紫川爲兩大支。衛家峪河爲入紫川之細流。下達大寧。迴龍河在東北。由靈石入汾。平時易涸。

物產 蠶布生絹粗磁器。及農用厨用鐵器。皆不待外求。亦不思改良。運銷於遠方。若庶靈堰鉛礦。興范里煤礦。均經探採。稔子榨稔油。麻子榨麻油。亦足供用。陶土最細。

實業 計地十六萬六千三百二十頃。已耕二千四百六十頃。森林四十一頃而已。成渠二十五長五十九里。灌溉四千三百二十畝。籌開二渠長十五里。灌一千三百畝。人口 四萬七千七百六十一人。

教育 縣立高寺小學二校。一在城內。一在大麥郊。國民學校一十六所。勸學所尙盡心力輔導也。

城市 在城南北街。逢二七五十日集。北門外正月十日會。西門外三義廟五月十二日會。東嶽廟三月二十八日會。城有四門。城中大觀樓最高。

鄉鎮 六百四十五村。編爲四十五村。市鎮十三。縣南之件城有東川河。縣東有義泉鎮。東北有辛莊。繞回龍鎮。西曲鎮。康城鎮。大麥郊鎮。縣北有均莊鎮。石日子鎮。縣有羊頭鎮。或數日一集。或數月而會。

交通 東北至省城五百五十里。東南距臨汾二百七十里。蓋舊日府區爲今日中學區域。力不能來省者。猶視臨汾爲交通之要樞。晉省陸行二百七十里。至孝義。山路甚苦。近省較平易。

第一百五十八章 大寧縣

大寧縣治北緯三十六度二十九分。偏西五度四十三分。

位置 東北界隰縣。東南界蒲縣。南界吉縣。北界永和。西界陝西宜川。延長。東西一百

里。南北七十五里。面積七千五百里。

沿革 春秋晉屈邑。漢北屈縣。北魏作城。後周更置大寧。隋省入作城。唐復設。至今

沿之。皆名大寧。清諱寧作寧。今俗人猶有沿用大寧者。

山脈 孔山在西北四十里。界連永和。中峯巨巖。通建孔。學。廟。東岸有聖水泉。又有

捕狐山。皆狐岐支脈。南有屈山。翠微山。則南接壺口支脈也。

水系 黃河自永和南流入境。經馬鬪關。納斷河。南達孟門壺口。接吉縣界。河東泉北

自隰縣來者。曰紫川。一東自蒲縣來者。曰蒲川。會於隰縣。作城入境。曰斷川。經羅曲。

舖合麻東溝。至縣治東。經城南。合義亭川。經縣西。阜城爲梵王掃叉。下白馬掃入河。

物產 芝麻皮殼太厚。油分稀少。仿種棉花。止在近行。山中。右野豬豺狼。兔。冬。日。可。獵。

礪質。有石油。與陝西。延長。無異。白峪石。可製硯。

實業 計地四萬零五百頃。已墾七百二十六頃餘。森林只一頃。成渠七長三十一里。溉七百六十畝。女子紡織。可衣被西北蒙古。

人口 一萬六千五百零七人。

教育 高等小學乙種實業各一。均由田賦附加學款。田賦既少。學款尤微。惟有學款。生息補助。斗捐亦附加學款。國民學校僅成二十處。

城市 城周三里。以磚石築城。有三門。東曰迎春。南曰興讓。西曰興仁。市面有三里之長。然僻處山隅。街面亦不甚繁華。東門外有伏羲廟。城後北寨有浮圖塔。

鄉鎮 二百九十一村。編爲二十五村。東有羅曲鎮。當所川之西岸。南有敦落村。當蒲河之支流。西有黑城鎮。當所川之下游。皆交易重地。其他房村。割口。割麥。曲義。亦有交易。民風樸素。洋貨極少。

交通 東由蒲縣通臨汾。爲南北大路中之支路。南由吉縣鄉寧河津萬泉。爲通河東運之便道。西倚馬門關。爲西赴陝西之要津。黃河水運。近通磧口。遠達綏遠包頭鎮。

甘肅寧夏。

第一百五十九章 蒲縣

蒲縣治。北緯三十六度一十六分。偏西五度二十九分。

位置 東界洪洞。南界鄉寧。西南界吉縣。西北界大寧。北界隰縣。東北界汾西。東西一百五十里。南北一百四十里。面積一萬六千一百方里。

沿革 春秋重耳居蒲。漢蒲子縣地。後魏分定陽。改石城。後周仍置蒲子縣。唐置昌州。金升蒲州。元仍爲蒲縣。

山脈 蒲峪東接姑射山脈之分水嶺。北有石門山。縣東龍頭嶺。東神山。皆其支脈。東南之荆坡南與姑射山脈。黑龍關相連。柏谷爲重耳出亡之路。

水系 蒲峪川發源東山。流廿里。至夾村而伏。至洛陽村再見。是爲東大河。又名第一河。南川發源於鄉寧牛王廟。入境至縣南會東大河。北小河發源滴水潭。亦會於縣城東門外合爲一流。西入隰縣界。由大寧入黃河。猴兒嶺泉水亦可灌溉。

物產 苦蕎麥。春社前後種。苗似蕎麥。而莖青花白。實似蕎麥。而角不峻。味雖苦。淘去苦汁以食。捻子可榨油。味惡不堪食。隰蒲之民道疾苦。必曰苦蕎麥。臭捻油。

實業 計地八萬六千九百四十頃。已墾四百六十二頃餘。森林二十一頃九十畝。成渠十二。長十三里。溉一千四百八十五畝。

人口 二萬六千六百二十七人。

教育 高等小學一。國民學校六。通共七校。第一次教育統計圖表。學事比較列爲各縣之最少。校數既少。人數經費資產亦少。今增設講演所。實行勸導。

城市 城周一里。只東西二門。市面亦有估衣銀樓酒行。各項雜捐斗用畜用鐵捐油捐。收數甚微。每年尙演戲一次。卽在西門外晉文公廟。

鄉鎮 七百零四村。編爲一十五村。蒲縣故城在縣西南二里。今名無意村。講道臺在蒲峪山。世傳蒲衣子與帝堯講道處。在縣北五十里。東北鄉克城鎮。東南鄉化樂鎮。西北鄉薛關鎮。均爲村民交易之所。

交通 黑龍關在縣東南六十里。爲縣城赴臨汾要道。依山通徑。舊建土城。距臨汾亦只六十里。卽與南北大道相通。一關之隔。貧富肥瘠。迥然不同。而風氣亦因地方之豐嗇而異焉。

第一百六十章 永和縣

永和縣治。北緯三十六度四十七分。偏西五度四十九分。

位置 東界隰縣。南界大寧。北界石樓。西界陝西延川。東西一百二十里。南北一百二十五里。面積一萬三千八百里。

沿革 漢河東郡狐讎縣。魏置永和縣。晉仍爲狐讎。北齊永和鎮。後周臨河縣。隋後改永和。唐置東利州。後州廢。縣名相沿至今。

山脈 狐岐山脈。自石樓來。亘於北境。爲佔北山。趙家山。大寨山。屹爲河濱。永和關。鐵羅關。東北仙芝谷。迤乎東南之雙山。南樓山。北樓山。西南之烏龍山。

水系 黃河自石樓南流入境。經永和關南入大寧界。仙芝河源出仙芝谷。經東峪溝。曲流二十里。會城西五花泉。至西門西南流。會諸水爲千枝溝。入黃河。東北索陀川。西北榆林川。西南甘露河。皆會於仙芝河。

物產 永和酒。宋張能臣名酒記。號曰瓊漿。今有燒鍋酒。永和羊亦著名。今有牲畜捐。皮毛捐。永和舊爲仙芝谷芝草。今墾荒漸發達。豆麥日多。

實業 計地七萬四千五百二十頃。已耕八百七十五頃餘。森林一百一十頃三十六畝。可列上等成渠六長一十四里。溉二百八十五畝。

人口 一萬七千零零五人。

教育 高等小學一。國民學校八。已專設女學。偏陋經費困難。已覺成立不易。田賦附加。學款生息。尚不足用。正在添籌。

城市 城跨山。關四門。周三里。芝水環繞。西南北三面。舊日書院號曰樓山。城北二里。危峯突兀。號曰泰山頂。西郊有華池廟。

鄉鎮 三百四十一村。編爲二十七村。石羊城在縣西南五十里。後魏石羊軍舊治。樓山故縣在縣南十五里。後周置歸化縣。隋改樓山。唐并入永和。遼世瑤在縣南七十里。爲宋太祖潛居之地。

交通 黃河津渡。永和關路通陝西延川。興德關路通陝西延長。鐵羅關路通陝西宜川。皆石油豐富之地。山西同成幹路成。則自霍縣。汾西。隰縣。永和。建鐵橋於佛灘渡上。直達延長油礦。他日陝西煤油。與山西煤鐵。並驅新世界。洵黃河流域鉅利也。

山西三道百五縣歌

冀寧首道陽曲縣。太原晉祠水利便。榆次并刀哀家梨。太谷白銅煙袋提。祁縣昭餘澤。涸久交城巧製坡。璃手文水葡萄子。夏山嵐城嵐縣木盤圓。興縣水磨用水力。徐溝平地宜耕植。清源大路有堯城。崑嵐雪峯暑日明。汾陽汾酒無汾水。孝義雙源里仁美。平遙票號改銀行。介休祠在綿山旁。石樓屈產有良馬。臨縣新圖方志雅。中陽近代號寧鄉。離石永寧鎮呂梁。方山分治森林盛。長治帽纒穀草硬。長子丹朱嶺上頭。屯留高麗水長流。襄垣築自趙襄子。潞城微子城如市。平順青羊十八盤。壺關上堯紫團團。黎城西伯攜黎去。晉城孔子迴車處。高平造紙製長平。陽城磁器釉料精。陵川平田多松柏。沁水絲綿兼織帛。遼縣冶鐵鑄犁鏵。和順黃榆嶺上花。榆社木爲箕子地。沁縣銅鞮名實異。沁源四水地宜麻。武鄉梟狼古道斜。平定陽泉通鐵路。昔陽樂平實業裕。孟縣溫泉峽口長。壽陽馬首白糖香。

雁門道治大同縣。代縣雄關句注見。懷仁南埠稻田寬。山陰水利用桑乾。陽高控制白登北。天鎮帷臺安樂國。廣靈直谷孔嶺關。靈邱溫泉滹水灣。渾源北嶽恆山大。應縣渾

河榮如帶。右玉北通殺虎關。左雲東擁馬頭山。平魯滄頭河水順。朔縣馬邑桑乾潤。寧武關雄士氣強。偏關古砦控河隍。神池一水終無竭。五寨三峯常積雪。忻縣雲中牧馬河。定襄水利賴滹沱。靜樂汾河源自遠。五臺政教維根本。崞縣崞山非昔時。繁峙活牛冀最奇。保德舊號林濤寨。河曲賣布蒙民愛。

河東運城安邑縣。臨汾平陽堯舜禪。洪洞伏羲畫卦臺。浮山銀洞有風來。鄉寧鄂水鄂山洞。安澤岳陽思禹貢。曲沃五侯三伯都。翼城本淵話唐虞。汾城太平名已改。襄陵襄子墓猶在。吉縣庖山祖乙宮。永濟蒲坂鐵牛雄。臨晉三遷思亞聖。虞鄉虞幕虞梨盛。榮河陵廟祀成湯。萬泉枯澗雙泉涼。猗氏豪商猗頓重。解縣鹽池資利用。夏縣巫咸商相坊。平陸三門古太陽。潁城講學西河早。新絳何如故絳老。垣曲中條王屋閒。漢家聞喜富銅山。絳縣人經甲子多。稷山后稷植嘉禾。河津疏鑿龍門裂。霍縣遙瞻霍岳雪。汾西流澁太荒涼。靈石能知大道昌。趙城造父開炎宋。隰縣蒲衣師道重。大寧孔山聖水泉。蒲縣曾爲重耳田。永和名酒仙芝谷。山西列縣增民福。

此歌宜於國民學校。人人誦之。縣名大事均可記憶。否則強記者未易記也。著者識

大中華山西省地理志後序

至聖二千七百年八月。林子奎騰來晉。纂大中華山西省地理志。余始與訂交。其志同合也。甫一月而成編。因請分任校勘之事。林子并囑余紀實於後。夫山西圖書館成於國慶前一日。越三日而林子來。每日必取五縣之志讀之。縣志所無。而後稽之府志。府志所無。而後稽之通志。并勞徵鹽法。河渠。農桑。教育。金石。古今各專家之書。博觀而約之。物產多據各縣各校送到標本。兼徵各校教育學生所述鄉土志游記。咸采其精要。萃爲一編。林子初來。兼座及軍政各長官。省議會。教育會。農會。商會。大學中學同人。連日歡迎。每日必將訪問者。筆之於書。及寢饋於圖書。竟十數日不出門。日必成八九章。自昕至夕。運筆如風。文不加點。何其敏也。林子每來復日必講經訓一篇。所講題如山西上古之聖蹟。及孔子在山西之聖蹟。皆刊在來復報。大成節講經。吾晉聽講者萬餘人焉。林子志聖賢之志。言必稱堯舜。歷纂江浙皖贛鄂六省志。及京師京兆二志。山西志成。其第九編。各省區盼林子久矣。行萬里路。讀萬卷書。交天下士。成一家言。則林子有采於赤幟篇者。赤幟愧無補。願自勉者共勉焉。張赤幟謹序。

閩侯林奎騰未出版各書

代數難題補解 湖南衡州時務學堂傳鈔本

辰州輿地舉例 湖南辰州中學堂筆記本

遼金元三史蒙拾 紹興俞氏藏本

滿蒙同藏地名譯義 邵陽旅次佚失

中國地理講義 大學豫科油印。順天中學複印。

商業歷史 新華商業專門學校油印。

易水文集 易縣中學油印本。經梁節菴林琴南兩先生校閱。

塞北詩集 易水詩集 山東詩集 均散見京師國是報。

福海歸程記 壬寅回閩雜記。

湖南驛程記 襄校湖南學慕所記。

應山小識 兒時雜記應山受母教師訓事

民德篇 散見京師民德報

